

886

204

2-97

1000

Письмо
к адмиралу
1973-02-4

ԱՆԱՊԱՏԱԿԱՆՆԵՐ

Ե Ի

ՎԱՆԱԿԱՆՈՒԹԻՒՆ

(Սրտապաժ Արարատ ամազրից)

Միսրան Ս. Էջմիածնի

ՅՈՒՍԻԿ ԵՊԻՍԿՈՊՈՍ



ՏՊԱՐԱՆ ՄԱՅՐԱՔՈՒՈՅ ԱՐԷՈՅ ԷՋՄԻԱԾՆԻ

1906

Дозволено Цензурою 16 Мая 1905 г. г. Тифлисъ.

38. 1190

91188-60

1898

ԱՆՆԱԳՐԱԿԱՆՆԵՐ

Բ Ա Պ Կ Գ Բ

Է

Պրոֆ.

Պրոֆ.

Պրոֆ. Գրիգոր Գրիգորյան	Պրոֆ. Գրիգոր Գրիգորյան	20	Պրոֆ. Գրիգոր Գրիգորյան	20
Պրոֆ. Գրիգոր Գրիգորյան	Պրոֆ. Գրիգոր Գրիգորյան	20	Պրոֆ. Գրիգոր Գրիգորյան	20
Պրոֆ. Գրիգոր Գրիգորյան	Պրոֆ. Գրիգոր Գրիգորյան	20	Պրոֆ. Գրիգոր Գրիգորյան	20
Պրոֆ. Գրիգոր Գրիգորյան	Պրոֆ. Գրիգոր Գրիգորյան	20	Պրոֆ. Գրիգոր Գրիգորյան	20

Ա Ն Ա Պ Ա Տ Ա Կ Ա Ն Ն Ե Ր

Է

Վ Ա Ն Ա Կ Ա Ն Ո Ի Թ Ի Ի Ն

ՀԱՅԿԱՆ ԵՐԱՐԱՆ



ՀԱՅԿԱՆ ԵՐԱՐԱՆ

ՀԱՅԿԱՆ ԵՐԱՐԱՆ

1900

Վ Ր Ի Պ Ա Կ

			Սխալ	Ուղիղ
Եր. 33.	տող վերևից	20.	տեսել	տեսնել
» 50.	» »	20.	կարօտ ենք	կարօտենք
» 72.	» »	8.	բո	որ
» 108.	» »	16.	սրբոյն	սիրոյն

ԱՆԱՊԱՏԱԿԱՆՆԵՐ


Ե Ի

ՎԱՆԱԿԱՆՈՒԹԻՒՆ

(Արտասպաժ Արարատ ամսագրից)

Միարան Ս. Էջմիածնի

ՅՈՒՍԻԿ ԵՊԻՍԿՈՊՈՍ



ՎԱՂԱՐՇԱՊԱՏ

ՏՊԱՐԱՆ ՄԱՅՐ ԱԹՈՌՈՅ ՍՐԲՈՅ ԷՋՄԻՍ.ԾՆԻ

1906

საქართველოს მთავრობის


დ. რ.

საქართველოს მთავრობის

(საქართველოს მთავრობის)

Дозволено Цензурою 16 Мая 1905 г. г. Тифлисъ.

საქართველოს მთავრობის



საქართველოს მთავრობის

საქართველოს მთავრობის

1808

Ք Ր Ր Կ Ի Ր

Գրք

Գրք

Ա Ն Ա Պ Ա Տ Ա Կ Ա Ն Ն Ե Ր

Ե Ի

Վ Ա Ն Ա Կ Ա Ն Ո Ի Թ Ի Ի Ն

Վ Ր Ի Պ Ա Կ

			Սխալ	Ուղիղ
Եր. 33.	տող վերևից	20.	տեսել	տեսնել
» 50.	» »	20.	կարօտ ենք	կարօտենք
» 72.	» »	8.	բո	որ
» 108.	» »	16.	սրբոյն	սիրոյն

ԱՆԱՊԱՏԱԿԱՆՆԵՐ ԵՒ ՎԱՆԱԿԱՆՈՒԹԻՒՆ

«Այսօր ցօղով իմանալեալ յամալոյ Հոգւոյն զուարթացան բոյսք եկեղեցւոյ, պարարտացան դաշտք արդարութեամբ և գեղեցկացան անապատք մաքուր կուսութեամբ. փառս տացուք նմա սրբասաց ձայնիւ»: Շարկ. կանոն Պենտեկոսաէի. Ե. աւուր. Հ:

Ա.

Անապատական կեանքի սկզբնաւորութիւնը. Ռաքարիմեանք:—Եղիա մարգարէ: Յովհաննէս Մկրտիչ: Հետեանք:

Ճգնաւորական կամ անապատական կեանքի նախադառափարներն են Եղիա մարգարէն ու Յովհաննէս Մկրտիչը: Ջէմս Բօքերտսոնը ասում է¹⁾. «Միայնակեցութիւնը բացառապէս քրիստոնէական հաստատութիւն չէ: Միանձնութիւնը կամ անապատականութիւնը ընդհանրապէս յայտնի էր արևելեան կրօնների մէջ և օրինաւորապէս սրբազործուած էր Հին Կտակարանով, ուր երևան են դալիս այնպիսի անապատականներ՝ որպիսի են Եղիա մարգարէն, Ռաքարիմեանք, Յովհաննէս Մկրտիչը: Իսկապէս նոր Կտակարանում էլ կարելի է կրօնաւորութեան ապացոյցներ գտնել մի քանի առանձին հատուածներում»:

Պարզենք թէ ինչու՞մն էր կայանում Եղիայի, Ռաքարիմեանք, Յովհաննէս Մկրտչի և մեր կողմից աւելացնելով Հետեանների անապատական կամ միանձն ճգնաւոր լինելը:

1.) История Христианской церкви въ двухъ томахъ С. Петербургъ, 1890. томъ первый, стр. 313—314.

Եղիա մարգարէն ու Յովհաննէս Մկրտիչը իսկական անապատական էին և խստակրօն ճգնաւոր: Նրանք անապատ էին հեռացել ոչ միայն իրանց հոգու փրկութիւնը հոգալով, այլ անապատից իրանց ձայնը լսեցնում էին անվեհերութեամբ յանդիմանելով ու սարսեցնելով աշխարհի հղօրներին, երբ տեսնում էին նրանց անօրէնութիւնն ու անիրաւութիւնը: Ս. Գիրքը Յովհաննէս Մկրտչին, որով և Եղիային, բնորոշում է նրանց մասին գրելով. «Չայն բարբառոյ յանապատի, պատրաստ արարէք զճանապարհ Տեառն և ուղիղ արարէք զշաւիղս նորա (Եսայի մարգ. Խ. 3: Մատթ. աւետ. Գ. 3): — Նրանք, այսինքն Յովհաննէս Մկրտիչն ու Եղիան, Տիրոջ ճանապարհը պատրաստելու, ու նրա շաւիղները ուղղելու համար անապատում բարբառող ազգարար ձայնն էին:

Քրիստոնէական եկեղեցին միայն Եղիա մարգարէին ու Յովհաննէս Մկրտչին է ընդունում իսկական անապատականներ և սրանց հետևող՝ Եգիպտոսի անապատականներին, յատկապէս Անտոնին¹⁾: Ռաքարիմեաններին որքան և Չ. Բօքերտսօնը դնում է Հին Աւիտի միանձն անապատականների կարգում, սակայն նրանք այնպիսի աշխարհուրաց և խստակրօն միայնակեաց անապատականներ չէին, որպիսի էին Եղիան և Յովհաննէս Մկրտիչը՝ և եկեղեցին էլ նրանց չէ ընդունում. բայց որովհետև նրանք Հին Աւիտի անապատականների շարքում յիշուեցին, հարկ ենք համարում նախապէս մի քանի տեղեկութիւններ նրանց մասին տալ և ապա դառնալ իսկական անապատականներին:

Ռաքարիմեանների հիմնադիրն է Ռեքարի որդի Յովնադարը²⁾, Իսրայէլի Յէու թագաւորի օրով (883 — 855 թ. Ք. ա.): Ռաքարիմեանք իրանց համայնքի հիմնադրի պատուէրին համեմատ քաղաքներից և շէնքերից դուրս վրան-

1.) Շարական. կանոն Անտոնի անապատականի, ԺՆ. Կանոն ծննդեան Յովհաննու Մկրտչի. 2Գ:

2.) Երեմիա մարգ. գլ. ԼՆ, Գ. Թագ: Ժ. 15—23, Բառարան Ս. Գրոց. Կ. Պօլիս, Ա. Յակոբ Ռոյեաճեանի 1881 թ:

ների մէջ անապատներումն էին ապրում, տուն չէին շինում, երկրագործութեամբ ու այգեգործութեամբ չէին պարապում և գինի չէին խմում: Այս բանից առնելով Բօբերտսօնը կարծում է, թէ Ռաքարեմեանք Եղիայի և Յովհաննէս Մկրտչի պէս անապատական էին, բայց նրանք ընտանիք ունէին, և երեխ, խաշնարածութեամբ էին զբաղւում: Նրանց օրինապահութեան մի դէպք յայտնի է. ահա այդ դէպքը ¹⁾:

Ռաքարեմեան համայնքի սկզբնաւորութիւնից, մօտ 300 տարի յետոյ, Յուդայի Յովակիմ թագաւորի վերջին տարին, երբ Նաբուգոդոնոսորը յարձակուելով Պաղեստինի վերայ պաշարել էր Երուսաղէմը, Ռաքարեմեանք էլ պարտաւորուեցին քաղաքներում ապաստանարան որոնել: Երուսաղէմում դռնուած Ռաքարեմեաններին Երեմիա մարգարէն բերեց տաճար և նրանց գինի առաջարկեց. նրանք հրաժարուեցին ասելով, որ իրանց համայնքի հիմնադիր Ռեքեբի որդի Յովնադարը արգելել է այդ: Այս հանգամանքը յարմար առիթ համարելով Երեմիա մարգարէն յանդիմանեց իսրայէլացիներին, նկատելով, որ Ռաքարեմեանները իրանց համայնքի հիմնադրի պատուէրը սրբութեամբ պահում են, իսկ իսրայէլացիք Աստուծոյ օրէնքը չեն պահում:

Եղիա մարգարէն ²⁾ մաքառում էր Աքաաբ թագաւորի ու նրա Յեզարէլ կնոջ անօրէնութիւնների ու անիրաւութիւնների դէմ, ամենայն եռանդով և համարձակութեամբ կռւում էր իւր ազգի, հրէաների, մոլորութիւնների դէմ. աշխատում էր վերահաստատել ու դարացնել հաւատքն ու կրօնքը դէպի Աստուած, և պարտաճանաչութեան դիտակցութիւնը՝ դէպի իրանց ազգային ու կրօնական պարտաւորութիւնը: Եղիան հրէաների, որպէս ազգ, թուլանալն ու տկարանալը համարում էր հետեանք այն անտարբերութեան, որ ցոյց էին տալիս նրանք դէպի իրանց կրօնքն

1.) Երեմ. ԼԵ:

2.) Գ. թագաւ. ԺԷ.—ԺԹ: Գ. թագաւ. Ա. Բ:

ու աղգային սովորութիւնները: Իսկապէս այդ անտարբե-
րութեամբ քայքայուած էր նրանց աղգային միութիւնը,
վերացուած էր ոգևորութեան այն սրբազան կրակը, որով
աղգերն ու մարդիկ հրաշք են գործում իրանց ինքնուրոյ-
նութիւնն ու անկախութիւնը հերոսաբար պաշտպանելով:

Եղիայի հազուատի մասին դիտենք, որ նա մաշկեակ
էր կրում, և այդ մաշկեակը որպէս սրբազան աւանդ մնաց
նրա աշակերտ Եղիսէին: Եղիան առանձնացած էր Յորդա-
նանի հանդէպ Քոռաթի հեղեղատի անապատում, կե-
րակրւում էր մի ագռաւի առաւօտ երեկոյ բերած մի մի
կտոր հացով ու մսով և իւր ծարաւը յադեցնում էր հե-
ղեղատի ջրով:

Հրէից աւանդութեամբ Եղիան պէտք է յառաջընթաց
լինէր Մեսիայի դալստեանը¹⁾. բայց Եղիայի վերաբերու-
թեամբ մարգարէութիւնն ու աւանդութիւնը Յիսուսի խօս-
քին համեմատ²⁾ կատարուեց յանձին Յովհաննէս Մկրտչի:

Յովհաննէս Մկրտիչը³⁾ յղացաւ ու ծնուեց, որպէս
Նազովրեցի—Ուխտաւոր, հրեշտակի աւետիքով: Հրեշտակը
նրա յղացման աւետիսը նրա հօրը, Զաքարիային, տալիս
ասաց, որ նրա որդին «Տիրոջ առաջին մեծ կըլինի, գինի,
օղի պէտք է չըխմի. սուրբ Հոգւով կըլցուի իւր մօր որո-
վայնից սկսած: Իսրայէլի որդիներից շատերին կըդարձնի
դէպի իրանց Տէր Աստուածը, և ինքն նրա առաջից կըգայ
Եղիայի հօգևով ու զօրութեամբ, Տիրոջ համար պատրաս-
տելու ժողովուրդ»: Զաքարիան իւր զաւակի համար մար-
գարէաբար ասում է. «Եւ դու, մանուկ, Բարձրեալի մար-
գարէ կըկոչուես, որովհետեւ Տիրոջ առաջից պէտք է գնաս,
նրա ճանապարհը պատրաստելու: Մանուկը աճում էր,

1) «Եւ ահա ես առաքեմ առ ձեզ զԵղիա Քեզբացի, մինչև
եկեալ իցէ օր Տեառն մեծ և երևելի»: (Մաղաքիա մարգ. Գ. 5):

2) «Այլ ես ասեմ ձեզ, զի Եղիա եկեալ իսկ է... Յայնժամ ի միտ
առին աշակերտքն թէ վասն Յովհաննու Մկրտչի ասաց ցնոսա».
(Մատթ. Ժէ. 12—14):

3) Մատթ. Գ., Թ. 14., ԺԱ., ԺԴ. 3—13: Ղուկ. Ա, Ե. 33:

Հոգով զօրանում և անապատներումն էր, մինչև Իսրայէլին երևալու օրը» (Ղուկ. ա)։

Անապատում Յովհաննէսի հանդերձը ուղտի ստեղծ (բուրդ) էր, մէջքին՝ մաշկեղէն գօտի։ Նրա կերակուրը մարախ ու վայրենի մեղր էր։

Նա իւր մօտ եկողներին ու իրան հետևել ուզողներին մկրտում ու ապաշխարութիւն էր քարոզում։ Յովհաննէսը եկել էր Եղիայի հոգով ու զօրութեամբ և նրա պէս էլ աներկիւղ համարձակութեամբ յանդիմանում էր։ Աբրահամի որդի կոչումով պանծացող կեղծաւոր փարիսեցիներից ու սադուկեցիներից շատերին իւր քարոզութիւնը լսելու եկողների մէջ տեսնելով՝ ասաց նրանց. «Ի՞ժի ծնունդներ, ձեզ ո՞վ ցոյց տուեց գալիք բարկութիւնից փախչել. այսուհետև ապաշխարութեան արժանի պտուղ տուէք և մի մեծամտէք ձեր անձի մէջ՝ թէ Աբրահամի որդի էք. ասում եմ ձեզ, որ Աստուած կարող է այս քարերից Աբրահամի որդիք յարուցանել (Մատ. Գ.)»։ Յովհաննէս Մկրտիչը մաքառում էր Հերովդէսի ու նրա Հերովդիադա կնոջ անիրաւութիւնների ու անօրէնութիւնների դէմ. բանտարկուեց և բանտում էլ գլխատուեց։

Եղիայի և Յովհաննէս Մկրտչի պատմութիւնից տեսնում ենք, որ Ս. Գրքի անապատականների կեանքի էական պայմանն էր արհամարհել աշխարհն ու նրա վայելքները և կռուել մարդկանց մոլութիւնների դէմ՝ նրանց ուղղութեան ու արդարութեան ճանապարհը ցոյց տալով։ Նրանց հանդերձեղէնների մէջ մաշկեղէնը առաջին տեղն էր բռնում. ուտելիքի վերաբերութեամբ վերին աստիճանի սակաւապէտ էին, մարդկանց հետ յարաբերութեան մէջ անաչառ էին, աներկիւղ համարձակութեամբ նրանց երեսօմն էին տալիս նրանց պակասութիւններն ու ուղղութիւն քարոզում։

Յովհաննէս Մկրտչին անուանեցինք Նազովրեցի-Ուխտաւոր։ Հին Ուխտի մէջ նրանք, որոնց յղութիւնը հրեշտակի աւետիքով էր լինում, որոնք ի ծնէ կոչուած էին աստուածային նախախնամութեամբ մի արտակարգ դործ կատա-

րելու՝ Նազովրեցի կամ հայերէն թարգմանութեամբ՝ Ուխտաւոր, նուիրուած էին կոչուում: Նազովրեցու գլխին երկաթ պէտք է չըդիպչէր, այսինքն նրա մազերը չըպէտք է խուզուէին, օղի և դինի պէտք է չըխմէր ու անսուրբ բան չուտէր: Այսպիսի Ուխտաւոր կամ Նազովրեցի էր Հին Ուխտի Սամփսոնը, որ կոչուած էր հրէաներին ազատելու փղշտացիներէից¹⁾: Նման Ուխտաւոր և Նազովրեցի էր Յովհաննէս Մկրտիչը, որ մօր արգանդից կոչուած էր «պատարաստել Տեառն ժողովուրդ կազմեալ»: Տիրոջ առաջին մեծ պէտք է լինէր, գինի և օղի պէտք է չըխմէր²⁾: Ամենամեծ Նազովրեցի կամ Ուխտաւոր Յիսուս Քրիստոսն էր, որի կոչումն էր փրկել ամբողջ մարդկային ազգը: Յիսուս Եգիպտոսից վերադառնալիս բնակուեց Գալիլեայի Նազարէթ քաղաքում, որ Նազովրեցի կոչուի³⁾: Յիսուսի Նազովրեցի լինելու նկարագիրը տալիս են Եսայի մարգարէն (գլ. ԺԱ.) և միւս մարգարէները: Նազովրեցի բառի տակ ի նկատ են առնուում այն բոլոր անարգանքները, որ Փրկիչը յանձն առաւ իւր մեծ գործը կատարելու ժամանակ (Եսայի ՄԳ.): Յիսուսին հետևողները, որ համարեա աշխարհատեաց անապատականներ էին, հրէաներից անարգաբար Նազովրեցոց հերձուած էին կոչուում⁴⁾:

Անապատականների նման մի ուխտ կարելի է համարել Հեսեաններին: Յովսէպոս ասում է⁵⁾, որ Օգոստոսի ժամանակ Հրէաստանում երեք աղանդներ կային — Փարիսեցիք, Սադուկեցիք և Հեսեանք, և վերջիններիս հաւատաւորն անուանելով՝ երկարօրէն նկարագրում է նրանց ինչութիւնը: Ըստ Յովսէպոսի Հեսեանք եբրայեցի էին, իրար հետ սիրոյ անխղելի շողկապով կապուած, խորշում էին կենցաղական հեշտութիւններից՝ որպէս վատթարու-

1) Գատաւորք ԺԳ:

2) Ղուկաս աւետ. Ա.

3) Մատթ. Բ. 23:

4) Գործք առաք. ԻԴ. 5:

5) Յովսէպոս ասում է Ս. Էջմիածնում 1787 թուին էր. 140.

Բ. դպրութիւն գլ. Թ:

Թիւններից, պարկեշտութիւնն ու ցանկութեան չըհնազանդելը մեծ առաքինութիւն էին համարում: Իրանց ուխտի մէջ աւելի մանուկներին էին ընդունում, որպէս ճկուն բնաւորութիւն՝ իրանց կանոններով հեշտութեամբ կրթելու: Որդեծնութեան համար ամուսնութիւնը խոտելի չէր, բայց ժուժկալութեան համար կանանցից խորշում էին: Արհամարհում էին ստացուածքը, ամեն ինչ հասարակաց էր, որ ոչ աղքատութիւնը արհամարհուի, ոչ էլ հարստութիւնը մեծայարգ երևայ: Իստապարտում էին փափկակեցութիւնը, յատուկ բնակութեան տեղ չունէին, այլ ամեն տեղ ցրուած էին ապրում, ամեն տեղ էլ մի մի հողաբարձու էր կարգուած, որը նրանց հագուստն ու պէտքերը հոգում էր: Սպիտակ հագուստ էին հագնում. կոշիկ ու հանգերձ ամենևին չէին փոխում, մինչև որ հնանալով մաշւում պատառ պատառ էին լինում: Ում ինչ հարկաւոր էր, առանց փոխարինութեան կարող էր ընկերից առնել: Աստուածպաշտութեան մեծ փոյթ ունէին: Ընդհանրապէս լռակեաց էին:

Արևը ծագելուն պէս ամեն ոք, գործակալների կարգադրութեամբ իւր գործին էր դնում: 5 ժամին (ժամերը հաշւում էին արևածագից) խմբւում էին միասին, ղենջակով սփածուած՝ պաղ ջրով լուացւում էին, ժողովւում էին խորհրդարանը, ուր ուխտին չըպատկանողը իրաւունք չունէր մտնել, լռութեամբ բազմում էին, հացարարը ամեն մէկին հաց էր տալիս և խոհարարն էլ մի աման մի տեսակ կերակուր էր դնում նրանց առաջ: Քահանան սեղանը օրհնում էր, և ապա սկսւում էր ճաշկերոյթը: Ճաշից յետոյ գոհութեան մաղթանք էր կատարւում: Ճաշից առաջ ու յետոյ Աստուծուն, իբրև կերակրողի, փառաբանում էին: Ճաշից յետոյ սփածանելին իբրև սրբազան զգեստ հանում էին ու դնում իրանց գործին մինչև երեկոյ: Երեկոյեանը դարձեալ նոյն կարգով ընթրիքի էին բազմում: Սեղանի վերայ խորհրդական լռութիւն էր թագաւորում, և մէկը խօսելիս՝ միւսները լռում էին, նոյն կարգը պահւում էր փոքրիկ համախմբումների ժամանակ ևս: Միայն օգնու-

Թիւն անելիս և ողորմութիւն տալիս էին անձնիշխան,
կեանքի միւս բոլոր դէպքերում հսկողութեան տակ էին:
Առանց դործակալների հրամանի իրաւունք չունէին իրանց
ազգականներին բան տալ: Բարկութիւնը արգելուած էր.
խաղաղութեան պէտք է հնազանդէին. այո՛ւն՝ այո էր և ոչ՛ն
ոչ: Երգումն երգմնազանցութեան չափ դատապարտում
էր: Գրասէր էին:

Աշակերտ խկոյն չէին ընդունում. աշակերտել կամ
ուխտի անդամ լինել ուղղին՝ մի տարի փորձում և ապա
տալիս էին ուրաք, ներքին ծածկոյթ և սպիտակ հան-
դերձ: Ուխտի մէջ ընդունելու համար երկու և աւելի
տարի փորձում էին, և ապա համաբնակութեան ընդու-
նում: Նախ քան ուխտի անդամ լինելով սեղանակից լինելը՝
ընծայեալը խիստ երգումն էր տալիս՝ և երգման պայ-
մաններն էին նախ՝ Աստուծուն պաշտել և ապա մարդկանց
հետ արդարութիւն պահել, իշխաններին պատուել, որով-
հետև առանց Աստուծոյ կամքի ոչ ոք կարող էր իշխանու-
թեան հասնել: Իշխանութեան հասնելիս, իշխանութիւնը
ի չարն չըդործադրել ի փառս իւր և ի նախատինս հնա-
զանդեալների, և հանդերձով կամ այլ զարդերով չըձգտել
մեծ երևալ: Համախոհներից թաքուն բան չունենալ, և
իւրայիններից օտարներին բան չասել, թէև մահ էլ սպառ-
նային իրան: Այսպիսի երգումից յետոյ նորընծան արդէն
ընդունւում էր ուխտի մէջ:

Յանցաւորներին ուխտից դուրս էին անում. կատա-
րեալ զղջումից յետոյ միայն, և այն ևս մեծ դժուարու-
թեամբ, յետ էին ընդունում. անզեղջ և աններելի յան-
ցաւորներին շատ անգամ սպանում էին: Իատաստան
անելիս՝ շատ արթուն էին, և չէին դատապարտում մէկին՝
մինչև հարիւր հոգի միասին ժողովուած չըլինէին և այդ-
պիսի վճիռն էլ անխախտ էր: Աստուծուց յետոյ մեծ
պատիւ ունէր իրանց օրէնսդիրը, որին հայհոյողը մահուան
էր դատապարտում. ձերերին հնազանդում էին. հրէա-
ների պէս և նրանցից էլ աւելի շաբաթը խիստ էին պահում:
Որպէս զի Աստուծոյ արևի ճառագայթները շարատաւորէին,

որովայնի մաքրութեան կարիքը հոգում էին ծածուկ տեղերում, թանձր սաւանով ծածկուած, մի ոտնաչափ խորութեամբ փոսի մէջ, որ նախապէս փորում էին հետները մշտապէս ունեցած ուրաքով. և արտաթորութիւնը ծածկում էին փորուած հողով: Որովհետև շատ պարկեշտ և ժուժկալ էին, ուստի և շատ երկար և շատերը հարիւր տարուց էլ աւելի էին ապրում: Իրանց ուխտին և հաւատին շատ պինդ էին, և հռովմայեցոց պատերազմի ժամանակ, իրանց հաւատին հաւատարիմ մնալով՝ շատ չարչարուեցին ու տանջուեցին և շատերն էլ նահատակուեցին:

Մարմինը որպէս ապականացու և ժամանակաւոր բան՝ ոչ ինչ էին համարում, յաւիտենական և անմահ հոգու համար էին հոգում, երանելեաց աշխարհում յաւիտենական հանգիստ վայելելու:


Հետեանք երկու հերձուածի էին բաժանուած. մի հերձուածը անպայման մերժում էր ամուսնութիւնը, միւս հերձուածը ներելի է համարում այն՝ միայն որդեծնութեան ու մարդկային սեռի աճելութեան համար: Միւս մնացած բոլոր բաներում երկու հերձուածներն էլ համաձայն էին: Հետեանների ուխտի կանոնների մէջ տեսնում ենք քրիստոնեայ վանքերի կանոնների ու սկզբունքների հիմքերը.

Ս. Պօղոս առաքեալը հրէից բարերարներից ու երախտաւորներից ոմանց համառօտ նկարագիրը տալով, մեր առաջն է դնում անապատականների վարքի նկարագիրը, գրելով. «չրջեցան լեշկամաշկօք և մորթովք այծենեօք, կարօտեալք, նեղեալք, չարչարեալք, դորս ոչ արժէ աշխարհս, յանապատի մոլորեալք, և ի լերինս և յայրս և ի փապարս երկրի»¹⁾, եթէ «կրօնաւոր» բառը այժմեան մտքով ճգնաւոր կամ միայնակեաց հասկանանք, Յակովբոս առաքեալը կրօնաւորի համար ասում է²⁾. «Եթէ ոք կամիցի կրօնաւոր լինել, և ոչ սանձահարեացէ զլեզու իւր, այլ զբաղեցուցանիցէ զսիրտն իւր, այնպիսւոյն վայրապար է

1) Առ Նքրայեցիս գ., ԺԱ. 37, 38:

2) Յակովբոս, Թուղթ կաթուղ. գլ. Ա. 26, 27:

կրօնաւորութիւնն: Կրօնաւորութիւն սուրբ և անարատ՝
առ ի յԱստուծոյ և ի Հօրէ՛ այս է. այցելու լինել սրբոց և
այրեաց ի նեղութեան իւրեանց. անարատ պահել զանձն
յաշխարհէ»:



ԱՆԱՊԱՏԱԿԱՆՈՒԹԵԱՆ ՍԿԻՉԲՆ ՔՐԻՍՏՈՆԵՍՅ
ԵԿԵՂԵՑՈՒՄ

Բ.

Եթէ յարելուք ընդ Քրիստոսի, ապա
զվերինն խնդրեցէք, ուր Քրիստոսն նստի ընդ
աջմէ Աստուծոյ: Զվերինն խորհեցարուք, մի՛
զայս, որ յերկրի ասա է: Քանզի մեռարուք
և կեանքն ձեր ծածկեալ են ընդ Քրիստոսի
յԱստուած: Իսկ յորժամ Քրիստոս յայտնեսցի
կեանքն ձեր, յայնժամ և դուք ընդ նմա
յայտնեսցիք փառօք: Պօղոս առաք. Գ. 1—4.

Պաղոս միայնակեաց եւ Անսոն անապատական

Ինչպէս ասացինք, քրիստոնեայ եկեղեցին միայն Եղիա
մարգարէին ու Յովհաննէս Մկրտչին է ընդունում անա-
պատական. Հեսեանք և Ռաքարիմեանք մի մի աղանդա-
ւորներ էին, Հեսեանք այս առաւելութեամբ՝ որ կարող են
վանական կեանքի նախադադափարը համարուել իրանց
յատկորոշ կանոններով: Հեսեանց մասին առանձին գլուխ
է նուիրել Փիլոն Հեբրայեցին (տպ. Վենետ. 1892):

Սուրբ Գրքի երկու նշանաւոր անապատականների
օրինակին հետևողներ չեն պակասում քրիստոնեայ եկե-
ղեցու մէջ նրա կազմակերպուելու հենց առաջին օրերին:
Եղիայի և Յովհաննէս Մկրտչի խստակրօն կեանքը չէր
կարող հրապուրիչ չըլինել նորադարձ քրիստոնեաների
համար, որոնք նորահաւատներին յատուկ բուռն եռանդով

և անձնուրացութեամբ ջանք էին անում իրանց նոր հաւատի սկզբունքները կատարել տառացի կերպով, մոլեռանդութեամբ ու չափազանցօրէն:

Ճգնաւորական և անապատական կեանքը որոշ կերպարանք ստացաւ երրորդ դարում: Միայնակեացներն ու անապատականները իրանց նախագաղափար Եղիա մարգարէի ու Յովհաննէս Մկրտչի պէս հազնում էին մաղեղէն խարաղն ու մաշկեղէն, ուտում էին շատ չափաւոր, այնքան, որ քաղցածութիւնից չը մեռնէին: Քրիստոնեայ միայնակեացների ու անապատականների նշանաբանն էր «մեռնել ըստ աշխարհի» և «մեռուցանել զմեզս ի մարմնի»: Միայնակեաց անապատականները խոյս էին տալիս աշխարհից և նրա դայթակղութիւններից, և անապատների խաղաղ անդորրութեան մէջ նուիրւում էին խստակեցութեան:

2. Բօքերտսոնը ասում է¹⁾, «երկրորդ դարի ընթացքում կազմւում էին մարդկանց ամբողջ խմբակցութիւններ, որոնց ցանկութիւնն էր միասին ապրել և կառավարուել միասին կրօնաւորական մի կանոնով: Նրանցից ոմանք միաբանական կեանքը չափազանց հաճոյալից և կենցաղական համարելով բոլորովին մեկուսանում էին, և երրորդ դարում այդ տեսակ միայնակեացները մարդաբնակ վայրերից աւելի ևս խուսափում էին, որ իրանց թաղեն ամենավայրի և անմերձենալի անապատներում»:

«Խստակրօն միայնակեացների նախասկիզբն պէտք է համարել Պաւղոս Թեբայիդացուն կամ Աղէքսանդրացուն: Դեկոս կայսրի հալածանքի ժամանակ, երբ քրիստոնեաները իրանց հաւատը փորձութեան ենթարկելուց և իրանց անձը մահից ազատելու համար առանձնանում էին ծածուկ տեղեր, Պաւղոս Թեբայիդացին էլ իբրև մէկը այդ քրիստոնեաներից առանձնացաւ, և անմերձենալի քարայրի մէջ անյայտանալով առաջին միայնակեաց ճգնաւորը դարձաւ»:

Ս. Պողոս առաքեալը առ Կողոսացիս թղթի մէջ (գլ. Գ. 1—5) ամեն մի հաւատացեալի ասում էր, «Եթէ Քրիստոնեացիս ես, ապա ինչպէս կ'ապրես, որպէս որ քրիստոնեացիս ես»:

1) Истор. Христ. церк. հատ. I, էր. 163:

տոսի հետ յարութիւն առաք, ուրեմն վերինը որոնեցէք, ուր
Քրիստոս նստած է Աստուծոյ աջ կողմը: Վերինը խորհեցէք
և ոչ այն, որ այս երկրի վրայ է: Որովհետև մեռաք, ձեր
կեանքն էլ Քրիստոսի հետ Աստուծոյ մէջ է ծածկուած: Երբ
որ ձեր կեանքն եղող Քրիստոսը յայտնուի, դուք էլ նրա
հետ կը յայտնուէք փառքով:»

Եւ հաւատացեալներինց աւելի ջերմեռանդները
հետևելով այս ձայնին անապատ էին քաշուած Քրիստոսի
հետ իրանց կեանքը Աստուծոյ մէջ ծածկելով, որ Քրիստոսի
հետ էլ յայտնուեն փառքով:

Դեկոսի հալածանքը եղաւ նրա թագաւորութեան
վերջին տարին, 251 թուին, ուրեմն Պաւղոսը առանձնաջաւ
251 թուին: Պաւղոսը իւր անապատում Եղիայից և Յով-
հաննէս Մկրտչից աւելի խստակեաց էր. բայց չունէր
նրանց առաւելութիւնը, որ էր, աներկիւղ համարձակու-
թեամբ մարդկանց ուղղութիւն քարոզել և աշխարհի
անիրաւութիւնների ու անօրէնութիւնների դէմ կռուել:

Պաւղոս բոլորովին մեկուսացած՝ ճգնում էր անյայ-
տութեան մէջ մի ապառաժ լեռան քարայրում, որի փոքրիկ
դռնակը փակուում էր մի քարով: Այրի մէջ մի բարեհամ
և յստակ աղբիւր յագեցնում էր նրա ծարաւը. այրի մօտ
եղած արմաւենիներն էլ մատակարարում էին նրան սնունդ-
ու հագուստ: Նրա ճգնութեան վերջին վաթսուն տարին
օրական մի կտոր հաց էլ հասցնում էր նրան մի ագռաւ,
ճիշդ այնպէս, ինչպէս Եղիա մարգարէին Քոռաթի հեղե-
ղատի առանձնութեան մէջ:

Պաւղոսի վարքը գրողը ¹⁾ սկսում է նրա վարքագրու-
թիւնը պարզելով տարակուսութիւնը, թէ ո՞վ է ամենից
առաջ բնակուել անապատում: Նա ասում է որ «ոմանք
յիշելով Եղիային ու Յովհաննէս Մկրտչին, սրանց են
համարում անապատական վարքի սկիզբն: Սակայն Եղիան

1) Վարք Սրբոց հարանց և քաղաքավարութիւնք նոցին, ըստ
կրկին թարգմանութեան նախնեաց, հատոր առաջին, ի վեներտիկ.
ի տպարանի Սրբոյն Ղազարու յամի 1855, եր. 1—2:

մեծ է միայնակեացներին, իսկ Յովհաննէսը նախ քան իւր ծնունդը մարգարէացաւ: Ուրիշներն էլ վիճում են, որ Անտոնն է եղել անապատական ուխտի առաջնորդը... Բայց նա ոչ թէ ամենից առաջինն է, այլ թէ, նրանով շատերը հրապուրուեցին դէպի անապատական կեանքը: Նոյն իսկ երանելի Անտոնի Ամատաս ու Մակարիոս աշակերտները ասում ու պնդում են, թէ անապատական վարքի սկիզբն ու առաջնորդը եղել է Թեբայիդացի ոմն Պաւղոս, և մենք էլ այս բանի մէջ հաստատուած ենք»: — Այսպէս ուրեմն, ըստ եկեղեցական աւանդութեան էլ քրիստոնեայ անապատական վարքի սկիզբն ու առաջնորդը եղել է ոմն Պաւղոս Թեբայիդացի:

Ձ. Բօքերտսոնի ասելով ¹⁾ Պաւղոսը անապատ քաշուեց 23 տարեկան հասակում, անյայտութեան մէջ ճգնեց 107 տարի և վախճանուեց 130 տարեկան, «առանց վայելելու իւր ժամանակին որ և է փառք կամ հռչակ»: Պաւղոսի թաղողն եղաւ Անտոն անապատականը, որ և իբրև ժառանգատացաւ նրա արմաւենու թելերից շինուած զգեստը և նրա վարքը աւանդեց իւր աշակերտներին: Պաւղոսի վարքը գրեց Հերոնիմոսը, անուանելով նրան առաջին քրիստոնեայ ճգնաւոր: Ձ. Բօքերտսոնը տարակուսելի է համարում այդ և ծանօթութեան մէջ ասում է ²⁾. «Սակայն տարակուսելի է, արդեօք Պաւղոսն էր, որ քրիստոնեաների մէջ մուծեց միայնակեցական և կրօնաւորական կեանքը»: Մեզ այնպէս է թւում, որ Բօքերտսոնը կարծում է թէ միայնակեցութեան ներմուծումն Պաւղոսից աւելի վաղ է եղել, և այդպէս էլ է հակառակ դէպքում նա ինքն հակասած կը լինէր իրան. նա գրելով թէ «երկրորդ դարի ընթացքում կազմուած էին մարդկանց ամբողջ խմբակցութիւններ, ...» ինչպէս վերը տեսանք, չի կարող Պաւղոսին համարել միայնակեացների նախասկիզբն: Պաւղոսը, ըստիս, անապատականների մէջ իւր խստակրօնութեամբն է առաջին միայնակեացը, ինչպէս

1) Ист. Христ. церк. 4том. I. кр. 294.

2) Նոյն. 4том. I. кр. 88. ծանօթ. 4.

և Անտոնը իւր հետևողներով: Ս. Գրքի անապատականները միայնակեաց չէին. Եղիան ունէր իրան աշակերտ ու ընկերակից—Եղիսէին (Գ. Թագ. Ա. Բ.), Յովհաննէս Մկրտիչը նոյնպէս աշակերտներ ունէր (Մատթ. Թ.Ա. Դուկ. է. 18—34): Անշուշտ, սրանց հետևողներն էլ կունենային իրանց աշակերտները, միայնակեաց չէին լինի:

2. Րօբերտսոնի հաշիւը Պաւղոսի կեանքի մասին չէ համապատասխանում իրականութեան: Նրա հաշուով Պաւղոսը 251 թուին 23 տարեկան էր երբ քաշուեց անապատ. և ապրեց 130 տարի. այս հաշուով Պաւղոսի ծնունդը դալիս է 228 թուին, ապրեց 130 տարի, ուրեմն վախճանուեց 358 թուին: Անտոն անապատականի համար նոյն Րօբերտսոնը գրում է. «Նրա (Պաւղոսի) առանձնանալու տարին, 251 թուին քրիստոնեայ ծնողներից ծնուեց Թեբայիդի դիւղերից մէկում—կոմում—աւելի հոչակ ունեցող Անտոնը¹⁾...» որը ապրեց 105 տարի և 356 թուին, Աթանասի անապատականների մէջ ապաստանարան որոնելուց մի քանի օր առաջ, վախճանուեց»²⁾:—Արդ, 356 թուին վախճանուած Անտոնը կարո՞ղ էր իրանից երկու տարի յետոյ (358 թուին) վախճանող Պաւղոսին թաղել, ի հարկէ ոչ:

Հայերէն աղբիւրները³⁾ լուծում են այս տարակուսանքը յայտնելով, թէ Պաւղոս որ «ուսեալ էր զհելլենական և զեգիպտական դպրւթիւն», Դեկոսի հալածանքի տարին (251 թ.) 16 տարեկան քաշուեց անապատ: Այս հաշուով ուրեմն ծնուել է Պաւղոսը 235 թուին, ապրել է 113 տարի, ուրեմն վախճանուել է 348 թուին, այսինքն, Անտոնից 8 տարի առաջ:

Պաւղոսը իւր 97 ամեայ ճգնութեան մէջ աշխարհից բոլորովին կտրուած էր: Նա որպէս իսկական միայնակեաց՝ աշակերտ և բնակակից չունէր: Նրա դոյութիւնը հրաշքով

1) Ист. Христ. церк. 4-та, I, стр. 294—5:

2) Նոյնը եր. 297—98:

3) Յայսմաւուրք. Դեկտեմբերեան, և Տրէի գ. կից՝ «տոն է Նաւումայ մարգարէին». Վարք հարանց եր. 1—16:

յայտնուեց Անտոնին, որ մեծ դժուարութեամբ նրա քարայրը գտնելով, փոքրիկ դուռը փակուած գտաւ: Պաւղոսը չէր կամենում ընդունել մինչև անգամ, իբրև ճգնաւոր մեծ հռչակ ստացած, Անտոնին էր, որը թախանձելով բաղխում էր նրա դուռն ու ասում. «Ես դիտեմ, զի ոչ եմ արժանի տեսլեան քո, բայց եթէ ոչ տեսեց, ոչ երթայց աստի: Զգազանս ընդունիս, զմարդ զիմրդ ոչ տեսանես»: Պաւղոսը մեծ դժուարութեամբ Անտոնին ընդունելուց յետոյ, 97 տարի բոլորովին կտրուած լինելով աշխարհից, անտեղեակ անցած դարձածներին, հարցնում է, «զիմրդ կան ազգք մարդկան և ճրպէս են թագաւորք երկրի» (Յայսմաւուրք): — Իեկոսի հալածանքի ժամանակ, 251 թուին, Պաւղոսը հեռացած լինելով աշխարհից՝ նա 348 թուին չը գիտէր թէ մարդիկ քրիստոնէայ են դարձել, քրիստոնէութիւնը համաշխարհային կրօն է, և թագաւորք երկրի իբրև քրիստոնէայ՝ քրիստոնէութեան պաշտպան են, միայն եկեղեցին վրդովուած էր ներքին երկպառակութեամբ հերձուածների ու հերետիկոսների պատճառով:

Մեծ Սոկրատը Պաւղոսի մասին ոչինչ չէ գրում, իսկ Փոքր Սոկրատը Ամմոնի պատմութիւնը անելիս՝ փակագծի մէջ ասում է. «որ (անապատաւորք) թերևս նախասկիզբն առեալ ի Պաւղոսէ և յԱնտոնէ, որոց և պատմութիւնք իւրեանց բացատրեն, զոր երանելին Աթանաս ճառէ»¹⁾:

Ս. Պաւղոս միայնակեցի յիշատակը տօնում է մեր ս. եկեղեցին Գեկտեմբերի սկզբներին՝ «Սրբոց հարցն Եգիպտացւոց» տօնին: Շարական երգում է ս. Անտոն անապատականի կանոնը:

Գէորգ — Մօր/ց Էբէրս դերմանացի (եգիպտաբանը Homo Sum — Մարդ եմ — վերնագրով մի վէպի մէջ նկարագրում է ճգնաւորական կեանքը սկսելով այսպէս. «Մենք մեր ընթերցողներին տանում ենք չորորդ դարի երեսնա-

1) Սոկրատայ Սքոլաստիկոսի եկեղեցական պատմութիւն... աշխատասիրութեամբ Մեորոպ վարդապետի Տէր Մովսիսեան, միաբանի Ս. Էջմիածնի Աղադարչապատ 1897: Մեծ Սոկր. եր. 328: Փոքր Սոկր. եր. 65:

կան թուականների սկիզբները Փրկչի ծննդից յետոյ, դէպի Սինայի լեռը, որի նուիրական հողի վերայ մի քանի տարուց վեր առանձին առանձին բնակութիւն են հաստատել աշխարհից ձանձրացած, ապաշխարութեան նուիրուած անապատականներ, դեռ առանց կարգ ու կանոնի, առանց կապակցութեան միմեանց հետ» (Թարգմ. Ստ. Մալխասեանց, Թիֆլիս 1898): Վէպի հերոսն է Պաւղոսը, երիտասարդութեան ժամանակ լաւ կրթութիւն ստացած, Աղէքսանդրիայի կրթուած երիտասարդութեան ծաղիկը: Պաւղոսը հանդիսացրած է ճգնաւորների ամենալաւ տիպ, նրա մէջ մարմնացած են անկեղծաւոր աստուածաշտութիւնը, կարօտեալներին օգնելու անձնուիրութիւնը և ընկերի փոխարէն անարդուելու, տանջուելու ու հալածուելու անձնուրացութիւնը:

Պաւղոսը իսկապէս միայնակեաց ճգնաւորի ամենահամակրելի տիպ է: Հեռի է նա ցուցամուտութիւնից և բոլորովին նուիրուած Աստուծուն: Աշխարհը նրա համար գոյութիւն չունէր: Նա, ճշմարիտ է, մարդկանց ուղղութեան համար, ըստ եկեղեցական աւանդութեան, բան չէ արել, բայց և չէ շահագործել դիւրահաւան ժողովրդի հաւատը: Պաւղոսից յետոյ անապատականների մէջ երկրորդ տեղը բռնում է Անտոն անապատականը, որ աւելի հռչակ ունէր, որովհետև բոլորովին կտրուած չէր աշխարհից: Նա, Պաւղոսի պէս խստակրօն ճգնութեամբ բնակուելով անապատում, Եղիայի ու Յովհաննէս Մկրտչի նման աշակերտ ու հետևողներ ունէր, և հարկաւոր դէպքում անապատի խորքից իւր ազդարար ձայնը լսեցնում էր աշխարհում:

Անտոնը ¹⁾ դեռ տղայ հասակից մտախոհ էր և կրօնական բնաւորութիւն էր ցոյց տալիս. նա միայն իւր մայրենի կոպտական կամ եգիպտական լեզուով կարդալ գրել

1. Ձ. Բօքերտսոն *Ист. Христ. Церк.* հատ I. եր. 294—300: Վարք հարանց եր. 17—80: Կիակատար վարք Սրբոց հատ. II. եր. 57—102: Յայսմաւուրք Յունվ. Ժէ. և Արաց Ժ. «վարք և հանգիստ մեծ հօրն ամենայն հարանց»...

սովորեց. յունարէնի այբ-բենն էլ չէր ճանաչում և յունարէն չը գիտէր խօսել: Դեռ 20 տարեկան չը կար, որ ծնողները մեռան և բաւական նշանաւոր ժառանգութիւն ստացաւ: Սակայն եկեղեցում միանգամ երիտասարդ հարուստի մասին աւետարանի ընթերցմունքը լսելով իւր հողերը բաժանեց համագիւղացիներին, գոյքն ու կայքը ծախեց, գումարի մի փոքր մասը տալով քրոջը նրա ապրուստի համար, մնացածը բաժանեց աղքատներին և հեռացաւ սկզբում՝ մօտաւոր անապատ ճգնաւորական կեանք վարելու: Նա այցելում էր հռչակ ունեցող ճգնաւորներին և խրատեցում նրանց առանձնայատուկ առաքինութիւնները,

Մատոնը 275—305 թիւը, 30 տարի բոլորովին անյայտ մնաց Կարմիր ծովի ափին մի աւերակ ամրոցում իւր դագաղի մէջ: 305 թուին սկսեց արդէն աշակերտներ ընդունել: 312 թուին Մաքսիմինի հալածանքի ժամանակ շտապեց Ալէքսանդրիա հալածուած քրիստոնեաներին սիրտ տալու, կարօտեալներին օգնելու և թերևս մարտիրոսական պսակին արժանանալու, բայց նրա վերջին ցանկութիւնը չը կատարուեց և նա աւելի ևս հեռաւոր անապատ քաշուեց: Առանձնացաւ մի բարձր սարի լանջին մի այրի մէջ, որի մօտ կային մի պաղ և վճիտ աղբիւր և մի քանի արմաւենիներ: Եւ որպէս զի ուրիշների վաստակով չապրի ու միևնոյն ժամանակ էլ թէ՛ զբաղմունք ունենայ և թէ՛ իրան աջելողներին կերակրել կարողանայ՝ մի փոքրիկ տարածութեան վրայ ցորեան ու կանաչեղէն էր ցանում ու մշակում: «Անապատի դաղանները աղիւրից ջուր խմելու դալով փչացնում էին նրա ցանքը, ուստի մի անգամ բունեց մէկին և գուրգուրալով ասաց. երբ ես ձեզ նեղութիւն չեմ տալիս, գուք ինձ ինչո՞ւ էք վնասում: Հեռացէք, և, ի սէր Աստուծոյ, այլևս մի գաք¹»:

Մատոնը որքան հեռանում էր աշխարհից, աշխարհը այնքան շերմեռանդութեամբ հետևում էր նրան: Մատոնը անապատականների այն լաւագոյն տիպերից էր, որոնք

1, 2. Собрание Ист. Христ. Церк. Свят. I. стр. 296:

իրանց հոգու փրկութիւնը հոգալով՝ ուրիշներին անտես
չեն անում: Նա բազմաթիւ հետեւողներ ու աշակերտներ
ունէր: Հաշտեցնում էր թշնամիներին, մխիթարում էր
վշտացածներին, կրօնական խնդիրներում ներգործական
դեր էր կատարում և խորհուրդներ տալիս. տկարների
իրաւունքները պաշտպանելու համար միջնորդութիւն էր
անում հղօրների և դատաւորների առաջ: Հարստահա-
րուածները Անտոնի միջնորդութեան էին դիմում և նրա
միջնորդութիւնը դուր չէր անցնում: Ամեն անգամ, երբ
այսպիսի մի դործ հարկադրում էր նրան հեռանալ իւր
ճգնարանից, վերադառնալիս առաջին խօսքը լինում էր.
«կրօնաւորը առանց մենակութեան այնպէս է՝ ինչպէս ձուկը
առանց ջրի»: Նմանօրինակ մի առած էլ ունի հայ կրօնա-
ւորութիւնը, «վանք՝ վարդապետի կեանք»: Անտոնի համ-
բաւը տարածուած էր աշխարհէ աշխարհ:

Կոստանդին մեծն ու իւր որդիքը թուղթ գրեցին Անտո-
նին խնդրելով որ գնայ արքունիք: Բայց Անտոնը չը հրապու-
րուեց, և իւր աշակերտներին ասաց, «մի զարմանաք, որ
կայսրը մեզ գիր է ուղարկում, նա էլ մեր պէս մարդ է: Այն
բանին զարմացէք, որ Աստուած մարդկանց համար գրելով
իւր օրէնքը՝ աւանդեց մեզ իւր Արդու ձեռքով»:

Յայտմաւուրքին ¹⁾ համեմատ Անտոնը մերժեց Կոս-
տանդին մեծի հրաւերը ասելով իւր աշակերտներին, «Եթէ
երթամ, լինեմ տէր Անտոն, և եթէ չերթամ, ես իցեմ
արեղայ Անտոն: Վայ մարդոյն, որոյ անունն մեծ է քան
զգործն»: Նւ յիրաւի, Անտոնը չը գնաց կայսրի մօտ, փոքր
անունով բայց մեծ գործով՝ մեծ հանդիսացաւ ու այդպիսի
փառքով էլ վախճանուեց, ինչպէս ասացինք, 105 տարեկան,
356 թուին, այն ժամանակ, երբ Աթանասը ապաստան էր
որոնում անապատի կրօնաւորների մէջ: Անտոնի մահը անա-
պատականները սղբացին հետեւեալ արտայայտութեամբ.
«Մեծ բարեխօս կորոյս աշխարհս և մեծ մարդ ընկալան

1. Յայտմաւուրք, Յունվար ժէ. և Սրաց ժ.

երկինք: Եգիտ վերինն, զոր խնդրէր և կորոյս ներքինս,
զոր ունէր ¹⁾»:

Ս. Անտոն Անապատականի յիշատակը տօնում է
եկեղեցին Յունվար ամսին: Ս. Անտոնին նուիրում շարա-
կանի ²⁾ մէջ կոչում է նա «նախասկիզբն միանձանց».

Արիսական վէճերի ժամանակ Ս. Անտոնն ու իւր
հետևողները ուղղափառութեան տոկուն և հզօր պաշտ-
պանները դարձան: Արքան և խստակրօն լինէր Անտոնը,
այնուամենայնիւ հեռի էր այն ծայրահեղութիւններից, որ
ունէին նրա հետևողները: Նա լաւ էր հասկացել թէ ինչ
բաներն վտանգ են սպառնում անապատական կեանքին,
ուստի և եռանդով զգուշացնում էր անապատականներին,
որ իրանց բոլոր յոյսերը չըդնեն կրօնաւորական արտաքին
ձևերի վրայ:

Ոչ Պաւղոս միայնակեացը և ոչ էլ Անտոն անապատա-
կանը՝ իրանց հետևողների համար որոշ կանոն և հան-
րակեցարան կամ միաբանական ուխտ չըհաստատեցին.
անապատականները ապրում էին ցաք ու զրիւ առանց
որոշ ուղղութեան և դործում էին ու ապրում ով ինչպէս
կամենում էր, կանոն ընդունելով խստակրօնութիւնը, մըշ-
տամուռնչ աղօթքն ու պահեցողութիւնը:



1. Վարք հարանց հատ. տ. ևր. 81: Թուղթ Սերապիտնի առ Մա-
կար և Ամատաս:

2. Կանոն Անտոնի անապատականի, ԺԵ.

Գ.

Պախում հիմնադիր վանքերի եւ վանական կեանքի. Անապատականների հակումները: Կրօնաւորները որպէս զէնք իրանց մեծաւորների ձեռքին: Կրօնաւորների մոլութիւնները.

Վանական կեանքի կանոն սահմանողն է թերայի-
դացի Պախումը, որ ծնուեց 292 թուին: Մեր եկեղեցին
չէ տօնում Պախումի յիշատակը, սակայն մեր հոգևոր
գրքերի մէջ¹⁾, բաւական տեղեկութիւն ունենք Պախումի
մասին: Վարք Հարանցը ապիս է մեզ Պախումի ուղղու-
թեան մասին մի քանի տեղեկութիւններ, մէջ բերելով նրա
ասածները կամ վճիռները կրօնաւորական կեանքի երևոյթ-
ների մասին. նրա կենսագրութեան մասին տեղեկութիւն
ստանում ենք Յայսմաւուրքից և Վարք Սրբոցի 12-րդ.
հատորից:

Պախումը, (Պախումէոս կամ Պաքումէոս, Պաքումէոս
Պաքմէոսը) հեթանոս ծնողների զաւակ էր, սկզբում
զինուոր. հաւատաց Քրիստոսին և դեռ չըմկրտուած բան-
տարկուեց. Կոստանդիանոսի ժամանակ, հալածանքը դա-
դարելիս՝ ազատուեց բանտից, գնաց անապատ և ծաղկե-
ցրեց կրօնաւորութեան կարգը Նեղոսի ափին Տաբենայի
մեծ վանք շինելով: Նա ուսանելով հրեշտակից՝ իւր միա-
բաններին գրաւոր կանոն տուեց և վախճանուեց 348 թ.:
Պախումի քոյրն էլ միայնակեաց կոյսերի համար վանք շինեց:

2. Բօբերտսոնը, ազբիւր ունենալով նոյն հոգևոր
գիրքերը, ասում է²⁾, որ Պախումը վանական կեանքի կա-
նոնները ստացաւ հրեշտակի ձեռքով պղնձի վրայ փորա-
գրուած 24 յօդուածով: Նա Նեղոս գետի մի կղզու-
վերայ հիմնեց Տաբենայի վանքը: Վանքի միաբանութիւնը

1), Յայսմաւուրք Ապրիլի ԻԸ. Աճկի ԻԱ. ք կցորդ: Բ. Վարք
հարանց Ա. հատ. 92—93 453, 647. Նոյն Բ. հատ. 167, 398, 407,
422, 476. 490: Գ. Լիակատար Վարք Սրբոց հատ 12-որդ.

2), Ист. Христ. Церк. I. հատ. Монашество Եր. 294—323:

այնքան ընդարձակուեց, որ մինչև հիմնադրի մահը նրանից ութ վանք գոյացաւ 3000 միաբաններով, որոնցից 1400-ը գլխաւոր վանքումն էին ապրում: Հետեւեալ դարի սկզբին կրօնաւորների թիւը հասնում էր 5000-ի: Այսպէս, կրօնաւորութիւնը, որ սկիզբն առաւ միայնակեաց անապատական ճգնաւորներից, Պախումի ձեռքով արդէն եղբայրութիւն կամ միաբանութիւն դարձաւ և առանձին, անմարդաբնակ անապատների քարանձաւների տեղ վանքեր գոյացան:

Վանականները ապրում էին իւրաքանչիւր խցում երեք երեք հոգի միասին, և գտնւում էին մի մեծաւորի իշխանութեան տակ, որ ասորերէն կոչւում էր արբա (հայր), իսկ յունարէն՝ *արքիմանդրիտ* (փարախապետ): Ամեն բան հասարակաց էր, և կարգի խանգարումն էր համարւում ասելը. «Իմ վերարկուն կամ գիրքը կամ գրիչը»: Վանականները դրադւում էին երկրագործութեամբ, կոզովներ ու պարաններ հիւսելով, և այլ նման արհեստներով. արտադրութիւնները նաւակով տանում էին Աղէքսանդրիա, և վաճառում էին այնտեղ, որով ոչ միայն հոգացւում էին վանքերի պէտքերը, այլ դեռ մի դումար էլ տնտեսւում ու ծախսւում էր բարեգործութեան համար:

Վանականները օրը մի քանի անգամ աղօթում էին. շաբաթուայ չորրորդ ու վեցերորդ օրերը, այսինքն, չորեքշաբթի և ուրբաթ պատ էին պահում. հաղորդւում էին շաբաթ ու կիրակի օրերը: Նրանք միասին էին ճաշում, և սեղանը սկսւում էր ու վերջանում աղօթքով ու սաղմոսերգութեամբ: Լռութեամբ ու դէմքերը ծածկած էին ճաշում. (վեղարի կամ կնգուղի ծածկոյթը փակելով դէմքի մեծ մասը, հնարաւորութիւն չէր տալիս տեսնել հանդէպը և այլ ու ձախ նստողներին) և բացի առաջները դրած կերակրից ուրիշ բան կամ իրանց սեղանակիցներին չէին տեսնում: Կանոնը չէր սահմանափակում կերակրի քանակութիւնը. ամեն ոք իւր աշխատանքի վաստակն էր ուտում հասարակաց սեղանից: Մեծ հոգածութեամբ խնամում էին հիւանդներին: Վանական կրօնաւորները

ինքնատիպ զգեստ էին հագնում, որոնց մէջ առաջին տեղը բռնում էր այժի մորթը, — այս բանում հետևում էին անասատական կեանքի հայր Եղիա Մարգարէին: — Նրանք միշտ գօտեպինդ պէտք է լինէին. միայն Ս. Հաղորդութիւն ընդունելու ժամանակ թոյլատրուած էր գօտին արձակել: Հագնուած էին քնում այն էլ մի տեսակ աթոռների վրայ. իսկ աթոռները այնպէս էին յարմարացրած, որ նրանք քնած ժամանակն էլ կանգնած դրութեան մէջ էին լինում:

Հարանց վարքում (Հատ. Բ. եր. 479). կարգում ենք... «յայտնեցաւ նմա (Պաքմէի) հրեշտակ Աստուծոյ և ասէ... զքո ճանապարհսդ ուղղեցեր. ել այժմ յայրէդ և ժողովեան զմիայնակեացս և բնակեան ընդ նսսա. և որպէս ուսուցից քեզ, այնպէս խրատեա զնոսա: Եւ գրեաց տախտակ մի հրեշտակն և ետ ծերոյն, և այս էին սկիզբն գրոյն. շնորհեսցես իւրաքանչիւր ըստ զօրութեան ուտել և ըմպել և ըստ զօրութեան իւրաքանչիւր գործ դիցես. և մի արդելուցուս՝ որք պահեն, և մի, որք ուտենն. և արան զօրն ի գործ մշակութեան նոցա և աղօթք նոցա՝ անձանձրոյթք: Իսկ աւագացն, որք ծերքն են, արացես խրճիթս և արկցես ի ներքս երիս երիս, և կերակուրք նոցա զինչ և խնդրեսցեն. նստել և ուտել և բազմել, և աղօթք նոցա անձանձրոյթք. և ագանելիք նոցա ցերեկն մաշկեայս և գիշերն այժեայս. և առնուլ նոցա օրէնս զուրբաթ, և զչաբաթ և զկիւրակէ. և ի ժամ օրինացն գօտելածք եղիցին. և այս նշան կնգղաց նոցա, զի եղիցին աս առանց խաւու և խաչ ծիրանի յաջակողմանն: Եւ արար Պաքմէոս որպէս և հրամայեաց հրեշտակ տեառն. շինեաց վանս և ժողովեաց ի նմա եղբարս իբրև եօթն հազարս, ուր են մինչև ցայսօր, ուր և մեռաւ երանելին Պաքմէոս»:

Վանանց կամ կուսանաց վանքների հիմնադիրն էլ Պախումն է: — Մի անգամ Պախումի քոյրը եկաւ նրան տեսնելու. Պախումը նրան չընդունեց, միայն դռնապանի միջոցով յայտնեց՝ որ ինքն առողջ է: Պախումը իմանալով, որ

քոյրն էլ ցանկութիւն ունի վանք քաշուել, իւր միաբանս-
ների ձեռքով նրա համար մի առանձին վանք շինեց, ուր
հաւաքուեցին հաւատաւոր կանայք կամ միաձնուհիք. նրանց
վանամայր կարգուեց Պախումի քոյրը:

Ինչ ասել կուղի, որ կրօնաւորները ամուսնանալ չէին
կարող և կապուած չէին ամուսնական կեանքով: Հետ-
սեանց ուխտի և Պախումի վանական կանոնների մէջ բա-
ւական նմանութիւն կայ:

Երբ Պախումը Տաբեննայի վանքն էր հիմնում՝ նոյն
ժամանակին Մակար աւագը տեղափոխուած է Եգիպտոսի
Լիբիական սահմանին մօտ Սկիտէի անապատը և Ամոնն
էլ՝ Նիտրիական լեռը: Ծուռով սրանց մօտ խմբուում են
կրօնաւորներ, որոնք ապրում էին կամ առանձին խցե-
րում՝ որպէս միայնակեացներ և կամ մի հանրա-
կացարանում, որ Լավրա էր կոչւում: Միայնակեացները
շաբաթուայ վերջին և առաջին օրերին, այն է, շաբաթ և
կիրակէ, հաւաքուում էին ժամասացութեան ներկայ լինե-
լու: Եթէ մէկը բացակայում էր, խմանում էին որ հիւանդ
է. իսկոյն նրա խուցը մարդ էին ուղարկում նրան այցե-
լելու: Բացի այս դէպքից նրանք ամենեւին չէին խօսում
իրար հետ: Գ. դարի վերջին Նիտրիական լեռան կրօնա-
ւորների թիւը մօտ 5000 էր: Պախումի կանանով, որ ուրիշ
միաբանական ուխտեր էլ ընդունել էին, երեքամեայ փոր-
ձից յետոյ կարելի էր նորընծային արեղայական կամ
կրօնաւորական աստիճան տալ¹⁾:

Կրօնաւորների առաջին պարտքերն էին աղօթքն ու
պահեցողութիւնը. կային էլ, ինչպէս Մակար ծերն էր²⁾, որոնց
բերանը ամբողջ մեծ պասին ոչ հաց և ոչ ջուր էր մտնում.
միայն կիրակէից կիրակէ կաղամբակուրծ (երևի մախոխ)
էին ուտում. և աշխատելիս էլ, ձեռքերով գործում, բե-
րանով աղօթում էին: Նրանց կենցաղավարութեան մասին
գաղափար կազմելու համար պէտք է կարդալ նրանց վարքը,

1), Ист. Христ. Церк. հատ. I. եր. 298—302

2). Վարք Հարանց- հատ. I. վարք. Մակարայ. եր. 92—93.

և Նեղոսի խրատները ¹⁾։ Կրօնաւորութեան հիմնագիրներն
ու հայրերը խոստովանում էին, որ մի լրացուցիչ գրադմունք
էլ անհրաժեշտ է։ Յայտնի առած կար, «գրադում կրօ-
նաւորը մի գեւով էր պաշարւում, իսկ անգործը՝ ամբողջ
լէգէօնով։ Կրօնաւորների գրադմունքը ընդհանրապէս ֆի-
զիքական էր, նրանցից շատ քչերն էին գրագիտութեամբ
գրադում։ Երբ մի փիլիսոփայ հարցրեց Անտոնից, թէ նա
ինչպէս է առանց գրքի օր անցկացնում. Անտոնը պա-
տասխանեց, իմ համար աշխարհը այնպիսի գիրք է, որ
միշտ էլ ձեռքի տակ ունեւմ և նրա մէջ կարող եմ Աստուծոյ
խօսքը կարդալ՝ երբ էլ կամենամ։ Յայտնաւորքը այս գէպքը
հետեալ կերպով է աւանդում. «Եւ այլք ոմանք յիմաստնոց
գնացին առ Անտոն և ասեն, «Որպէս կարես միայն կեալ յա-
նապատիս առանց գրոց։ Եհարց ցնոսա Անտոն, Ասացէք ինձ,
եթէ որ լաւ պատճառք են մարդկան, գիրն, եթէ միաք
Ասեն նորա. Միտքն։ Ասէ Անտոն, ապա ողջամտացն
գրոց պէտք ոչ են»։

«Կրօնաւորները կամ անապատականները շատ տգէտ
էին, և շատերն իսկ հազիւ կարողանում էին կարդալ։
Տգիտութիւնը, որ աշխարհիկ հոգևորականութեան մէջ
արհամարհում էր, անապատականների մէջ փառարա-
նւում էր որպէս սրբութեան յատկանիշ։ Իրանց տգիտու-
թեամբ հեշտօրէն հպատակում էին նրան, ով նրանց մտքի
վերայ ազդում էր և տոկուն յամառութեամբ պաշտպա-
նում նրանց հայեացքները։ Այսպիսի կրօնաւորները լա-
զէնք էին իրանց մեծաւորների հրամանները կատարելու։
Իրանք շատ անգամ իրանց շուղած եպիսկոպոսներին
գահընկէց էին անում և ուղածին էլ ընտրում։ Նրանց
այս գործունէութեան ապացոյցն է արիօսական վէճերի
ժամանակ Անտոնի ղեկավարութեամբ նրանց կատարած
գերը ուղղափառութեան յաղթանակի համար։ Կրօնաւոր-
ները խուսափում էին հոգևոր աստիճաններից։ Կրօնաւոր-
ութեան կանոններ սահմանող Պախովը պատուիրում էր

1), Կարք հարանց Բ. հատ.

խուսափել ձեռնադրութիւնից՝ ինչպէս ծուղակից։ Եզիպտոսում սովորական դարձուածք էր. «կրօնաւորք պէտք է փախչի եպիսկոպոսից ու կանանցից, որովհետև նրանցից ոչ մէկն էլ հնար չի տայ կրօնաւորին իւր խցում հանգիստ մնալու և «զվերինն խորհելու»։

Անապատականների մէջ կային կրօնաւորներ էլ, որոնք արտաքուստ կրելով Պաւղոսի ու Անտոնի ձևերը, չունէին ոչ առաջինի անկեղծ խստութիւնն ու աշխարհատեցութիւնը և ոչ երկրորդի անկեղծ խստութեան ու աշխարհատեցութեան միացած մարդասիրութիւնն ու անձնուրացութիւնը։

Չ. Բօքերտսոնը¹⁾ այսպէս է բնորոշում այդ տեսակ ճգնաւորներին. «սէրը դէպի երկրայինը, որը, անապատականութիւն կամ ճգնաւորութիւն ընդունելով, ըստ երևոյթին յաղթուած էր կարծւում, վերակենդանանում էր նոր, աւելի գծուծ կերպով։ Պատմում են, որ շատերը հարստութիւնից ու ճոխութիւնից հրաժարուած լինելով մի որ և է դանակի, բեւեռի, ասեղի կամ գրչի համար դողդողում էին ու չափազանց ժլատութիւն ցոյց տալիս, ոչ ոքի չը թողնելով մօտենալ մինչև անգամ իրանց գրքերին, և այդ տեսակ դատարկ բաների համար սաստիկ վրդովւում էին։

Ժամանակի ընթացքում կրօնաւորները մոռանալով իրանց ուխտի սկզբնական նպատակը, սկսեցին քաղաքներում թափառել նուէր հանգանակելու պատրուակով։ Բարտաւորները, կրօնաւորների թափառումների մէջ, արդարագատութեան գործերին խառնուելու միտումն նկատելով՝ ներշնչեցին Թէօդոսին 390 թուի օրէնքով արգելել այդ բանը։ Սակայն երկու տարուց յետոյ օրէնքը այնքան թուլացաւ, որ կրօնաւորները սկսեցին դարձեալ յաճախել քաղաքները իրանց դէմ եղած անարդարութիւնների ու զրկանքների համար պաշտպանութիւն որոնելու պատրուակով։

1), Ист. Христ. ет. церк. 4ատ, I. եր. 318։

«Տարօրինակ հագուստներով ու տարօրինակ կերպարանքով երեցող կեղծաւոր կրօնաւորները շահագործում էին ժողովրդի դիւրահաւանութիւնն ու առատաձեռնութիւնը. նրանք ծանր շղթաներով կաշկանդուած՝ կասկածելի մասունքներ էին մանածում, սարսափելի առասպելներ պատմում այն արկածների ու փորձութիւնների մասին, որոնց, որպէս թէ, ենթարկւում էին նրանք չար ոգիների կողմից. մինչդեռ գաղտուկ շուայլ և սանձարձակ կեանք էին վարում: Լիբանիօսը նրանց նմանեցնում է մեղուներից անգործներին, որոնք ուրիշների հաշուին ճօխ ապրում են: Յուլիանոս ուրացող կայսրը ցինիկներին կծու բան ասած լինելու համար կրկնում էր. «ցինիկները նման են դալիլիացիներից այն հերձուածներին, որոնք հրաժարւում են իրանց պատկանած չնչին ստացուածների տիրապետութիւնից, որ հարստութիւն և գիրք ձեռք բերեն»: Եւնատիօսը ասում է. «կրօնաւորները խողի կեանք են վարում. նա է կարող մեծ իշխանութիւն ձեռք բերել՝ ով գերադասում է սև հագնելը և արհամարհում է ընդհանուր բարեվայելչութիւնը»: — Որքան և քրիստոնէութեան թշնամիներից չափազանցօրէն լինեն դատափետուած կրօնաւորները, բայց անկարելի է չըխօստովանել, որ նրանց մէջ որոշ ճշմարտութիւն կայ:

Գրիգոր աստուածաբանը (Նազիանդացի), թէև ինքն խստակրօն, բայց խստութեամբ դատապարտում էր մոնոդոնների կամ վանական կրօնաւորների զանազան կեղծաւոր ձևերն ու ասում¹⁾. «Կրօնաւորներից շատերը հրեշտակ են թւում այն պատճառով, որ կոպտաբար են խօսում և երկար մաղեր կրում. բայց իսկապէս նրանք ամեն տեսակ արատներով զեղծուած յանցաւորներ են:



1), Жизнь и Труды Свв. Отцовъ. и Учителей церкви 5ևդ-Պարրարի, թարգմ. Ռուս Ա. П. Лопухинъ, Ս. Պ. Բուրգ.

Դ.

Կրօնաւորական եւ վանական կեանքի սարածուելը
Եգիպտոսի սահմանից դուրս՝ Պաղեստինում, Ասորիքում
(Սիրիա), Հայաստանում եւ Պոնտական գաւառներում:
Կրօնաւորութեան այլափոխումն: Խոսանարակներ (ВОСКИ):
Սիւնակեացներ: Գբի մէջ նգնողներ:

Կրօնաւորական եւ վանական կեանքը Եգիպտոսից
արագութեամբ տարածուեց նրա սահմաններից դուրս:
Վանական կեանքը Պաղեստին ներմուծողն էր Անտոնի
աշակերտ եւ նրան հետևող Իլլարիոներ, որ 50 տարի ապրեց
(306—356 թիւ) Գաղայի մօտի անապատում: Ս. Եփրեմի
հանճարի ու բարեպաշտութեան շնորհիւ անապատական
կեանքը Միջագետքում շատ համակրութեամբ ընդունուեց,
մեծ ծաւալ դտաւ եւ առանձին փայլ ստացաւ:

Սերաստիայի Եւստատիոս հայ եպիսկոպոսը վանքեր
հիմնեց Հայաստանում, իսկ Ս. Բարսեղը վանական միա-
բանութիւններ հաստատեց Հայաստանին սահմանակից
Պոնտոսում եւ Կապադովկիայում¹⁾: Եւստատիոսը հրա-
պուրուած անապատական կեանքով եւ խոտմբերութեամբ՝
ապրում էր նրանց պէս, իւր եպիսկոպոսական աստիճանին
հակառակ, որ բարեփայելչութիւն է պահանջում, անա-
պատականների պէս խարաղ ու մաշկեղէն էր հագնում,
որի համար բանադրուեց իւր հօրից — Կեսարիայի Եւլալիոս
եպիսկոպոսից, եւ նրա տեղ եպիսկոպոս կարգուեց Մելիտոսը:
Եւստատիոսը իբրև արդէն բանադրուած, չհրաւիրուեց
Պեփղազոնիայի Գանգրա քաղաքի ժողովին, որը առանց
նրա պատասխանը կանխապէս լսելու՝ նղովեց նրան: Գան-
գրայի ժողովը եղաւ ըստ Չ. Րօբերտոսնի²⁾ 325—328 թ.
ուրեմն Եւստատիոսը այդ թուից առաջ յարած լինելով
կրօնաւորութեան՝ նոյն կարգը ներմուծել էր եւ Հայաստան:

1), Ист. Христ. Церк. հատ. I. էր. 301:

2), Ист. Христ. Церк. հատ. I. էր. 1072.

Սուկրատը, որի այս մասին գրածը թարգմանաբար մէջ ենք բերում, ասում է¹⁾, որ Եւստատիոսը նրա համար Գանդրայում կազմուած ժողովում դատապարտուեց, որովհետեւ Կեսարիայի ժողովից բանադրուելուց յետոյ էլ չէր դադարում եկեղեցական կարգերը փոփոխել: Արդեւ լում էր ամուսնութիւնը, պատուիրում էր մսեղէն կերակուրներ չուտել՝ միտք պիղծ համարելով, մսակերներից և օրինաւորապէս ամուսնացածներից շատերին մերժում էր, կամ ամուսնացածներին իրարից բաժանում: Թողած եկեղեցին՝ եկեղեցական խորհուրդները և ս. Հաղորդութիւնը տներումն էր կատարել տալիս: Աստուածպաշտութեան պատրուակով ծառաներին իրանց տէրերից հանում էր: Իմաստասէրի, այսինքն մոնոզոնի սքեմ էր հազնում²⁾ և իրան հետևողներին էլ օտաշոտի պարեգօտ հազնել թելադրում: Կանանց մազերը կտրում էր. խախտում էր յայտնի պասերը և պատուիրում էր տէրունական օրերին պաս պահել: Թոյլ չէր տալիս ամուսնացածների տներն օրհնել. սովորական կարգով ամուսնացած քահանաներին օրհնութիւնից ու հաղորդութիւնից զրկում էր՝ պիղծ համարելով նրանց: Այդպիսի շատ խստութիւն էր անում ու սովորեցնում:

Մեծն Բարսեղ, որ Եւստատիոսի խստակրօնութեան հետևող էր, Պոնտոսի մի առանձնացած տեղում սկսեց կրօնաւորական կեանք վարել, նոյն բանին յորդորելով և իւր դպրոցական ընկեր Գրիգոր Նազիանզացուն. բայց վերջինս, Բարսեղի անապատական խօսքը առնէտի բոյն անուանելով՝ գրում է նրան. «Ով դուք պոնտական քիմմերցիներն³⁾,

1), Մեծ Սուկրատ եկեղ. պատմ. եր. 205. գլ. ԽԳ. Փոքր—Սուկրատ դլ. ԺԱ. եր. 39:

2), Жизнь и Труды Свв. Отцовъ и Учителей церкви. հեղ. Ֆարրարի թարգմ. А. П. Лопухинъ Ս. Պետերբուրգ. 1891 թ. ր. Св. Василий Великій եր. 460.

1), Քիմմերեանք յունական առասպելաբանութեան համեմատ Սկիւթացոց աշխարհի ամենհիւսիսային սահմանում յաւիտենական խաւարի մէջ ապրող մի ժողովուրդ էին:

անարև մարդիկ, դուք դատապարտուած էք, ինչպէս կասեն, ոչ թէ միայն վեց ամսեայ գիշերներէ, այլ ձեր կեանքի մի մասն էլ ազատ չէ ստուերից, որովհետև ձեր ամբողջ կեանքը միմիայն գիշեր է. և ս. Գրքի ասածին համեմատ, յիրաւի, մահուան ստուեր: Գովսւմ եմ այդ նեղ ու ապառաժուտ շաւիղը, թէև չըզխտեմ այն դէպի Աստուծոյ արքայութիւնն է տանում, թէ դէպի դժոխք, սակայն կը ցանկայի, որ քեզ դէպի արքայութիւն տանէր¹⁾:

Կրօնաւորների կանոններն ու սովորութիւնները, ասում է Չ. Տօբերտսոն²⁾, նայելով հանդամանքներին և հիմնադիրների հայեացքներին, տարբեր էին: Արևելքում նրանք դրադում էին արդիւնաբերական զանազան ձեռնարկութիւններով, օրինակ, դաշտային աշխատանքներով, հիւանութեամբ, ոստայնանկութեամբ, երկաթագործութեամբ, կողով հիւսելով և փայտեայ հողաթափներ շինելով: Եւ, երանելի Աւգուստինը, այն կրօնաւորների դէմ, որոնք ցանկանում էին այդ տեսակ դրադմունքներից իրուսափել, խրատներ դրեց: «Մի վանք կար, ուր 1300 կրօնաւորներ էին ապրում, ասում է Մակարը³⁾, ես այդ վանքը տեսայ, նրա մէջ 15 կարկատիչ, 20 թափիչ, 5 հիւան, 10 դարբին, 7 ուղտապան և 40 էլ աշխատաւոր կային, որոնք աշխատելով թէ իրանց պէտքերն էին լցնում և թէ բանտերին ու աղքատներին մասն հանում»: Ընդ հակառակն Ս. Մարտինը այդ տեսակ դրադմունքը արգելք է համարում բարեպաշտութեան, և երիտասարդ կրօնաւորներին, բացի դրքեր արտագրելուց՝ ուրիշ ոչ մի դրադմունք չէր թոյլ տալիս: Գաղղիայի կրօնաւորները, որոնք բարբարոսների կռապաշտութեան և սնապաշտութեան դէմ կռուելու գործում մեծ ջանք էին թափում, իրանց ազատ ժամերը այնպէս չէին գործադրում, ինչպէս Եգիպտոսի ու Ասորիքի անապատականներն ու վանականները:

1), Жизнь и Труды Свв. Отц, — Св. Григорій Назіанзинъ, кр. 397.

2), Ист. Христ. Церкви հատ. I. կր. 302.

3), Վարք հարանց. հատ. Բ. կր. 475—476.

«Հագնելիքի և ուտելիքի վերաբերութեամբ ի նկատ էր առնում նաև տեղական կլիման: Մարտինի վարքը գրողը ասում է. «Յոյներն ունեն ուտելու մեծ ախորժակ, իսկ գաղղիացիք՝ բնական գործ»:

«Պախումը պահանջում էր երեքամեայ փորձից յետոյ միայն կրօնաւոր ընդունել: Ս. Բարսեղը պահանջում էր, որ կրօնաւորութեան մէջ մտնել ցանկացողը որոշեալ կարգով խոստովանուի, կրօնաւորութիւնից հեռացումն ապաշխարութեան էր ենթարկւում, բայց կրօնաւորութիւն ընդունելը անգարձ չէր. և մի քանի դէպքերում հեռացումն մինչև անգամ քաջալերւում էր, որպէս լաւագոյն միջոց դժուարութիւններից դուրս գալու համար:

Սնապատականութիւնն ու կրօնաւորութիւնը որքան հեռանում էին իրանց հիմնադիրներից թէ ժամանակով և թէ տեղի դրութեամբ, այնքան այլափոխւում էին: Չ. Բօքերտսոնը նկարագրելով այդ այլափոխութիւնը, ասում է¹⁾. «Կրօնաւորութեան սգին երբեմն երևան էր գալիս տքնութեան անսովոր ձևերով: Այսպէս, Ռսկի (ВОСКИ)²⁾ կամ խոտաճարակ տեսակը յառաջ եկաւ Միջագետքում, բայց յետոյ Պաղեստինումն էլ հետևողներ ունեցաւ. ապրում էին նրանք լեռներում բացօթեայ, համարեա բոլորովին մերկ թէ ամառուայ խորշակին և թէ ձմռան սառնամանիքներին, կերակրւում էին արմատներով ու խոտերով. այնպէս այլակերպւում էին, որ հոգով ու մարմնով կորցնում էին մարդկային կերպարանքը»:

1), Ист. Христ. церкв. 4 том. I. стр. 319.

2). Չ. Բօքերտսոն առնելով Սոգոմենոսից (IV, 33) և Նևագրեց (I, 21) աւանդում է խոտաճարակների կամ Ռսկի-ների (ВОСКИ) ճգնութեան պատկերը: Ի՞նչ առընչութիւն կայ մեր Ռսկեանց և Միջագետքի ВОСКИ-ների մէջ, կաշխատենք պարզել յետոյ: Մեր յարգելի բարեկամ Դսկատր պ. Մկրտիչ Ղազարեանը, որին դիմել էինք խնդրելով պարզել Ռսկի կամ ВОСКИ բառի ծագումն, յայտնեց մեզ որ Ռսկա հին պարսկերէն ծառայ կընշանակի (Քրօկիլման բառարան). դրա ասորերէնը Աբգա է, որ դարձեալ ծառայ է նշանակում և կրօնաւորի մտքով ևս գործածւած է (Ասորերէն բառարան):

Թոտաճարակներն ախպ կարելի է համարել Մարիամ Եգիպտացուն ¹⁾, որ Եգիպտոսի Աղէքսանդրիա քաղաքից մի պոռնիկ կին էր: Ս. Թաշի տօնի առիթով ուխտաւորներն հետ գնաց Երուսաղէմ՝ աշխարհախումբ բազմութեան մէջ իւր խառնագնաց կեանքով փող վաստկելու. բայց տօնի փառաւոր պաշտամունքը տեսնելով՝ զղջաց, անապատ քաշուեց՝ հետը միայն երեք նկանակ ունենալով և Յորդանանի այն կողմը, խորին անյայտութեան մէջ 47 տարի ճգնեց: Նա իւր ճգնաւորական բոլոր կեանքում դալար խոտ էր ուտում անասունի պէս երեսը դետնին քսելով և ճարակելով: Զօսիմոս ճգնաւորը այդ անապատում մարդ գտնելու նպատակով քսան օր թափառելուց յետոյ, նկատում է սառուերի նման մի մարդկային կերպարանք արևի խորշակից և զրաի սառնամանիքից բոլորովին սևացած և ծածկուած մազերով, որ ասրի պէս սպիտակ էին: Այդ Մարիամ Եգիպտացին էր, որ հաղորդուեց, վախճանուեց և թաղուեց Զօսիմոսի ձեռքով:

Այս քրիստոնեայ ճգնաւորներից ոմանք էլ մարդկային զգացմունքից դերազանցող կատարելութեան հասնելու ձգտմամբ տարօրինակ վարքով և այլանդակ կերպարանքով սքանչացնում էին քաղաքների բնակիչներին. դրանց նպատակն էր արհամարհանք ցոյց տալ դէպի երկրաւոր վայելչութիւնը: Ե. դարի սկզբին յայտնուեցին նոր անսակի ճգնաւորներ, որոնք Սիւնակեաց էին կոչուում:

Այս տեսակ Սիւնակեացներից առաջինն էր Սիմէօնը, Ասորիքի և Կիլիկիայի սահմանի վերայ եղած դաւառից: Նա տղայ ժամանակ արածում էր իւր հօր ոչխարները, յաճախելով եկեղեցի, հրապուրուեց կրօնաւորութեամբ և 14 տարեկան հասակում մտաւ խստակրօն կրօնաւորների մի վանք: Նա իւր համբերութեամբ և իւր անձը խոշտանգելու արտակարգ միջոցներով զարմացրեց և հիացրեց վանականներին: Մի անգամ ջրի ուղարկուած լինե-

1), Վարք Հարանց հատ. I. էր. 287—319: Յայտմաւ. Ապրելի Ա. և Արեգի ԻՓ. վարք Մարիամու Եգիպտացւոյն:

լով՝ առաւ արմաւենու կոշտ պարանը, որով ջուր էին քաշում հորից, պինդ փաթաթեց իրան՝ և յայտնեց, որ կորցրել է պարանը: Երկու շաբաթից յետոյ գաղտնիքը բացուեց. կոշտ պարանը մտել էր նրա մարմնի մէջ և հոսող արիւնի կաթիլները յայտնեցին գաղտնիքը: Քննութիւնից երեաց, որ պարանը այնպէս էր մտել նրա մարմնի մէջ, որ հաղիւ էր նկատուում: Պարանը դուրս կորզելու ժամանակ Սիմէօնը ամենևին ցոյց չբտուեց, որ ցաւ է զգում, և թոյլ չբտուեց, որ վէրքերի վերայ դեղ դնեն: Աննահայրը հարկադրուեց նրան հեռացնել վանքից, որ նրա խստակեցութիւնը նախանձորդներ չըյարուցանի վանքում, որը աւելի թոյլ միաբանների համար կարող էր վտանգաւոր լինել: Գետնի երեսին տքնութիւնները բաւական չըհամարելով՝ նա սիւներ էր շինում և նրանցից բարձրագունի վերայ ամառ ձմեռ գիշեր ցերեկ տքնում էր: Հետզհետէ սիւները բարձրացնում էր. վերջին սիւնը քառասուն կանգուն բարձրութիւն ունէր: Սիմէօնը պարանոցին կրում էր ծանր շղթայ և անդադար ծունր էր դնում. մի ակննատես կարողացել է մինչև 1240-ը հաշուել, այնուհետև կորցրել է ծնրադրութեան հաշիւը: Նա շատ քիչ բան էր ուտում և ամբողջ մեծ պասին ծով էր մնում. մարդարէութիւն էր անում և հրաշքներ դործում: Նրա հետ յարաբերութիւն էին պահում կայսրներ, թագաւորներ, եպիսկոպոսներ և շատ նշանաւոր մարդիկ:

«Սիմէօնը քրիստոնեայ աշխարհում համաշխարհային հռչակ ստացաւ: Ետները Պարսկաստանից, Եթովպիայից, Սպանիայից, Գաղղիայից և Բրիտանիայից գալիս էին նրան տեսնելու: Ինչ նրա կենդանութեան ժամանակ Հռովմի արհեստանոցում նկարում էին նրա պատկերը, համարելով այն դիւահալած: Սիմէօնը վախճանուեց 460 թուին 72 տարեկան հասակում, 47 տարի սիւնի վերայ ճգնելով:

Մեր հոգևոր գրքերում ևս¹⁾ գտնում ենք Սիմէօն Սիւնակեացի վարքը պատմուած այնպէս, ինչպէս Րօբերտ-

1), Յայամաւ. Սեպտեմբերի ԺԱ. և Նաւասարդի ԻԲ: Արակատար Վարք Սրբոց հատ. Զ. 25: Վարք հարանց Ա. հատ. 324—326.

սոնն է աւանդում, բայց ծննդավայրի որոշ ցուցմամբ՝
Յայսմաւուրքը գրում է, որ Սիմէօնը Կիլիկիայի Սիսան գիւ-
ղաքաղաքիցն էր. «ի ժամանակս բարեպաշտ կայսերն Լեօնի
մեծի և Մարտիրոս պատրիարքի»։ Լեօն Ա. թագաւորում
էր 457—474 թ. իսկ Վարք Հարանցը Սիմէօնին Անաիօքացի
է համարում, երևի Անաիօքին մօտ ճգնելուն համար։

Սիմէօնին յաջորդեց Գանիէլ Միջագետացին, որ շա-
րունակեց սիւնի վերայ ճգնութիւնը 461—494 թիւը։
Սիւնակեացներին թէև սակաւ, բայց հետևողներ եղան
Յունաստանում և Ասորիքում։

Եթէ սիւնի վերայ ճգնողներ կային, կային և գբի
մէջ ճգնողներ, որոնց գլխաւորն էր Յովհան գբնեցին¹⁾։
Սա Փիւնիկէի Կեսարիա քաղաքից էր, քրիստոնեայ բարե-
պաշտ մի այրի կնոջ դաւակ։ Հալածանքի ժամանակ Յով-
հաննու մայրը, որի անունն էր Յուլիա, թողնում է իւր
ապարանքը և ապաստանում մի աննշան խրճիթում, ու
այնտեղ ապրում թաքուն։ Այդ ժամանակ Յովհանը 15
տարեկան էր և միշտ եկեղեցի էր յաճախում սովորական
ժամերին։ Եկեղեցում մի մարդ նրա ջերմեռանդութիւնը
տեսնելով խորհուրդ տուեց անապատ գնալ և ճգնել։
Յովհանը հետևեց այս խորհրդին, առաւ մօր օրհնութիւնը,
հրաժեշտ տուեց մօրն ու միակ փոքրիկ քրոջը, դուրս
եկաւ տանից և գնաց Յայնկոյս - Յորդանանի անապատը։
Առաջին գիշերը նա մի եգիպտացի անապատականի մօտ
անցրեց և ուղեց նրա մօտ մնալ անապատական կարգերը
սովորելու համար։ Եօթներորդ օրը աստուածային աղղե-
ցութեամբ Յովհանը թողեց անապատականին և աւելի
խոր անապատ քաշուեց։ Հրեշտակի ուղղեցութեամբ մի
օր ճանապարհ գնալուց յետոյ Յովհանը մի գուբ գտաւ,
աղօթեց և ընկաւ մէջը, նա խնդրեց Աստուծուց, որ իրան
այնտեղ կերակրի և ուխտեց՝ որ մինչև մահ այնտեղից
դուրս չըգայ։ Իբի մէջ ճգնելիս՝ սովորական փորձութեան
ենթարկուեց և յաղթող հանդիսացաւ։ Տասն տարի գբի

2), Վարք Հարանց հատ. Ա. եր. 113—125.


մէջ մնաց, վախճանուեց 25 տարեկան հասակում և թաղուեց Կրիստոս անապատականի ձեռքով, որը և Յովհաննու վարքը գրել տուեց մի եկեղեցական պաշտօնեայի: Խռիւսիոն անապատական ծերն էլ հրեշտակի ազդմամբ գրեց Յովհաննու վարքը, որ համեմատ գտնուեց Կրիստոսի գրել տուածին ¹⁾:

Մ. Վ. Աւգերեանը ²⁾ արդի քննիչներից և Բոլլանդեաններից առնելով ասում է, որ Յովհան գրեցին հայ էր, Փոքր — Հայոց Կատանիա քաղաքից, Գ. դարում. թէև Յայսմաւուրքը ասորի է անուանում և Գ. դարում ապրած:

Յովհան գրեցին տօնում է սրբոց հարցն եզիպտացւոց հետ դեկտեմբերի սկիզբներում:

Սիմէօն սիւնակեացը տօնում է Վարադայ Խաչի պահոց բշ. որը սեպտեմբերի վերջերին:

Յոյն — Ռուս եկեղեցին Մարիամ եզիպտացու յիշատակը տօնում է ապրելի 1-ին, իսկ հայ եկեղեցին չի տօնում:



1), Վարք Սրբոց հատ. Թ. եր. 268—273:

2), Նոյն:

Ե.

Ամփոփումն — Անապատականներ, Ակիսէ, Վանք եւ Վանականներ: Այլափոփումս Անապատականներ — խոսանարակներ, սիւնակեացներ, գրնեցիներ: Վանքերը որպէս անհրաժեշտ հաստատութիւն: Ա. շխարհիկ հոգեւորականութիւն. Հոգեւորականների զգեստը. Փիլոն եւ Վեդար.

Անապատական կեանքի դարգացման պատմութիւնը մեր առաջն է դնում հետեւեալ դասաւորութիւնը.

1 Միայնակեաց անապատականներ. սրանք նախագաղափար ունենալով ս. Եղիա մարգարէին և Յովհաննէս Մկրտչին, ապրում էին անապատում միայնութեան մէջ քրիստոնէութեան դէմ եղած հալածանքից ղերծ մնալու և աշխարհի դայթակղութեան չենթարկուելու համար: Այսպէս էր Պաւղոս թերապիագին Գ. դարի վերջին և Դ. դարի առաջին կիսին:

2. Երբ քրիստոնէութեան դէմ հալածանքը մեղմացաւ, մարդիկ անապատ էին քաշում, առանձնութեան մէջ գլխովին Աստուծուն նուիրուելու և աշխարհի դայթակղութիւնից հեռու լինելու համար: Սրանք ոչ խորին անյայտութեան մէջ և ոչ էլ բոլորովին միայնակ էին ապրում, այլ փոքրիկ խմբերով իրար մօտիկ խրճիթների կամ այրերի մէջ, որ սկիսէ կամ սկիսք է կոչում: Այս անապատականները բոլորովին կտրուած չէին աշխարհից, նրանք հարկաւոր ժամանակին երևում էին քաղաքներում և գիւղերում և հաւատացեալների բարոյական — կրօնական դարգացման վերայ մեծ ազդեցութիւն ունէին: Սրանք դաւանական և վարչական խնդիրների մէջ էլ ազդեցիկ դեր էին կատարում: Այս տեսակ անապատականութեան նախասկիզբ ներակայացուցիչն էր Անտոն — Անապատականը. որի մահը անապատականները ողբացին հետեւեալ նշանաւոր և խորիմաստ արտայայտութեամբ. «Աշխարհս մեծ բարեխօս կորցրեց և երկինքը մեծ մարդ ընդունեց. վե-

բինը գտաւ այն՝ ինչ որ որոնում էր, և ներքինս կորցրեց ինչ որ ունէր¹⁾).

Անապատականութիւնը, եթէ չըհաշուենք Եղիա մարգարէին ու Յովհաննէս Մկրտչին՝ սկսուեց ու զարգացաւ Եգիպտոսի անապատներում, կամաց կամաց շարժուեց դէպի Պաղեստին, Ասորիք, Միջագետք և Հայաստան.

3. Դ. դարում անապատականներից աւելի խստակրօնները մեծ առաքինութիւն էին համարում իրանց անձը տանջել զանազան մտացածին միջոցներով և ուտելիքի վերաբերութեամբ զրկանքներով: Այդ անապատականութեան այլափոխութիւնն էր և վախճանից առաջ՝ վերջին ճիգը: Այլափոխուած անապատականներից ոմանք ամառ ձմեռ մերկ ապրում էին անմարդաբնակ տեղերում, նրանք որոնք խոտ էին ճարակում, կոչւում էին Խոսանարակներ կամ ոսկի (BOCKH)՝ որպիսի էր Մարիամ Եգիպտացին, որոնք սիւների վերայ էին ճգնում, կոչւում էին Սիւնակեացներ, որպիսի էր Սիմէօն Սիւնակեացը, և որոնք գբի մէջ էին ճգնում՝ կոչւում էին Գբնեցիներ, որպիսի էր Յովհան Գբնեցի:

Այս տեսակ ճգնաւորական կեանքը երկար չըշարունակուեց և չէր քաջալերւում եկեղեցու ողջամիտ հայրերից, որոնք թէև դատապարտում էին եպիսկոպոսների և աշխարհիկ հոգևորականների պճնասիրութիւնը, սնափառութիւնը, ցուցամոլութիւնն ու աշխարհիկ ձևերը, բայց այդ հոգևորականներից ոմանց գծում մուրացկանի և կեղծաւոր կրօնաւորութեան հազուստն և նիստ ու կացն էլ չէին քաջալերում՝ անպատշաճ բան համարելով այն: Կեղեստինոս պապը (423—432) իւր նամակով դէպի գաղիացի եպիսկոպոսները յանդիմանում է նրանց, որ, հազուստով կամենալով ցոյց տալ, թէ խստակրօն են, կրօնաւորների պէս կարճ պարեգօտ (պալլի) և կաշէ կօտի էին հագնում

1. «Մեծ բարեխօս կորոյս աշխարհս, և մեծ մարդ ընկալան երկինք: Եգիտ վերինն՝ զոր խնդրէր և կորոյս ներքինս՝ զոր ունէր»... Վարք Հարանց հատ. Ա. եր. 81. Թուղթ Սերապիոնի սուրբ հօրն առ աշակերտս երանելոյն Անտոնի առ Մակար և Ամատաս:

Եկեղեցում¹⁾։

4. Եգիպտոսի անապատականների իրար մօտիկ խրճիթներում և այրերում բնակութիւնը, որ սկիսէ կամ սկիւթ էր կոչւում և համապատասխանում է հայ մենաստան բառին, Գ. դարի վերջերքին աւելի որոշ կերպարանք ստացաւ և սկիզբն դարձաւ վանքերի գոյութեան։ Վանքերում անապատականները պէտք է ապրէին խմբուած մի որոշ շրջանակի մէջ. այդպիսի խմբական կենակցութիւնը պէտք ունէր որոշ կարգ կանոնի։ Ինչպէս տեսանք, Պախոմը, (հայ տառադարձութեամբ Պաքմէոս, Պաքումէոս) այդպիսի մի համախմբուած անապատականների մեծաւոր կամ առաջնորդ դառնալով՝ սահմանեց որոշ կանոններ, որ ըստ աւանդութեան՝ հրեշտակի ձեռքով էր ստացել։ Վայրը, ուր խմբուած էին անապատականները, կոչուեց վանք կամ փարախ. մեծաւորը՝ առաջնորդ, վանահայր կամ ասորերէն՝ արքա, որ նշանակում է հայր և յունարէն արքիմանդրիտ, որ նշանակում է փարախապետ։ Վանքերում բնակւողները այլևս անապատական չէին կոչւում այլ կրօնաւոր, վանական, մոնոզոն։ Այր մարդկանց վանքերից յետոյ անմիջապէս սկիզբն առաւ կանանց վանքը, որը հաստատուեց դարձեալ Պախոմի ձեռքով, և կանանց այդ առաջին վանքի մայրապետ դարձաւ Պախոմի քոյրը։

Գ. դարի սկզբում վանական հաստատութիւնները Եգիպտոսից տարածւում են Իլլարիոնի ձեռքով Պաղեստին, Ասորիք, Հայաստան, և շրջակայ երկրները։ Ինչպէս անապատականները, նոյնպէս և վանականները ամուրի էին։ Վանքերի հաստատութեամբ անապատականութիւնը կորցրեց իւր նշանակութիւնը և այլափոխուեց։ Եկեղեցու պայծառութեան համար վանքերը անհրաժեշտ հաստատութիւն դարձան։

Ճգնաւոր անապատականներից ու վանականներից բոլորովին տարբերւում էր աշխարհիկ հոգևորականութիւնը,

1) Христианское чтение. 1898 [թ. հատ. CCVI մասն առաջին. «О времени происхождения церковнаго облаченія» էր. 145—175։

որ բաղկացած էր եպիսկոպոսներից, քահանաներից և եկեղեցական ստորին պաշտօնեաներից: Եպիսկոպոսները կառավարում էին եկեղեցու վարչական գործերն ու ձեռնադրութիւն անում. եկեղեցական վարչութեան մէջ դրանք իշխաններ էին: Քահանաները եկեղեցական ստորին պաշտօնեաների սպասաւորութեամբ հաւատացեալներին մատակարարում էին եկեղեցու խորհուրդները (մկրտութիւն, ապաշխարութիւն կամ խոստովանութիւն, հաղորդութիւն, ամուսնութիւն) և կատարում արարողութիւններն ու հանապազօրեայ ժամերգութիւնը: Թէ եպիսկոպոսները և թէ քահանաները մինչև Ռ. դարի երկրորդ կէսը ամուսնացած էին: Այդ ժամանակին արևելեան եկեղեցում սահմանուեց, որ աշխարհիկ հոգևորականութեան այն մասը, որը քահանայ կոչմամբ ժողովրդի մէջ էր լինելու իբրև խոստովանահայր և սուրբ խորհուրդների մատակարարող՝ ըստ հնուին ամուսնացած լինի. իսկ այն մասը, որ յանձին շրջիկ քարոզիչների և եկեղեցին կառավարող եպիսկոպոսների ժողովրդի հետ անմիջական յարաբերութիւն և մշտական կայեան պէտք է չունենար, իբրև հոգևոր զինուորութիւն՝ ամուրի լինի, հիմք ունենալով Պօղոս առաքեալի խօսքը թէ. «զի որ անկինն է, հոգայ զՏեառն, թէ որպէս հաճոյ լիցի Տեառն. և որ կանամբին է, հոգայ զաշխարհիս՝ թէ որպէս հաճոյ լիցի կնոջ իւրում»¹⁾: Չափաւորութիւնը թէ հազուստի և թէ կենցաղավարութեան վերաբերութեամբ այդ հոգևորականների պարտաւորական պարտքն էր. բայց Բիւզանդիայում և Հռոմում արքունի ճոխութիւնը ազգեց այդ տեղերի հոգևորականութեան կենցաղի վերայ: Եպիսկոպոսները հազում և ապրում էին սենատորներին հաւասար ճոխութեամբ ու փարթամութեամբ և պալատականների կարգումն էին²⁾: «Եկեղեցու դէմ հալածանքը դադարելուց յետոյ հոգևորականութիւնը պատուաւոր տեղ գրաւեց և համարւում

1) Ա. Վրնթացուց է. 32—33:

2) Христ. чтение. 507н. 6р. 161—162.

էր պետական բարձրաստիճան պաշտօնեաներին հաւասար,
և դրա համար էլ շատ բնական է, որ պալատական աս-
տիճանաւորների պատուոյ նշանները, որոնց հետ և ժապա-
ւէնը (ուրար) նրանց էլ անցնէր»¹⁾: Գրիգոր Աստուածաբանը
Կ. Պօլսում տեսնելով մայրաքաղաքի բնակիչներին դատար-
կութեան և զուարճութեան մատնուած, ասաց²⁾. «Ժողովուրդը
ապրում է միայն հացով և խաղերով»: Եւ գանգատում էր,
թէ. «Կ. Պօլիսը քաղաքներից առաջինն է, որ գտնւում է
դերասան դառնալու վտանգի մէջ: Այս նկատողութեան
Փարրարն աւելացնում է հոգևորականութեան նկարագ-
րութիւնը, գրելով. «Այս չարիքի աւելի վատ երևոյթը
այն էր, որ դէպի թատրոնական տեսարանները համաճարակ
մոլութեան պատճառով եկեղեցական պաշտամունքները և
քարոզիչների ճառերը սկսել էին աւելի և աւելի թատրո-
նական դառնալ: Երէցի պաշտօն ստանձնում էին ոչ թէ
նրա համար, որ պարզ Գրիստոսին քարոզեն պարզ ժողո-
վրդին, այլ որ հնարաւորութիւն ունենան յափրանալ այն
արբեցուցիչ ծափահարութիւնների դղրդիւնով, որով
օգտւում էին դերասաններն ու կառարչաւները»: Ս. Գրիգոր
Աստուածաբանը դառնութեամբ ասում է³⁾, «Մենք մեր
բարեկեցութեամբ խորտակեցինք այն փառքն ու զօ-
րութիւնը, որը ձեռք էինք բերել հալածանքի ու թշուա-
ռութեան ժամանակ ...»: Ես չը գիտէի, ասում է նա, որ
ինձնից կը պահանջեն մրցել կոնսուլների, պրեֆեկտների
և նշանաւոր զօրապետների հետ, որոնք չը գիտեն ինչպէս
ազատուեն զեղխութիւնից. չը գիտէի, որ աղքատներին
պատկանող գոյքերը պէտք է վատնեմ կերակուրների և
ճոխութեան համար. պէտք է նժոյգ ձիերով շրջեմ, կառ-
քերով ման գամ, ի ցոյց մեծութեանս՝ հանգիսաւոր
գնացքներ սարքեմ, յառաջընթաց ունենալով «զգո՛յշ, զգո՛յշ»

1) Նոյն եր. 159.

2) Жизнь и труды свв. Отцовъ. Св. Григоріи Назіанзинъ
եր. 421.

3) Նոյն եր. 405.

դոչող ազդարարներ, որի ժամանակ ամեն ոք պարտաւոր լինէր ճանապարհ տալ շտապաւ մի կողմ քաշուելով, որպէս թէ մենք որ և է վայրենի դադան լինէինք, և մեր գնացքը պէտք է անպատճառ հեռուից նկատուէր»։ Այնուհետև մեղադրելով հոգևորականներին և հարուածելով նրանց թոյլ կողմերը՝ ժողովրդի համար ասում է. «Նրանք իրանց համար փնդուում են ոչ թէ քահանայ, այլ հուետոր, ոչ թէ հոգիների, այլ դրամների պահապան, ոչ թէ անարիւն զոհ (ս. պատարագ) մատուցանողներ, այլ հզօր ըմբշամարտներ։ Ես պատրաստ եմ այդ բանի համար նրանց (ժողովրդին) ներել, մենք ենք նրանց դատարարակել այդպէս, մենք աշխատում ենք ամենքին դիւր դալ, ամենքի համար ամեն բան դառնալ, բայց չըզիտեմ դրանով նրանց (ժողովրդին) կրփրկենք թէ կըկորցնենք ¹⁾»։

Եթէ անապատականները այլափոխուել էին, վանական կրօնաւորներն էլ կեղծաւոր ձևերով շահագործում էին հաւատացեալների դիւրահաւանութիւնը, ինչպէս տեսանք եկեղեցու մեծ վարդապետների և հայրերի վկայութիւններից՝ աշխարհիկ հոգևորականութիւնն ևս, թէև անհամեմատ դիտուն, բայց իւր կոչման բարձրութեան վրայ չէր։ Սակաւ բացառութեամբ այսպէս էր աշխարհիկ հոգևորականութիւնը Դ. դարի երկրորդ կիսին, այսինքն քրիստոնէութիւնը Կոստադին Մեծից չարգելուած կրօն հրատարակուելուց միայն յիսուն տարի յետոյ։

Վանական կրօնաւորներին անհրաժեշտ մազեղէն փիլոնը ²⁾ փոխարինում էր Եղիայի մաշկեակին ³⁾, ծածկում էր նրանց մերկութիւնը, համարւում էր մեռելութեան վերարկու, խոնարհութեան ու աշխարհուրացութեան նշան ⁴⁾։

1) Նոյն եր. 437—38։

2) Վարք Հարանց. հատ. Ա. եր. 289. Մարիամ Եգիպտացու վարքի մէջ տեսնում ենք, որ փիլոնը մազեղէն էր։

3) Մաշտոց ձեռնագրութեան կղերիկոսաց ևն. տպ. Ս. Էջմիածին 1870 թ. եր. 51. «Օրհնեան Տէր զզգեստ և զպատմուճան սորա, որպէս օրհնեցեր զմաշկեակն Եղիայի»։

4) Նոյն Մաշտոց. Կանոն օրհնութեան արեղայի. եր. 63, վերջին

Աշխարհիկ հոգևորականութիւնը (եպիսկոպոս, վարդապետ, քահանայ) այդ փիլոնը իւրացրեց և հետ զհետէ ճոխացնելով՝ դարձրեց պատուոյ պարգև և բարձր աստիճանի յատկանիշ: Օրթոդոքս եկեղեցում՝ եպիսկոպոսները մազեղէն փիլոնը մետաքսեայ գունաւոր մանտիա դարձրին և յատկացրին եպիսկոպոսական աստիճան ունեցողներին, իսկ հայ եկեղեցում սև մազեղէն փիլոնը դարձաւ մետաքսեայ, գունազեղ և ծաղկենկար փիլոն, որ, «խառայ փիլոն» ընդհանուր անուամբ, եկեղեցու բարձրաստիճան պաշտօնեաները (կաթողիկոս, եպիսկոպոս) իրանց սեպհականելով, որպէս պատուոյ պարգև շնորհում էին վարդապետներին ու քահանաներին՝ նրանց բազմամեայ և արդիւնաւոր պաշտօնավարութիւնը վարձատրելով:

Փիլոնի սկզբնական համեստ ձևն ու նպատակը այնքան փոխուեց, որ եկեղեցական միւս զգեստների հետ նրա ծագման մասին էլ տարակոյս առաջացաւ¹⁾, թէ արդեօք հայ «խառայ փիլոնը» կամ օրթոդոքս «մանտիան» կրօնաւորների մազեղէն փիլոնն է, թէ հռովմայ և Բիւզանդիայի սինատորների ծիրանին, կամ հին հռովմայեցիների տօգան, որ կրում էին պետական բարձրագիր անձինք:

Նոյնը կասեմք վեղարի համար էլ. վեղարը փիլոնի անբաժան մասն էր, եթէ փիլոնը ըստ աշխարհի մեռելութեան պատանն էր, վեղարն էլ վարչամակն էր: Վեղարը կամ կնգուղը վանական կրօնաւորների անհրաժեշտ հագուստի մասն էր, վեղարը պատրաստուում էր թանձր խարաղնից, սրածայր գլխով, որ քանի վայր էր իջնում այնքան լայնանում էր: Վեղարը առաջի կողմից իջնում էր մինչև երեսի կէսը՝ ծածկելով ունքերը աչքերը և դէմքի վերին մասը, իսկ ետևի կողմից՝ իջնում էր մինչև գօտին և աւելի

աղօթքի առաջի մասն. «Աղաչեմք դրեզ, Տէր Յիսուս, զվերարկու մեռելութեան մերոյ, որով և դու ծածկեցար խոնարհութեամբ և զձև զգեստուս, զոր ետուն մեզ հարքն մեր ի ցոյցս խոնարհութեան և ուրացութեան աշխարհի, որով և ինքեանք կերպարանակեցան...»:

1) Христ. чтение. 1898 г. том. CCVI. часть I. о врем. происх. церк. облач. стр. 146—175:

ցած: Վեղարը պատասպարում էր կրօղ կրօնաւորի գլուխը, պարանոց, թիկունքն ու ուսերը ձմեռուայ ցրտից և ամառուայ խորշակից: Վեղարաւորը կարողանում էր տեսնել միայն իւր առաջը. վեղարով նրա տեսութեան հորիզոնը շատ փոքրանում էր: Ըստ աւանդութեան¹⁾ կնգուղի կամ վեղարի համար հրեշտակը Պախումին պատուիրում է. «Եւ այս նշանակ կնգղաց նոցա, զի եղիցի նա առանց խաւու և խաչ ծիրանի յաջակողմանն»:

Գ. դարի Բ. կիսին, երբ սահմանուեց, որ եպիսկոպոսներն ու եպիսկոպոսութեան թեկնածուները ամուրի լինեն, դրանք վանական կրօնաւորներից իւրացրին վեղարն էլ: Օրթոդոքս եկեղեցու մէջ դարերի ընթացքում վեղարը բոլորովին կերպարանափոխուեց, ստացաւ կամկաւկայե ձև, գլուխը տափակ, առաջը բոլորովին բաց, միայն ետևի կողմից սև կերպասեայ շղարշով: Արքեպիսկոպոսներին, որպէս պարգև, իրաւունք է տրւում սպիտակ վեղար կրել: Հայ հոգևորականութիւնը պահելով վեղարի հին սրագլուխ ձևը, ժամանակի ընթացքում որոշ բարեձևութեան վերածեց. խարազնի տեղ վեղարը մետաքսեայ սև շղարշով է սքողւում, այդ շղարշը առաջի կողմից մինչև ունքերն անդամ չէ հասնում, այնպէս որ վեղարաւորը դիմացը տեսութեան ընդարձակ հորիզոն է ունենում, միայն աջ և ձախ կողմերից բաւական սահմանափակւում է հորիզոնը. վեղարի շղարշը ետևի կողմից ուսերի վերայով վայր է իջնում շատ անդամ մինչև ծնկների ծալքը: Ինչ կասկած, որ վեղարից ծիրանի խաչը յապաւուեց, որովհետև այն կը խանգարէր վեղարի բարեվայելչութեանը: Ծիրանի խաչի տեղ այժմ, որպէս բարձրագոյն պարգև, շնորհւում է եկեղեցու բարձրաստիճան պաշտօնեաներին ադամանդեայ խաչ՝ վեղարի ճակատին կրելու:

Վանական կրօնաւորների զգեստն էր կնգուղ, սքեմ և դօտի, և Պաքմէոսը վախճանուելիս պատուէր է տալիս իւր աշակերտներին ու ասում, «կնգուղն օրինակ է անմե-

1) Վարք հարանց, Բ. հատ. կր. 476:

դուժեան և սքեմն՝ օրինակ խաչի, իսկ դօտին արիուժեան
և քաջուժեան նշան է։ Արդ, մենք քաղաքավարեսցուք
ըստ կերպի մերոյ և զամենայն փուժապէս գործեսցուք,
զի մի գտցուք զօտար կերպ զգեցեալ¹⁾։

Աշխարհիկ հոգևորականներից կրօնաւորական կամ
արեղայական ձևի զգեստ գործածողներից առաջինն էր,
ինչպէս տեսանք, Սերաստիայի Եւատաթէոս հայ եպիսկո-
պոսը, որ իւր այդ նորաձևութեան համար բանադրուեց
Կեսարիայի Եւլալիոս եպիսկոպոսից և ապա Գանգրայի Ժո-
ղովից²⁾ դատաւարտուեց դաւանական խնդիրներում իւր
տատամսութեան և դէպի հերետիկոսները հակամիտութեան
պատճառով։ Թէև ուղղափառ եկեղեցին հալածում էր
Եւատաթէոսին, բայց նա իւր կրօնական խորին հմուտ-
ութեամբ և խստակրօն մաքուր վարքով ակնածելի էր. նրան
յարգում և նրա վարքին հետևում էին ողջամիտներից
շատերը, որոնց մէկն էր Բարսեղ Մեծն³⁾։



1) Վարք հարանց Ա. հատ. եր. 454։

2) Գանգրայի ժողովը ըստ Չ. Բօրերտսոնի (եկեղ. պատմ. հատ. I. եր. 1072) եղել է 325—341 թ. ըստ Փարրարի (Жизнь и труды свв. отцовъ եր. 477) 358 թ. ըստ Մեսրոպ վարդապետ Տէր Մովսէսեանի (Սոկրատ եր. 206) մօտաւորապէս 361—362 թ.

3) Жизнь и Труды свв. отцовъ. Св. Василий Великій.

Մեծն Բարսեղի եւ Գրիգոր Աստուածաբանի կրթութիւնը: Բարսեղը ուսումնասիրում է արեւելի կրօնաւորական եւ անապատական կեանք: Նա Պոնտոսում հիմնում է վանքեր եւ Գրիգոր Աստուածաբանի հետ կրօնաւորական կեանք վարում. նրանց եւ վանականների գրադմունքները: Անախորեսներ եւ Կինովիոսներ. վանական դառնալու հրապոյրը ընդհանրապէս. Բարսեղը Կեսարիայի արքեպիսկոպոս. Գրիգորի դժգոհութիւնը Բարսեղից: Գրիգորը Կ. Պօլսում. Երկու մեծ բարեկամների ազդեցութիւնը արեւելեան եկեղեցում. Բարսեղի եւ Գրիգորի մահը: .

Բարսեղ Մեծն ու Գրիգոր Աստուածաբանը դեռ պատանեկան հասակում, իրանց հայրենիքում — Կապադովկիայում, որ Սերաստիայից հեռու չէր, Եւստաթէոսի խստակրօնութեան համբաւը լսած լինելով անտարբեր չէին դէպի նա և դէպի կրօնաւորութիւնը: Հատ Փարրարի նրանք ¹⁾ Աթէնքում, իրանց ուսանողութեան ժամանակ, համարեա կրօնաւորի կեանք էին վարում. նրանք յատկապէս Պրոերեսիոս քրիստոնեայ հայ ուսուցչապետի ազդեցութեան տակ քրիստոնէական հոգով կրթուելով մեծ յառաջադիմութիւն գործեցին հռետորութեան մէջ: Բարսեղի և Գրիգորի դասընկերների մէջ էր նաև Յուլիանոսը, որ յետոյ կայսր դարձաւ Ուրացող յորջորջմամբ:

Բարսեղը ծնուեց 326 թուին քրիստոնեայ ծնողներից. նրա բարեպաշտական զգացումների վերայ մեծ ազդեցութիւն ունեցան նրա մայրը՝ Էմմէլիան և քոյրը՝ Մաքրինան: Հնգամեայ ուսանողութիւնից յետոյ (351—355 թ.) նա Կ. Պօլսի վերայով վերադարձաւ իւր հայրենի Կեսարիա քաղաքը, ուր սկզբում սկսեց փաստաբանութեամբ պարապել և կենցաղասէր կեանք էր վարում. դեռ 22 տարեկան

1). Բարսեղ մեծի և Գրիգոր Աստուածաբանի մասին մեր գրականոր աղբիւրն է Փարրարի Жизнь и Труды Свв. Отцовъ.

գեղեցկակազմ, բարձրահասակ և քաջ հռետորի համբաւ
վայելող Բարսեղը հեռի չէր երիտասարդական հասակին
յատուկ ցուցամուտութիւնից. բայց երբ իւր մօր և քրոջ
ազգեցութեան տակ սկսեց աւետարան կարդալ՝ դարձեց
նրա մէջ կրօնաւորական կեանքով ապրելու իղձ, մըկրտ-
ուեց և, տեղումը կամենալով ուսումնասիրել անապա-
տական և վանական կեանքը, այցելեց Եգիպտոսի, Պաղես-
տինի, Սսորիքի և Միջագետքի անապատներին ու վան-
քերին, որոնք շատ խոր տպաւորութիւն թողին իւր վերայ:
Բարսեղը խօսելով իւր տեսած անապատականների ու
վանականների մասին՝ ասում է. «Ես երկիւղածութեամբ
եմ յիշում նրանց չափաւորութիւնը ուտելիքի վերաբե-
րութեամբ, աշխատանքի մէջ նրանց տոկունութեան վե-
րայ հիացել էի. սքանչացել էի աղօթքի մէջ նրանց ջանա-
սիրութեան վերայ, դարմացած էի թէ նրանք ինչպէս
յաղթում են քնին. չէին ընկճւում ոչ մի մարմնական
կարիքի առաջ, միշտ հոգու արիութիւն էին պահում
քաղցի, ծարաւի, ցրտի և մերկութեան մէջ... Նրանք, յի-
րաւի, ցոյց էին տալիս թէ ինչ է նշանակում ապրել որպէս
երկնաքաղաքացի՝ արհամարհելով աղցաւոր աշխարհը»:

Բարսեղը բոլորովին հրապուրած այս հրեշտակային
կեանքով, և ՚ի նկատի ունենալով, որ իւր հայրենակիցնե-
րից շատերն են նախանձաւոր այս կեանքին, մտքումը
դրեց իւր հայրենիքում ևս նոյնպիսի կրօնաւորական կեանքի
հիմք դնել: Եւ երիտասարդ հասակում թողնելով աշ-
խարհը իւր հրապոյրներով քաշւում է դէպի անտառա-
խիտ և լեռնոտ Պոնտոսը. Իրիս գետի մօտ, Անիսայում,
սկսում է կրօնաւորական կեանք: Բարսեղը դէպի արևելք
արած իւր ճանապարհորդութիւնից երկու արգասաւոր
համոզում էր բերել—ա. թէ մարդիկ չըպէտք է անպայման
միայնութեան մէջ ապրեն, բ. թէ անձնուրացութեան ու
անձնաչարչար լինելու չափազանցութիւններին վերջ դնե-
լու համար պէտք են կանոններ:

Բարսեղից անբաժան էր նրա դասընկեր Գրիգոր Աստ-
ուածաբանը: Նրան հետևեց նրա մայր Էմմիլան, որ երկու

արժանաւոր կրօնաւորների կեանքը քաղցրացնում էր իւր մայրական խնամքով: Գրիգոր Աստուածաբանը կամ Նազիանզացին Պոնտոսի լեռներում իրանց վարած անապատական կեանքի մասին գրում է Բարսեղին. «Յիշում եմ այդ հացերն ու չըլպուրները և միշտ էլ պէտք է յիշեմ, որովհետև այդ քառթու հացերը ծամելիս ատամներս սոթ էին տալիս, և կարծես խիճ ծամելիս լինէի:... Եթէ թշուառներին մեծահոգութեամբ կերակրող քո մայրը չազատէր մեզ այդ դրութիւնից, քո մայրը, որը երևեց մեզ, նաևի պէս ալեկոծւողներին, որպէս անփոյթ նաւահանգիստ՝ վաղուց մեռած կըլինէինք, Պոնտոսին մեր հաւատարմութեան համար ոչ այնքան գովասանքի, որքան ավստոսանքի արժանանալով»:

Բարսեղը շատ խստմբեր կեանք էր վարում. իւր երկրաւոր գոյքերից միայն իւր վերայի հագուստն էր վեր առել: Եւ, «գիշերը երբ թաքչում էր մարդկանց հայեացքից, հագնում էր կոշտ մազեղէն: Միայն ցերեկն էր հագնում պարեգօտ և վերարկու: Նրա անկողինը չոր գետնի վերայ էր գտնւում, և գիշերները շատ անգամ հսկումներով էր անցկացնում: Նրա ըմպելին պարզ ջուր էր, ուտելիքը՝ ցամաք հաց և աղ: Այնուամենայնիւ նա անձնատուր էր մարմնական և մտաւոր աշխատանքի:

Պոնտական այս առանձնութեան մէջ Բարսեղի և Գրիգորի կեանքը լծորդուած էր հետևեալ դժուարութիւնների հետ: «Նրանց խրճիթը առանց տանիքի էր ու առանց դռան, վառարանը առանց կրակի ու ծխի. պատերը խորշակից այնքան չորացել էին ու ճաքճաքել, որ նրա մէջ բնակողները կաթիլքի և անձրևի ժամանակ չէին կարողանում ցելսոտ կաթիլներից պատսպարուել: Նրանք այնտեղ կենում էին տանտալոսին դատապարտուածների պէս՝ ջրի մէջ ծարաւից ասնջուելով: Մենք տեսանք թէ ինչ հաց էին ուտում նրանք և նրանց կեանքը մահից ազատել էր Բարսեղի մայրը, սակայն Բարսեղը ոգևորութեամբ յիշելով այդ կեանքը անուանում է նրան «Մամբրէի կաղնի, դէպի երկինք բարձրացնող սանդուղ, Մաքանայեմի կայարան, Եղիա մարդարէի Կարմելոս, Յովհաննէս Մկրտչի

անապատ և Չիթենեաց սար»:

Բարսեղն ու Գրիգորը իրանց անասատական տաժա-
նելի կեանքը քաղցրացնում էին պահքով, ժուժկալու թեամբ,
աղօթքով և ֆիզիքական ու մտաւոր պարապմունքներով:
Նրանք զբաղւում էին Ս. Գրքի ուսումնասիրութեամբ և
Որոգինէսից ծաղկաբաղներ կազմելով, որ Ֆիլոկալիա է
կոչւում: Բարսեղը այդ տեղ գրեց իւր «Բարոյագիտու-
թիւնը (Нравочение)» և բազմաթիւ թղթերը: Ս. յդպիսի
բազմազբաղ մարդը հազիւ թէ միջոց ունենար աշխարհի
մասին մտածելու և նրա դայթակղութիւններով հրապուր-
ուելու. — դատարկութիւնն ու անգործութիւնն են մեղսա-
գործութեան մայրերը: Գերագոյնով զբաղուած միտքը ժա-
մանակ չի գտնի սասրայիններով զառածուելու. գործող
ձեռքը և աշխատող անձը ապահովուած են յանցանքներից
և արատներից:

«Կրօնաւորական կեանքի նպատակն էր ձեռք բերել
հոգու անգործութիւն՝ հոգու հայեացքը միայն մի անհրա-
ժեշտ առարկայի վերայ ուղղելով, փոխանակ աշխարհային
հազարաւոր հոգսերի, որոնք են, ամուսնական հոգս, աղ-
գականների հոգս, սարուկների հոգս, հասարակութեան
թեթեամիտ վերաբերմունք և ամեն տեսակ կենցաղական
ունայնութիւն»:

Բարսեղին հետևող «կրօնաւորները ման էին գալիս
համեստութեամբ, գլուխները քաշ, հասարակ հագուստով,
չըսանրած մազերով, սգաւորների պէս: Նրանք ծանր քայ-
լերով էին շրջում, միտում էին և օրուայ 24 ժամերից
միայն մէկն էին նուիրում ճաշի, որ կազմուած էր լինում
ամենահասարակ և անհրաժեշտ կերակուրներից: Չը «գի-
տեմ ինչ եմ անում այս առանձնութեան մէջ, գրում է
Բարսեղը Գրիգորին, ասելն էլ ամաչում եմ. թողնելով
ամեն չարիքի պատճառ քաղաքային կեանքը՝ ես մինչև
այսօր չըկարողացայ ինձ էլ թողնել: Ես նման եմ ծովային
հիւանդութեամբ բռնուած նաւորդի, և կարծելով թէ
նաևն է ալեկոծութեան պատճառը, անգաղար երթևե-
կում եմ մէկ դէպի նաւի ցուսկն՝ մէկ դէպի ղեկը:

Այսպէս է իմ դրութիւնը. որովհետև կրելով մէջս իմ ներքին հակումները, ես ամեն տեղ էլ նոյն արեկոծութեան մէջ եմ գտնուում. այնպէս, որ այս մեկուսացած կեանքից աչքի ընկնող մի շահ չբատացայ»: «Աւանդ. աւելացնում է Փարրարը, Բարսեղի փորձը հաստատուում է հազարաւոր ուրիշ մարդկանց փորձերով: Մարդ կարող է փոխել հագուստը, իւր նիստ ու կացը, իւր բնակավայրը, բայց ամեն տեղ էլ նա կը կրի իւր հետ իւր սեպհական ետը»:

«Կրօնաւորութեան վերաբերութեամբ Բարսեղի հայեացքը քիչ տարբերւում էր եգիպտացի իւր ժամանակակիցների հայեացքից. այս երևում է այն կանոններից, որ նա գրեց Գրիգորի օգնութեամբ: Այդ կանոնները օրինակ դարձան ասիական բաղմաթիւ վանքերի: Գրիգոր Նազիանզացին երկու տողով բնորոշում է իւր գաղափարը այդ մասին»: «Նս ման էի գալիս, ասում է նա, անախորեաների (ճգնաւոր) և կինովիտների (վանական) միջև եղած շաւղով և դիտում էի մէկի հոգեգմայլ վերացականութիւնը և միւսի օգտաւէտութիւնը»:

«Բարսեղը շատ էլ չէր քաջալերում միանձնական ճգնաւորութիւնը. նա կարծում էր, որ ճգնաւորները շափազանց անձնատուր լինելով վերացականութեան, էլ միջոց չեն ունենում քրիստոնէական սէրը վերակենդանացնելու, ուստի և վանական կամ միաբանական կեանքի առաջին հիմնադիրը դարձաւ Պոնտոսում և Կապադովկիայում: Սերաստիայի աթոռազուրկ հայ Եւստաթէոսը (որ յայտնի էր դաւանական խնդիրներում իւր տատանումներով, և որի հետ Բարսեղը բարեկամութիւն էր վարում յարգանքով վերաբերուելով դէպի նրա խստակրօնութիւնը), թէև շատ հետևողներ ունէր, սակայն նրանք, ինչպէս երևում է, ոչ միայնակեաց ճգնաւորներ էին, ոչ վանական, և ոչ շրջիկ կրօնաւոր. ապրում էին քաղաքներում և գիւղերում երկ-երկու կամ երեք-երեք միասին: Բարսեղը շրջում էր ամեն տեղ և վանքեր հաստատում, կրօնական վէճերի ժամանակ էլ անգործ չէր մնում:

«Վանքեր հաստատելու և վանականներ գտնելու մ/

առանձին դժուարութիւն չըկար: Մանր և սարսափելի ժամանակներ էին. զինուորական ծառայութիւնը լծորդուած էր անտանելի նեղութիւնների հետ: Երկրագործների և քաղաքացի արհեստաւորների մէջ տիրում էր սաստիկ աղքատութիւն. որբերին ու անտէր երեխաներին նրանց ազգականները բերում էին այս առանձնութեան խիստ և սրբազան վայրերը ուսման համար: Տէրերը թոյլ էին տալիս իրանց ստրուկներին վանք մտնել: Համոզումն էր կազմուել, թէ ամուսնութիւնը ըստինքեան բարեպաշտական և ցանկալի չէ, և այդ համոզումը դրդում էր շատ ամուսնական զոյգերի բաժանուել իրարից և հեռանալ աշխարհից: Ոգևորուած պատանիներին շատ անգամ ընկերանում էին հասակաւորներ էլ»:

Ուրեմն, միայն հոգևորական կեանքի հրապոյրը չէր, որ մարդկանց դէպի անապատներն ու վանքերն էր գրաւում. աշխարհի դառնութիւններն ու նեղութիւններն էլ հարթում էին ճանապարհը դէպի վանք ու անապատ: Եգիպտոսի սահմաններում Պախոմի կազմակերպած վանականութիւնը Գ. դարի սկզբում շուտով ընդարձակ ծաւալ ստացաւ Պաղեստինում՝ Իլլարիոնի ձեռքով, Ասորիքում՝ Եփրեմ Խուրու ձեռքով, Փոքր—Հայքում՝ Եւստաթէոսի ձեռքով, Կապադովկիայում ու Պոնտոսում Բարսեղ մեծի ձեռքով:

Որքան դորանում էր վանական միաբանական կեանքը, այնքան թուլանում էր ճգնաւորական միայնակեցականը. և վանքերը քրիստոնէական եկեղեցում կարևոր հաստատութիւն դառնալով տարածուեցին ամենուրեք: Վանականութիւնը երկար ժամանակ քրիստոնէայ եկեղեցու նիւթական և բարոյական զարգացման համար հոգևոր զինուորութիւն էր. բայց դարերի ընթացքում որքան վանքերն ընդարձակուեցին ու ճոխացան, ժամանակով որքան հեռացան հիմնարկութեան օրից, այնքան էլ հեռացան հիմնադիրների պարզ և մաքուր գաղափարից. որքան ճոխացան վանքերը, այնքան էլ յղփացան վանականները և, սակաւ բացառութեամբ, մաքուր սկզբունքին ծառայելու տեղ սկսեցին անձնական հաճոյքի ու վայելքի ետևից ընկնել:

ցաւ 'ի սիրտ պէտք է խոստովանել որ վանքերը իրանց աշխարհասէր վանականներով հաւատի և քրիստոնէական առաքինութեան գործում այժմ, եթէ ոչ ապարդիւն՝ գոնէ էլ շահաւէտ հաստատութիւն չեն համարուում շատ տեղ: Դրա համար էլ վանքերը սկսում են անշքանալ, իսկ վանականները, որ վանքերում իրանց գործով դբադուելով, Քրիստոսի եկեղեցու բարոյական շինութեան անկեան քարը պէտք է լինէին, քաղաքների փողոցներն ընկած՝ դառնում են վէժ գլորման և քար գայթակղութեան:

2. Րօբերտսոնը ասում է¹⁾. «Նա (Բարսեղը) հինգ տարով (357—362 թ.) հեռացաւ Պոնտոսի անապատը, որտեղ հիմնեց վանական միաբանութիւններ, որովհետև վանականութիւնը դեռ նոր էր ներմուծուել այս կողմերը Սերաստիայի Եւստատիոս եպիսկոպոսի ձեռքով: Բարսեղի սահմանած կրօնաւորական կարգը կոչուում էր կինովական (միաբանական), որը նրա կարծիքով բարեգործութեան ու առաքինութեան մէջ մարդուելու համար աւելի նպատակայարմար էր քան Եգիպտոսում գերադաս համարուած միայնակեցութիւնը: Աստուած, ասում էր նա, ստեղծեց մեզ մարմնի անդամների պէս, որ կարօտ ենք իրար օգնութեան, վասնզի չի կարող խոնարհութեան, առաքինութեան և համբերութեան մարդութիւն լինել այնտեղ, ուր չըկայ մէկը, դէպի որը կարողանայիր կատարել այդ առաքինութիւնները: Ո՞ւմ ոտները լուանաս, ո՞ւմ ծառայես: Ինչպէս կարողանաս ամենից յետինը լինել՝ երբ մեն մենակ ես ապրում»: »

«Բարսեղի կանոններով կրօնական տքնութիւններին պէտք է միացած լինէր գործնական արդիւնաբերութիւնը, և նրա արեղանների աշխատութեան շնորհիւ առապա՛ վայրը մշակուելով բերրի դարձաւ: Բարսեղը Պոնտոսի վանական առանձնութիւնից կեսարիա վերադարձաւ 362 թուին, քահանայ ձեռնադրուեց Եւսերիոս եպիսկոպոսից՝ բայց և շուտով անապատ քաշուեց իւր հռչակին նախան»

1) Ист. Христ. церк. I. 4ատ. Եր. 24:

ձող իւր եպիսկոպոսի ատելութիւնից խուսափելով. նա մնաց անապատում երեք տարի ևս: Գրիգորը հաշտեցրեց Բարսեղին Եւսեբիոսի հետ, և վերջինիս մահից յետոյ 370 կամ 371 թուին յաջողեցրեց իւր բարեկամ Բարսեղին բարձրանալ Կեսարիայի եպիսկոպոսական աթոռը, որի նուիրապետութեան տակ էր Փոքր—Սսիայի մեծ մասը:

Մանկութիւնից սկսուած սերտ բարեկամութիւնը Բարսեղի և Գրիգորի մէջ քիչ մնաց, որ խզուէր: Գրիգորը իւր եպիսկոպոս հօր և նրա հօտի միջև ծագած խռովութիւնը դադարացնելու համար Նազիանոզ գնացած լինելով, հակառակ իւր կամքին՝ իւր հօրից քահանայ էր ձեռնադրուել մի քանի տարի առաջ, Բարսեղը Կեսարիայի արքեպիսկոպոսական աթոռը բարձրանալով, սահմանակից եպիսկոպոսների ոտնձգութիւնների դէմ իւր իշխանութիւնը զօրացնելու համար, Գրիգորին, հակառակ նրա կամքի, համարեա բռնի Սոսիմա քաղաքի եպիսկոպոս ձեռնադրեց: Գրիգորը որքան և ճկուն ու թոյլ բնաւորութեան տէր լինէր, խորապէս վիրաւորուեց իւր բարեկամի այդ բռնութիւնից. ճշմարիտ է, նա ընկճուելով իւր բարեկամի ուժեղ բնաւորութեան ազդեցութիւնից և իւր ծերունի հօր թախանձանքից, ձեռնադրուեց, բայց չէր դադարում գանգատել յիշելով դէպի Բարսեղն իւր լաւութիւնները և նրանից, ընդհակառակն, անարգանք կրելը. նա իւր այս գանգատների մէջ աւաղում էր իւր վանական, թէև չարքաշ, բայց անգորր կեանքը:—Գանգատը թոյլ բնաւորութիւնների միակ զէնքն է՝ չեմ կարող ճշտիւ որոշ ասել մխիթարուելո՞ւ, թէ՛ իրանց հասած զրկանքների յիշողութեամբ իրանց կեանքը աւելի ևս դառնացնելու համար: Գրիգորը երկար ժամանակ չըմնաց Սոսիմում, տեղափոխուեց Նազիանոզ և 374 թուին, իւր հօր մահից յետոյ սկսեց կառավարել թեմի հոգևոր գործերը. Բայց տեսնելով, որ զուր են անցնում իւր ջանքերը Նազիանոզի մշտական եպիսկոպոս հաստատուելու վերաբերութեամբ, գնաց Սելևկիա և այնտեղ երեք, չորս տարի մնաց առանձնութեան մէջ:

Երկու բարեկամների միջև պառակտումն բարեբաղ-

դարար երկար չըտեց։ Արիսական կռիւների թունդ
ժամանակ, Վաղենտի մահից յետոյ, 380 թուին Կ. Պօլիա
եկաւ ուղղափառութեան կոմնակից Թէոդոս կայսրը։ Այս
բանը բարեյաջող դէպք համարելով՝ Բարսեղն և ուրիշ ազ-
դեցիկ անձինք Գրիգորին ուղարկեցին մայրաքաղաք՝ արիս-
ականութեան դէմ մաքառելու։ Մայրաքաղաքում Գրի-
գորը իջեանեց իւր բարեկամներից մէկի տանը, այդտեղ
նա իւր մօտ եկողներին քարոզում էր ճշմարիտ հաւատքը-
հեռեւողների թիւը մեծացաւ, այն սենեակը, ուր նա քա-
րոզում էր, մատուռի փոխուեց և ինչան յարութիւն առ-
նող ուղղափառութեան՝ Յարութիւն կամ Անաստասիա
կոչուեց, իսկ ինքն, Ս. Գրիգորը Ս. Երրորդութեան մասին
յաճախ քարոզելուն համար աստուածաբան մակդիրն ստա-
ցաւ։ Սոսիմայի համեատ ճգնաւոր եպիսկոպոսը մայ-
րաքաղաքում հռչակուեց որպէս անբասիր հոգևորական
և ուղղափառ քարոզիչ, Տեղափոխուեց Կ. Պօլսոյ մայր-
եկեղեցին ու բազմեց պատրիարքական գահի վերայ։

Յիրաւի, Գրիգորը անբասիր հոգևորական էր և լաւ
քարոզիչ, բայց որպէս վարչական մարդ՝ չունէր տոկու-
նութիւն և կամքի ոյժ, որը երևեց 381 թուին գումար-
ուած Կ. Պօլսոյ Ս. Տիեզերական ժողովում, ուր նա որպէս
պատրիարք պէտք է նախագահէր։ Գրիգորը ստիպուած
եղաւ հրաժարուել պատրիարքութիւնից և նրան յա-
ջորդեց կայսրի կամքով, որպէս պատրիարք և ժողովի
նախագահ՝ սենատօր Նեքտառիոսը՝ ընդունելով հոգևոր
կոչումն։ Գրիգորի հակառակորդները նրան հեղհարար
անուանում էին եռեպիսկոպոս ¹⁾ որովհետև ձեռնադրուել
էր Սոսիմայի վերայ, պաշտօն էր վարել Նազիանդում և
Կ. Պօլսում։ Գրիգորը նորից վերադարձաւ Նազիանդ՝ կա-
ռավարելու իւր հօր թեմը, իւր կեանքի վերջին տարի-
ները նա անցկացրեց առանձնութեան մէջ ու ոտանաւոր-
ներ էր գրում։ Գրիգորը վախճանուեց 389 կամ 390 թուին։
Բարսեղը արդէն մօտ տաս տարի առաջ, Գրիգորի՝ Կ. Պօ-

1). Վարք Սրբոց ա. հատ. եր. 321

լիս մեկնելուց անմիջապէս յետոյ, 380 թուին էր վախճանուել:

Քրիստոնէական կրօնի ուղղափառութեան համար Փոքր-Սաիան Բ. դարում մեծ դեր էր կատարում:— Գրիգոր Ստուածաբանը, Բարսեղ մեծը և նրա եղբայր Գրիգոր Նիւսացին հանդիսանում են ուղղափառ հաւատի ախոյեան և եկեղեցու միութեան շատագով: Ս. Բարսեղ Մեծի շանքով կրօնաւորութիւնը Փոքր—Սաիայում ընդունում է բոլորովին այլ կերպարանք. եզիպտոսի միայնակեաց անապատականների, Ասորիքի խոտաճարակների ու սիւնականացիների և Պաղեստինի գրնեցիների տեղ ծաղկում է Վանական միաբանական կարգը:

Նախնական դարերում հաւատացեալները շատ ուշ էին մկրտում, և այդ այն ժամանակ՝ երբ արդէն չափազանց դարձած՝ կամենում էին բոլորովին նուիրուել իրանց հոգու փրկութեանը: Բարսեղն ու Գրիգորը իրանց Աթէնքի ուսանողութիւնից յետոյ մկրտուեցին¹⁾, թէև ոչ միայն բարեպաշտ քրիստոնեաների զաւակներ էին, այլ վերջինս մինչև անգամ եպիսկոպոսի օրդի էր, որովհետև Գրիգորի հայրը Նազիանդի եպիսկոպոսն էր դարձեալ Գրիգոր կամ Գրիգորիոս անուամբ:

Մեր եկեղեցին Աեսարիայի աթոռի հետ շատ սերտ յարաբերութեան մէջ էր:—Ս. Լուսաւորիչը այնտեղ ստացաւ ձեռնադրութիւն, այսպիսով ոչ միայն Աեսարիան իւր եպիսկոպոսական աթոռով, այլ և իւր դպրոցով, ուր կրթւում էին հայ պատանիները, մի տեսակ հեղինակութիւն էր վայելում Բարսեղը այդ հեղինակաւոր աթոռի ամենանշանաւոր աթոռակալն էր: Մեր վանքերը հետևում են Բարսեղի հաստատած կանոններին, որ շեշտուած է պետական օրէնքների հաւաքածոյի մէջ ևս²⁾: Մեր եկեղեցին ամենասուրբ Երօրդութեան մասին այն ուղղափառ հաւատքն է դաւանում, որ քարոզում ու վարդապետում էր Ս. Գրի-

1), Жизнь и Труды Свв. Отцовъ. Св. Григорій Назіанзинъ №р. 383. Ист. Христ. церк. հատ. I. 241.

2). Сводъ законовъ. томъ одиннадцатый, часть I. 107 1196.

գոր Աստուածաբանը: Մեծն Բարսեղի և Ս. Գրիգոր Աստուածաբանի գործունէութեան շրջանը մեր երկրին կից էր թէ Կեսարիայում և թէ Յունաստանում նրանց դասընկերների մէջ ուրիշ հայ պատանիների ¹⁾ հետ էր անկասկած և Մեծն Ներսէս. և նրանք բոլորն էլ կրթուել էին հայ ուսուցչապետ Պրօէրեսիոսի ²⁾ ղեկավարութեամբ ու քրիստոնէական հոգևով:

Թէ Ս. Գրիգոր Աստուածաբանը և թէ Ս. Բարսեղ Մեծը մեր եկեղեցու տօնելի սրբերի կարգումն են. նրանց նուիրուած շարականների մէջ ³⁾ բնորոշուած է նրանց գործունէութիւնը՝—Ս. Բարսեղին համարելով կրօնաւոր, վանքերի կազմակերպող, (վանականներին քրիստոսազօր զինուոր անուանելով), քարոզիչ և կանոնադիր, իսկ Ս. Գրիգոր Աստուածաբանին լուսաւոր վարդապետութեամբ անգիտութեան խաւարը հալածող, միասնական Սուրբ Երրորդութեան համագոյ բնութիւնը քարոզող, և Փրկչի մարդեղութեան վերաբերութեամբ ուղիղ վարդապետութիւնը ձևակերպող, այն է. «մի յերկուց՝ նոր խառնումն սքանչելի»:

է.

Հոգեւորականների ամուրի լինելու խնդիրը. Եպիսկոպոսների ամուրիութիւնը արեւելում. Հոգեւոր կեանքի կազմակերպութիւնը Դ. դարի վերջում. Կանոններ կրօնաւորների մասին: Տրուեան ժողով:

Թէև խստակրօնութեան ու ամուրիութեան մեծ կարևորութիւն էր տրւում սկսկած երկրորդ դարից և ամուրիութիւնը գերադասւում էր ամուսնացած լինելուց, սակայն հոգևորականութիւնը, որ կազմուած էր եպիսկո-

1). Жизнь и труды Свв. отцовъ, Св. Григорій Назіанзинъ եր. 387.

2). Նոյնը եր. 384

3). Շարական Սրբոյն Բարսեղի հայրապետին. և շարական Սրբոյ Գրիգորի Աստուածաբանին. (տես ի կարգի յատուկ մանկանց):

պօսներից, քահանաներից և սարկաւագներից՝ արևելեան եկեղեցում մինչև Դ. դարի վերջը ամուսնացած էր. քչերն էին ամուրի և դրանք էլ չէին մերժում կամ արհամարհում ամուսնացածներին: Միայն Եւստաթէոսը սկսեց արհամարհաբար վարուել ամուսնացած հոգևորականների հետ, նա մերժում էր նրանց և չէր ընդունում նրանց կատարած եկեղեցական խորհուրդները: Եթէ Գանգրայի ժողովում դատապարտուեց Եւստաթէոսը, հաւատոյ խնդրում մօլորութիւնների հետ ի նկատի էր առնուած և նրա, եպիսկոպոսի կոչման անվայել, կրօնաւորական գծուծ նիստ ու կացն ու արհամարհանքը դէպի ամուսնացած հոգևորականները: Սակայն կրօնաւորական հոգու ազդեցութեամբ, ասում է Ջ. Րօբերտսօնը ¹⁾, առաջ եկաւ հոգևորականների ամուրի լինելու ձգտումը, որը հետզհետէ սովորութիւն և անհրաժեշտութիւն դարձաւ: Կարծիք կայ, թէ մինչև անգամ 325 թուին Նիկիայի Առաջին Տիեզերական ժողովում խնդիր է եղել, որ եպիսկոպոսները, քահանաներն ու սարկաւագները պարտաւորուած լինեն զգուշանալ իրանց կանանց հետ յարաբերութիւն ունենալուց, այսինքն խղեն իրանց ամուսնական կապը. բայց այս բանին դէմ է կացել Եգիպտոսի Պաֆնուտիոս կամ Պափնոտիոս եպիսկոպոսը: Նա ամուսնութիւնը շատագովելիս հիմքն է ունեցել այն սկզբունքը, թէ քրիստոնէական ամուսնութիւնը սուրբ է. պէտք չէ հոգևորականութեան վերայ այնպիսի լուծ դնել, որ շատերը անկարող լինեն տանել և մեղքի մէջ ընկնեն ի վնաս եկեղեցու: Պափնոտիոսի առաջարկութիւնը ընդունուեց առանց հակաճառութեան, նրա անձնական հեղինակութեան պատճառով. որովհետև նա յարգւում էր որպէս խոստովանող, հրաշագործ և սուրբ մարդ: Պափնոտիոսը ²⁾ Անտոն անապատականի աշակերտներից էր և երևելի ճշգնաւոր: Նա Թեբայիդի եպիսկոպոս դառնալով խոստովանող անուն ժառանգեց, որովհետև Մաքսիմիանոսի հալածանքի

1) Истор. Христ. церк. 4-та. I. кн. 163—164.

2) Утјнр. 293—294.

Ժամանակ նրա աջ աչքը բրել էին և ձախ ազդրը խորտակելով՝ աքսոր էին ուղարկել տաժանակիր աշխատութեան. Նիկիոյ և Տիւրոսի ժողովներում ս. Աթանասի շատագոյն էր նա և արիստականների բուռն հակառակորդը:

Հոգևորականների ամուսնութեան դէմ լինելու համար Եւստատիոսին դատապարտելու հիմքերից մէկն էլ, երևի, Նիկիայի ժողովի այս որոշումն էր: Սակայն այս՝ Գ. դարի առաջին կէսին էր. նոյն դարի Բ. կէսին հոգևորականների ամուրի լինելը ոչ միայն չէր դատապարտում, այլ մինչև անգամ քաջալերում էր: Եկեղեցու լաւագոյն հայրերն ու վարդապետները, որպիսի էին Ս. Գրիգոր Աստուածաբանն ու Ս. Բարսեղ Մեծը կրօնաւորական կարգից ամուրի հոգևորական դարձան, համարելով, որ եկեղեցու պաշտօնեաները մի միայն եկեղեցուն ծառայելու համար պէտք է ընտանեկան կապերով կաշկանդուած չըլինեն: Այսպէս եկեղեցու մէջ վարչական իշխանութեան կոչուած հոգևորականների ամուրի լինելու հակումն սովորութիւն դարձաւ, ու սովորութիւնն էլ օրէնք, թէև մինչև Գ. դարի վերջը բացառութիւններ կային:

Արևելեան եկեղեցում եպիսկոպոսները՝ քանի որ ամուսնացած, ընտանիքի տէր մարդիկ էին, ապրում էին քաղաքներում միւս քաղաքացիների շարքում, իսկ երբ նրանք իբրև ամուրի՝ վանականներով ու կրօնաւորներով շրջապատուեցին, այլևս անյարմար եղաւ քաղաքի մէջ քաղաքացիների հետ ապրել. ուստի և եպիսկոպոսական աթոռները տեղափոխուեցին քաղաքից դուրս, բայց ոչ շատ հեռու վանքի մէջ, կամ թեմի մի կենդրոնական վանք, այդ տեսակ վանքերը սկսեցին լավրա կամ հայերէն մայրավանք, մայրաքաղաք վանք կոչուել, իսկ եպիսկոպոսները՝ Լավրայի առաջնորդ, վանահայր, մեծաւոր: Եպիսկոպոս առաջնորդը տնօրինում ու հոգում էր թեմի հոգևոր պէտքերը և թեմականների հոգևոր տուրքերով էլ կառավարում էր լավրան կամ մայրավանքը:

Ժամանակի ընթացքում եպիսկոպոսները ամուրի մնալով հանդերձ՝ դարձեալ քաղաք տեղափոխուեցին, հեռա-

ցան վանքերից ու վանականներից և աշխարհիկ հոգևորականութեան մասն կազմելով՝ սկսեցին ապրել յատուկ շէնքերում, որ եպիսկոպոսարան է կոչուում:

Եպիսկոպոսների վանքերում՝ բնակուելու և իրանց բնակած վանքերի առաջնորդ կոչուելու սովորութիւնը մի քանի տեղ դեռ կայ, օրինակ, Կիեւի մետրապօլիտ արքեպիսկոպոսը կրում է Կիեւօպեչերեան լավրայի առաջնորդ, վանահայր կոչումն, Մոսկվայի Մետրապօլիտը՝ Ս. Սէրգէի լավրայի, Պետերբուրգինը՝ Ս. Աղէքսանդր Նևացուհի Հայերիս մասին, իւր տեղում:

Արևմտեան եկեղեցում Սիրիցիոս պապը¹⁾ ամուրիութեան վերաբերութեամբ 385 թուին վճռական քայլ արեց իւր կանոնական կոնդակով առ Տարրագանիայի Հեմերիոս եպիսկոպոսը: Այս թղթով ի միջի այլոց արգելուում է այրիների հետ ամուսնացածներին և երկրորդ անգամ պսակուածներին հոգևոր կոչման մէջ մտնել: Վարչական իշխանութիւն կազմող հոգևորականներին ամուրի լինել օրինադրող կարգադրութեան պատճառն այն էր, որ հոգևորականները իրանց զուակների ու ընտանիքի համար էին մտածում միայն: Սակայն օրինաւոր ամուսնութիւնը արգելուելով՝ հոգևորականներից շատերը սկսեցին իրանց տներում ծանօթ կանայք և աղախիներ ընդունել: Այս դայթակղութեան առաջքը առնելու համար էլ Նիկիայի ժողովը սահմանել էր, որ հոգևորականները ծանօթ կամ աղախին անունով կանայք չբազան իրանց բնակարաններում՝ բացառութեամբ շատ մօտիկ աղգականների և ծերունի կանանց, որոնց ներկայութիւնը որ և է կասկածի տեղիք չէր կարող տալ:

Կ. Դարի վերջին հոգևոր կեանքը հետևեալ կազմակերպութիւնն ունէր, անապատական միանձն ճգնաւորները, խոտաճարակները, սիւնեակեացներն ու գրնեցիներ սկսել էին հազուադիւտ դառնալ, ընդհակառակն վանքերի գոյութեամբ և շատանալովը սկսեց զօրանալ վանական միաբանական կեանքը:

1). Նոյն և Վարք Սրբոց հատ. 12. եր. 318—319.

Վանականները պատկանելով որ և է վանքի միաբանութեան՝ այդ վանքերումն էլ բնակում էին. դրանք իրաւունք չունէին քաղաքներում ու գիւղերում դիշերել. եթէ չըկարողանային իրանց վանքը հասնել, պէտք է ճանապարհին պատահած մի որ և է վանքում մնային. իրաւունք չունէին պսակ կամ մկրտութիւն անել կամ կանանց հաղորդութիւն տալ, օրէնք կատարել. — «Ուխտաւոր մի ճանապարհ ունիցի ի մարմնաւոր կանայս վասն սիրոյ և մի տեսցէ զպսակեալս, և մի ինքն դիցէ պսակ կամ առնիցէ մկրտութիւն կամ օրէնս տալ կանանց, այլ ի մտանել արեգականն երթան ի տեղիս իւրեանց. և եթէ յանդգնին, նզովեալ եղիցին ի Քրիստոսէ ¹⁾»:

Վանականների և կրօնաւորների համար Ներսէս Բ. կաթողիկոսի գահերեցութեամբ 527 թուին Դունի Բ. ժողովի կանոնները ²⁾ աւելի որոշ են. դրանց համառօտութիւնն է.

«ԼԳ. Կով կթելու կամ հաց թխելու կամ որ և է գործի համար կին չըմտնի արեղաների վանքը»:

«ԼԴ. Անապատականները արևի մանելուց առաջ վերադառնան իրանց անապատը.

«ԼԵ. Վանականները աշխարհականների տանը չըկենան, և եթէ մօտիկ վանք չըկայ, աւագերէցի տանը կենան»:

«ԼԶ. Վանականները չըհամարձակուեն վաճառականութիւն անել և առանձին ձի կամ այլ ինչ պահել»:

Ս. Վանականները երկու կարգ էին բաժանուում, «սրբազնագործներ, որ քահանայի աստիճան ունէին և սքեմաւորներ, որոնք միայն վանականի տարազ կրելով վանքերումն էին ապրում, դրանք մեր գրականութեան մէջ յայտնի են մոնոզոն, պարեգօտաւոր անունով և վանքի մէջ ծառայական ու մշակական գործերն էին վարում կրելով միաբան կոչումն»։ Սրանք համարեա անդրագէտ մարդիկ էին»:

1) Կանոն իւ Բարսղի Բ-դ. Կանոնգիրք Մատ. Մայր Աթոռոյ թ. 766. եր. 241.

2) Նկեղ. պատմ. Յուսիկ վարդապետի (մեր) 1884 թ. Վարչապատ. եր. 120»

Բ. կրօնաւորներ. սրանք չըպատկանելով որ և է վանական միաբանութեան թափառաշրջիկ կեանք էին վարում, ապրում էին հաւատացեալներից ժողոված նուէրներով. սրանցից աւելի առաքինիները նուէրների սակաւ մասը իրանց անհրաժեշտ պէտքերին գործադրելով, մեծագոյն մասը բաժանում էին աղքատներին ու կարօտներին. իբրև թափառական մտնելով ամեն տեղ՝ մխիթարում էին և կազդուրում հաւատացեալների հաւատը հոգեշահ զրոյցներով ու կրօնական խօսակցութիւններով:

Գ. Աշխարհիկ հոգևորականութիւնը բաժանուած էր երկու կարգ՝ ամուրի և ամուսնացած:

1. Ամուրի էին եպիսկոպոսները և քահանայի աստիճան ունեցող վեղարաւորները, որոնց հայերէն սովորութիւն է կոչել վարդապետ, արեղայ, սրանցից առաջինը համապատասխան է արքիմանդրիտ՝ և երկրորդը յերոմոնախ բառերին: Սրանք նուիրուած էին եկեղեցու վարչական գործերը կատարելու իւրաքանչիւրը իւր աստիճանին համեմատ. և կրելով վանականի վեղար ու սքեմ՝ ապրում էին ժողովրդի մէջ իբրև հոգևոր իշխան և քարոզիչ:

2. Ամուսնացած էին քահանաներն ու սարկաւազները, որոնք ժողովրդի մէջ եկեղեցական խորհուրդներն էին կատարում, քահանաները որպէս սրբազնագործ, իսկ սարկաւազները որպէս սպասաւոր պաշտօնեայ:

Տրուլլեան ժողովը ¹⁾ մօտաւորապէս 691 թուին եկեղեցականների ամուսնութեան վերաբերութեամբ կարևոր որոշումներ ունի. այդ ժողովը ընդունում է որպէս կանոն, որ քահանաները, սարկաւազներն ու կիսասարկաւազները ամուսնացած լինեն. հոգևորական չէին կարող լինել այրիների հետ ամուսնացածները, երկրորդ անգամ պսակուածները. իրաւունք չունէին ձեռնադրուելուց յետոյ պսակուել. այրիացած քահանաները պսակուելով՝ կարգընկէց պէտք է լինէին. եթէ երկրորդ կինը մեռնէր, կամ քահանան հեռնար իւր երկրորդ կնոջից, կարող էր իւր

1) Ист. Христ. церк. հատ. I. կր. 715—716.

աստիճանի մէջ մնալ, բայց իրաւունք չունէր քահանայա-
գործութիւն անել, եթէ քահանան սարկաւազը և կիսա-
սարկաւազը ամուսնանար այրու հետ, պարտաւոր էր բա-
ժանուել կնոջից, արգելուել ու զրկուել հետեւեալ աստի-
ճանները ստանալու իրաւունքից: Ժողովը կարգալոյժ անելու
սպասնալիքով արգելում է Ափրիկէի և Լիբիայի եպիսկո-
պոսների սովորութիւնը, որով նրանք շարունակում էին
իրանց կանանց հետ կենակցութիւնը. եպիսկոպոսի կնոջը
պատուիրւում էր բաժանուել իւր ամուսնուց և վանք մտնել:
Ժողովը խոտելի է համարում հայերի սովորութիւնը, որոնք
պահանջում էին, որ հոգևորականները ծագած լինեն քա-
հանայական ընտանիքներից²⁾. և թոյլ էին տալիս որ, հոգևո-
րական ծագումից եղողները առանց հոգևոր կոչման ստորին
աստիճանները ստացած լինելու (առանց հատման հերաց)
սպասաւորեն որպէս սաղմոսասաց և ընթերցող: Հռովմայ
եկեղեցին պահանջում էր, որ քահանայ կամ սարկաւազ
ձեռնադրուածները բաժանուեն իրանց կանանցից, սակայն
Տրուլլի ժողովը հետեւելով առաքելական կանոններին իւր
13-րդ կանոնով ընդհակառակն սահմանեց, որ քահա-
նաներն ու սարկաւազները պէտք է անբաժան մնան իրանց
ամուսիններից. թէև Սէրգիոս Ս. պապը չընդունեց Տրուլ-
լեան ժողովը, սակայն այդ ժողովի կանոնները պահպա-
նւում են արևելեան եկեղեցում:

Պէտք է գիտենալ, որ ոչ միայն ամուսիններն ու այ-
րիացածներն էին վանական կամ եպիսկոպոս դառնում,
այլ երկար ժամանակ կարող էին ամուսնացածներն էլ
վանական և եպիսկոպոս դառնալ՝ նախապէս իրանց կա-
նանց հետ համաձայնութեան դալով, այս կարգի մարդ-
կանցից էին Ափրիկայի և Լիբիայի եպիսկոպոսները, և
սրանց համար էին Տրուլլեան ժողովի որոշումները:

2), Թէև Ս. Գրիգոր Լուսաւորիչը առաւելապէս քրմերի որդիքը
հաւաքեց հոգևորական պատրաստելու համար, սակայն այդ մի ան-
հրաժեշտութիւն էր իւր ժամանակին՝ քրմական դասը չը գրգռելու
համար: Մեր եկեղեցու կանոնները չեն արգելում հոգևոր ծագում
չունեցողներին հոգևորական լինել:

Ը.

Առխարհիկ հոգեւորականների ամուսնութիւնը Արեւմուս-
 քում. Կանոնիկներ եւ նրանց նոր նշանակութիւնը.
 Սիմոնականութիւն. Գրիգոր է. պապի ջանքը Սիմոնա-
 կանութիւնն ու հոգեւորականների ամուսնութիւնը վե-
 րացնելու: — Ամուսնութիւն — Յելիքագ: Տրիդենտեան ժո-
 դով: Հայ կաթողիկէ եկեղեցի: Հռովմէական եկեղեցուց
 հերձուածները:

Արեւմտեան եկեղեցին այս շրջանում շատ անգամ է
 կանոններ սահմանել, որ աշխարհիկ հոգևորականները
 ամուսնի լինեն, սակայն նրանք մեծ մասամբ կին էին պահում,
 մանաւանդ այն տեղերում, ինչպէս էր Լոմբարդիան, Սալա-
 նիան, և Գաղղիայի ու Գերմանիայի մի քանի մասերը՝ ուր
 պապի իշխանութիւնը ամուսն կռուան չունէր: Գրիստնում
 Կուրիենայի եպիսկոպոսական գահը ժառանգական էր ե-
 պիսկոպոսների ընտանիքի մէջ, որոնք հոգևոր իշխանու-
 թեան հետ միացրել էին քաղաքական վարչութիւնն էլ.
 «գրանցից (եպիսկոպոսներից) մէկի կինը է. դարի կէսի
 մօտերքին, հաւաստիագրեր ստորագրելիս՝ անուանում էր
 իրան «episcopa» կամ «antistita Curiensis», և եպիսկոպոս-
 ների այս ամուսնութիւնը ցոյց է տալիս, որ հոգևորակա-
 նութիւնն ամուսնական կեանք վարելու ազատութիւն ու-
 նէր ¹⁾: «Ամուսնութեան վերաբերութեամբ անգլիական
 եկեղեցին պէտք է վարուէր Հռովմի օրէնքներով. սակայն
 Աւգուստինի՝ Գրիգոր Մեծին արած հարցերից մէկը ցոյց
 է տալիս՝ որ ամուսնութիւնը սովորական էր անգլիական
 հոգևորականութեան մէջ. հոգևորականների պսակները
 չէին ջնջւում, և երեխայքը ապօրինի չէին համարւում
 մինչև ժ.Բ. դարը»:

Եկեղեցին խիստ օրէնքներ էր դնում հոգևորական-

1), Ист. Хрис. Церк. հատ. I. ієрархія, Управление Церкви, Монашество.

ների ամուսնութիւնը ջնջելու և ապօրինի կնապահութեան վախճան դնելու: Տօլեդեան 4-րդ ժողովը (633 թ.) վերահաստատում է նախկին ժողովների որոշումը, որով հոգևորականների ապօրինի կանանց պէտք է վաճառէին: Նոյն քաղաքի 9-րդ ժողովը (655 թ.) աւելացնում է, թէ նրանց զաւակները պէտք է եկեղեցու ստրուկներ դառնան: Այդ կանոնները արգելում են մինչև անգամ Նիկիայի ժողովի թոյլատրած մերձաւոր ազգական կանանց ընդունելը, այն առարկութեամբ, թէ ազգականուհու անուամբ յաճախուրիչներն էին ընդունւում և մինչև անգամ բնութեան օրէնքների դէմ էլ մեղանշումներ էին լինում:

Առաջ, ամեն մի հոգևորական, որ եկեղեցիների ցուցակումն էր գրուած և իրաւունք ունէր եկեղեցական գումարների հաշուով ապրելու՝ կոչւում էր կանոնիկ, բայց 760 թուին կանոնիկ բառը ուրիշ նշանակութիւն ստացաւ և կանոնիկ կոչուել սկսեցին նրանք, որոնք վանական միաբանութիւնների նման սկսեցին կառավարուել առանձին կանոններով: Այդ տեսակ հիմնարկութեան միտքը նոր չէր, որովհետև առաջուց էլ Երանելի Օգոստինոսն և ուրիշները իրանց հոգևորականների հետ խմբական (միաբանական) կեանքի օրինակ էին տուել, և աւելի մօտիկ ժամանակներում նման սովորութիւն գոյութիւն ունէր վանական միաբանութիւնների մէջ, ուր եպիսկոպոսը ընթերականերով (շտատ), հոգևորականներով ու արեղաններով էր ապրում: Այժմ այդ սովորութիւնը կանոնաւոր կարգի վերածուեց Պիպինի եղբորորդի Քրոնեգանգի և Մեցի արքեպիսկոպոսի ձեռքով: Այսպէս կազմակերպուած հոգևորականութիւնը իւր կեանքի զանազան պարագաներում առաջնորդւում էր Բենեդիկտեան կանոններով: Եպիսկոպոսը բռնում էր Բենեդիկտեան արքատին համապատասխան տեղ, աւագսարկաւազը համապատասխանում էր վանահօր, աւագագոյները երկու կարգի մէջ էլ միևնոյն դիրքն ունէին:

Կանոնիկ հաստատութեան վանահայրը Բենեդիկտի պէս սահմանում էր հանրակեցարան, միանման հանդերձ, հասարակաց սեղան, հասարակաց ննջարան, միայն եպիսկո-

պոսը՝ ուր հարկաւոր չէր համարոււմ, բացառութիւնը թոյլ էր տալիս: Հոգևորականներից պահանջոււմ էր, որ նրանք ամեն օր որոշուած ժամերգութիւններին ներկայ լինեն: Այդ հոգևորականութիւնը ամեն օր պարտաւոր էր պարապել ձեռքի աշխատանքով և իւր ժամանակի որոշեալ ժամերն էլ նուիրել գիտութիւններին: Կրտսերները պարտաւոր էին յարգել աւագներին, օրինակ, նրանց անցնելիս՝ ոտքի պէտք է կանգնէին, նրանց օրհնութիւնը խնդրէին և նրանց ներկայութեանը կանգնած մնային՝ եթէ նստելու թոյլտուութիւն չըլինէր: Մեծ Պասին և աշնանը պարտաւոր էին եպիսկոպոսների մօտ խոստովանել, ուրիշի մօտ խոստովանելու գնալը արգելուած էր և այս բանոււմ զանցառուները ենթարկոււմ էին մտրակի հարուածների կամ բանտարկութեան: Ամեն կիւրակէ և տօն օրերին բոլորն էլ պարտաւոր էին հաղորդուել, բացի նրանցից. որոնց խոստովանահայրը նրանց մեղքի ծանրութեան պատճառով արգելոււմ էր: Որոշեալ ժամանակին հանդերձ էր տրոււմ, այդ ժամանակ աւագագոյնները պարտաւոր էին իրանց հնօտիները կրտսերներին տալ: Տան ծառայութիւնները բոլորը պէտք է կարգով կատարէին, ամեն մէկը հերթով պէտք է խոհանոցում մի շաբաթ զբաղուէր, բացառութեամբ միայն աւագ սարկաւաղի (վանահօր) և մատակարարի: Աշխարհականները միայն որոշ նպատակի համար էին ներս թողնոււմ, օրինակ, խոհանոցում օգնելու, գործը վերջացնելուց յետոյ պարտաւոր էին հեռանալ:

Ուտելիքի վերաբերութեամբ կանոնիկների կարգերը Բենեդիկտեանների շափ խիստ չէին, կանոնիկները բացի պասից և ապաշխարութեան օրերից կարող էին միս ուտել: Նրանց աստիճանի և իւրաքանչիւրի ցանկութեան համեմատ տրոււմ էր ամեն մէկին մի բաժին գինի կամ գարեջուր, քահանաներին և սարկաւագներին՝ երեքական գաւաթ ճաշի ժամանակ և երկուական գաւաթ՝ ընթրիքին, կիսասարկաւագներին՝ ամեն անգամ երկուական գաւաթ, իսկ ստորին աստիճանաւորներին՝ ճաշին երկուական, և ընթրիքին՝ մի մի գաւաթ:

«Սեղանատանը եօթ սեղան էր դրուած լինում. եպիսկոպոսի, կանոնիկների զանազան աստիճանաւորութիւնների, քահանաների ու սարկաւազների, կիսասարկաւազների և ստորին աստիճանաւորների, օտարականների, և քաղաքային հոգևորականութեան համար առանձին առանձին: Քաղաքի հոգևորականութիւնը կիւրակէ և տօն օրերին այգտեղ էր ճաշում և մասնակցում էր կանոնիկոսներին խօսուած խրատական քարոզներին, որ այգպիսի օրերը սովորաբար տեղի էր ունենում կանոնիկների եկեղեցում, որ կապիտուլում էր կոչւում: Ճաշի ժամանակ կարդացւում էին խրատական գրքեր. և ընթերցուածքը լսելու համար խոր լռութիւն էր պահւում. «Որովհետև անհրաժեշտ է, որ մրամաւոր կերակուր ընդունելիս հոգին էլ զօրանար հոգևոր կերակրով»:

Կանոնիկները Բենեդիկտեաներից տարբերւում էին նրանով, որ կանոնիկներին թոյլատրուած էր անձնական սեպհականութիւն ունենալ: Բայց այդ սեպհականութիւնը ժառանգական լինէր, թէ նուէրներից ու օրինակատարութիւնից կազմուած՝ մեռնելիս կանոնիկը պէտք է թողնէր իւր միաբանութեանը:

Կանոնիկների այս կարգը Մեցլից շուտով ուրիշ քաղաքներ էլ տարածուեց. և կարլոս Մեծը շատ ցանկանում էր պարտաւորական դարձնել այն բոլոր հոգևորականութեան համար, թէև նրա ջանքը չարդիւնաւորուեց. — հոգևորականների մեծագոյն մասը ապրում էր դարձեալ աշխարհային կեանքով: Կանոնիկների կանոնադրութիւնը քաջալերութիւն դտաւ էլրաչապելեան մեծ ժողովում, Լիւդովիկոս բարեպաշտի ժամանակ 816 թուին և թ. դարի կէսերին ներմուծուեց Պրանսիայի, Գերմանիայի, Իտալիայի և հուսկ ուրեմն Անգլիայի համարեա բոլոր եպիսկոպոսանիստ աւագ եկեղեցիներում:

Սյս նոր կարգի արտաքին խստութեամբ հոգևորականութիւնը կարողացաւ նորից արժանանալ այն յարգանքի մի մասին, որից զրկուած էր, և որը լիուլի վայելում էին կրօնաւորներն ու արեղաները. Սյս խստակրօնութեան

և հոգևորականին վայել կենցաղավարութեան պատճառով
կանոնիկների միաբանութիւններին մեծ նուիրաբերութիւն-
ներ էին անում: Եպիսկոպոսանիստ տաճարի կանոնիկ
միաբանութիւնը հարստացաւ, ազդեցութիւն ձեռք բերեց
և հետամուտ եղաւ գործել որպէս եպիսկոպոսի խորհուրդ,
ձգտելով միջամտել եպիսկոպոսի թեմական գործերի կա-
ռավարութեան էլ, հակառակ Ռավեննայի ժողովին՝ որ գու-
մարուեց Յովհաննէս Ը. — պապի ժամանակ 877 թուին: ¹⁾

Եպիսկոպոսները առանց պաշտօնավարութեան տեղը
յատկացնելու, սիմոնականութեամբ քահանաներ էին ձեռ-
նադրում. հոգևորականները ամեն կերպ շատ ընկած էին:
Գրիգոր է. պապը սիմոնականութիւն էր համարում աշխար-
հականների միջամտելն էլ եկեղեցիներին արած իրանց
նուէրները կառավարելուն: Նա աշխատում էր ամուրիու-
թիւնը պարտաւորական դարձնել հոգևորականութեան հա-
մար, մասամբ այն պատճառով, որ ինքն վանական խստակրօն
կեանք էր վարել և սովոր էր այդ կեանքին և մասամբ էլ՝
քաղաքական հաշիւներ ի նկատի ունենալով: Նա ամուրիու-
թիւնը պարտաւորական դարձնելով՝ յոյս ունէր դրանով
ա. խզել հոգևորականների կապերը հարազատների և հա-
սարակութեան հետ, բ. ջնջել հոգևորականութեան մէջ ազ-
գային զգացումն ու նրանից կազմել մի պապական կորպօ-
րացիա, գ. այդ կորպօրացիան աւելի հլու դարձնել պապին
քան քաղաքական իշխանութեան, և այսպէս, եկեղեցա-
կան իշխանութեան ձեռքում պահել այն հարստութիւնը,
որ այլ կերպ ընտանեկան ու ազգակցական կապերի շնոր-
հիւ կարող էր օտարանալ: Գրիգոր է. ի ժամանակ, 1074
թուի Մեծ պապին կազմուած ժողովում Սիմոնականու-
թիւնն և հոգևորականների ամուսնութիւնը արգելող կա-
նոններ սահմանուեցին, որոնցով օրինազանց հոգևորա-
կանները զրլում էին եկեղեցում քահանայագործելու
իրաւունքից, աշխարհականներն էլ պարտաւորում էին
հրաժարուել նրանց օրինակատարութիւններից: Յայտա-

1), Ист. Христ. Церк. 4 том. I, стр. 1011.

բարուած էր, որ այդպիսի հոգևորականների օրհնութիւնը
անէծք է, նրանց աղօթքը՝ մեղք, և թէ, այս որոշման չը-
հնազանդելը՝ կռապաշտութիւն ու հեթանոսութիւն:

Այս կարգադրութիւնը բաւական աղմուկ հանեց.
հակառակօրդները առարկում էին թէ, սրբազնագործու-
թիւնը ըստ հին կանոնաց, կապ չունի գործողի արժա-
նաւոր կամ անարժան լինելու հետ, բաւական է, որ սրբ-
բազնագործողը ձեռնադրութեամբ իրաւունք ստացած լինի.
Թէ, պապը հոգևորականներին պարտաւորացնելով հրեշ-
տակային կեանքով ապրել՝ ամեն տեսակ դայթակղութեան
դուռ է բաց բանում նրանց առաջ, և թէ, նրանք աւելի
կրնախաղասէին քահանայութիւնից զրկուել, քան իրանց
կանանցից: Տարաձայնութիւնը ամուրիութեան վերա-
բերմամբ տեւեց մինչև ժՁ. դարը, մինչև Տրիդենտեան
ժողովը, որը 1542-ին սկսուեց և տասնեակ տարիներով
շարունակուեց ¹⁾:

Արևմտեան եկեղեցում վանականներն ու կրօնաւորները
ամուրի են և բազմաթիւ կարգերի կամ օրդենների են բա-
ժանուում, ամեն մի օրդենը ունի իւր որոշ նպատակն ու
կանոնադրութիւնը: Վանականներն ու կրօնաւորները ըստ
վարչականին ենթարկւում էին իրանց թեմի եպիսկոպոսի
իրաւասութեանը: Թեմական եպիսկոպոսների ազդեցու-
թիւնը, նայելով ժամանակի հանգամանքին, երբեմն զօ-
րանում, երբեմն էլ թուլանում էր: Եպիսկոպոսները ձրդ-
տում էին վանքերը միշտ իրանց ձեռքին պահել, իսկ
վանքերը աշխատում էին որքան կարելի է ազատուել
եպիսկոպոսների ճնշումներից, եպիսկոպոսները զանազան
պատրուակով մեծ գումարներ էին կորզում վանքերից, և
իրանց անկարևոր այցելութիւնների պատճառով մեծ ծախ-
քերի պատճառ դառնում:

Վանահայրերի ընտրութիւնը, ըստ հին սովորութեան
և եկեղեցական կանոնների, վերապահուած էր վանա-
կաններին. եպիսկոպոսները շատ անգամ զրկում էին վա-

1), Ист. Христ Церк. 5 том. II. кр. 15, 176, 840—855,

նականներին նրանց այս իրաւունքից. վանականների այս մասին բողոքները շատ անգամ էին հասնում ժողովներին, և եպիսկոպոս ժողովականները ստիպուած էին լինում դատապարտել այդ բռնութիւնները և արգելել. վանքերը մինչև անգամ իրաւունք ստացան, իրանց եպիսկոպոսների բռնութիւնների ու ապօրինութիւնների դէպքում դուրս գալ նրանց իրաւասութիւնից¹⁾ և ուրիշի իրաւասութեան տակ մտնել: Եպիսկոպոսների գործը պէտք է լինէր հսկել վանքերի կրօնական — բարոյական զարգացման և վանքերի նիւթականի բարւոքման վերայ և ոչ թէ հարստահարել նրանց:

Երբ ինքն հոգևոր բարձր իշխանութիւնը զեղխ, զեղծ, անբարոյական կեանք էր վարում և հարստահարում իւր ստորագրեալներին, չէր կարող պահանջել, որ ստորագրեալները, աշխարհիկ հոգևորական թէ կրօնաւոր վանական, լինէին պարտաճանաչ, չափաւոր, զգաստ և բարոյական:

Ամենալաւ սկզբունքը հետզհետէ հեռանալով իւր սկզբնական նպատակից, և միայն արտաքին ձևը պահելով, յեղափոխուում է և աղաւաղուում, և, փոխանակ բարոյական շինութեան՝ դայթակղութեան առիթ դառնում, «Սքրատներն՝ ինչպէս և եպիսկոպոսները անձնատուր էին եղած պատերազմի, որսորդութեան, խաղամոլութեան. սիրում էին երգիչների ու ծաղրածուների շրջանում ժամանակ անցկացնել: Այսպիսի անկարգութիւնների դէմ շատ կանոններ են դրուել, որոնցից մի մասն էլ վերաբերում է մայրապետներին. երկու սեռի կրօնաւորի անբարոյականութեան մասին էլ լսում էին տրտուենջներ և լինում էին ջանքեր՝ չարիքը խափանելու համար²⁾: Լաւ սկզբունքը աղաւաղուելով՝ նսեմանում էր, բայց չէր դադարում սիրելի ու համակրելի մնալ. աղաւաղումն որպէս ժամանակաւոր չարիք ընդհանուր զայրոյթ էր առաջ բերում, ընդ-

1), Ист. Христ. Церк. Зап. I. кр. 721—722. Монашество.

2), Նոյն կր. 726:

նմին և եռանդ՝ մաքառել շարիքի դէմ և վերացնել նրանք։

Սկսած Գրիգոր Է-ից՝ պապերը ձգտումն են ունեցել սահմանափակելով իրաւատէր եպիսկոպոսների իշխանութիւնը՝ վանքերին որոշ ազատութիւն և անկախութիւն տալ, որպէս զի պապական աթոռի հետ անմիջական յարաբերութեան մէջ պահելով վանքերը՝ իրանց ազդեցութիւնը զօրացնելու պատրաստի զէնք դարձնեն կրօնաւորներին. և այս յաջողել է նրանց ի վնաս տեղական իշխանութիւններին, լինեն այդ իշխանութիւնները հոգևորական թէ աշխարհական. այս հանգամանքին պէտք է վերագրել վերջին ժամանակներս սպանական ժողովրդի զայրոյթը և Քրիստոսական կառավարութեան դործ դրած միջոցները վանական հաստատութիւնների և կրօնաւորների դէմ։

Այժմ յայտնի է, որ կաթոլիկ եկեղեցին ամուրիութիւնը պարտաւորական է դարձրել բոլոր հոգևորականների համար, առանց բացառութեան։ Այնտեղ թէ՛ աշխարհիկ հոգևորականները, որպիսի են ծխատէր քահանաները, և թէ՛ կրօնաւորներն ու վանականները ամուրի են. ամուրիութիւնը ցելիբատ, ցելիբատութիւն անունով ամբողջ դարերի ընթացքում խորհրդակցութիւնների առարկայ լինելով Տրինդենդեան ժողովում վերջնական դրական ելք ունեցաւ։ Արևելեան եկեղեցիներից հատուածները, օրինակ հայ կաթոլիկները, կաթոլիկ եկեղեցուն միանալով հանդերձ՝ դարերի ընթացքում կառավարւում էին իրանց մայր եկեղեցու կարգով ու կանոններով և ծխատէր քահանայքն էլ ամուսնացած էին. ԺԹ. դարի վերջին քառօրդին այդ հատուածներն էլ հարկադրուած եղան իրանց մի քանի ազգային եկեղեցական կարգերի փոփոխուելը տեսնել յօգուտ լատին կաթոլիկութեան. ամուսնացած հին քահանաները մնալով իրանց պաշտօնի մէջ՝ նորերի վերաբերութեամբ պարտաւորական դարձաւ ամուրի լինել և ամուրի ձեռնադրուել։

1870 թուի Վատիկանի ժողովի որոշումներից ու կանոններից անբաւական կաթոլիկներից շատերը, պահելով կաթոլիկ կոչումն, բաժանուեցին լատին հռոմէական եկեղեցուց,

նրա սահմանած նոր վարդապետութեան պատճառով անուանելով նրան նոր կաթողիկական կամ հերետիկոս եկեղեցի իսկ իրանց՝ հին կաթողիկէ Ս.յս «հին կաթողիկները» պարբերաբար ժողովներ կամ սինոդներ են անում եւրոպայի զանազան քաղաքներում. նրանք հինգերորդ ժողովում կամ Սինոդում 1878 թուին 75 ձայնով 22 դէմ որոշեցին փոխել հոգևորականների ամուրիութեան վերաբերեալ օրէնքը¹⁾, բայց որոշումն անգործադրելի մնաց, որովհետև մտքերը այդ բանին դեռ պատրաստուած չէին և շատերը չէին կարողանում հաշտ աչքով նայել մի արմատացած սովորութեան այդպէս շտապ փոփոխութեան վերայ:

Կաթողիկական եկեղեցուց դարերով առաջ անջատուած այնքան մասը, որ յայտնի է «Բողոքական» անուամբ, ամուրիութեան կամ Յելիքատի խնդիրը շատ վաղուց, համարեա իւր սկզբնաւորութեան օրից, վճռել է բացասաբար, այնտեղ հոգևորականութիւնը ամուսնացած է: Բողոքական եկեղեցում, բացի Անգլիական եկեղեցուց, չրկայ յերարխիայ, չրկան վանքեր և կրօնաւորներ, չրկան հոգևոր դասակարգութիւններ: Բողոքականութեան անթիւ հերձուածների պատճառը հոգևոր յերարխիայի բացակայութիւնն ու հովիւների կամ պատարների ուսուցանելու և քարոզելու մէջ որոշ ազատութիւնն է եղել:



1), Ист. Христ. Церк. том I. стр. 1248.

նմին և եռանդ՝ մաքառել շարիքի դէմ և վերացնել նրան:

Սկսած Գրիգոր Է-ից՝ պապերը ձգտումն են ունեցել սահմանափակելով իրաւատէր եպիսկոպոսների իշխանութիւնը՝ վանքերին որոշ ազատութիւն և անկախութիւն տալ, որպէս զի պապական աթոռի հետ անմիջական յարաբերութեան մէջ պահելով վանքերը՝ իրանց ազդեցութիւնը զօրացնելու պատրաստի զէնք դարձնեն կրօնաւորներին. և այս յաջողել է նրանց ի վնաս տեղական իշխանութիւններին, լինեն այդ իշխանութիւնները հոգևորական թէ աշխարհական. այս հանգամանքին պէտք է վերագրել վերջին ժամանակներս սպանական ժողովրդի դայրոյթը և Քրիստոսական կառավարութեան գործ դրած միջոցները վանական հաստատութիւնների և կրօնաւորների դէմ:

Այժմ յայտնի է, որ կաթոլիկ եկեղեցին ամուրիութիւնը պարտաւորական է դարձրել բոլոր հոգևորականների համար, առանց բացառութեան: Այնտեղ թէ՛ աշխարհիկ հոգևորականները, որպիսի են ծխատէր քահանաները, և թէ՛ կրօնաւորներն ու վանականները ամուրի են. ամուրիութիւնը ցելիբատ, ցելիբատութիւն անունով ամբողջ դարերի ընթացքում խորհրդակցութիւնների առարկայ լինելով Տրինդենդեան ժողովում վերջնական դրական ելք ունեցաւ: Արևելեան եկեղեցիներից հատուածները, օրինակ հայ կաթոլիկները, կաթոլիկ եկեղեցուն միանալով հանդերձ՝ դարերի ընթացքում կառավարւում էին իրանց մայր եկեղեցու կարգով ու կանոններով և ծխատէր քահանայքն էլ ամուսնացած էին. Թ.Թ. դարի վերջին քառորդին այդ հատուածներն էլ հարկադրուած եղան իրանց մի քանի ազգային եկեղեցական կարգերի փոփոխուելը տեսնել յօգուտ լատին կաթոլիկութեան. ամուսնացած հին քահանաները մնալով իրանց պաշտօնի մէջ՝ նորերի վերաբերութեամբ պարտաւորական դարձաւ ամուրի լինել և ամուրի ձեռնադրուել:

1870 թուի Վատիկանի ժողովի որոշումներից ու կանոններից անբաւական կաթոլիկներից շատերը, պահելով կաթոլիկ կոչումն, բաժանուեցին լատին հռոմէական եկեղեցուց,

նրա սահմանած նոր վարդապետութեան պատճառով անուանելով նրան նոր կաթողիկական կամ հերետիկոս եկեղեցի իսկ իրանց՝ հին կաթողիկէ Ս.յս «հին կաթողիկները» պարբերաբար ժողովներ կամ սինոդներ են անում եւրոպայի զանազան քաղաքներում. նրանք հինգերորդ ժողովում կամ Սինոդում 1878 թուին 75 ձայնով 22 դէմ որոշեցին փոխել հոգևորականների ամուրիութեան վերաբերեալ օրէնքը¹⁾, բայց որոշումն անգործադրելի մնաց, որովհետև մտքերը այդ բանին դեռ պատրաստուած չէին և շատերը չէին կարողանում հաշտ աչքով նայել մի արմատացած սովորութեան այդպէս շտապ փոփոխութեան վերայ:

Կաթողիկական եկեղեցուց դարերով առաջ անշատուած այնչմեծ մասը, որ յայտնի է «Բողոքական» անուամբ, ամուրիութեան կամ Յելիքատի խնդիրը շատ վաղուց, համարեա իւր սկզբնաւորութեան օրից, վճռել է բացասաբար, այնտեղ հոգևորականութիւնը ամուսնացած է Բողոքական եկեղեցում, բացի Անգլիական եկեղեցուց, չրկայ յերարխիայ, չրկան վանքեր և կրօնաւորներ, չրկան հոգևոր դասակարգութիւններ: Բողոքականութեան անթիւ հերձուածների պատճառը հոգևոր յերարխիայի բացակայութիւնն ու հովիւների կամ պատարների ուսուցանելու և քարոզելու մէջ որոշ ազատութիւնն է եղել:



1), Ист. Христ. Церк. том I. стр. 1248.

ՄԱՍՆ Բ.

Փոշեմք առ ձեզ, սուրբ նահատակք,
Հողանութեայ մարմնով հրեշտակք,
Մարտիրոսք սուրբք և վկայք՝
Որք սրոյ մահուամբ կատարեցայք,
Յորդոր տօնիս ձեր յիշատակ,
Արեան սրբոյ հեղման վտակք
Առ Տէր լիցի սուրբ պատարագ
Պահել զմեզ միշտ անվտանգ:

Շարական եօթն խոսանարակաց.

Ա.

Անապատականներ ու վանականութիւնը Հայաստանում: Ս. Ոսկեանք եւ Սուփասեանք. եկեղեցական աւանդութիւնը նրանց մասին: Նրանց բնակութեան վայրերը—Ծաղկէոյ եւ Սուկալ—Սուկալէս լեռները:—Ոսկեանք եւ Սուփասանք ժամանակի մասին տարակոյսներ: Ոսկեանք եւ Սուփասանք հաւանական ժամանակը: Ոսկեանք եւ Սուփասանք վկայաբանութիւն աւանդողները: Ե՞րբ էին ապրում Ոսկեանք եւ Սուփասանք ժամանակ յիշուած թագաւորները:

Մեր սուրբ եկեղեցու աւանդութեամբ խոտաճարակ ճգնաւորական կեանքը Հայաստանում սկսուած է Քրիստոսի հէնց առաջին դարում: Ահա այդ աւանդութիւնը.

Հռովմայեցւոց տէրութիւնը Հայոց Սանատրուկ թագաւորի մօտ ուղարկում է հինգ հոգուց բաղկացած մի դեսպանութիւն՝ որի գլխաւորի անունն էր Խրիւսի կամ Խռուսի, որ հայերէն Ոսկի է նշանակում: Ս. Թադէոս առաքեալը Կապադովկիայից Միջագետք գալիս՝ հանդիպում է այդ դեսպանութեանը. Խրիւսին և իւր ընկերները, լսելով ս. առաքեալի քարոզութիւնը, քրիստոնեայ են դառնում, թողնում են իրանց դեսպանութեան պաշտօնը, վաճառում են իրանց բոլոր գոյքերը և բաժանում աղքատներին, մկրտւում ու հետևում են ս. առաքեալին և իրանք էլ սկսում քարոզել քրիստոնէական հաւատը. Ոս-

կին կամ Խրիւսին էլ քահանայ է ձեռնադրում ս. առաքեալից: Այս դէպքը պատահեց 46 թուին: Այսպէս է համառօտում Ոսկեանց մասին աւանդութիւնը Հ. Միք. Չամչեանը ¹⁾ ազգիւր ունենալով «ճառ ընտ», օգոստ. 27. սեպտեմբ. 19. Յովհ. կաթ.»: Հ. Մկրտիչ Աւգերեանը գրում է. ²⁾ «Այս երանելիքս էին անձինք ազնուականք և արքունի պաշտօնեայք ի կայսերական պալատան. ազգաւ հռոմք կամ հռոմք, այսինքն է հռովմայեցիք, առաքեալք յինքնակալէն Հռովմայ ի հայս առ Սանատրուկ արքայ, ոգիք հինգ, որոց գլխաւորի անունն էր Խռիւսի կամ Քռիւսի»: Այնուհետև վկայաբանօրէն պատմում է դեսպանութեան հանդիպումն Ս. Թադէոս առաքեալին Հայաստանի սահմանի մի լեռնադաշտում, առաքեալի հրաշքները, դեսպանութեան հաւատարն, մկրտուիլը, Խռուսու կամ Ոսկու քահանայ ձեռնադրուելը, նրա անունով էլ նրա ընկերների Ոսկեանք կոչուելը, ս. առաքեալի հետ քարոզութեամբ Հայաստանում շրջելը և ս. առաքեալի նահատակուելուց յետոյ մեկուսանալն ու առանձին բնակուիլը, «քանզի շինեալ իւրաքանչիւր խրճիթս՝ կրօնաւորեցան ի լերինս ուրեք ծմակայինս, յակունս Եփրատայ, ի խառնուրդս ձորոց, որք միանան ի լեռոն Մաղկէոյ, ի գաւառն, որ կոչեցաւ Մաղկոտն. վասն գոլոյ լերանց և դաշտաց ծաղկաւէտ և զուարճալի վայելչութեամբ զարգարեալ» (եր. 124): Ոսկեանք իրանց առանձնանալու 43 տարին, Արտաշէսի թագաւորութեան ժամանակ գնացին արքունիք, քարոզեցին արքունիքում. Սաթենիկ թագուհու ալան ազգականները, թուով 18 կամ 19 հոգի, Ոսկեանց հետեւելով հաւատացին և մկրտուեցին Եփրատ գետի ափուրում. մկրտութեան ժամանակ նրանց գլխաւորի անունը Սուքիաս փոխուեց, ուստի և մնացածներն էլ նրա անունով Սուքիասանք կոչուեցին: Ս. Ոսկեանք Փրկչի 107 թուին նահատակուե-

1), Պատմ. Հայոց տպ. վ. Ենեատ, 1784. հատ. Ա. եր. 296:

2), Լիակատար Վարք և Վկայաբանութիւն Սրբոց. հատ. Բ. 1811 թ. Վ. Ենեատ. եր. 121—130:

ցին Արտաշէսի որդիներին, իբրև նրանց մօր ազգականներին մտրեցուցիչ:

Հ. Աւգերեանը Ս. Ռսկեանց վկայաբանութեանը կցած ծանօթութիւնների մէջ յայտնում է ¹⁾ ա. որ միայն Ռսկին էր քահանայ ձեռնադրուած, իսկ նրա ընկերները սոսկ կրօնաւորներ էին. բ. Քռիւսին կամ Ռսկին, յունաց պատմիչներից առնելով՝ կոչուել է «այր յազգէ գռիկ, այսինքն կռէգոս, որ է Հռոմ»: գ. որ Ս. Ռսկեանք ճգնում էին Եփրատի ծմակային աղունքում Ծաղկոտն գաւառում, իսկ Սուքիասանք մի առ ժամանակ Ռսկեանց ճգնարանում բնակուելուց յետոյ գնացին Զրաբաշխ լեռը, որ Սուկաւէտ է կոչուում: Ուրեմն ըստ Աւգերեանի՝ Ծաղկոտն գաւառի Ծաղկէոյ լեռան, որ այժմ Ալա-դաղ է կոչուում, ջոկ սար է. Սուկաւէտը կամ այժմեան Քեօտադաղը ջոկ:

Յովհաննէս կաթողիկոսը ²⁾ Ռսկեանց մասին այնքան գիտէ, որ նրանք ս. Թադէոս առաքեալի աշակերտներից էին, բնակում էին Եփրատ գետի աղունքում և, «աշակերտեալ մկրտէին զարս ոմանս յալանաց ի հարազատութենէ Սաթենկայ տիկնոջ, որ էր կին Արտաշիսի»: Սաթենկայ որդիքն էլ զայրացած՝ սրով սպանում են Ռսկուն նրա սուրբ ընկերներով: Յովհաննէս կաթողիկոսը չի յիշում, որ Ռսկեանք հռոմ գեսպաններ են, Ռսկին Քռիւսու հայ թարգմանութիւն է ևլն:

Սոփերք հայկականքը ³⁾ գիտէ, որ Ռսկեանց գլխաւորի անունը Քռիւսի էր, «այր յազգէ գռիկ». Սոփերքի հրատարակիչը մի այլ ձեռագրի մէջ գռիկը գռեհիկ է կարգացել, սակայն Հ. Աւգերեանի ծանօթութեան համեմատ եթէ գռիկը կռէգոս հասկանանք, պէտք է գռիկ կամ լաւ ևս գռեկ սրբագրենք: Սոփերքը չէ յիշում Ռսկեանց գեսպանութեամբ Հայաստան գալը, միւս կէտերում համանման է Վարք Սրբոցին, կամ լաւ ևս, նրա ազգիւններից

1) Վարք սրբոց հատ. Բ. եր. 128—130:

2) Յովհ. կթղկա. տալ. Յերուսաղէմ, 1843 թ. եր. 24.

3) Սոփերք Հայկականք ԺԹ. Վենետ. 1854. եր. 59—66:

մէկն է: Ոսկեանց բնակավայրի մասին Սոփերքը ասում է.
«Յետ մահուան առաքելոցն երթեալ կրօնաւորեցան ի
լերինս ուրեմն ծմակայինս, յակունս Եփրատայ ի խառ-
նուածս ձորոյ ուրեմն, որ սկիզբն առեալ իջանեն, որ կոչի
Ծաղկէ, յորոյ անուն և շէնքն կոչի մինչև ցայսօր Ուն
Ծաղկոյ»:

Յայսմաւուրքը¹⁾ չէ յիշում Ոսկեանց դեսպան լինելը.
գիտէ, որ Ոսկեանց գլխաւորի անունն էր Վժռուսի, որ
թարգմանի Ոսկի». այլ կէտերում շատ համառօտ աւան-
դում է այն՝ ինչ որ Վարք Սրբոցը, և Սոփերքը:

Եկեղեցին սրբադործում է Ոսկեանց և Սուքիասանց
մասին աւանդութիւնը նոցա նուիրուած շարականների մէջ,
առաջիններին անուանելով Ս. Թաղէոսի և երկրորդներին՝
Ս. Ոսկեանց աշակերտ:

Յայսմաւուրքի, Վարք Սրբոցի, Սոփերքի և Յովհաննէս
կաթողիկոսի համեմատ Ոսկեանց նահատակել են Արտա-
շէս թագաւորի որդիքը, համարելով նրանց մոլորեցուցիչ
իրանց մօր հարազատ Սուքիասաններին:

Մեր պատմիչների մէջ, բացի Ժ. դարի պատմիչ Յով-
հաննէս կաթողիկոսից, Ոսկեանց մասին անորոշ յիշա-
տակութիւն գտնում ենք միայն Դ. դարում: Փաւստոս
Բիւզանդն ասում է²⁾... ուր (յակունս Եփրատայ) յառա-
ջու կայեանքն էին Մեծին Գրիգորի առաջնոյ, որում տեղ-
եացն Ոսկիք կոչեն»: Մեր միւս պատմիչները Ե. Ժ. դար
Ոսկեանց մասին ոչինչ չեն գրում: Ոսկեանց վկայաբանու-
թեան սկզբնական աղբիւրը ինչպէս գրում է Հ. Մ, Աւ-
գերեանը³⁾, (Վենետիկի մատենադարանի) Բ, ճառընտրի
ՁԹԸ. երեսի յառաջաբանն է, ուր ասուած է թէ, յունաց
կողմերում Վաղենտիոս կայսրի ժամանակ, եղել է մի
ընթերցասէր մարդ Տատիանոս անունով, որ յունաց մատ-

1) Սեպտ. ԺԹ. և Հոռի Ժ.

2) Փաւստոս Բիւզանդ Վենետ. 1889. դպե. Ե. (դ.) գլ. ԺԶ:

3) Վարք Սրբոց Բ. հատ. 2-րդ ծանօթ. Վկայաբանութեան
Ս. Ոսկեանց, եր. 128:

եաններէից շատ բան է պատմել, որի գրքերը անթիւ շատարան զրոյցներով մեր մէջ գտնուում են, որը շատ անգամ է կարգացել, գտել է այնտեղ Ոսկեանց պատմութիւնը:

Հ. Մ. Աւգերեանը ասում է, որ Տատիանոսի գրածները, բացի նրա վիճաբանութիւններից ընդդէմ հեթանոսաց, չը կան ոչ հայերէն ոչ յունարէն և ոչ լատիներէն: Ուրեմն Ոսկեանց վկայաբանութեան իսկական աղբիւրը չը կայ:

Ուրեմն ամենահին յիշատակութիւնը Ոսկեանց մասին, ինչպէս ասացինք, տալիս է Դ. դարի վերջին քառօրդին ապրող Փաւստոս Բիւզանդը, և այն՝ ոչ որպէս մարդկանց անուն, այլ տեղի, ըստ այսմ. «Որում տեղեանց ոսկիք կոչեն»: Փաւստոսը չի յիշում Ոսկեանց դեսպան լինելն ու Ս. Թագէոս առաքեալից մկրտուելը: Ուրեմն Դ. դարում Ոսկեանց մասին այս աւանդութիւնը դեռ չէր կազմուել, այդ ժամանակ կար մի վայր, որ յառաջու կայեանքն էին Մեծին Գրիգորի առաջնոյ, որում տեղեացն Ոսկիք կոչեն»: Փաւստոս, որ ուրիշ դէպքերում շատ մանրապատում է, եթէ ձեռքի տակ ունենար Ոսկեանց մասին աւանդութիւնը, անշուշտ գլուխներ կը նուիրէր Ոսկեանց:

Մեր այս տեսութեան Ա. մասն Դ. գլխում տեսանք, որ Միջագետքում Դ. դարում դարգացած էր անապատականների մի կարգ, որ խստակեցութեան ծայրայեղ աստիճաններում անապատների խորին առանձնութեան մէջ անասունների պէս խոտ էր ճարակում և այդ կարգի անապատականները ամառ ձմեռ մերկ էին բոլորովին: Միջագետքի այդ խոտաճարակները կոչւում էին Ոսկի¹⁾, մեր ազգային պատմութիւնից²⁾ գիտենք, որ Ս. Գրիգոր Լուսաւորիչը Դ. դարի սկզբում կեսարիայում ձեռնադրութիւն ստանալուց յետոյ, Հայաստան վերադառնալիս, Փոքր Ասիայից և յատկապէս Սեբաստիայից հետը բազմաթիւ յոյն և ասորի կրօնաւորներ բերեց, որոնց գլխաւորներն

1) Ист. Христ. церк. հատ. I. կր. 319.

2) Հ. Մ. Չամչ. պատմ. Հայոց հատ. Ա. գիրք Բ. գլ. 19.

կոչուում էին Անտոն և Կրօնիդէս: Մեր եկեղեցական աւանդութիւնը¹⁾, Անտոնին ու Կրօնիդէսին տօնում է եկեղեցում տօնուող Եօթն Խոտածարակների շարքում. հաւանական է, որ Միջագետքից եկած խոտածարակ կրօնաւորները հետները բերին իրանց, արդէն յայտնի, Ոսկի կոչումն:

Եփրատի ափունքը, որ ըստ Փաւստոսի «յառաջուկայեանքն էին մեծին Գրիգորի առաջնոյ», խոտածարակների առաջին ճգնաւայրն էր, և այնտեղ բնակուող խոտածարակների կամ Ոսկիների անունով Ոսկիք էր կոչուում. Ս. Լուսաւորիչը յաճախ անապատ էր գնում առանձնութեան մէջ, աշխարհի հոգսերից հեռու՝ Աստուծուն նուիրելու. այս հանգամանքը այսպէս է աւանդում Հ. Միք. Չամչեանը՝ «Բ. Յետ պայծառացուցանելոյ Սրբոյն Գրիգորի զհամօրէն Հայաստանեայս աստուածապաշտութեան կարգօք, այնուհետև ընդ ժամանակս ժամանակս մեկուսանայր յամբոխէ մարդկան և գնացեալ ի լեռինս և յանապատս՝ ճգնէր յաղօթս և ի պահս մերթ ընկերօք ոմամբք, զորս առնոյր ի մենաստանաց և մերթ լոկ առանձինն²⁾»: Իւր վերջին օրերը խորին անյայտութեան մէջ, Դարանաղեաց լեռների Մանիա այրում անցկացրեց և անյայտութեան մէջ էլ վախճանուեց³⁾: Ս. Լուսաւորչի առաջին մեկուսացումների ժամանակ նրա «յառաջուկայեանքն» էին Եփրատի ափունքը, «որում տեղեաց Ոսկիք կոչեն, Ծաղկոտն գաւառում. իսկ վերջնական մեկուսացման տեղն՝ Դարանաղիք լեռների Մանիա այրը: Պատմութիւնից յայտնի է⁴⁾ որ Ս. Տրդատ թագաւորն էլ ձգտում էր կրօնաւորական կեանքի. և այդ զարմանալի չէ. նրանք կարող էին նորահաւատներին յատուկ խստակրօնութեամբ ծայրայեղութեան մէջ ընկնել:

Անապատական և կրօնաւորական կեանքի զարգացման

1) Շարակ. Եօթն Խոտածարակաց, (տես ի շարս յատուկ մանկանց):

2) Հ. Միք. Չամչ. պատմ. Հայոց. հատ. Ա. գիրք. Բ. գլ. ԼԵ. գ. Եր. 398:

3) Խորենացի գիրք Բ. գլ. ԼԱ:

4) Խորեն. գիրք. Բ. գլ. ԼԲ:

պատմութեան մէջ տեսանք, որ անապատականութիւնը քրիստոնէական եկեղեցում զարգացաւ երրորդ դարում. Գ. դարի սկզբում արդէն առաջ են գալիս վանական կրօնաւորներ և խոտաճարակներ: Եթէ Ոսկեք խոտաճարակ էին, ուրեմն պէտք է Գ. դարում, առ առաւելն Գ. դարի վերջին քառորդին ապրէին: Բացի այս, Ոսկեանց վկայաբանութեան մէջ յիշած թագաւորների անունները պատմութեամբ չը վերստուգուելով՝ ժամանակագրական անհետեթեթութիւն են առաջացնում, որով հարկ է լինում նրանց կեանքը մօտ 250 տարի երկարացնել, կամ թագաւորների անունները սրբագրել:

Մենք կարծում ենք, որ ժամանակի ընթացքում, մինչև աւանդութեան առաջ դալն ու վկայաբանութեան կազմուելը պատմական իրողութիւնը անփոփոխ մնալով, ժամանակն ու մարդկանց անունները մոռացուել ու շփոթուել են. պատմական իրողութիւնը աւանդութեան կարգն է անցել, և սերնդից սերունդ անցնելով կազմուել է Ոսկեանց և Սուքիասանց մասին զրոյցը:—Միջագետքից եկած Ոսկի խոտաճարակները դարձել են Հռովմի դեսպան Խրիւսի, Ս. Լուսաւորչի տեղ՝ դրուել է Ս. Թագէոս առաքեալի անունը. իսկ ժամանակը Գ. դարից տեղափոխուել է Ս. դար: Ս.յս աւանդութեան համեմատ էլ կազմուել է Ոսկեանց և Սուքիասանց վկայաբանութիւնը: Իսկ ո՞վ է վկայաբանութեան հեղինակը:— Ինչպէս տեսանք, ճառընտիրները ասում են յոյն Տատիանոսն է, որ ապրում էր Վաղենտիանոսի ժամանակ: Երկու Վաղենտիանոսներ կան. մէկը թագաւորում էր 375—392 թիւը Գ. դարի վերջին. իսկ միւսը 423—455 թ. Ե. դարի Ա. կէսում. այս կայսրներից որի ժամանակ էլ որ ապրէր Տատիանոսը, Ս. Թագէոս առաքեալի ժամանակ պատահած դէպքերի ականատես չէ. եթէ երբէք գրել է նա Ոսկեանց վկայաբանութիւնը յունարէն, որ կասկածելի է, նա գրել է աւանդութիւնը և ժողովրդական զրոյցները աղբիւր ունենալով: Ով և լինի Ոսկեանց վկայաբանութիւն կազմողը, նա այդ վկայաբանութիւնը կազմելիս նախատակ է ունեցել

Ոսկեանց անպատճառ դարձնել առաքեալների ժամանակակից, տալ նրանց ազնուական ծագումն՝ անուանելով դեսպան, և նրանց աւելի կարեորութիւն տալու համար անուանել յոյն. և այս այն պատճառով որ Հայաստանի կրօնաւորութիւնը սկզբնաւորուած համարի առաքեալների ժամանակից ու նրան խորհրդաւորութիւն տայ սկզբնապատճառների ազնուական և յոյն ծագմամբ: Խորիւսի-Ոսկի դեսպանութիւնից խոտաճարակ դարձած ու Ս. Թադէոս առաքեալի ձեռքով մկրտուած՝ քննելի է. խոտաճարակ Ոսկեանք Դ. դարում Ս. Լուսաւորչի օրով Հայաստան եկած Միջագետքից՝ պատմական իրողութիւն է, համաձայն պատմական անցքերին թէ ընդհանուր քրիստոնէական եկեղեցու պատմութեամբ և թէ մեր ազգային:

Եկեղեցական աւանդութեան համեմատ¹⁾, Ս. Թադէոս առաքեալի աշակերտ Ոսկին իւր ընկերների հետ բնակւում էր Ծաղկէոյ սարում, Եփրատի ակունքում «առանձին կեանս ստացեալ»: Նրանք Արտաշէսի թագաւորութեան ժամանակ եկան արքունիք և սկսեցին քարոզել Քրիստոսի վարդապետութիւնը Արտաշէսին ու նրա Սաթենիկ տիկնոջը, որ Ալանաց ազգից էր: Պատուաւոր մարդկանցից ոմանք, որոնք թագուհու հետ Ալանաց երկրից եկել էին, հաւատացին Քրիստոսին ու մկրտուեցին, և հեռանալով արքունիքից, Բազրեանդ գիւղի յանդիման, Նպատ սարի դէմ ու դէմը, Սուկաւ սարում ապրեցին «խոտաճարակ իբրև զվայրենի քօշս ամսս բազումս»: Եւ եղև մորթնոցա իբրև զմամուռ քարի ի խստութենէ օգոցն, աճեալ հերքն ծածկէին զամենայն մարմինս նոցա»: Սրանց գլխաւորի անունն էր Բարաքաթրայ, որ մկրտութեան ժամանակ Սուքիաս կամ Սիւքիաս փոխուեց, և այդ անունով էլ նրանք կոչուեցին Սուքիասանք: (Նրանցից մէկի անունն էլ Մեմաս էր, որի անունով է թերևս Երասխաձորի Վարդի

1) Յայտնաւորք Օգոստոսի Իէ. և նաւասարդի Ժէ: Վկայաբանութիւն Սրբոց Սուքիասանցն, որք վկայեցին ի Բազրեանդ գաւառի. ի Սուկաւէտ լեռինն և ևն թուով երեք հարիւր վաթսուն և չորս:

հէր ուխտատեղուց դէպ հարաւ արևելք բարձրացող սարը Մամաս կոչուամ: Վարդի հէրի ուխտաւորները որպէս ուխտ բարձանում են այս սարի կատարը, որտեղից ընդարձակ հորիզոն է բացւում չորս կողմը և յատկապէս դէպի Բագրևանդ):

Ս. Սուքիասանք իրանց ճգնութեան 44-րդ տարին նահատակուեցին և նրանց նահատակութեան հանգամանքը այսպէս է պատմում Յայսմաւուրքը, Ալանաց Գորգիանոս թագաւորը իւր զօրքերը վերստուգելիս՝ Սուքիասանց չը գտնելով իրանց պատուին յատկացուած Աթայի երկրորդական գահում՝ հարց ու փորձ արեց և իմանալով, որ Հայոց երկրումն են ու քրիստոնեայ են դարձել, իւր Բաւլահայ զօրապետին ուղարկեց հրաւիրելու, եթէ գան՝ պատուով բերել, եթէ չը գան՝ սպանել: Սուքիասանք հաստատ մնալով իրանց քրիստոնէական հաւատին, նահատակուեցին նաւասարդի ժէ.-ին. «Եւ բղխեաց աղբիւր ի տեղւոյն ի բժշկութիւն ամենայն ցաւոց և ախտից»: Նրանց ընկերներից երկու կրտսերագոյնները նահատակութեան ժամանակ երկիւղից թաք կացան լեռան խորշերում, յետոյ եկան նահատակուածների մարմինները թաղելու, բայց չը գտան: Իրանց թուլամտութեան պատճառով մարտիրոսական պսակից զրկուելուն համար դառն ապաշաւեցին և խստագոյն ճգնութեամբ կատարեցին իրանց կեանքը. նրանց մահից յետոյ նրանց մարմինները թաղեցին անդէորդները:

Յայսմաւուրքը չէ յիշում, որ Սուքիասի անունով լեռը կոչուած լինի Սուկաւ, այլ ընդհակառակն ասում է, որ Սուքիասը իւր ընկերներով բնակուեց Սուկաւ սարում, որպէս թէ այդ սարը մինչև Սուքիասանց այնտեղ բնակուելը արդէն Սուկաւ էր կոչուամ:

Սոփերք Հայկականքը (ԺԹ.) գլխաւոր կէտերում երկրորդելով Յայսմաւուրքի աւանդածը, աւելացնում է պատմական պարագաներ, վկայաբանական դարձուածներ, հարց ու պատասխաններ ու աղօթքներ. նա՛ ասում է, թէ Սուքիասանք «բնակեցան ի Սուկաւ լերին, որ յանուն գըլխաւորին իւրեանց Սուքիաս՝ կոչեցաւ Սուկաւ... խոտա-

ճարակ լինելով իբրև զվայրենի ոչխարս ի տեսչութենէն Աստուծոյ, յամս Շապհոյ թագաւորի: Եւ քանզի երկիրն Հայոց յետ ամաց աւերեալ լինէր, զի թագաւոր ոչ ունէին, քանզի սպանեալ էր զԱրտաւան որդի Վաղարշու և զԹոսրով թագաւորն Հայոց՝ թագաւորին Պարսից...

«Սոփերքը Սուքիասանց կեանքը Սուկաւ լեռան ճգնարանում այսպէս է նկարագրում. «Եւ կացեալ սուրբ վկայքն ի լերինն Սուկաւէտ, խոտաճարակք լեալք հրեշտակակրօն վարուք, և մարմինք նոցա էին իբրև զմամուռս քարի, և վարսք նոցա որպէս զքօշից քարշէին. և ոչինչ ունէին. այլ յուսովն Աստուծոյ կային և օրհնէին զԱստուած»: Սոփերքը Ս. Սուքիասանց նահատակութիւնը դնում է Շապուհի մահից յետոյ նրա յաջորդ Դատիանոսի օրով և ասում է, որ Ալանաց թագաւոր Գիգիանոսը ուղարկեց պարսիկ զօրքեր, որոնց զօրավարն էր Բաւլահա և սա նահատակել տուեց Ս. Սուքիասանց: Բաւլահայի հարցմանը Սուքիասը պատասխանում է. «Նիզակակից էի Շապհոյ արքայի»: Յայսմաւուրքում չը կայ ոչ Շապուհ և ոչ Դատիանոս. Յայսմաւուրքի Գորգիանոսը դարձել է Գիգիանոս. նահատակութեան համար Ալանաց թագաւորը ուղարկում է պարսիկ զօրք ու զօրապետ, չը կայ և հատուածս. «Նիզակակից էի Շապհոյ արքայի»: Մեմասն էլ Սոփերքում դարձել է Մեմաս:

Շապուհ. Ա. թագաւորեց 31 տարի 241—272 թ. ¹⁾ ուրեմն, ըստ Սոփերքի Ս. Սուքիասանց նահատակութիւնը 272 թուից յետոյ է տեղի ունեցել. Շապուհի յաջորդն էլ Որմիզդ էր և ոչ Դատիանոս:

Յովհաննէս կաթողիկոսը (եր. 25) հաստատում է Սոփերքի ասածը գրելով. «Եւ վասնզի յետ ամաց բազմաց՝ սպանաւ թագաւորն Հայոց Թոսրով յԱնակայ, և անիշխանացաւ երկիրս Հայոց: Ապա Բաւլահայ ոմն եկեալ յԱլանաց դրանէ, ... սուր ի վերայ եղեալ կոտորէ»:

Յովհաննէս կաթողիկոսն է համառօտել Սոփերքի

1), Ասողիկ եր. 358—359, հրատ. Ս. Մալխասեանց Ս. Պ. բուրգ. 1885 թ. ծանօթ. 85. Ներդէկէի ցանկի համեմատ:

աւանդածը թէ՛ Սուփերքն է ընդարձակել Յովհաննէս կաթողիկոսի պատմութիւնը. այս բանը պէտք է ճշդել, որպէսզի պարզուի Սուբիասանց, նրանց հետ էլ Ոսկեանց վկայաբանութիւնը կազմուելու ժամանակը:

Բ.

Վրաց վարժ սրբոցները Սուբիասանց մասին եւ պ. Ն. Մառի կարծիքը. Ոսկեանց եւ Սուբիասանց վկայաբանութեան կազմուելու ժամանակը. Յովհաննէս կաթողիկոսը հետեւող արդէն կազմուած վկայաբանութեան: Ոսկեանց եւ Սուբիասանց վկայաբանութիւն կազմողները: Ոսկեանց եւ Սուբիասանց ժամանակի մասին ենթադրութիւններ: Նախալուսաւորչեան նահասակներ— Արարատեան բիւր վկայք եւ Խոսրով Ա.-ի ժամանակ նահասակուած քրիստոնեայք, ս. Ոսկեանց եւ Սուբիասանց առնչութիւնը սրանց հետ:

1898 թուին, ամառը ուսուցչապետ պ. Ն. Մառը մի ճանապարհորդութիւն է կատարում դէպի Աֆոնի վանքը և ուսումնասիրում այնտեղի ձեռագրերը: Նոյն թուի դեկտեմբերի 17-ին ռուս հնագիտական ժողովում նա զեկուցանում է¹⁾ իւր ուսումնասիրութեան արդիւնքը, որի մէջ հայոց և վրաց գրականութեան միջև առնչութեան մասին խօսելով՝ ի միջի այլոց գրում է, որ ինքն Աֆոնում տեսել է ժ. դարի մի մագաղաթեայ ձեռագիր վարք սրբոց, որի մէջ ամփոփուած են կէս տարուայ մէջ (դեկտեմբերի 27—յունիսի 27) տօնւող յիսունից աւելի սրբերի վարքեր: Այդ սրբերի վարքերը տակաւ բացառութեամբ համարում է նա հայերէնից թարգմանուած:

Պ. Ն. Մառը իւր ուսումնասիրութեան նիւթ է դարձնում 14 վկաների վարքերը, և հաստատում, որ նրանք

1) „Изъ поѣздки на Афонъ“.— Журналъ министерства народнаго просвѣщенія, часть СССXXII. (1899 № 3. отд. 2. արատապութիւն):

«Հայաստանից և նրա սահմանակից երկրներից էին, այն է. Պարսկաստանից, Օսեթիայից (Ալանաց երկիր), Վարքերից տասնևմէկը բացառապէս վերաբերում են հայ վկաներին ու վկայուհիներին և կամ հայաստանում նահատակուածներին»։ Նա ասում է, սուրբ Սուքիասի և նրա ընկերների նահատակութիւնը (мученичество Сукіаса и подвижниковъ) իսկական թարգմանութիւնն է այն բնագրից, որ տպուած է Սոփերքի ԺԹ. հատորում (եր. 59-66)»։

Պէտք է նկատել, որ հայ բնագրում այդ վկայաբանութեան վերնագիրն է. «բան և ասութիւն ճշմարիտ սրբոցն Ոսկեանց քահանայից», մինչդեռ վրացերէն թարգմանութեան վերնագիրը, ըստ Մառի, է. «վկայաբանութիւն սրբոցն Սուքիասայ և ընկերացն»։ Եւ, ինչ որ հայ բնագրի մէջ կոչուած է «վկայաբանութիւն սրբոց Սուքիասանց», ըստ Մառի վրացերէն թարգմանութեան մէջ կոչուած է «նահատակութիւն ճգնաւորացն Սուկաւէտայ» (Мученичество Сукаветскихъ подвижниковъ)։

Ըստ Մառի՝ հայ բնագիրը լրիւ չէ։ Համեմատութեամբ վրացերէն թարգմանութեան՝ այժմեան հայ հրատարակութիւնը (Սոփերք ԺԹ), սկզբից չորս երեսաչափ պակաս է։ Պակաս է ճառի և այն մասը, որ վերաբերում է սրբերի մասունքների և կոստանդին կայսրի երազի մասին զրոյցներին։ Վրացերէն թարգմանութիւնը լրացնում է հայ բնագրի պակասորդը. թէ և յայտնի է, որ կոստանդինի երազը ամբողջապէս հայերէն կայ։

Պ. Մառը ի նկատ առնելով այն հանգամանքը, որ Ը. դարում սաստիկ բորբոքուած էր հայոց և վրաց մէջ կրօնական ատելութիւնը, կարծում է, որ վրացիք այդ դարում և, կաւելացնենք մենք, յետոյ բնականաբար կը խուսափէին հայերէնից, այն էլ զուտ հայնահատակների վարքերը թարգմանելուց։ Պ. Մառը հաւանական է համարում, որ Սուկաւէտի ճգնաւորների վկայաբանութեան թարգմանութիւնը կատարուած լինի, ամենաուշը, է. դարի վերջերին, կամ Ը.-ի սկզբին։ Հետևաբար, հայերէն բնագրի կազմուելը եթէ ոչ աւելի վաղ, զոնէ է. դարի կէսից առաջ է գնում։

Այս եզրակացութեանը գալուց յետոյ պ. Մառը անկասկածելի է համարում նախ՝ վրաց կրօնական և հոգևոր գրքերի մէջ հայ գրականութեան ազդեցութիւնը, երկրորդ, անկախ վերոյիշեալից, յայտնում է, որ վկայաբանութիւն կազմողը «Սաթենիկ» լանուեր առել է Մովսէս Խորենացուց։— Արդ, եթէ վկայաբանութիւն կազմողը ապրում էր, ամենաուշը, է. դարում, ուրեմն Մովսէս Խորենացին պէտք է որ աւելի վաղ ապրած լինի։ Այսպիսով հերքում և ջրում է բանասէրներից ոմանց այն յամառ կարծիքը, թէ Խորենացին Ը. դարի մատենագիր է։

Մեզ համար կարևորութիւն ունին — առաջին, պ. Մառի եզրակացութեան այն մասը, որ վերաբերում է Սուքիասանց վկայաբանութիւնը կազմելու ժամանակին և երկրորդ՝ այն առնչութիւնը, որ ունի Յովհաննէս կաթողիկոսի աւանդածը՝ այդ ժամանակի հետ։

Պ. Մառի հեղինակաւոր կարծիքով Սուքիասանց կամ Սուկաւէտի վկաների վկայաբանութիւնը կազմուած է Մովսէս Խորենացուց յետոյ՝ մինչև է. դարի կէսը, ուրեմն Ժ. դարի պատմիչ Յովհաննէս կաթողիկոսը ընդօրինակող կամ հետևող է, և նրա պատմութեան հիմքն ու աղբիւրը վկայաբանութիւնն է, որ կազմուել է ուրեմն Ե. և է. դարերի միջև։

Ո՞վ է կազմել վկայաբանութիւնը։— Ճառընտիրների ասելով ս. Սուքիասանց վկայաբանութիւնը գրել է ոմն Անտոն անապատական «ի Հռովմայ»։ Հ. Աւգերեանը կարծում է, որ այս Անտոնը մէկն է այն հռովմայեցիներից՝ որոնք Կոստանդին կայսրի հետ Հայաստան եկան, ս. Ռսկեանց մասունքներից նշխարներ տանելու և կամ՝ կրօնիդէսի ընկեր Անտոնն է, որին ս. Լուսաւորիչը, ուրիշ կրօնաւորների հետ բերեց, երբ ձեռնադրուած վերադառնում էր Պեսարիայից։ Այս Անտոններից որն էլ կազմած լինի վկայաբանութիւնը, Դ. դարից առաջ չէ։ Մենք տեսանք, որ Ռսկեանց վկայաբանութիւնն Վենետկի մատենագարանի Բ. Ճառընտրի ՁԽԸ, երեսի յառաջաբանութեան համեմատ գրել է յոյն Տատիանոսը, որ ապրում

էր Վաղենտին կայսրի ժամանակ. ուրեմն, դարձեալ Բ. կամ ստոյգ ևս Ե. դարում: Յամենայն դէպս Ոսկեանց և Սուքիասանց վկայաբանութեան հեղինակ կարծուածները նրանց ժամանակակից չեն, այլ, վկայաբանութիւնները կազմելիս աղբիւր են ունեցել զրոյցներն ու անգիր աւանդութիւնները, որոնց մէջ, անկասկած, յեղաշրջում են պատմական դէպքերը, անուններն ու ժամանակը, մնում է անցքի մասին գաղափարը:

Հ. Միքայէլ Չամչեանը¹⁾ անկարելի է համարում, որ Սանատրուկի որդի Արտաշէսի ժամանակից, այսինքն Ա. դարի վերջին քառորդից սկսած, երբ Սուքիասանք որպէս դրանիկ՝ արդէն չափահաս, մօտ 40 տարեկան մարդիկ եկան Հայաստան, կարողանային ապրել մինչև Տրդատի հայր Մեծն Խոսրովի մահը. վասն զի այդ միջոցը 170 տարու չափ ժամանակ է ընդգրկում: Ուստի կարծում է, որ կամ Արտաշէսը Խոսրով էլ էր կոչւում, որով Սուքիասանց նահատակութիւնը Բ. դարի առաջին կիսին կը գայ, և կամ Խոսրով Մեծի մահից յետոյ նահատակող Սուքիասանք ուրիշ մարդիկ էին և ոչ Ոսկեանց աշակերտները: Նա չէ էլ ընդունում, որ Սուքիասանք Խոսրով Ա.-ի և Շապուհ Ա.-ի ժամանակ էին, ուստի և ասում է. «զի անստոյգ երեւին ըստ ժամանակին, որպէս և ըստ անուանց . . . »:

Հ. Մ. Աւգերեանը²⁾ Սուքիասանց մասին ասում է այն, ինչ որ յայտնի է վերև յիշուած աղբիւրներից: Նրա կարծիքով Սուքիասանք ապրում էին Ա. դարի երկրորդ կիսին. և, ընդունելով, որ Սուքիասանք չէին կարող կենդանի մնալ մինչև Շապուհ Ա.-ի մահը (272 թ.), սրբագրում է վկայութեան մէջ յիշուած թագաւորների անունները. փոփոխում ու աւելացնում է պատմական անուններ ու դէպքեր. և այս իւր վարձուքի պատճառները բացատրում է³⁾: Ըստ Աւգերեանի՝ Շապուհը Ալանաց թա-

1) Պատմ. Հայոց, հատ. Ա, ծանօթ. եր. 598—599:

2) Վարք Սրբոց, հատ. Բ, եր. 90—112: Վկայաբանութիւն Սրբոց Սուքիասանց:

3) Նոյն ծանօթ, եր. 113—116:

գաւոր էր: Նրա յաջորդ Գիգիանոսի կամ Դատիանոսի հրամանով պարսիկ զօրքեր եկան Հայաստան և նահատակեցին Սուքիասանց, նրանց մարմինները ձգելով մի խորտիտ վհի մէջ. Սուկաւէտ կամ Զրաբաշխ լեռան լանջերում: Ս. Գրիգոր Լուսաւորիչը Ս. Հոգու ազդմամբ եկաւ գտաւ սրբերի մարմինները, թաղեց. նրանց գերեզմանների վերայ վկայարաններ շինեց, կրօնաւորներ կարգեց և նրանց վրայ էլ վերակացու կամ վանահայր նշանակեց իւր աշակերտներից մէկին, որի անունը Աբաս էր:

Հ. Աւգերեանը ընդարձակելով կրկնում է Յայսմաւուրքի¹⁾ խօսքերը, թէ «բղխեաց աղբիւր ի տեղւոջն ի բժշկութիւն ամենայն ցաւոց և ախտից»: Յիշում է նա Կոստանդնի մասին գրոյցը, թէ եկաւ նա Հայաստան, գտաւ ս. Սուքիասանց մարմինները և հետը տարաւ սրբերի նշխարներից մասն ու նրանց արիւնով զանգուած հողը. Ահա այս գրոյցն է, որ կայ պ. Մառի յիշած Սուկաւէտի վկաների վրացերէն թարգմանութեան մէջ:

Եթէ ըստ Զամչեանի և Աւգերեանի ընդունենք էլ, որ ս. Սուքիասանք նահատակուեցին 130—140 թ. անհնարին է, որ նրանց մարմինները անաղարտ մնային մինչև ս. Գրիգոր Լուսաւորիչը: Սուքիասանց նահատակութիւնից մինչև թաղումն՝ այսպէս մօտ 200 տարի է գալիս:

Քննասէրը²⁾ հետևելով Հ. Զամչեանին ու Աւգերեանին, տարակուսում է ս. Ոսկեանց և Սուքիասանց ժամանակի մասին, անհնար համարելով տալ նրանց կեանք, որ տևէր Ա. դարից մինչև Գ. դարի վերջին քառորդը: Նա, ի նկատի ունենալով ժողովրդի աւանդութիւնը, որ իրան լաւ յայտնի էր որպէս Կարնոյ երբեմն առաջնորդի, որի թեմի մէջ էին Սուկաւէտն ու Զրաբաշխ լեռները, սրբագործուած Ոսկեանց և Սուքիասանց յիշատակներով, Ոսկեանց և Սուքիասանց համարում է նա պատմական

1) Յայսմ. Սեպտմ. ԺԹ. և Հոռի Ժ:

2) Լուսմայ 1904. Սեպտմ.—Հոկտմ. եր. 78—96: «Առաքեալներէն մինչև Լուսաւորիչ». յօդ. 36—37:

անձնաւորութիւններ ու նրանց նահատակութիւնն էլ
ստոյգ. բայց ոչ աւանդութեան սահմանած ժամանակում:
Յովհաննէս կաթողիկոսը հետեւելով վիպաբանու-
թիւններին՝ գրում է. «Իսկ ազգականք Սաթենկայ, որք ի
Քրիստոս մկրտեցան. ընդոստացեալք իմն վասն մահուան
սրբոցն (Ոսկեանց), հատուածեալք գնացին ի բաց եր-
թեալ, զողեալ, թագուցեալ ի Չրաբաշխ լերին, խոտաբուտ
ճարակօք շատացեալք եւ ըստ մերկութեան անձանց նոցա
ի ցօղոյ երկնից զէսս արձակել մարմնոյն, որ և ի պատահ-
մանէ անտի քօշք անուանեցան» (եր. 24—25): Այս նկա-
րագրութիւնը կրկին արժէք ունի ի զէմս Յովհաննէս
կաթողիկոսի, մի՛ որպէս պատմագրի. միւս ևս, որ պատ-
կերացնում է խոտաճարակների իսկական տիպար Մարիամ
Եգիպտացու վարքը նրա ճգնութեան ժամանակ, որ Դ.
գարից շատ յետոյ էր: Յովհաննէս կաթողիկոսն էլ Սու-
քիասանց նահատակութիւնը դնում է Խոսրով Մեծի մա-
հից յետոյ, երբ Հայաստանը անտերուչ էր մնացել:

Ըստ Բորերտսոնի¹⁾ թէև քրիստոնեաների, առ ահի
մեկուսացած, անմարդաբնակ տեղերում կեանք վարելը
սկսում է Բ. գարից, և այս մեկուսացումն Հայաստանի
քրիստոնեաների մէջ էլ կարող էր հետևողներ ունենալ,
Հայաստանի քրիստոնեաներն էլ հալածանքից զերծ մնալու
համար Պաւղոս թեբայիդացու պէս կարող էին ապաստան
որոնել անապատներում, և այսպէս կամայ ակամայ ճրգ-
նաւորական կամ անապատական մեկուսացած կեանք
վարել, բայց դրանք անշուշտ այն Ոսկեանք և Սուքիա-
սանք չէին, որոնց կեանքի նկարագիրը, որպէս խոտաճա-
րակների, տալիս են եկեղեցական աւանդութիւնն ու
Յովհաննէս կաթողիկոսը: Պատմութիւնը ճշտելով ասում
է, ²⁾ որ խոտաճարակները Ոսկի անունով Դ. գարում երե-
ւան եկան Միջագետքում, որ սահմանակից է Հայաստա-
նին: Այս տեսակ խոտաճարակներ, որպէս առանձին կրօ-

1) Բորերտսոն Ист. Христ. церк. հատ. I. էր. 163.

2). Նոյն էր. 313.

նական համայնք, Հայաստանում Ա. Բ. դարերում չէին կարող գոյութիւն ունենալ:

Թողնելով ժամանակի խնդիրը, Ծաղկէոյ սարի ճգնաւորները, անկախ Միջագետքի Ոսկի—խոտաճարակներից՝ ուրիշ պատճառով էլ կարող էին ոսկի կոչուել:—Սուկաւէտ և Ծաղկէոյ լեռների մօտ է այժմ Զառափխանայ կոչւող վայրը՝ Բագրևանդի և Բասենի սահմանի վերայ, այդտեղից ժամանակին ոսկի են հանել, այժմ էլ, շատ ժամանակ չէ, որ լրագրներում հրատարակուեց, որ ցանկացողներ կան Զառափխանայի ոսկու հանքը շահագործելութեւս հնումն այդ տեղերը «Ոսկիք» էին կոչում, և տեղի անունով էլ այնտեղ բնակող ճգնաւորները Ոսկի կոչուեցին: Փաւստոսն ասում է, որ ս. Լուսաւորիչը այցելում էր իւր կարգած ճգնաւորներին, այնտեղ, «որում տեղեաց Ոսկիք կոչեն»¹⁾:

Հէնց քրիստոնէութեան Ա. դարում Հայաստանում սկսուեց քրիստոնէութիւնը, այդ հաստատում են մեր և օտարազգի պատմիչները: Թողնելով ս. Սանդուխտ կուսի և ընկերների նահատակութիւնը, Հայաստանը ուրիշ նահատակներ էլ է ունեցել Բ. և Գ. դարերում:—Հ. Ալիշանը²⁾ առնելով լատին Յայսմաւուրքից՝ համառօտում է Արարատեան բիւր վկաների վկայաբանութիւնը: Այդ վկաները Ադրիանոս կայսրի զօրքերից էին թուով ինն հազար հոգի, որոնք 118 թուին ուղարկուած լինելով ապստամբ եփրատացիներին զսպելու՝ հրեշտակի ազդմամբ Յիսուսի Քրիստոսի անունով յաղթում են ապստամբներին և քրիստոնեայ դառնալով՝ հրաժարւում են զինուորութիւնից, մկրտւում և գալով Հայաստան, ապաստան են գտնում Արարատ լեռան լանջերում, կայսրը կամենում է բռնի նրանց կռապաշտ և զինուոր դարձնել, զօրք է ուղարկում. բայց նրանք չը հրաժարուելով քրիստոնէութիւնից, յօժարակամ նահատակւում են, այս նահատակներին

1) Փաւստ. Բիւզ. դպր. Զ. գլ. ԺԶ.

2) Այրարատ. Վեներտիկ 1890 թ. եր. 474—476:

միանում են կայսրի զօրքից մի հազար հոգի էլ, որով վկաների թիւը դառնում էր բիւր: Այս աւանդութիւն հարուստ նիւթ է տալիս իտալացի նկարիչներին, և նրանց նկարներից մէկի պատճէնը տեսնում ենք Այրարատում:

Անշուշտ այս զինուոր վկաները, եթէ ոչ ամբողջովին, մեծ մասամբ հայ էին. այդ հայերը եփրատացոց աշխարհում քրիստոնեայ դառնալով թողին զինուորութիւնը և յետ եկան իրանց երկիրը՝ Այրարատեան աշխարհը, Հայաստան: Կայսրի զօրքերը վրայ հասան և կոտորեցին կամ նահատակեցին հայ զինուոր վկաներին: Այս ահագին բազմութեան նահատակութիւնը անկարելի է, որ ազդեցութիւն չունենար ժողովրդի վերայ: Դէպքը բերանից բերան, դարից դար աւանդաբար անցնելով գունաւորուեց, յեղաշրջուեց. մոռացուեցին թագաւորների անունները, և նահատակների ու վիճակը, անցքը միայն անմոռաց մնաց: Արևմտեայք և լատինները նրանց համարեցին հռովմայեցի զինուոր և անուանեցին Այրարատեան վկայք. Հայք համարեցին նրանց հռովմայ դեսպան: Նահատակները կը մնան Արևմտեայց համար Այրարատեան բիւր վկայք, նահատակուած Արարատ սրբազան լերան լանջերի ծերպերում, իսկ Հայոց համար՝ Ոսկեանք՝ Ծաղկէոյ սարում նահատակուած իրանց ատելի Արտաւազդ թագաւորի ու նրա եղբայրների ձեռքով: Արևմտեայք կարող են նրանց յիշատակը տօնել սրպէս Այրարատեան բիւր վկաների տօն, իսկ Հայք՝ Ոսկեանց:

Պէտք չէ մոռանալ՝ որ Այրարատեան բիւր վկայքը կայսրի զօրքեր էին, իսկ մեր Ոսկեանք կայսրի դեսպան՝ Խռիւսի անունով: Թէ Արարատեան վկաները և թէ Ոսկեանք նահատակուած են նոյն ժամանակին և Բ. դարի առաջին քառորդին: Արդեօք մեր Ոսկեանց վարքը գրողները «Ոսկի» անունը Խռիւսի յունական անուան թարգմանութիւն համարելիս՝ Յովհան Գրնեցու վարքը գրող¹⁾ Խռիւսիոն կամ Կրիսոս անունների հետ չեն շփոթել և

1) Վարք՝ Սրբոց հատ. Թ. 4եր. 268—273:

այդ անունը չեն յատկացրել Ոսկիներին, նշանակութեան նմանութիւն գտնելով հայ Ոսկի և յոյն Խռիւսի, Խռիւսիոն, Կրիսոս անունների մէջ:

Ազգային պատմութիւնը¹⁾ առնելով Կապադովկիայի Կեսարիա քաղաքի Փերմելիանոս եպիսկոպոսից՝ ասում է, որ Խոսրով Ա-ը (216 թ.) բազմաթիւ քրիստոնեայք նահատակեց: Այս նահատակները կարող էին ապագայում վկայաբանութիւն կազմողներից կոչուել Սուքիասանք. որովհետեւ նահատակութեան ժամանակի տարբերութիւնը մեծ չէ, միայն 56 տարի է: Սուքիասանք էլ նահատակուած են համարում Խոսրով Ա-ի և Շապուհի մահից (272 թ.) յետոյ:

Եթէ նախալուսաւորչեան նահատակների խմբերը չէ, որ ընդհանուր անունով կոչուել են Դ. դարում յայտնի Ոսկիների և Սուքիոսների անունով, ուրեմն դրանք անձուկ մտքով որպէս խոտաճարակ Ոսկեանք և ճգնաւոր Սուքիասանք, առանձին կրօնաւորական դասակարգեր գոյութիւն կարող էին ունենալ միայն Դ. դարում. ս. Լուսաւորչի օրով և յետոյ. որովհետեւ ինչպէս եկեղեցական աւանդութիւնը հաւաստում է, ճգնաւորութիւնը Դ. դարում սկսուեց Եգիպտոսում և զարգանալով՝ միայն Դ. դարում տարածուեց Պաղեստինում, Ասորիքում, Միջագետքում, Փոքր Ասիայում և Հայաստանում: Եւ վերջապէս Սուքիոս, Հիւսիքոս անունները յայտնի են միայն Դ. դարում. Ոսկիք, որպէս խոտաճարակ՝ նոյնպէս Դ. դարի ընթացքում:

Պատմութիւնն ասում է,²⁾ որ ս. Լուսաւորիչը ձեռնադրուած երբ Կեսարիայից վերադառնում էր, Սերաստիայում մի կարճ ժամանակ մնաց և այնտեղից բազմաթիւ կրօնաւորներ բերեց, որոնք ս. Լուսաւորչի կարգադրութեամբ սփռուեցին Հայաստանի զանազան կողմերը քրիստոնէական հաւատքը հաստատելու, և քրիստոնէական

1) Խորեն. գիրք Բ. գլ. 26. Չամչ. պատմ. հայ. Ա. գիրք Բ. գլ. ԼԱ. երես 359:

2) Ա.գաթանգ. տպ. Օրթագիւղ. 1822 թ. եր. 229: Չամչ. հատ. Ա. եր. 390—394:

քարեպաշտութեան օրինակ հանդիսանալու նորահաւատներին: Այս կրօնաւորներից ոմանք բնակուեցին Մաղկէոյ, ոմանք էլ Սուկաւէտ լեռների մօտ: նրանց վերայ ս. Լուսաւորիչը վերակացու կարգեց մէկին՝ որ Աբաս էր կոչուում: Այս ճգնաւորների բնակավայրը, ինչպէս վկայում է Բիւզանդ, Ոսկիք էր կոչուում, ուր յաճախ առանձնանում էր ս. Լուսաւորիչը: Ոսկեանք եթէ իրանց բնակավայրի անունով չէ, որ ոսկի են կոչուել, ուրեմն այդ անունը նրանք առել են Միջագետքի խոտաճարակ ոսկիներից: Նոյնը կասենք մերք Սուքիասանց մասին, այդ անունը առել են նրանք Սեբաստիայից եկած յոյն, կապադովկիացի հոգևորականներից: Ահա թէ ինչպէս.

Եկեղեցական աւանդութեան մէջ մի քանի Սուքիոսներ են յիշուում. Պաղեստինի կրօնաւորական կեանքի հիմնադիր Իլարիոնի աշակերտներից մէկը կոչուում էր Սուքիոս կամ Իսիւքիոս ¹⁾: Հ. Մ. Աւդերեանը ²⁾ համառօտ տեղեկութիւն է տալիս մի Սուքիոս անապատական ճգնաւորի մասին, որ Փոքր—Հայքի Արմենիակ դաւառի Անդրապիա քաղաքից էր, որ շինել է վանքեր այր և կին միանձների համար: Կոստանդ կայսրի և էռինէ կայսրուհու ժամանակ այս Սուքիոսի մարմինը բերւում և դրւում է Ամասիա քաղաքի եկեղեցում:—Ե՞րբ էր ապրում այս Սուքիոսը և երբ վախճանուեց՝ դժուար է ճշդել: Բայց նրա մարմնի տեղափոխութիւնը եղաւ Ը. դարում, որովհետև Կոստանդն ու էռինէն թագաւորում էին 780—802 թ: Կապաշտ Մաքսիմիանոսը խիստ հալածանք սկսեց քրիստոնեաների դէմ. նրա զօրականներից մէկը Հիւսիքոս կամ Իսիւքիոս ²⁾, որ քրիստոնեայ էր և քրիստոնեայ մնաց, ենթարկուեց հալածանքի: Կայսրի հրամանով մերկացրին նրան իւր զինուորական զգեստներից՝ կանացի զգեստ և այծենի հագցնելով, որպէս ամենամեծ պատիժ

1) Յայսմաւուրք. Հոկտմ. ԻԱ. եւ Սահմի ԺԱ. Վարք հարանց հատ. Ա. եր. 328—330: (վարք երանելոյն Իլարիոնի կրօնաւորի):

2) Լիակատար Վարք սրբոց հատ. Ը. եր. 481—483:

և անարգանք՝ ուղարկեցին ստրուկների մօտ իլիկ մանելու
և ոստայնանկութեամբ պարապելու: Վերջը երկանաքար
կապեցին պարանոցին և ձգեցին Որոնտէս գետը: Եւ
այսպէս, մարտիրոսական պսակին արժանացաւ Հիւսիքոսը
300 թուին:— Ուրեմն այս Հիւսիքոսը ապրում էր Գ. դարի
Բ. կէսին:

Հետաքրքիր է Հ. Մ. Աւգերեանի այս վկայութեանը
կցած ծանօթութիւնը¹⁾, որ սկսւում է այսպէս. «1, գի-
տելի է նախ, զի անունս Հիւսիքոս, որ է ըստ յունաց
Իսիւքիոս, գրի նաև Եւսիւքիոս կամ Սիւքիոս և նոյն է
ընդ անուանս Սուփիաս, և ըստ նմին, որպէս ի վարս
սրբոյն Սուքիասայ գրի ի մեզ, թէ նշանակ է հանդար-
տեալ, զնոյն ասէն աստանօր և յոյնք վասն Իսիւքիոսի
զօրականի . . . »:

Հ. Մ. Աւգերեանը նոյն ծանօթութեան մէջ ասում
է, որ յոյները Իսիւքիոս զօրականին տօնում են մայիսի
10-ին՝ կցելով նաև Սիւքիոս ճգնաւորի յիշատակը, որ
Փոքր—Հայքից էր: Համանուն մի ճգնաւորի յիշատակը
մարտի 5-ին կամ 6-ին: Այս բանից առնելով մեր Յայս-
մաւուրքում մարտի 10-ին դրուած է Հիւսիքոս զինուորի
յիշատակը: Օտարազգիք մեր Սուքիասանց յիշատակը չեն
տօնում. բայց յոյները Հիւսիքոս զինաւորի և Իսիւքիոս
ճգնաւորի վարքի մէջ խառնում են մեր Սուքիասանց
վարքն էլ:— Հիւսիքոս զինաւորին, նրա քրիստոնէութեան
ի պատիժ հազցնում են այժեմնի կողոր—քրձեղէն, մազե-
ղէն. մեր Սուքիասանք արդէն մազով ծածկուած լինելուն
համար քօշ են կոչւում: Սիւքիասն էլ Հիւսիքոսն էլ զօ-
րական էին: Սուքիասն էլ Հիւսիքոսն կամ Իսիւքոսն էլ
նշանակում են հանդարտեալ: Հիւսիքոսին մեր եկեղեցին
տօնում է նոյեմբերի առաջին օրերին:

Այսբան Սիւքիոսների և Հիւսիքոսների անունները,
որ յայտնի են երրորդ դարից սկսած, կարող էին անցնել
ուրիշների էլ. այդ անունով կարող էին կոչուել վկայաբա-

1) Նոյն եր. 483—485:

նութիւն կազմողներին նախալուսաւորչեան նահատակներին մի խումբ, կամ Լուսաւորչի օրով և յետոյ յայտնի կրօնաւորներին մի դաս, որի առաջնորդը կարող էր նոյն անունով Կապագովկիայից եկած լինել:

Մեր կարծիքն է, որ նախալուսաւորչեան շրջանի վկաների մի խումբը՝ յետոյ վկայաբանութիւն կազմողներից կոչուել է Ոսկեանք, միւս խումբը՝ Սուքիասանք. առաջին խումբը ըստ մեզ՝ օտարներից Այրարատեան վկայք կոչուածներն են, նահատակուած, ինչպէս վերը տեսանք, մօտաւորապէս 118 թ. Երկրորդ խումբը Սուքիասանք կոչուած, Խոսրով Ա-ի օրով և նրա մահից յետոյ: Վկայաբանութիւն կազմողները Ոսկեանց անունը առել են կամ բնակավայրից «Որում տեղեաց, ըստ Բիւզանդայ, Ոսկիք կոչեն» կամ Միջագետքի խոտաճարակ Ոսկիներից. իսկ Սուքիասանց անունը՝ մեզ յայտնի Սուքիոսների, Հիւսիքոսների անուններից: Այս անուանակոչութեան հանգամանքը ամենեւին չի նուազեցնում մեր նախալուսաւորչեան վկաների յիշատակի սրբութիւնն ու նուիրականութիւնը: Մոռացուած անունների տեղ վկայաբանութիւն կազմողները միայն անուն են փոխ առել: Ժողովրդի յիշողութեան մէջ անուններն ու ժամանակը շփոթւում ու մոռացւում են. անցքերն ու դէպքերը առանց անունների ու ժամանակի՝ աւանդութեան կերպարանք են ստանում: Անշուշտ, Ոսկեանց և Սուքիասանց վարքերը կազմողները ազբիւր են ունեցել ժողովրդական աւանդութիւնը, և իրանք արդէն յերիւրել են անուններ ու ժամանակ, որ պէտք է ճշդել:



Կրկին Շապուհներ եւ Խոսրովներ: Ժամահակի եւ գործող անձերի շիրթուրթին. գուցէ Ոսկեանց եւ Սուփասանց կոչուել են ս. Լուսաւորչի բերած յոյն եւ ասորի կրօնաւորներն ու նրանց հետեւող հայերը: Հալածանք քրիստոնէութեան դէմ Շապուհ Բ.-ի օրով: Ոսկեանց եւ Սուփասանց մասին ժողովրդական այժմեան արանդութիւնը: Սուկաւէտի մասին կարծիքները: — ս. Ոսկեանց եւ Սուփասանց մասին մեր կարծիքը:

Եկեղեցական արանդութիւնը ասում է, որ Սուքիասանք նահատակուեցին Շապուհի մահից յետոյ, այն ժամանակ, երբ Խոսրովի մահուամբ Հայաստանը անտերուշ էր մնացել: Երկու. Խոսրով ունենք, երկու էլ Շապուհ կայ. Առաջին Խոսրովն ու Շապուհն ապրում էին ս. Լուսաւորչից առաջ 214—272 թ.: Երկրորդ Խոսրովն ու Շապուհը՝ ս. Լուսաւորչից յետոյ 309—379: Երկու Շապուհների ժամանակ էլ Հայաստանը, Խոսրովների մահից յետոյ, անտերուշ է եղել. արեւրածութեանց է ենթարկուել, ու բազմաթիւ քրիստոնեայք են նահատակուել: Այս Շապուհների ու Խոսրովների օրով նահատակուած ո՞ր խմբերը կարող էին Ոսկեանք եւ Սուքիասանք կոչուել:

Հստ արանդութեան, Ոսկեանք ս. Թադէոս առաքեալի աշակերտներն էին, իսկ Սուքիասանք՝ որ Սաթենիկ թագուհու ազգականներն էին, նրա հետ Ալանաց երկրից եկած՝ Ոսկեանց աշակերտեցին: Այսպէս լինելով եթէ առաջինները կարողանային մինչև Բ. դարի քսանական թուերը ապրել, աւելի քան մի հարիւր տարի կեանք անցնելով, երկրորդները չէին կարող մինչև Գ. դարի վերջին քառորդն ապրել մօտ 270 տարի: Այս հանգամանքն ևս գալիս է հաստատելու, որ Ոսկեանք եւ Սուքիասանք նախալուսաւորչեան շրջանի հայ քրիստոնեայ նահատակների խմբեր են, որ յետոյ պատահաբար Ոսկեանց եւ Սուքիասանց անունով են կնքուել, յայտնի

Ոսկիների և Սիւքիոսների անունով: Եթէ ընդունենք, որ Ոսկեանք և Սուքիասանք յետ լուսաւորչեան կրօնաւորներ են. այն ժամանակ կը մնայ մեզ ասել, որ Ոսկեանք իրանց անունը ստացան Միջագետքի Գ. դարում յայտնի Ոսկի-խոտաճարակներից: Սուքիասանք դարձեալ Ալանաց երկրից էին եկած, բայց ոչ որպէս Սաթենիկ թագուհու ազգական, այլ Աշխէն տիկնոջ—Տրդատի թագուհու: Օտար պատմիչները Արտաշէսի տեղ՝ Տրդատ են անուանում այն թագաւորին, որ Հռովմ գնաց Ներոնից թագ ստանալու: Վկայաբանութիւն գրողները կարող էին շփոթել Տրդատին Արտաշէսի հետ. և Տրդատ Գ.-ի ժամանակ պատահածը Տրդատ—Արտաշէսի ժամանակ դնել և ըստ այնմ յարմարացնել վկայաբանութիւնը: Այսպէս լինելուց յետոյ էլ դժուար չէր շփոթել միւս անուններն ու պարագաները ս. Լուսաւորչի տեղ՝ ս. Թադէոս առաքեալ և Բ. Շապուհի ու Խոսրովի տեղ՝ Ա. Շապուհ և Խոսրով դնել, մոռանալով, թէ այդպէս ս. Սուքիասանք մօտ 270 տարի պէտք է ապրէին, որ անհնարին է: Եթէ Սուքիասանք Աշխէն տիկնոջ հետ Հայաստան եկած նրա Ալան ազգականներն էին, կարող էին հայոց ընդհանուր դարձի ժամանակ քրիստոնեայ դառնալ ու հետևելով ս. Լուսաւորչի բերած կրօնաւոր խոտաճարակներին՝ բնակուել Սուկաւէտ սարում և Սուքիասանք կոչուէին կամ յայտնի Սիւքիոսների անունով, կամ իրանց ընկերներից մէկի անունով՝ որ կարող էր Սուքիաս լինել:

Աւանդութիւնն ասում է, որ Շապուհից յետոյ Ալանաց Գիգիանոս թագաւորը պարսիկ զօրքեր ուղարկեց Սուքիասանց յետ տանելու կամ սպանելու՝ եթէ նրանք չը թողնէին քրիստոնէութիւնը և յանձն չառնէին գնալ Պատմութիւնից գիտենք¹⁾, որ Խոսրով Բ.-ի ժամանակ Կովկասեան ազգերը գրգռուած Շապուհ Բ.-ից յարձակուեցին Հայաստանի վերայ և հասան մինչև Վաղարշապատ: Այս արշաւանքի ժամանակ նահատակուած քրիս-

1) Խորեն. գիրք Գ. գլ. Թ. ԼԵ. ԼԶ, Բիւզանդ դպր. Գ. գլ. Ե:

տօնեաներն էլ կարող էին Սուքիասանց անունով կոչուել։
Մեհրուժան Արծրունին մեծ աւերմունք գործեց Հայաս-
տանում աշխատելով ջնջել քրիստոնէութիւնը։ Շապուհ
Բ.-ը Արշակի օրով մեծ հալածանք է հանում քրիստոնէ-
ութեան դէմ Հայաստանում և նահատակում է Մարի
էրեցին՝ եօթանասուն ընկերներով։ «Ապա, ասում է Բիւ-
զանդ, (դպր. Բ. գլ. Ժէ.) բիւրս բիւրոց կոտորէին և
հազարս հազարաց. զի այնպէս տուաւ հրաման ի թագա-
ւորէն, զի ամենեին քրիստոնեայ անուն ի սահմանքս նորա
մի գտցի» Իսկ Հ. Միք. Չամչեանը¹⁾ Հայաստանի այն
ժամանակի թշուառութեան նկարագրութիւնը վերջացնում
է հետևեալ խօսքերով. «Իսկ մոգք հանդերձ դահճով
սփռեալ ի գեօղս և յաւանս, բռնադատէին զամենեւեան
յուրացութիւն հաւատոյ, և յոչ առնուլ նոցա յանձն չա-
րաչար մահուամբ սպանանէին զբազումս ի նոցանէ։ Եւ
եղև յայնժամ աշխարհս մեր իբրև սպանդարան մարտի-
րոսաց»։ Այս մարտիրոսների և նահատակների յիշատակը
չենք տեսնում մեր եկեղեցում. նրանք չըկան տօնելի
սրբերի շարքում։ Ինձ թւում է, որ այս և նման նահատակ-
էլ կարող էին ս. Ոսկեանք և Սուքիասանց ընդհանուր
անուան տակ տօնուիլ։

Սուքիասանց անունով նուիրագործուած է Սուկաւէտ
սարը, որ այժմ Քեօսա-դաղ է կոչւում, որ տարուայ մէջ
որոշ օրերում ժողովուրդը ուխտի է գալիս մեծ բազմու-
թեամբ, երբ երկիրը խաղաղ էր և այժմեան արհաւիրք-
ները չըկային։

Մեծ-Սուկաւէտի ստորոտում մի բլրակի վրայ 16
գերեզմաններ կան, շատ հին, մամուտած և խոտերի մէջ
հազիւ նշմարելի. կայ մի կլոր քար էլ։

Ժողովրդական աւանդութիւնը ասում է²⁾, որ դրանք
40 աւազակներ են եղել և պատահելով ս. Թադէոս առա-
քեալին՝ կամեցել են նրան կողոպտել։ Ս. Թադէոսը յայտ-

1) Պատմ. Հայոց հատ. Ա. գիրք Բ. գլ. ԽԱ. ԽԸ. եր. 321—464։

2) Հայկունի, Բագրևանդ և Ջրաբաշխ գաւառ մասն Ա. տպ.

նել է, որ ոչինչ չունի և առաքեալ է, ու քարոզում է Յիսուս Քրիստոսի անունով: Աւազակները հաւատալու համար հրաշք են պահանջում. ս. Թադէոսը ձեռքով մի եղնիկ է կանչում. եղնիկը մօտ է դալիս: Այս հրաշքը տեսնելով աւազակները հաւատում են. թողնում են աւազակութիւնը, մկրտւում և սկսում են ճգնել: Ս. Թադէոս առաքեալը բաժանում է նրանց տասն տասն. տասը թողնում է Սուկաւէտում, տասը ուղարկում է Ղլիճ-գեադուկ, այնտեղ, ուր է ս. Գէորգ կոչուած վայրը. տասն՝ Դէդէ—Մուրատ և Դէդէ—Մաքսուտ՝ Ամէտ գիւղից դէպ ի արևելք և տասն հոգի էլ՝ Ալադաղ (Ծաղկէոյ լեռ): Սրանք նահատակւում են բռնաւորից Խաստուրցիների մատնութեամբ. այդ պատճառով էլ աշակերտացոց մէջ առակ է, «կուսանք մատնող Խաստուրցիք»:

Այս ժողովրդական աւանդութիւնը համեմատելով եկեղեցականին, ըստ էութեան՝ նման է, —կայ Թադէոս առաքեալ, կան Ոսկեանք (հետն առնելով և Սուքիասանց) ի դէմս աւազակների, կայ եղնիկի վերայ կատարուած հրաշք. կայ մատնութեան և նահատակութեան հանգամանք: Միայն Դեսպան Ոսկեանք և թագուհու ազգական Սուքիասանք ժողովրդական աւանդութեան մէջ աւազակ են դարձել: Ժողովրդական աւանդութեան մէջ մտաացուել է թագաւորի կամ իշխողի անունը և տեղը դրուել է բռնաւոր անորոշ անունը: Մասնիչ Սկուհէր նախարարի տեղ, որ յայտնել էր Սուքիասանց քրիստոնեայ լինելը, դրուել է Խաստուրցիք: Թէպէտ ընդհանրապէս կարծւում է, որ գրաւոր յիշատակարանների աղբիւրը ժողովրդի բանաւոր աւանդութիւնն է, բայց այս դէպքում, ըստիս, գրաւորն է ժողովրդական աւանդութեան աղբիւրը: Ժողովուրդը լսելով Յայսմաւուրքի վկայաբանութիւնների ընթերցմունքը, որ շատ ժամանակ չէ դադարել է, մոռանալով իւր լսելիքին խորթ, անձանօթ յատուկ անունները, եկեղեցական աւանդութեանը իւր հասկացողութեան համեմատ ձև է տուել:

Մենք անապատականների մասին այս մեր տեսու-

Թեան մէջ երկար կանգ առանք Ռսկեանց և Սուքիասանց վերայ. նախ, որ նրանք են հանդիսանում, ըստ մեր եկեղեցական աւանդութեան հայ կրօնաւորութեան նախասկիզբն: Հարկաւոր է ճշտել թէ Սուքիասանք և Ռսկեանք իբրև անապատական, կրօնաւոր և խոտաճարակ երբ կարող էին ապրած լինել. այդ օրից էլ պէտք է հաշուել հայ կրօնաւորութիւնը: Ընդհանուր եկեղեցական պատմութիւնը հաւաստիք չի տալիս՝ որ Ս. դարում, երբ ըստ աւանդութեան ապրում էին Ռսկեանք, Բ. և Գ. դարերում որոնց մէջ ձգւում է Սուքիասանց կեանքը, Եղիպատոսից դուրս, և այն ևս Հայաստանում, ապրելիս լինէին կաղձակերպուած անապատական, կրօնաւորական և խոտաճարակներ ի կարգեր: Քանի որ, կրօնաւորութիւնը Գ. դարում միայն Եղիպատոսի սահմանից դուրս դալով, նոյն դարի Բ.-ի կիսին Բարսեղի ջանքով հաստատուեց կապադովկիայում քիչ բարեփոխուած. և հայ կրօնաւորութիւնը համարում է Բարսեղի հաստատածի շառաւիղ: Եթէ ս. Ռսկեանց և Սուքիասանց անջատենք կրօնաւոր խոտաճարակներից, իբրև հայ եկեղեցւոյ նահատակներ նրանք կարող էին մարտիրոսական պատկին արժանացած լինել ի դէմս այն քրիստոնեաների, որոնք վկայել են Քրիստոսի առաջին դարից սկսած մինչև Գ. դարը խմբովին, և որոնց մասին յազանէ յանուանէ յիշատակութիւն չըկայ ոչ մեր պատմութեան և ոչ մեր եկեղեցական աւանդութեան մէջ: Մենք անունները, որ տրուած են այս նախկին քրիստոնեաներին, առնուած յոյն—ասորի Սուքիոսներից, թէ միջագետակի խոտաճարակ Ռսկիներից, պատահական բան ենք համարում: Էութիւնը այն է, որ այդ նահատակները եղել են, Ռսկեանք ու Սուքիասանք կը կոչուեն, թէ Արարատեան քիւր վկայք և ըստ Փիլմելիոսի՝ Թոսրով Ա.-ի ժամանակ նահատակուած քրիստոնեայք՝ միևնոյն է:

Մի անգամ ընդունելով որ Ռսկեանց և Սուքիասանց անուան տակ պէտք է հասկանալ նախկին, մինչև ս. Լուստւորիչը եղած հայ քրիստոնեայ նահատակները, ուրեմն,

Հայոցս կրօնաւորութիւնը պէտք է բաժանենք նրանցից և նրա սկիզբը պէտք է դնենք Ռ. դարում. ամենավաղը՝ ս. Լուսաւորչի օրով, հիմնուելով այն պատմական աւանդութեան վերայ, որ ս. Լուսաւորիչը կեսարիայից ձեռնադրուած յետ դառնալիս՝ հետը բազմաթիւ յոյն հոգեւորականներ և ասորի կրօնաւորներ բերեց և սկիզբն դրեց կրօնաւորական բարեպաշտութեան, ամենաուշը՝ ս. Ներսէս Մեծի օրով, որ Աշտիշատի ժողովում արդէն կանոններ է սահմանում կրօնաւորների համար: Բայց այս մասին յետոյ:

Սուքիասանց և հայ կրօնաւորութեան վերաբերութեամբ Սուկաւէտ լեռն ևս կարևոր դեր ունի իբրև Սուքիասանց բնակավայր և կրօնաւորութեան հանդիսարան:

Հ. Մկրտիչ Աւգերեանը Սուքիասանց վկայաբանութեան ծանօթութեան մէջ¹⁾ կարծում է որ, Սուքիասանց բնակած լեռը Սուքիասի անունով չէ, որ Սուկաւ է կոչուել. վասն զի, նոյն Սուքիասն ասում է, «եկայր երթիցուք յայլ Սուկաւ տեղիս»: Սուկաւ, ուրեմն որպէս հասարակ անուն կար, որ թերևս նշանակում էր անմարդաբնակ, դաժան, առապար տեղ. Հ. Աւգերեանը Սուկաւը նոյնապէս անուն է լատին սի՛քքուս բառին, որ ցամաք, չոր է նշանակում:

Հ. Այիշանը²⁾ Սուկաւ լեռան արդի Քիօսա-դաղ անունը համարում է ֆօթից բառից առաջ եկած:

Մեր միաբանակից դեր. Բարդուղիմէոս եպիսկոպոսը³⁾ երկար կանգ է առնում Սուկաւ և Սուկաւէտ անունների վերայ. աշխատում է մեկնել այդ բառերի ծագումն և գալիս է այն եզրակացութեան, որ սակա—ւէտ կամ Սուկա—ւէտ նշանակում է «մեծ մեծ կաթիլներով անձրեւոյ ամպ կրող, ունող. կամ Սուկա—ի—ատ, որ նշա-

1) Վարք Սրբոց. վկայաբ. Սրբոց Սուքիասանց հատ. Բ. ծանօթ. եր. 113—120:

2) Այրարատ եր. 536—537:

3) Խորենացիին Խորենացով պէտք է հասկանալ. Բ. հատ. Թիֆլ. 1902. եր. 86—89:

նակում է արքիւր, ակն, աւագան ջրոյ»։ Սրբազանի այս եզրակացութեան հիմքն է արար—տաճկերէն բառարանը ըստ ընթերցման պ. Հ. Աճառեանի։

Ուրեմն Բարդուղիմէոս սրբազանը Աւգերեանին բոլորովին հախառակ եզրակացութեան է դալիս։ Սրբազանը Սուկաւէտ բառը արար—տաճկերէն բառարանով ստուգարանելիս՝ Սուկաւ՝ ջրառատ վայր է ընդունում. Հ. Աւգերեանը լատիներէն սիքքուս բառի հետ նոյնացնելով Սուկաւէտը՝ ցամաք, չոր հասկանում։

Եթէ ըստ Բարդ. սրբազանի Սուկաւէտ, Սակաւէտ կամ Սուկախատ ծագած համարենք արար—տաճկերէնից, այն ժամանակ այդ անունի կիրառութիւնը պէտք է է. դարից դնել, երբ արարները առաջին անգամ արշաւեցին Հայաստան. մինչդեռ, ըստ եկեղեցական աւանդութեան՝ Սուքիասանք այլ Սուկաւ տեղ էին որոնում. և լեռն էլ նրանց անունով Սուկաւէտ կոչուեց։ Սուքիասանց ամենաուշ ժամանակը Բ. դարն է, ուրեմն այդ ժամանակից արդէն նրանց բնակավայրը Սուկաւ էր կոչւում։ Բայցի այս՝ ըստ Մառի, Սուքիասանց վկայաբանութիւնը արդէն կազմուած էր է. դարում. ուրեմն է. դարից առաջ Սուքիասանց վկայաբանութիւնը կրում էր ճահատակութիւն ճգնաւորացն Սուկաւէտայ (мученичество Сукаветскихъ подвижников)»։

Ըստ իս՝ ինչպէս Բարդ. սրբազանի նոյնպէս և Հ. Աւգերեանի ենթադրութիւնները Սուկաւէտ բառի ստուգարանութեան վերաբերութեամբ համոզեցուցիչ չեն, թէև ըստ էութեան Աւգերեանի եզրակացութիւնը—Սուկաւէտ սիքքուս՝ չոր ցամաք—ուղիղ է։ Թողնենք այն, որ «եկայք, երթիցուք յայլ սուկաւ տեղիս» դարձուածքից երնում է, որ Սուկաւ, առանց առնչութիւն ունենալու լատին սիքքուս բառին, հաւանօրէն նշանակում է անջրդի, առապար։ Սուքիասանք Ոսկեանց բնակավայր Ծաղկէոյ ջրաշատ լեռը աւելի կենսուրախ և կենցաղական համարելով ասում են. «եկայք, երթիցուք յայլ սուկաւ տեղիս»։

Մենք հեռուից, Ռուսական Բաւեանից, տեսել ենք

Սուկաւէտ լեռան, և մի ամբողջ շարաթ Բասենում մեր շրջադայութեան ժամանակ չէինք կարողանում հեռացնել մեր աչքերը Սուկաւէտից, որ դրաւել էր մեր ուշադրութիւնը թէ Սուքիասանց յիշատակով, և թէ ժողովրդի գրոյցների մէջ նրա անուան յաճախակի յեղեղմամբ և այն կարծիքի ենք, որ Սուկաւէտը իւր լերկ դադաթով աւելի անջրդի է, քան ջրառատ և ժողովրդի նրան տուած Բեօսա—դադ յորջորջումն արդէն ցոյց է տալիս նրա կանաչութիւնից զուրկ լինելը: Աւրեմն Հ. Ալիշանի Բեօսա—դադ կոչումն փոշից բառից առաջ եկած համարելը լսկ ենթադրութիւն է. քեօսա—դօշ կը նշանակի, իսկ քօշից՝ այծերի:

Ըստ Հայկունու¹⁾ Սուկաւէտները երկու են—մեծ և և փոքր: Սուքիասանց նահատակութեան վայրը համարւում է փոքր Սուկաւէտը, Գիշաբուն սարի և մեծ Սուկաւէտի միջև տափարակի արևելահարաւ բլրակը, որի վերայ երկու ոտնաչափ բարձրութեամբ սրմերով մատուռներ կան: Մատուռները շինուած են անարուեստ, կոշտ քարերով: Մատուռներից մէկի մէջ 1850—60 թ. հայ քահանաներն էին պատարագում, իսկ միւսում՝ հայ կաթօլիկները. Այժմ էլ ամառը համարեա ամեն կիւրակէ պատարագում են հայ կաթօլիկները, որովհետև կաթօլիկ ուխտաւորները անպակաս են:

Բլրակի դադաթի արևելեան եզրի դառ ի վայրի վերայ մի մեծ շերտ քար կայ: Աւանդութեամբ՝ այդ քարի վերայ են նահատակուել ս. Սուքիասանք: Մատուռի արևելեան կողի ստորոտում, քիչ ցած, սակաւաշուր աղբիւրն է. իսկ տափարակի հարաւարեմտեան կողմը՝ գլխաշուր կոչուած առատ աղբիւրը: Գլխաշրից դժուարագնաց լեռնալանջի դառ ի վերի վերայ՝ «Չարչարումն»:

Ամփոփումն.—Սուրբ Ոսկեանք և Սուքիասանք, որպէս խոտաճարակ կրօնաւորների դասակարգ, չէին կարող Ա. դարում ապրել, որովհետև միայն Բ. դարում կրօնաւո-

1) Բաղրևանդ Ջրաբաշխ գաւառ. մասն Ա. եր. 107—119:

բութիւնը Իլարիոնի ձեռքով Եգիպտոսից տարածուեց
Պաղեստին, այնտեղից՝ Եփրեմ Խուրու ձեռքով՝ Ասորիք,
իսկ այստեղից Եւստատէոսի ձեռքով՝ Փոքր—Հայք։ Ոսկի
խոտածարակներն էլ Բ. դարում սկսեցին Միջագետքում,
և այնտեղից հաւանօրէն տարածուեցին Հայաստան։ Ոս-
կեանք և Սուրբիասանք, եթէ ս. Լուսաւորչի բերած և
նրանց հետևող հայ կրօնաւորները չեն, ապա ուրեմն այդ
անուանների տակ եկեղեցին տօնում է նախալուսաւորչեան
չրջանի նահատակուած հայ քրիստոնեաների խմբերին։

Սուկաւէտ չըպէտք է ստուգարանել ոչ լատիներէնով
և ոչ արաբ—տաճկերէնով. նրա այժմեան Բեօսա—դաղ
անունը առնչութիւն չունի քօշից բառի հետ, ինչպէս
կարծում է Հ. Ալիշան։ Բեօսա—դաղ կլնշանակի լերկ,
կանաչութիւնից զուրկ լեռ, որ այդպէս էլ է։ Սուկաւէտը
հնումն Ջրաբաշխ էլ էր կոչւում, որովհետև նա գտնւում
այն բարձրաւանդակի վերայ, որի մօտ վտակները մի կող-
մից հոսում են դէպի Մուրատ (Արածանի արևելեան
Եփրատ) և միւս կողմից՝ դէպի Երասխ գետերը, և Ջրա-
բաշխը ոչ մի առնչութիւն չունի Ջրառատ, Ջրաշատի հետ։

Սուկաւէտից դէպի հարաւարևելք ձգւում է Բագ-
րևանդ գաւառը, դէպի հիւսիս արևմուտք՝ Բասենները։



Դ.

Ս. Լուսաւորչի բերած Սերասացի եւ ասորի կրօնաւորները: Ս. Դանիէլ ծերունի: Հայ կրօնաւորների անյիշատակ մնալը տօնող սրբերի շարքում: Հայ կրօնաւորների համար կանոններ: Դ. դարում Հայաստանի կրօնասանները: Ս. Լուսաւորչի եւ Տրդատ քաղաւորի նգնութեան վայրերը: Եւսաքէոս եւ իւր հետեւողները: Հայաստանի կրօնաւորների վարքը:

Ս. Ոսկեաններից եւ Սուքիասեաններից անկախ ճգնաւորական, կրօնաւորական եւ վանական կեանքը Հայաստանում սկսուեց եւ զարգացաւ Դ. դարում: Փաւստոս Բիւղանդը, Մովսէս Խորենացին եւ մեր միւս պատմիչները բաւական նիւթ են մատակարարում Հայ կրօնաւորութեան եւ վանականութեան մասին:

Հայ պատմիչների աւանդածին համեմատ ս. Լուսաւորիչը ձեռնադրուելուց յետոյ կեսարիայից վերադառնալիս՝ մի առ ժամանակ մնաց Սերաստիայում այնտեղից եւս կրօնաւորներ ժողովելու¹⁾ եւ, ըստ Չամչեանի²⁾ այստեղից էլ շատերին ընտրելով, հետն առած եկաւ Հայաստան: Այս Սերաստացի կրօնաւորներից արժանաւորագոյններին քորեպիսկոպոս եւ քահանայ կարգեց Հայաստանի զանազան կողմերում, մնացածներին էլ թողեց որ կրօնաւորական եւ անապատական ճգնաւոր կեանք վարեն նորահաւատներին քրիստոնէական առաքինութեան եւ բարեպաշտութեան օրինակ հանդիսանալով: Այս Դ. դարի սկզբումն էր:

Ս. Լուսաւորիչը ասորի ճգնաւորներ էլ բերեց Հայաստան: Ասորի ճգնաւորների մէջ նշանաւոր էր Դանիէլ

1) Զենոբ Գլակ. Կ. Պօլիս. Հայոց ՌՃԿԸ. Թուին, եր. 47:

Ագաթանգեղոս, Օրթագիւղ 1824 թ. եր. 229:

2) Պատմ. Հայոց. Հատ. Ա. գլ. 19. եր. 391:

Ճերուհին, որին ս. Լուսաւորիչը քորեպիսկոպոս ձեռնադրելով Տարօնի եկեղեցիներէ վերայ տեսուչ կարգեց: Ս. Դանիէլը անմարդաբնակ լեռներում անապատական կեանք վարելով հանդերձ՝ աչալքշութեամբ և եռանդով հետեւում էր իւր հօտի բարոյական և քրիստոնէական հոգւով վերածնութեան դործին:

Ս. Յուսիկի նահատակութիւնից յետոյ ս. Դանիէլը մինչև անգամ պէտք է բազմէր Հայոց Հայրապետական դահլը, բայց խեղդամահ եղաւ՝ Տիրան թագաւորին ու նախարարներին, ս. Յուսիկի նահատակութեան պատճառով, յանդիմանելուն համար: Ս. Դանիէլի մարմինը նրա Շաղիտա և Եպիփան աշակերտները իրանց ընկերակիցներէ հետ տարան Տարօն և թաղեցին նրա ճգնարանում — Հացկայ դրախտում¹⁾: Հաւանական է, որ ս. Դանիէլը հայրապետական դահլը բազմելու համար հրաւիրուած էր Վաղարշապատ և այդտեղ նահատակուելով՝ տարուեց թաղուեց իւր ճգնարանում:

Ս. Դանիէլի յիշատակը պէտք է Թօնուէր Անտանի և Կրօնիդէսի հետ, բայց մեզ անհասկանալի պատճառով տօնուում է ս. Լուսաւորչի որդւոց և թոռանց հետ: Նա ոչ մի ազգակցութիւն չունէր ս. Լուսաւորչի հետ. հայրապետական օծումն էլ չստացաւ, որ դո՛նէ այսպէս, իբրև հայրապետ դասուէր ս. Լուսաւորչին յաջորդող նրա որդիներէ ու թոռներէ շարքում:

Շարականի մէջ²⁾ ի պատիւ ս. որդւոց և թոռանց մանկուհրում ս. Դանիէլի համար երգւում է. «Երկնայնոցն ի յերկրի հաղորդ ճգնութեամբ, յանդիմանելով զթագաւորն կատարեցար վասն անուանն Տեառն, սնւրբ Դանիէլ, անդադար բարեխօսեան վասն անձանց մերոց»:

Ասորի ճգնաւորներէ մէջ նշանաւոր էին Շաղիտան, որին Դանիէլը կարգել էր Կորդուաց աշխարհում, և Եփրեմը.

1) Փառատոս Բիւզանդ, գիրք. Գ. գլ. ԺԳ: Խորեն. գիրք Գ. գլ. ԺԳ:
2) Կանոն որդւոց և թոռանց ս. Լուսաւորչի, 29.

Յոյն համարուած կրօնաւորների մէջ նշանաւոր էին Անտոնն ու Կրօնիգէսը, որոնց մասին յիշատակութիւն գտնուած ենք միայն Չենօք Գլակուսի¹⁾, Վարք Սրբոցում²⁾, Ճաւրնախրներում և եկեղեցական աւանդութեան մէջ: Ազատանդեղոսը, Փաւստոսն ու Մովսէս Խորենացին դրանց մասին ոչինչ չեն գրում: Անտոնի և Կրօնիգէսի յիշատակը եկեղեցին տօնում է Չ. դարի վերջերին նահատակուած եօթն խոտածարակների հետ: Այս տօնը և նրան յատկացած «Յաւուրս վերջին ժամանակի» շարականը յետին ժամանակներում է սահմանուել: Անտոնն ու Կրօնիգէսը, եկեղեցական աւանդութեան համեմատ եկեղեցական որ և է աստիճան շատացան, կրօնաւոր էին, կրօնաւոր էլ մնացին: Յոյն էր նաև Եպիստանը³⁾, որին ս. Գրանիէլը կարգել էր Ծովաց աշխարհի Աղձնիք գաւառում վարդապետ կամ հոգևոր գառախարակ:

Այս ճգնաւորներն ու կրօնաւորները յոյն և ասորի են կոչուած մեր պատմութիւններում ու եկեղեցական աւանդութեան մէջ. բայց կարող էին և հայ լինել, որովհետև դրանք Միջագետքից, Փոքր-Հայքից և Սերաստիայից էին: Մեր նախնիք դրանց ասորի, յոյն են անուանել, ըստ իս, նրանց աւելի խորհրդաւոր և պատկառելի դարձնելու համար, ինչպէս ս. Հռիփսիմեանց՝ հռովմայեցի, ս. Գրիգոր Լուսաւորչին՝ Պարթև, և բոլոր մեր պատմութեան մէջ յայտնի անձերին օտար ծագումի: — Միջագետքը Հայոց սահմանակից էր, և հիւսիսային մասը կոչուած էր Հայոց Միջագետք, Սերաստիան Հայոց քաղաք էր և նրա եպիստակոսը Հայոց եպիսկոպոս էր կոչուած, Փոքր-Հայքը, որի սահմանի վերայ էր գտնուած Կեսարիան, հայաբնակ երկիր էր, թէև բուղանդական իշխանութեան տակ լինելով, շատ զօրեղ էր այնտեղ յոյն ազգեցութիւնը:

1) Չենօք Գլակ. եր. 70: (Տանելն Բուրգարայ զՍ. Գրիգորի Կեսարիա, և որ զկնի. 12:

2) Հատ. է. եր. 33—41:

3) Փաւստոս Բիւզանդ. գալլ. 6. գլ. ԻԵ:

Յոյն և ասորի կոչուած կրօնաւորների ու ճգնաւորների շարքում գտնուած ենք զուտ հայ անուններ, ինչպէս Գինդ մեծը և նրա աշակերտներից՝ Վաչակ, Արտոյտ, Մարախ, որոնց Տրդատն էլ էր ընկերակցում¹⁾։ Գինդ մեծը Բանիէլ ծերունու աշակերտն էր և նրանից յետոյ դարձաւ արեղաների գլուխ, միանձների վարդապետ, միայնակեացների առաջնորդ, վանքերի վերակացու և անապատաւորների ուսուցիչ²⁾։ Ներսէս մեծի օրով նշանաւոր էին առաջին Գինդի աշակերտ Գինդ Սլիունին³⁾ և իւր ձեռնասուն մանուկ Մուշէն⁴⁾։ Սակայն այս կրօնաւորներից ու ճգնաւորներից ոչ մէկին էլ չէ յիշում եկեղեցին տօներէի սրբերի կարգում։

Հստ մեզ պէտք է ս. Բանիէլ ծերունուն բաժանել ս. Հուսաւորչի որդիներից ու թոռներից, և նրա հետ միացնելով Բ. դարի բոլոր յայտնի հայ կրօնաւորների ու ճգնաւորների անունները, մի նոր տօն սահմանել կամ կցել եօթն խոտածարակաց տօնի հետ։ Փաւստոսի ու Խորենացու վկայութիւնները բաւական են նրանց արնութիւնն ու վաստակը եկեղեցու պայծառութեան համար ապացուցուած համարելու։

Հստ Ձենոր Գլակի⁵⁾ Աեսարիայի հայրապետը յանձնարարում է ս. Հուսաւորչին, որ սա յաւիտենական օրէնք դնի, ա. որ կրօնաւորները Աղէքսանդրացուց (Եգիպտոսի ճգնաւորների) պէս դաստակերտներում ու գիւղաքաղաքներում շաշխատեն, առանձին առանձին չ'ապրեն, առանձին աղօթատեղի չունենան, այլ խմբովին — մինչև հարիւր հոգի միասին ապրեն. բ. որ վանքերին գիւղեր և մեծամեծ աւաններ յատկացնի՝ պարտաւորելով որ այս գիւղերն ու աւանները հոգան վանքերի պէտքերը, որպէս զի կրօնա-

1) Փաւստոս Բիւզանդ. դպր. 2. գլ. ԺԶ:

2) Փաւստոս Բիւզանդ. դպր. 2. գլ. ԺԶ.

3) Խոր. գիրք Բ. գլ. Ի:

4) Փաւստոս Բիւզանդ. դպր. 2. գլ. ԺԶ:

5) Պատճէն երկրորդ և պատասխանի թղթոյն սրբոյն Գրիգորի, իւրոյ՝ զոր յղեաց Աեսարուախճան հայրապետն ի ժամովին

ւորներն ու վանականները աղօթքով ու ճգնութեամբ պարապեն. դ. որ կրօնաւորների բնակութեան տեղերում առանձին մատուռ չը շինուի. մատուռներում քորեպիսկոպոսներ ու քահանաներ կարգուեն: Մատուռների մօտ շինուեն դաստակերաններ, աղքատանոցներ, որ բժշկուելու եկողները տրտունջի տեղի չունենան. ուխտաւորներն էլ եկեղեցու դռանը չը քնեն:

Որքան և կասկածելի լինի կեսարիայի հայրապետի ս. Լուսաւորչին գրած այս թուղթը, այնուամենայնիւ մասամբ պատկերացնում է հայ կրօնաւորութեան և վանականութեան կենցաղը. որի մէջ տեսնում ենք եգիպտոսի առանձնակեաց ճգնաւորների (անախորետ) և Սերաստիայի Եւատաթէոս եպիսկոպոսին հետևող թափառաշրջիկ կրօնաւորների փոխարէն Բարսեղի հաստատած կենսովիտական — միաբանական ուխտի շատագոյութիւն: — Այս հանգամանքը հաստատում է, որ Չենսք Գլակի անուան տակ պատմիչը ապրում է Բարսեղ մեծից յետոյ, և ծանօթ էր եգիպտական ճգնաւորների կենցաղին:

Ինչպէս արդէն ասել ենք, եգիպտական ճգնաւորները միաբանական կեանք չէին վարում, առանձին առանձին սկիթներում — (մենաստաններում) էին ապրում, իրարից հեռու քարայրներում կամ խրճիթներում: Շատ առաջ, օրինակ Պաւղոս թերայիդացու ժամանակ Գ. դարում ապրում էին բոլորովին մեկուսացած անապատներում ու լեռների անձառներում անյայտութեան մէջ:

Սկիթներում ապրողները իրանց ձեռքի վաստակը քաղաքներում ու աւաններում վաճառելով հայթայթում էին իրանց պէտքերը, աւելորդը՝ լաւագոյն հանգամանքում, աղքատներին բաժանելով կամ նրանց կարիքների համար գործադրելով: Յետին ժամանակներում, երբ կրօնաւորները շեղուելով իրանց սկզբնական մաքուր կենցաղից սկսեցին ղեղձ կեանք վարել, իրանց վաստակը արտահանելու պատրուակով քաղաք էին գնում, անձնատուր լինելու վայրաքաշ մեղկութեան:

Ս. Բարսեղը քաջալերելով կրօնաւորների ձեռքի աշ-

խատանքը, արգելում էր արտահանելու պատրուակով
քաղաքներում գիւղերում թափառելը:

Գ. դարում Հայաստանի կրօնաւորների բնակավայր-
երնէ էին Տարօն դաւառում՝ իննականեան վայրը կամ
Գլակայ վանքը և Հայկոց դրախաք. Արարատեան նա-
հանգում՝ Բագրեանդ և Բառեան դաւառները. Բարձր—
Հայքում՝ Գարանաղեայ Մանեայ այրը. Ծախայ նահան-
գում՝ Աղձնիք:

Հոգեկան անդորրութիւն էին դառնում այս ճգնա-
րաններում Տրդատ թագաւորն ու ս. Լուսաւորիչը, յա-
ճախակի առանձնանալով Տրդատը՝ Տարօնի կրօնաստան-
ներում, ս. Լուսաւորիչը՝ Արարատեան նահանգի Սուկաւէտ
և Ծաղկէոյ ճգնարաններում, Եփրատի ափերի մօտ,
այնտեղ, «ուր, ըստ Փաւստոսի, առաջու կայեանքն էին
Մեծին Գրիգորի առաջնոյ, որում տեղեաց Ոսկիք կո-
չեն»¹⁾: — Մեզ այնպէս է թւում, որ Փաւստոսի մէջ Տրդա-
տի՝ Տարօնոյ կրօնաւորներին յարելը, և Մեծին Գրիգորի
առաջնոյ յաճախելն այնտեղ, «որում տեղեաց ոսկիք
կոչեն», աւերադրութիւն է յետին ժամանակի. Բայց մենք
թողնելով մեր անձնական վարկումները, եկեղեցական
աւանդութեան հաւատարիմ մնալով՝ ասենք, որ ս. Լու-
սաւորիչը իւր «առաջու կայեանք»ում միայնակեացների
ուխտ էր հաստատել, դիտարկ կարգելով ասորի կրօնա-
ւորներից մէկին, որի անունն էր Աբաս՝ որ կը նշանակի
հայր հասարակ անուն վանահայրների ու վանքերի առաջ-
նորդների.

Եթէ Սերաստիայի Եւստաթէոս հայ եպիսկոպոսին և
նրան հետեօղ կրօնաւորներին ընդունենք հայ կրօնաւոր-
ների կարգում, այն ժամանակ պէտք է ասենք, որ Եւստա-
թէոս լինելով խոտակրօն մարդ՝ ոչ միայն իւր թեմի մէջ
քաջալերել է կրօնաւորութիւնը, այլ ինքն էլ, հակառակ
իւր եպիսկոպոսական աստիճանին, որ այն ժամանակ աշ-
խարհիկ հոգեւորականութեան կարգին էր պատկանում,

1) Փաւստոս Բիւզանդ գալլ. Զ. գլ. ԺԶ:

կրօնաւորական կեանք էր վարում, և կրօնաւորութիւնը համարում էր քրիստոնէական առաքինութիւններից առաջինը: Նա քաղմատիւ հեռեողներ ունէր, սակայն այդ հեռեողները ոչ Պաւղոս Թերապիդացու պէս մենաւոր, աշխարհուրաց և աշխարհից հեռացած ճգնաւորներ էին, ոչ Սնտոն անապատականի պէս սկիթաբնակ միանձներ և ոչ Իլլարիոնի ու նրա հեռեողների պէս վանական միաբաններ էին: Նրանք կրօնաւորի սքեմով, որ այն ժամանակ փիլիսոփայական (երևի Ստոյիկեան-խստակեաց) ձև էր կոչւում թափառական կեանք էին վարում, քաղաքներում ու գիւղերում շոկ շոկ ապրելով:

Եթէ յիշաւի, ս. Լուսաւորիչը Սերաստիայից կրօնաւորներ բերեց, դրանք անշուշտ, Եւստատիոսին հեռեողներից չէին, որովհետև, եթէ ոչ աւելի վաղ, ըստ աւանդութեան՝ ս. Լուսաւորիչը Դ. դարի սկզբում 301—304-րդաց կեսարիա ձեռնադրուելու և այնպեղից վերադառնալիս՝ Սերաստիայից կրօնաւորներ բերեց, իսկ Եւստատիոսի դործունէութիւնը, որպէս հակուածի գէպ ի կրօնաւորութիւն, սկսւում է այդ դարի առաջին քառորդից, այսինքն ս. Լուսաւորիչից յետոյ:

Կրօնաւորները, ինչպէս դիտենք եկեղեցական տատիճաններ չունէին, ս. Լուսաւորիչը իւր բերած կրօնաւորներից արժանաւորագոյններին կարգեց Հայաստանում քորեպիսկոպոսներ ու քահանաներ: Այդ քորեպիսկոպոս և քահանայ կարգուած կրօնաւորները պէտք է որ հայագէտ, ուրեմն և հայ լինէին, որ կարողանային հաւատի բերելու և հաւատը ամրապնդելու համար ժողովրդի լեզուով խօսել:

Ի՞նչ վարք ունէին Հայաստանի կրօնաւորները:— Փաւստոս Բիւզանդը տալիս է մեզ հայ կրօնաւորների վարքի նկարագիրը: Դանիէլ ձերունու համար ասում է նա:

«Եւ բնակութիւն իւրոց (Դանիէլի) կայենիցն յանմարդի լերինս. այլ գտնօջութիւն մարդկան պիտոյից ոչ երբէք անիոյթ առնէր: Միահանդերս մաշկանափորսն սանդաղաւոր, եւ կեռակուր իւր արմատք բանջարոց, եւ

գաւազան անգամ ընդ ինքեան ոչ ունէր: . . . Եւ կա-
յեանի տեսչութեան իւրոյ, յորժամ յանապատաց ի շէնս
իջանէր վասն գործոյ Աստուծոյ, ի գլխաւոր տեղիսն յե-
կեղեցեացն լինէր»¹⁾:

*Ձեռքը Գլակը Եպիփանի համար Կեսարու հայրապետի
կողմից գրուած է ս. Լուսաւորչին.*

«Ձեպիփան աշակերտ սրբոյն Անտոնի հաւանեցուցի
գալ ի նոյն իննականեան տեղին, ունելով ընդ ինքեան քա-
ռասուն ընտիր արս նգնաւորս եւ խարագնազգեսս,
պարկեշտս վարուք, հրաժարեալս յաշխարհէս»²⁾:

Առաջին Գինդի եւ նրա հետևողների համար Փաւստոսը
գրուած է. «Եւ էր Գինդս այս ի Տարօն գաւառէ, եւ յետ
նորա էր գլուխ արեղայից եւ վարդապետ միանձանց, եւ
առաջնորդ մենակեցաց եւ վերակացու վանօրէից եւ ու-
սուցիչ ամենայն անապատաւորաց եւ տեսուչ ամենեցուն,
որք միանգամ վասն սրբոյն Աստուծոյ յաշխարհէ էին
մեկնեալ, ի յանապատս բնակեալ ի Բարանձաւս ամա-
ցեալի յայրս եւ ի ծերպս երկրի, եւ միահանդերձի, բո-
կագնացի, զգասացեալի խոսանարակի, ընդարուսի,
արմատակերի. գորէն գազանաց ի յերիսս Երջէին՝ յեկա-
մաւեղօք եւ մորթօք այծենեօք. նեղեալի, տառապեալի եւ
սարակուսեալի. յանապատի մոլորեալի. ի ցուրս եւ ի սօք,
ի Բաղց եւ ի ծարաւ վասն սիրոյն Աստուծոյ . . . գորէն
երամաց թռչնոց բնակեալ էին սոքա ի ծագս վիմաց,
ի սորս Բարանձաւաց, անիկչի, անսացուածի, դարմանոց
անխնամի առանց ամենեւին չսանել մարմնոց»³⁾:


Այս հատուածի մի մասը Փաւստոսը փոխ է առել
ս. Գրքից, միւս մասերու՛մ պատկերացնում է, առաջին՝
Գ. գարի հայ կրօնաւորների վարքը, եւ երկրորդ՝ կրօնա-
որական հաստատութիւնների տեսակները, այն է, արե-
ղայ, միանձն, մենակեաց վանական եւ անապատաւոր:

1) Փաւստոս Բիւզանդ դպր. Գ. գլ. ԺԳ.

2) Պատճէն Բ. եւ պատտօխանի . . . եր. ԺԶ:

3) Փաւստոս Բիւզանդ դպր. Զ. գլ. ԺԶ:

Արեղայ ընդհանուր առմամբ կրօնաւոր է նշանակում, այս
անունը իրանց հետ Հայաստան բերին ասորի կրօնաւոր-
ները. միայնակեցի և միանձնի տարբերութիւնն այն է,
որ միայնակեաց նշանակում է մարդկային ընկերութիւնից
հեռացած բնաւին, որպէս Պաւղոս Թերայիդացին. իսկ
միանձն նշանակում է որոշ տեղում խմբուած, բայց
առանձին առանձին խցերում ապրող կրօնաւոր. այս տե-
սակ հաստատութիւնը եզրիպատում կոչում էր սկիթ-
կամ սկիտէ, որի հիմնադիրն էր Սնտոն անապատականը.
վանք և անապատ արդէն յայտնի են. առաջինում կրօ-
նաւորները միասին, մի հանրակեցարանում էին ապրում,
իսկ երկրորդում անմարդաբնակ տեղերում ցրիւ և
անյայտ:



Ե.

Հայ կրօնաւորութեան գեղծ կեանք. Մեծն Ներսէս
եւ Ա. Եսիբասի ժողովր: Կրօնաւորական հաստատութիւն-
ների տեսակները. Ա. Եսիբասի կանոնների աղբիւրը: Ներ-
սէսի բարեկարգութեան հետեւանքները «ծագումն հայ
վանականութեան» ըստ Յ. Թովմեանի: Աստուածապա-
տութեան ժամերը:

Հաւանորէն Հայաստանի կրօնաւորները մինչև Մեծն
Ներսէս որոշ կարգ կանոն չունէին» Նրանք կամ ասորի
խոտաճարակների պէս անմարդաբնակ տեղերում ցար ու
ցրիւ էին ապրում կամ Եւստատիոսի հետեւողների պէս
կրօնաւորի սքեմով դիւղերում ու քաղաքներում և հետզ-
հետէ մոռանալով կրօնաւորութեան մաքուր կենցաղը
ղեղծ կեանք էին վարում: Կրօնաւորութիւնը որոշ կաղ-
մակերպութիւն ստացաւ Դ. դարի Բ. կէսին Ներսէս մեծի
հայրապետութեան օրով:

Ս. Ներսէս մեծը, որ 364 թուին հայրապետական
դահ բարձրացաւ, հետեւեալ 365 թուին Արշակ թագաւորի

հաւանութեամբ գումարեց Աշտիշատի ժողովը¹⁾: Այս ժողովը շատ նշանաւոր է իւր սահմանած կանոններով, որոնք ընդգծում են քրիստոնէական առաքինութիւնները ընդարձակ չափերով, առաջնորդում՝ մարդասիրական սկզբունքներով:

Ժողովի առաջին կանոնը արգելում է մերձաւոր ազգականների մէջ ամուսնութիւնը, որին դիմում էին մասնաւոր նախարարական տները իրանց ժառանգութիւնը իրանց տոհմի մէջ պահպանելու համար: Երրորդ կանոնը արգելում է ննջեցեալների վերայ հեթանոսաբար կոծանելը, պէս պէս սճիրներն ու անկարգ դործերը: Երրորդ կանոնը սահմանում է շինել բոլորտների համար ուրկանոցներ, աղքատ հիւանդների համար հիւանդանոցներ և կաղերի ու կոյրերի համար անկելանոցներ, որովհետև փոխադրական և վարակիչ հիւանդութիւն ունեցողներին այդ ժամանակ քաղաքներից ու գիւղերից դուրս էին անում: Զորրորդ կանոնը սահմանում է այրիանոցներ և սրբանոցներ շինել, որովհետև անխնամ մնալով՝ որբերը անձնատուր էին լինում դողութեան, իսկ այրիները՝ անկարգութեան: Հինգերորդ կանոնը սահմանում է հիւրերի և օտարների համար քաղաքներում ու գիւղերում հիւրանոցներ հաստատել:

Երրորդ, չորրորդ և հինգերորդ կանոններով սահմանած բարեգործական և մարդասիրական հաստատութիւնները ապահովելու և նրանց պէտքերը հոգալու համար սահմանեց ստանալ կալուածներից, գիւղերից ու ագարակներից՝ հաս, իսկ քաղաքներից՝ տուրք:

Մեր ձեռնարկութեան համար կարևոր է Աշտիշատի ժողովի վերջին—վեցերորդ կանոնը, ահա այն.

«Վեցերորդ, կրօնաւորք այնք ժամանակի սկսեալ էին դատարկաշրջիկը լինել և ոմանք ի նոցանէ նստէին ի տունս աշխարհականաց ի քաղաքի, և բազումք հանապազօրեայ

1) Չամչ. Հայոց պատմ. հատ. Ա. գլ. ԽԳ. եր. 440.—441: Մովս. Խորեն. գիրք Գ, գլ. Ի: Փաւստ. Երեզ. դպր. Գ, գլ. Դ:

ի դեօզս բնակէին իբրև ի վանս: Այսմ կամելով դարման
տանել հրամայեաց (Ներսէս) շինել զերիս դասս բնակու-
կութեան կրօնաւորաց յանապատ տեղիս. առաջին զեղ-
բայրանոցս կամ վանս միաբանակեաց կրօնաւորաց (Իլլա-
րիոնի պէս), երկրորդ՝ զմիայնանոցս, այսինքն այնպիսի
վանս, յորում թէպէտ և բազումք բնակէին, բայց առան-
ձինն ճգնէին, երրորդ՝ զառանձնակեցաց խրճիթս բազումս
(եղիպտացոց սկիթների պէս) և յամենայնի ի սոսա կար-
գեաց կանոնս»:

Մովսէս Խորենացին այս տեսակ կրօնաւորական հաս-
տատութիւնները անուանում է եղբայրանոց, մենաստանը՝
յատկանձնակաց խրճիթ. — «Շինէ (Ներսէս) յանապատ և
և յանժարդ տեղիս եղբայրանոցս և մենաստանս և յատ-
կանձնակաց խրճիթս»¹⁾,

Խորենացին նայն տեղում գրում է. «Մեծն Ներսէս...
եկեալ ի Հայս զամենայն կարգս ուղղութեանց հարցն
խրոց նորոգեաց, այլ և առաւել ևս. քանզի դրարեկար-
գութիւնն, զոր ետես ի յունաց աշխարհին, մանաւանդ
ի թագաւորեալ քաղաքն, ի սմա նկարագրէ: Ժողով արա-
րեալ» . . . : Այստեղ առանց առանձին յօդուածների յի-
շում է այն բոլորը, ինչ որ Աշտիշատի ժողովի անունով
որոշ յօդուածների է վերածուած: Այսպիսով, ըստ մեզ,
Աշտիշատի ժողովի կանոնների խմբագրութեան աղբիւր-
ները եղել են Փաւստոս Բիւղանդ և Մովսէս Խորենացին:

Վանական և կրօնաւորական կանոնների մէջ մենք
տեսնում ենք, որ Ներսէսը ծանօթ էր Մնտոն անապա-
տականին հետևող եղիպտական կրօնաւորների և ճգնա-
ւորների, Իլլարիոնի հաստատած Պաղեստինի վանական-
ների և ս. Բարսեղի միայնակեացների կարգերի հետ:
Ներսէսի պէս մարգը ապրելով Յունաստանում, ընկեր
լինելով ս. Բարսեղ Աեօարացուն և Գրիգոր Աստուածա-
բանին, չէր կարող անտարբեր դանուել դէպի քրիստո-
նէական այնպիսի հաստատութիւնները, որպիսիք են եղ-

1) Մովս. Խոր. կիրք Գ. գլ. Ի: (1)

բայրանոցները կամ համաբնականների վանքերը, միայնա-
նոցներն ու առանձնակեացները, որոնք, չենք սխալուի,
եթէ ասենք քրիստոնէական եկեղեցու մէջ առաջին տեղն
էին բռնուժ, որպէս բարեպաշտական հաստատութիւններ:
Ներսէսի բարեկարգութեամբ այս հաստատութիւնները ոչ
միայն բարեպաշտական, այլ և մարդասիրական հաստա-
տութիւն են դառնում որպէս ապաստանարան անկեալ-
ների, ասպնջարան օտարականների, պատսպարան աղ-
քառների, տնանկների, որբերի և այրիների, և որպէս
հիւանդանոց այնպիսի ախտաւորների, որպիսի են բորոտ-
ներն, ուրուկները, ևն, որոնք մերժւում էին քաղաքներից
ու գիւղերից իբրև վարակիչ հիւանդութիւն ունեցող-
ներ: Օտարերկրեայ նմանօրինակ հաստատութիւնների մէջ
պակասում էր մարդասիրականը, և Ներսէսը գերազանցեց
Հայաստանում բարեպաշտական հաստատութիւններին բա-
րեգործական և մարդասիրական ուղղութիւն տալով, և
որ գլխաւորն է, ապահովելով այդ հաստատութիւնները
հաստատուն եկամուտներով:

Ներսէսը կեսարիայում երբ ձեռնադրւում էր Եւսե-
բիոսից, ս. Բարսեղն էլ ներկայ էր ձեռնադրութեանը
որպէս երէց: Ներսէսը իւր ընկեր Բարսեղի վանական
հաստատութիւնների հետ լաւ ծանօթանալով նոյնը ներ-
մուծեց և Հայաստանում, որով Հայաստանի կրօնաւոր-
ներն ու վանականները թէ և ս. Բարսեղի հետևող կոչ-
ուեցին, որպէս և նկատուած է Հայոց եկեղեցու կառա-
վարութեան համար սահմանուած ռուսաց օրինագրքում ¹⁾
բայց այդ հետևողութիւնը արտաքին ձևով է. Բարսեղի
վանքերի մէջ մենք տեսնում ենք բարեպաշտութիւն, բայց
բարեգործութիւն ու մարդասիրութիւնը այսպէս կարգի և
կանոնի վերածուած՝ չենք տեսնում:

Ներսէսը վանական և կրօնաւորական հաստատու-
թիւնների վերայ հայր և տեսուչ է կարգում Շաղիտային,
Եպիփանին, Եփրեմին և Գինդ Սլկունուն ¹⁾: Իսկ մարդա-

1) Сводъ законовъ. томъ одинацатый, часть I. 107. 1197

սիրական և բարեգործական հաստատութիւնների վերայ իւր սարկաւազապետ Խաղաղին, «որ էր ի մարդաց Կարնոյ»։ Մովսէս Խորենացին Ներսէսի այս բարեկարգութեան նկարագրութիւնը վերջացնում է հետևեալ բառերով. «Եւ էր այնուհետև տեսանել զաշխարհս մեր ոչ որպէս բարբաբոսս այլանդակեալս, այլ որպէս զքաղաքացիս համեատացեալս»։

Պ. Յ. Թօփճեանը «ծագումն հայ վանականութեան»²⁾ յօդուածում ի նկատի ունենալով այն հանգամանքը, որ հայ եկեղեցին մեծ առընչութիւն ունէր Կապադովկիայի աթոռի հետ ս. Լուսաւորչի և նրա յաջորդներից մի քանիսի այնտեղ ձեռնադրուելով և այն աւանդութիւնը, որ ս. Լուսաւորիչը Կեսարիայից ձեռնադրուած վերադառնալիս հայ կրօնաւոր է բերել՝ կարծում է, որ հայ կրօնաւորութիւնը յունական ծագումն ունի։ Մենք աւելի համակարծիք ենք մեր միաբանակից Երուանդ սարկաւազին (այժմ վարդապետ) հայ կրօնաւորութեան ծագումն ասորական համարելով. որովհետև ճգնաւորութիւնն ու կրօնաւորութիւնը, հետը հաշուելով և վանականութիւնը, Եգիպտոսից հեռոջեալ անցաւ Պաղեստին, Սսորիք և Հայաստանի սահմանով՝ Փոքր-Սսիա։ Փոքր-Սսիա ներմուծողն էր մեծն Բարսեղ, երբ ըստ պատմութեան, կրօնաւորութիւնը Հայաստանում սկսել էր արդէն թուլանալ, զեղծ կերպարանք ընդունել, և մեծն Ներսէս հայրապետական աթոռ բարձրանալով առաջին գործը համարեց բարեկարգել կրօնաւորութիւնն ու վանականութիւնը Հայաստանում։

Առնելով Ձեռք Գլակից ընդհանրապէս ընդունած է կարծել, որ ս. Լուսաւորիչը Կապադովկիայից յոյն կրօնաւորներ բերեց, և այդ կրօնաւորներին կառավարելու համար հրահանգութիւն ստացաւ Կեսարիայի, իւր ձեռնադրող

1) Մովս. Խորենացի գիրք Գ. դւ. Ի։

2) Լոյս շաբաթաթերթ. 9 ապրիլ. թ. 15: 7 և 28 մայիսի թ.թ. 19 և 22. 1905 ամի։

Ղեռնդ հայրապետից¹⁾, սակայն որովհետև արդէն հաստատուած է, որ Չենորը յետին ժամանակի գրիչ է, դժուար չէ համարձակօրէն ասել, որ նրա առաջ բերած հրահանգութիւնը խմբագրուած է մեծն Ներսէսի դուստրած Աշտիշատի ժողովի կանոնների հետևողութեամբ: Մեր պատմիչներից Ագաթանգեղոսը, Փաւստոսը, Մովսէս Խորենացին չեն յիշում, թէ ս. Լուսաւորիչը Կեսարիայից կրօնաւորներ բերեց, մինչդէռ ասորական ծագմամբ կրօնաւորների մասին են նրանք բաւական տեղեկութիւններ տալիս:

Ագաթանգեղոսը ս. Լուսաւորիչի Կեսարիայից վերադարձը այսպէս է նկարագրում²⁾. «Մեծաւ պատուով և թղթով և ժողովով զսուրբն Գրիգոր անդուստ (ի Կեսարիայէ) ուղարկեցին իշխանօք հանդերձ, տուեալ ողջոյն: Եւ յուղի անկեալ անտի շնորհօք Տեառն մերոյ Յիսուսի Քրիստոսի՝ դային հասանէին ի քաղաքն Սերաստացւոց, և անդ յեցան յերեկօթս՝ աւուրս ոչ սակաւս: Եւ անդ տեսանէր բազմութիւն եղբարց՝ զորս հաւանեցուցանէր զնոսա ընդ իւր գնալ, զի վիճակեցուցէ զնոսա ի քահանայութիւն յիւրում աշխարհի»:

Այս հատուածից երևում է, որ ս. Լուսաւորիչը Սերաստիայից է եղբայրներ, այսինքն վանականներ, բերել, որ նրանցից քահանաներ, այսինքն աշխարհիկ հոգևորականներ կարգի հայաստանում: Այստեղ Կասպաղովկիայի և այն ևս յոյն, կրօնաւորների մասին, խօսք չը կայ: Սերաստիայից բերած եղբայրները կարող էին ազգով հայ, ասորի և մասամբ յոյն լինել, որովհետև այդ քաղաքը համարուելով հանդերձ հայ եպիսկոպոսական աթոռ, գտնւում էր Հայաստանի, Ասորիքի և Փոքր Ասիայի սահմանի վերայ և խառն բնակչութիւն ունէր: Մեր յիշած պատմիչները յոյն կրօնաւորների մասին լռելով գրում

1) Չենոր Գլակ. պատճէն երկրորդ և պատասխանի թղթոյն սրբոյն Գրիգորի . . .


2) Ագաթանգ. 248.

են, որ ս. Լուսաւորչի աշակերտ Դանիէլ ծերունին ասորի էր ¹⁾ սրա աշակերտ Շաղիտան նոյնպէս ասորի էր ²⁾։

Մենք չը գիտենք թէ պ. Յ. Թօփճեանը Ագաթանգեղոսի ո՞ր տպագրութիւնն է ունեցել ձեռքի տակ, որ գրելով. «Երբ Գրիգոր Լուսաւորիչը Կեսարիայէն վերադարձաւ, յոյն հոգևորականներու բազմութիւն մը բերաւ հետը», աղբիւր է ցոյց տալիս Ագաթանգեղոսի 101 էջը։ Եթէ այդ, մեր մէջ բերածն է, այդտեղ ոչ թէ «յոյն հոգևորականներու բազմութիւն» այլ մի յոյն հոգևորականի մասին ևս յիշատակութիւն չը կայ։ Գուցէ «Մեծաւ պատուով և թղթով և ժողովով . . .» խօսքերի մէջ ժողովով բառը հասկացել է «յոյն հոգևորականներու բազմութիւն մը»։ Սակայն այդ բազմութիւնը եթէ յոյն էլ լինէր, ժողովուած էր ս. Գրիգորին ուղարկելու և ոչ ուղեկցելու։

Հայաստանի կրօնաւորութեան վերաբերութեամբ միւս կէտերում մեր և պ. Յ. Թօփճեանի կարծիքների մէջ տարբերութիւն չը կայ, եթէ կայ էլ, աննշան է։

Կրօնաւորների աստուածաշտուութեան կամ ժամակարգութեան մասին Գ. դարում՝ ոչինչ որոշ չենք կարող ասել։ Հայերէն գիր ու դպրութիւն չը կար, ուրեմն ժամերգութիւնը հայերէն չէր կարող լինել, յունարէն էր և ասորերէն. Հայաստանը բաժանուած էր երկու մասի յունաց բաժնում բնականաբար զօրեղ էր յոյն տարրը և յունական ազդեցութիւն, պարսկական բաժնում՝ ասորականը։ Հասարակաց աղօթքի ժամերի մասին գիտենք՝ որ առաւօտեան ժամերգութիւնը կար. Փաւստոսը ասում է (դպր. Գ. գլ. ԺԵ.) «Մինչդեռ առաւօտին աղօթքն մատչէին»։



1) Խոր. գիրք Գ. գլ. ԺԴ. Փաւստ. Բիւզ. դպր. Գ. գլ. ԺԴ.

2) Փաւստ. դպր. Ե. գլ. ԻԶ.

ներով, ինքն ըստ ինքեան առաջ եկաւ նրանց քաղաքներում բնակուելու անյարմարութիւնը: Հեռաւոր անապատներում չէր կարելի առանձնանալ, որովհետև իբրև եպիսկոպոս հոգևոր տեսուչ ժողովրդի հետ անընդհատ յարաբերութեան մէջ էին. ուստի և քաղաքներից ոչ շատ հեռու վանքեր հաստատուեցին, ուր և բնակուեցին եպիսկոպոսները: Այս եպիսկոպոսանիստ վանքերը հնումն կոչւում էին մայրաքաղաք, վանք, մայրավանք, լավրա: Այս սովորութիւնը է. դարում համարեա կանոն դարձաւ և մինչև ժ.Ղ. դարը հայ եկեղեցում դործադրւում էր որպէս օրէնք:

Մենք գիտենք, որ կաթողիկոս ընտրող չորս արքեպիսկոպոսների ակթոռները հաստատուած էին Այրարատեանը՝ Բջնու, Սիւնեացը՝ Տաթևի, Գուգարացը՝ Հաղբատու և Շաւարշանինը՝ ս. Թադէոս առաքելոյ վանքերում: Գաւառական եպիսկոպոսական ակթոռներն էին Արագածոտինը՝ Ամբերդի, Շիրականը՝ Հոռոմոսի, Գառնուները Հաւուց թառի վանքերում: Մեր նպատակից դուրս է բոլոր եպիսկոպոսական վիճակները և ակթոռանիստ վանքերը թուել, որոնք բոլորն էլ քաղաքներից դուրս են, բայց հեռու չեն:

ԺԹ. դարի սկզբին նորից եպիսկոպոսական ակթոռները տեղափոխուեցին քաղաքները. դրա պատճառը ժողովրդի կարիքին անմիջապէս հասնելու պահանջն էր և ժամանակի ձախորդ հանգամանքների բերմամբ՝ վանքերի անշքանալն, աղքատանալն ու աւերակ դառնալը:

Միշտ տարակուսի առարկայ է եղել, թէ ներսէս Գ. Շինողը թողնելով Վաղարշապատի կաթողիկէն, ու ս. կոյսերի վկայականները է. դարում, ինչո՞ւ է շինում Վաղարշապատից միայն 4 վերստ հեռաւորութեամբ առապարում Զուարթնոց կոչուած եկեղեցին: Այս տարակոյսը ես լուծուած եմ համարում վերև յիշուած հանգամանքով և հետևեալ բացատրութեամբ:

Վարդանանց պատերազմից յետոյ երբ Վաղարշապատն ու կաթողիկէն աւերակ էին դարձել, Վահան

Զ.

Մինչեւ Ե. դարի Բ. կէսը եպիսկոպոսները ամուսնացած էին: Յեղափոխութիւն աշխարհիկ հոգեւորականութեան կեանքում: Ամուսի եպիսկոպոսների վանքերում հաստատուելու պատճառները: Վաղաքապատի կաթողիկէն եւ Սուրենայ անապատը: Հայ կրօնաւորութիւնը քս Ղազարի: Կրօնաւորութեան անկումն բարոյապէս: Լա կրօնաւորութիւն ի դէմս Թաթլոյ եւ նրա խրատը:—

Մինչեւ Ե. դարի համարեա կէսը, ինչպէս ընդհանուր, նոյնպէս և հայոց եկեղեցում եպիսկոպոսները ամուսնացած էին և կազմում էին աշխարհիկ հոգևորականութեան մասը՝ վարելով հոգևոր տեսչական պաշտօններ: Իբրև բացառութիւն կային ամուսի եպիսկոպոսներ էլ, ինչպէս մեր ս. Արիստակէսն ու ս. Գրիգորիսը—ս. Լուսաւորչի որդին և թոռն, Պաֆնուտիոսը Եգիպտոսի Աղէքսանդրիայում և Եւստաթէոսը՝ Փոքր-Հայոց Սերաստիայում: Հայոց վերջին ամուսնացած հայրապետը ս. Սահակ Պարթևն էր, որ վախճանուեց Ե. դարի քառասնական թուերին և գուցէ Յովսէփ Վայոցձորեցին, որովհետև նրա համար մեր պատմիչները ասում են, որ «ի քահանայից էր»: Ե. դարում ամուսնութիւնը բարձր հոգևորականութեան մէջ արդէն այնքան սովորական էր դարձել, որ նոր ամուսնացածները եպերանքի էին ենթարկւում, ինչպէս ս. Սահակի հակաթոռ Շմուէլը, Բրքիշոն և Սուրմակը, որոնց մեղադրում էին ի միջի այլոց ասելով, որ նրանք հայրապետանոցը լցրել էին կանանցով ու երեխաներով և նրանց ազդեցութեան տակ էին գործում:

Քանի որ եպիսկոպոսները ամուսնացած էին, իբրև աշխարհիկ հոգևորականներ, ապրում էին քաղաքներում. բայց երբ ամուսնութիւնը պարտաւորական կանոն դարձաւ և եպիսկոպոսները, նրբացնելով կրօնաւորների կոշտ սքեմը, հազան այդ սքեմը և շրջապատուեցին կրօնաւոր-

Մամիկոնեանը մօր կողմից լինելով ս. Սահակ պարթևի թոռն, իւր մօրենական պապերի դաստակերտի վերայ խնամք տանելով՝ Կաթուղիկէն վերաշինեց իւր սննդակից Ղազար փարպեցուն վերաշինութեան հոգաբարձ կարգելով. կաթուղիկէին մօտ կրօնաւորների մենաստան էլ շինեց, բնակեցրեց այնտեղ կրօնաւորներ ու նրանց վերայ վանահայր կարգեց նոյն Ղազարին:

Ասողկից ¹⁾ առնելով՝ ոմանք կարծում են, որ Վաղարշապատի Կաթուղիկէն մենաստանի վերածումը ժամանակ Սուրենայ անապատ էր կոչւում: Ասողիկը ասում է. «ի ժամանակս իշխանութեան իւրոյ (Վահան Մամիկոնեան) զմեծ Կաթուղիկէ եկեղեցին, որ ի հայս, վերստին մեծապէս նորոգեաց զդասս կրօնաւորաց բազմացուցանելով, — որ Սուրենայ անապատ ասի. վերակացու նոցա կարգեալ զՂազար Փարպեցի ճարտասան և պատմադիր»: Չաքարիա սարկաւազը կարծում է, որ Յովհաննայ վանքն է Սուրենայ անապատը: Ըստ Չաքարիայի՝ Կարբու մօտ Յովհաննայ վանքը սկզբում կոչւում էր Սիւղի կամ Սովի վանք, Սիւղին կամ Սովին, փոփոխութեան ենթարկուելով հնչման կողմից կոչուեց Սուրենայ վանք, անապատ: Ուրեմն, ըստ Չաքարիայի, Ղազարը Կաթուղիկէի վերաշինութեան հոգաբարձ լինելով էր միանգամայն Սուրենայ անապատ կոչող Յովհաննայ վանքի վանահայր: Այս անհաւանական կարծիքը հանգ. Շահխաթունեան Յովհաննէս եպիսկոպոսը մէջ բերելով՝ դրական բան չի ասում, այլ աւելացնում է որ, ոչ թէ Կաթուղիկէն է Սուրենայ անապատ կոչուել, այլ այն մենաստանը, որ Վահանը շինեց իւր վերանորոգած Կաթուղիկէի մօտ ²⁾:

Ղազարը Ե. դարի վերջին գրելով ³⁾, որ Վահանը վերաշինեց Կաթուղիկէն ու ս. կոյսերի վկայարանները, որ

1) Ստեփ. Տարոնեցւոյ պատմ: Ս. Պ.բուրգ 1885 եր. 82:

2) Ստորագրութիւն էջմ. Ս. հատ. տպ. ի կաթղ. էջմ. 1842. 81—82:

3) Թուղթ Ղազարայ Փարպ. եր. 196. տող 31—32:

իրանից երկու հարիւր տարի առաջ շինել էին իւր նախ-
նիք, հաստատում է այն ազգային պատմական վաւերա-
կանութիւն ստացած աւանդութիւնը, թէ յիրաւի, ս.
Գրիգոր Լուսաւորիչը Գ. դարի սկզբում շինել է այդ տա-
ճարները:

Ղազարը, իբրև ժամանակակից պատմիչ և գլխաւոր
գործիչ, չի ասում, որ Կաթողիկէն կամ նրա մօտ շին-
ուած մենաստանը կոչուել են Սուրենայ անապատ: Սուրե-
նայ անապատ անունը յիշում է միայն Ասողիկը Ժ. դա-
րում, Ղազարից 5 դար յետոյ:

Մենք կարծում ենք, որ Կաթողիկէն Ղազարի օրով
Սուրենայ անապատ չէ կոչուել. գուցէ այդպէս կոչուած
էր Ասողիկ օրով, եթէ, «—որ Սուրենայ անապատ ասի»,
միջանկեալ նախադասութիւնը յետին գրիչների աւելա-
գրութիւն չէ, որոնց օրով Կաթողիկէն իբրև կրօնաւորների
ապաստանարան, իւր անշքութեան ժամանակ Ը.—Ժ. և
յետին դարերում կարող էր ճանաչուել իւր Սուրէն անու-
նով վանահայրերից մէկի անունով:

Այս մեր ենթադրութիւնը հաւանական է դառնում
և նրանով որ Ասողիկը գրում է «զմեծ Կաթողիկէ եկե-
ղեցին . . . նորոգեաց . . .», — որ Սուրենայ անապատ ասի».
«Նորոգեաց» անցեալ ժամանակին է պատկանում, «ասի»
բացատրական նախադասութեան բայը՝ ներկային: Թէ «որ
Սուրենայ անապատ ասի» նախադասութիւնը աւելա-
գրութիւն է, ցոյց է տալիս գրուածքի ոճը: Ասողիկը
գրելով, «զդասս կրօնաւորաց բազմացուցանելով», պէտք է
անմիջապէս հետևեցներ «վերակացու նոցա կարգեալ զՂա-
զար . . .», բայց տեսնում ենք ընդ միջումն և միջանկեալ, —
«որ Սուրենայ անապատ ասի». բացատրական նախադա-
սութիւնը ներկայ ժամանակով:

Մենք թոյլ տուինք մեզ, մեր նպատակից այս շե-
ղումն, որպէս զի ցոյց տանք Սուրենայ անապատի և Կա-
թողիկէի անշքութիւնը. իսկ Կաթողիկէն իբրև մենաս-
տան նշանաւոր է մեր նպատակի համար, օրովհետև այդ
մենաստանի վանահայր էր իւր դարի նշանաւոր պատմիչ

Ղաղար Փարպեցին, և վանահայր Ղաղարը տալիս է իւր դարի կրօնաւորների բարոյական նկարագիրը: Ղաղարի օրով աւերակ Վաղարշապատում հնարաւոր էր մենաստան և կրօնաւորների բնակութիւն: Անցաւ մօտ Չղար. Վաղարշապատը, հաւանական է, սկսեց նորից շէնանալ, եթէ ոչ քաղաք՝ գոնէ մարդաշատ աւան դառնալ: Վերաշինուեցին ս. Հռիփսիմէի և ս. Գայիանէի վկայարանները, Կաթուղիկէի փայտածածկ տանիքը փոխուեց. հոյակապ քարեայ կամարների վերայ բարձրացաւ վայելուչ քարեայ գմբէթ: Կաթուղիկէն այլևս անապատ չէր, այլ ժողովրդական տաճար: Ներսէս շինողը՝ օրպէս նրբանկատ մարդ՝ անյարմար դտաւ բազմաթիւ կրօնաւորների քաղաքի կենդրոնում Կաթուղիկէի մօտ բնակութիւնը, քաղաքից բաւական հեռու առապարում շինեց Զուարթնոց եկեղեցին, այնտեղ բնակեցրեց երկրային զուարթուն կրօնաւորներին, որ աշխարհի հրապոյրներից հեռու՝ երկնային զուարթունների նման կեանք վարեն:

Ներսէս Շինողի այս հեռատես գործողութիւնը ժամանակակից Սեբէոսը ուրիշ կերպ է բացատրում. նա ասում է, որ Ներսէսը Զուարթնոց եկեղեցին շինեց առապարում, որովհետեւ ըստ աւանդութեան Տրդատը մինչև այդտեղ ընդառաջեց ս. Լուսաւորչին, երբ նա, Արտաշատի Խորվիրապից աղատուած, վերադառնում է Վաղարշապատ: Իսկ Սիմէօն կաթողիկոս երևանցին ժէ. դարում, կարծում է, որ Ներսէս Շինողը Զուարթնոց եկեղեցին շինել է նսեմացնելու համար կաթուղիկէի նշանակութիւնը, ուստի և ասում է. «Տէր Ներսէս շինողն ի Տայք գաւառէ, ամս ի. Սա շինէ զսուրբն Գրիգոր խոչ էջմիածնի, որ այժմ հանգուցեալ է» (Չամբռ տպ. ի ս. էջմ. 1873. եր. 13): Իսկապէս Ներսէս Շինողը շինել է Զուարթնոց եկեղեցին Վաղարշապատում ապրող կրօնաւորներին այնտեղ բնակեցնելու համար: Եւ Ներսէսի պէս խստակրօն, նրբանկատ և դիտուն մարդը ուրիշ կերպ էլ չէր կարող վարուել: Աշտիշատի ժողովը, գումարուած 365 թուին Մեծն Ներսէսի ու Արշակ թագաւորի ձեռներեցութեամբ,

Ղաղար Փարպեցին, և վանահայր Ղաղարը տալիս է իւր դարի կրօնաւորների բարոյական նկարագիրը: Ղաղարի օրով աւերակ Վաղարշապատում հնարաւոր էր մենաստան և կրօնաւորների բնակութիւն: Անցաւ մօտ Չղար. Վաղարշապատը, հաւանական է, սկսեց նորից շէնանալ, եթէ ոչ քաղաք՝ գոնէ մարդաշատ աւան դառնալ: Վերաշինուեցին ս. Հռիփսիմէի և ս. Գայիանէի վկայարանները, Կաթուղիկէի փայտածածկ տանիքը փոխուեց. հոյակապ քարեայ կամարների վերայ բարձրացաւ վայելուչ քարեայ գմբէթ: Կաթուղիկէն այլևս անապատ չէր, այլ ժողովրդական տաճար: Ներսէս շինողը՝ օրպէս նրբանկատ մարդ՝ անյարմար գտաւ բազմաթիւ կրօնաւորների քաղաքի կենդրոնում Կաթուղիկէի մօտ բնակութիւնը, քաղաքից բաւական հեռու առապարում շինեց Զուարթնոց եկեղեցին, այնտեղ բնակեցրեց երկրային զուարթուն կրօնաւորներին, որ աշխարհի հրապոյրներից հեռու՝ երկնային զուարթունների նման կեանք վարեն:

Ներսէս Շինողի այս հեռատես գործողութիւնը ժամանակակից Սեբէոսը ուրիշ կերպ է բացատրում. նա ասում է, որ Ներսէսը Զուարթնոց եկեղեցին շինեց առապարում, որովհետեւ ըստ աւանդութեան Տրդատը մինչև այդտեղ ընդառաջեց ս. Լուսաւորչին, երբ նա, Արտաշատի Խորվիրապից ազատուած, վերադառնում է Վաղարշապատ: Իսկ Սիմէօն կաթողիկոս երևանցին ժէ. դարում, կարծում է, որ Ներսէս Շինողը Զուարթնոց եկեղեցին շինել է նսեմացնելու համար կաթուղիկէի նշանակութիւնը, ուստի և ասում է. «Տէր Ներսէս շինողն ի Տայք գաւառէ, ամս ի. Սա շինէ զսուրբն Գրիգոր խոշ էջմիածնի, որ այժմ հանգուցեալ է» (Չամբռ տպ. ի ս. էջմ. 1873. եր. 13): Իսկապէս Ներսէս Շինողը շինել է Զուարթնոց եկեղեցին Վաղարշապատում ապրող կրօնաւորներին այնտեղ բնակեցնելու համար: Եւ Ներսէսի պէս խստակրօն, նրբանկատ և դիտուն մարդը ուրիշ կերպ էլ չէր կարող վարուել: Աշտիշատի ժողովրդ, գումարուած 365 թուին Մեծն Ներսէսի ու Արշակ թագաւորի ձեռներեցութեամբ,

ուեցին: Չընայելով, որ կրօնաւորութիւնը իւր բարոյականի
կողմից այսպիսի անհաստատ դրութեան մէջ է եղել, բայց
չկայ մի հաստատութիւն, որ շեղուելով իւր բուն նպա-
տակից, կարողանար դիմանալ այնպէս, ինչպէս դիմացել է
կրօնաւորութիւնը, թէև այլանդակուած:

Դէպի կրօնաւորութիւն հրապոյրը միշտ եղել է: Հին
դարերում կրօնաւորութիւն ընդունելով՝ ստրուկները ա-
զատուում էին. կրօնաւորութիւն ընդունելով՝ ազատուում
էին և զինուորութիւնից: Անտուն, անտէր, անգործ, և
օրական հացի կարօտ աղքատները կրօնաւորութեամբ
ապահովում էին իրանց կեանքը և պատասխարան էին
դառնում: Կային մարդիկ էլ, և դրանք մեծ թիւ էին կազ-
մում, որոնք առանց երկրաւոր նկատումների, միայն հո-
գեկան անգործութիւն և հոգու փրկութիւն վաստակելու
երկնային արքայութեան համար թողնում էին աշխարհը
իւր հրապոյրներով, բայց աւաղ, դրանցից մեծագոյն մասը
կորցնելով երկրաւորը, երկնայինին էլ չէին հասնում:

Ղազար Փարպեցին, իբրև Կաթուղիկէի վերաշինու-
թեան հոգաբարձ և այնտեղի արեղանների ու կրօնաւոր-
ների վերակացու, շատ տխուր գոյներով է նկարագրում
նրանց. որից երևում է որ հայ կրօնաւորութիւնն էլ բա-
ցառութիւն չէր կազմում ընդհանուր կրօնաւորութիւնից:

Ղազարը ասում է. «Եւ չիցեն արդեօք արեղեանդ
«Հայոց արժանի ողբոց, արտասուաց և բազում սգոյ—
«համբաւել զանպիտանս, խօսել առ նախանձու զանար-
«ժանս¹⁾ . . . ի հաւատոյ և յուսմանէ տղէաք երևին,
«ի գործս ծոյլք և անժոյժք, յորոց ըստ տգիտութեանն,
«որ ի նոսա, և անկարգ ըստ վարուց՝ այդպիսի իսկ ար-
«եղարև ազանդոց վայել էր բուսանել, ըստ յօդուածոց
«առասպելաբանութեան, թէ ըստ «խողի հարսնացելոյ
«կոյաջուր բաղանիք»²⁾»:

« . . . իսկ արեղէնքս առ դառնաշունչ նախանձու, որ

1) Թուղթ Ղազ. Փարպ. եր. 190. տող 12—14:

2) Նսյն. եր. 163. տող 14—24:

«միացեալ է ի սիրտս նոցա . . . ըստ ասացածի մարգա-
 րէին՝ «Յղանան զցաւս և ծնանին զանօրէնութիւն . . . »
 «Եթէ յանկարծ շնորհի բան ի մարդասիրէն՝ հեղձնուն
 «ի նախանձուէ: Եթէ տեսանեն զոք ի ժողովրդենէն, եթէ
 «գովէ, ծաղր առնելով ամաչեցուցանեն: Արդ լուել ինչ,
 «ասեն, չգիտէ և ընդվայր աղաղակէ և քրքուի . . . »
 «նստին գլխարկեալք պատատեալ, որպէս համր, երեսօք
 «որպէս առ հոտեալ դիական, պապանձեալ դև»¹⁾»

« . . . Երանելի փիլիսոփոսն Մովսէս, որ արդարև մինչ-
 «դեռ էր ի մարմնի, ցանգ երկնային զօրացն էր քաղա-
 «քակից. ոչ ապաքէն ի տեղւոյն ի տեղի արեղեանդ Հայոց
 «հալածական արարին: Ո՞չ զլուսաւորիչն և զտգիտահալած
 «գրեանս նորա՝ առ անդիտութեան փաթաղ-իկէս կոչէին
 «և այլ բազում իրօք թշնամանեալ՝ յետոյ ապա յաղագս
 «այլոց ամօթոյ՝ զխաբէական զեպիսկոպոսութիւնս^{*)} նման
 «դեղոյ մահու արբուցեալ սրբոյն հեղձուցին: Որոյ ի ժամ

1) Թուղթ Ղազարայ Փարպ. եր. 200. տող 14—24:

*) Ըստ աւանդութեան Մովսէս Խորենացին իւր խորին ծե-
 րութեան ժամանակ Բազրեանդի եպիսկոպոս կարգուեց:—Հայոց
 կրօնաւորներից հալածուած Մովսէսը, ծպտեալ գնում է Օշական,
 ջրաղացպանութիւն է անում և միևնոյն ժամանակ դպրութիւն անե-
 լով իւր մեծ վարդապետի գերեզմանի վերայ շինուած եկեղեցում,
 մխիթարութիւն գտնում: Ժամանակի կաթուղիկոս Յովհան Մանդա-
 կունին, որ նոյնպէս ս. Մեսրոպի կրտսեր աշակերտներից էր և
 Մովսէսի ընկերը, Օշական է գալիս և ս. պատարագ մատուցանում
 իւր վարդապետի գերեզմանի վկայարանում. ծպտեալ ջրաղացպան
 Մովսէսը դպրապետ է կանգնում և յօրինելով երգում է «Ընտրեալդ
 յԱսատւծոյ. ով երջանիկ սուրբ քահանայ» մեղեդին: Հիանում է
 հայրապետը երգի իմաստով և դաշնակաւորութեամբ, յանձին ջրա-
 ղացպանի ճանաչում է իւր ընկեր և աշակերտակից Մովսէս Խորե-
 նացուն, կարգում է նրան Բազրեանդի եպիսկոպոս:

Ղազարը գրելով «յաղագս այլոց ամօթոյ զխաբէական զեպիս-
 կոպոսութիւնս նման դեղոյ մահու արբուցեալ սրբոյն հեղձուցին»,
 ակնարկում է այն հանգամանքը, որպէս թէ առ ամօթոյ ձեռնադրե-
 լով եպիսկոպոս, նրա բողոքի ձայնը կտրեցին, խեղդեցին:

Ղազարի այս զրուածքից երևում է, որ Մովսէսը իրանից առաջ է

Թէ Մովսէս Խորենացուց քաղուածօրէն բերինք, որ ընթերցողները իսկական աղբիւրից առնեն իրանց ծանօթութիւնը՝ թէ դրանք, — Աաղարն և Խորենացին ինչ հանգամանքում՝ ինչ տրամադրութեամբ են գրել, և հայ կրօնաւորութիւնը դատելիս՝ որոշ չափ պահենք և վերապահութեամբ ընդունենք Աաղարի և Խորենացու տուած փաստերը:

Ըստ մեզ, ինքն — Աաղարը — ենթարկուած լինելով արեղաների քամահրանքին, անպայման անաչառ ամբաստանող չէ, իբրև շահագրգռուած մարդ, անշուշտ, նրա գրուածքի մէջ կիրք կայ:

Աաղարի գրուածքից երևում է, որ նա կրակոտ, անհանգիստ, դիւրագրգիռ, միշտ բողոքող, միայն իրան անմեղ ճանաչող մարդ էր: Այդպիսիները դժբախտ մարդ չեն, իրանց եռանդը, տաղանդը, եթէ ունեն, սպառում են միայն ուրիշներին դատափետելով, ուրիշների ասածներին, արածներին չը հաւանելով, անցկացնելով և սեպնելով իրանց օրը ուրիշներին խժբժելով: Այժմ ևս պակաս չեն այդպիսիք և Աաղարը այդպիսիներից մէկն էր. նա մեղադրում է իւր հովանաւոր Վահան Մամիկոնեանին էլ, Յովհանն կաթողիկոս Մանգակունտուն էլ: Առաջինը՝ հայ իշխանների մէջ՝ ամենից քաջը, խելացին և քաղաքագէտն էր. երկրորդը հայրապետների մէջ նոյն յատկութիւններով օժտուածը: Եւ այդ ինքն Աաղարն է ասում իւր պատմութեան մէջ:

Աաղարը իրան արդարացնելով կրօնաւորների բացասական յատկութիւնները նկարագրելիս՝ երկու երեք բառով ներկայացնում է հայ կրօնաւորների քաղաքացիական վիճակը. նա ասում է, «պարեգօտաւորք աղատեալք են ի Քրիստոս»¹⁾: Այս գրում է նա Վահանին՝ կամենալով հասկացնել նրան, որ եթէ ինքն ժամանակին նրա ծառան ու սարուկն է եղել, այժմ, իբրև պարեգօտաւոր կամ

1) Թուղթ Աաղար Փարպ, եր. 188, տող 5—6:

Թէ Մովսէս Խորենացուց քաղուածօրէն բերինք, որ ընթերցողները իսկական աղբիւրից առնեն իրանց ծանօթութիւնը՝ թէ դրանք, — Ղաղարն և Խորենացին ինչ հանգամանքում՝ ինչ տրամադրութեամբ են գրել, և հայ կրօնաւորութիւնը դատելիս՝ որոշ չափ պահենք և վերապահութեամբ ընդունենք Ղաղարի և Խորենացու տուած փաստերը:

Համ մեզ, ինքն—Ղաղարը—ենթարկուած լինելով արեղաների քամահրանքին, անպայման անաչառ ամբաստանող չէ, իբրև շահագրգռուած մարդ, անշուշտ, նրա գրուածքի մէջ կիրք կայ:

Ղաղարի գրուածքից երևում է, որ նա կրակոտ, անհանգիստ, դիւրագրգիռ, միշտ բողոքող, միայն իրան անմեղ ճանաչող մարդ էր: Այդպիսիները գործի մարդ չեն, իրանց եռանդը, տաղանդը, եթէ ունեն, սպասում են միայն ուրիշներին դատափետելով, ուրիշների ասածներին, արածներին չը հաւանելով, անցկացնելով և սեւցնելով իրանց օրը ուրիշներին խծբծելով: Այժմ ևս պակաս չեն այդպիսիք և Ղաղարը այդպիսիներից մէկն էր. նա մեղադրում է իւր հովանաւոր Վահան Մամիկոնեանին էլ, Յովհան կաթողիկոս Մանդակունուն էլ: Առաջինը՝ հայ իշխանների մէջ՝ ամենից քաջը, խելացին և քաղաքագէտն էր. երկրորդը հայրապետների մէջ նոյն յատկութիւններով օժտուածը: Եւ այդ ինքն Ղաղարն է ասում իւր պատմութեան մէջ:

Ղաղարը իրան արդարացնելով կրօնաւորների բացասական յատկութիւնները նկարագրելիս՝ երկու երեք բառով ներկայացնում է հայ կրօնաւորների քաղաքացիական վիճակը. նա ասում է, «պարեգօտաւորք ազատեալք են ի Քրիստոս»¹⁾: Այս գրում է նա Վահանին՝ կամենալով հասկացնել նրան, որ եթէ ինքն ժամանակին նրա ծառան ու սարուկն է եղել, այժմ, իբրև պարեգօտաւոր կամ

1) Թուղթ Ղաղար Փարպ, եր. 188, տող 5—6:

կրօնաւոր՝ ազատ է. ուրեմն և Վահանը իրաւունք չունի նրա հետ, որպէս ստրկի հետ վարուելու:

Ղազարը իւր պատմութեան մէջ ջուլ մարդ է, թղթի մէջ՝ ջուլ: Թղթի մէջ բացի իրանից բոլորը վատ են և խաւար, մինչև անգամ իւր հովանաւոր Վահան Մամիկոնեանը և Յովհան Մանգակունին, որոնք պատմութեան մէջ լաւ և լուսաւոր են, որոնցով նա ոգևորուած է: Եթէ այս լուսաւոր և լաւ մարդիկն էլ հալածիչների կարգումն են, կը նշանակի Ղազարն էլ շատ անմեղ գառն չէր, և եկեղեցին չէ յիշում նրան իւր արքերի կարգում:

Ղազարը անգոսնում է հայ հոգևոր վարչութիւնը, որովհետև, մինչ պարսիկներն անգամ եպիսկոպոս էին ձեռնադրում, ինքն ոչ միայն եպիսկոպոս, այլ քորեպիսկոպոս էլ չէր¹⁾: — Նա մոռանում է, որ կրօնաւորները իրաւունք չունէին եկեղեցական աստիճաններ ստանալ. նա մոռանում է, որ եպիսկոպոսը պարտաւոր է հեղ, խոնարհ լինել, մինչդեռ Ղազարը ըմբոստ և ամբարհաւածօք է հանդիսանում նոյն իսկ իւր գրուածքով: Եպիսկոպոսութեան ձգտող կրօնաւորը փառասէր և կենցաղասէր պէտք է լինի, և Ղազարը այդպիսի ոք էր: Ղազարից դատապարտուած կրօնաւորները այդպէս էլ համարում էին ու ասում. «գամ մի պիղծ ոք է և չարագործ Ղազարայ վանք անդ են, և սիրէ զնոսա»²⁾:

Որքան և Ղազարի և Խորենացու կրքոտ նկարագրութիւնը համարենք հետեւանք այն հալածանքին, որին նրանք ենթարկուած էին հայ կրօնաւորների կողմից, բայց այնուամենայնիւ դրանց մէջ կայ որոշ, և արդէն ուրիշ աղբիւրներով հաստատուած ճշմարտութիւն. ինչպէս բոլոր ազգերի, նոյնպէս և հայոց արեղաները, կրօնաւորները և պարեգօտաւորները նախանձոտ, անբարեացակամ, տգէտ, իմաստութիւն և գրքեր ծաղրող, գիտուններին հալածող, զրպարտիչ, անուանարկող և չարախնդաց մարդիկ են եղել:

1) Նոյն եր. 193:

2) Թուղթ Ղազ. Փարպ. եր. 195:

Ինչպէս ընդհանուր, նոյնպէս և հայ խստակրօնները նեղ-
սիրտ անհամբեր, դժուծ, դիւրագրգիռ, ամբարհաւած,
փարիսեցական բարեպաշտութեան արտաքին ձևերով պան-
ծացող և ուրիշների թեթև զանցառութիւնը խոշորացնելով
հռչակող ու դատափետող մարդիկ են եղել: Այս անում
էին նրանք՝ իրանք փառաւորուելու և ուրիշին անուանա-
րկելու համար: Ինչ նախնիք ասել են, միս ուտելը մեղք
են համարում, բայց եղբայրներին հանապազ գիշատելիս
(բամբասանքներով ու զրպարտութիւններով) չեն խղճա-
հարւում:

Մի Ղազար, որի մասին կրօնաւորները ասում էին,
«Մանուկ մի հոգաբարձ տեղւոյդ չկարէ առնել»¹⁾ թող այլ
ամբաստանութիւնները, և մի Մովսէս Խորենացի, որի
գրուածքները «փաթաղ—իկէս էին կոչում կրօնաւոր-
ները հեզնելով, կարող էին ամբողջ հայ կրօնաւորութիւնը
սևացնել: Բարեբաղդարար աւանդութիւնը տալիս է մեզ
Ն. դարի լաւագոյն կրօնաւորների նկարագիրն էլ յանձին
ս. Սահակի և Մեսրոպի աշակերտ Թաթուլի ու Վարոսի²⁾,
որոնք իրանց հետևողներով Վարդանանց պատերազմից
յետոյ առանձնանում են Գաբեղեան գաւառի սահմա-
նում, կաղզուանից ոչ հեռու, Վիշապաձորի քարանձաւ-
ների մէջ:

Թէ լաւ վանահայրը ինչպէս պէտք է կառավարի իւր
միաբաններին, ինչ է նրա պարտքը: Վանականները ինչ-
պէս պէտք է վերաբերուեն դէպի իրանց վանահայրը և
ինչպէս կենցաղավարուեն՝ տեսնում ենք ս. Թաթուլի
խրատի մէջ, որ ըստ աւանդութեան՝ ասել է նա, երբ
ծերութեան պատճառով հրաժարւում էր վանահայրու-
թիւնից և առաջարկում, որ կրօնաւորները Թումասին
ընտրեն վանահայր:

Թաթուլը ժողովելով եղբայրներին—կրօնաւորներին—
պատուիրում է, որ Թումասին ճանաչեն հասարակաց հայր

1) Թուղթ. Ղազ. Փարփ. եր. 197:

2) Վարք Սրբոց հատ է. եր. 22—23:

և ամեն բանում հնազանդ լինեն — թէ Տիրոջը ծառայելիս
և թէ միմեանց սիրելիս: Թուժասին էլ առաջ կոչելով
աւանդում է նրան կրօնաւորական կարգի կանոնները և
պատուիրում, որ նա էլ իբրև միաբանութեան առաջնորդ՝
երկայնամիտ, ողորմած լինի, որ կարողանայ շահել եղ-
բայրներին: Ինչպէս անունով հայր ու առաջնորդ է, գործով
էլ առաջնորդ հանդիսանայ:

Աւելորդ չենք համարում քաղուածօրէն աշխարհա-
բառ մէջ բերել Թաթուլի խրատը¹⁾ առ Թուժաս, որը,
որքան և պատմական հաւաստիք չունենայ, այնուամենայ-
նիւ իւր մէջ ամփոփում է լաւ կրօնաւորութեան և լաւա-
գոյն վանահայրութեան իսկական պատկերը: Այդ խրատը
ամփոփումն է այն մտքերի, որ արտայայտել են նշանաւոր
հայրերը և որոնք գտնուում են Հարանց վարքի մէջ Նե-
ղոսի և ուրիշների անունով:

Թաթուլը վանահօր պարտքը այսպէս է որոշում.

«Հասարակաց հայր ես, հայրաբար վարուիր: Ամեն
բարեձեռութեան օրինակ հանդիսացիր եղբայրներին: Ու-
սուցանելով խրատիր, սիրով մխիթարիր, յուսով դար-
մանիր:

«Որդեակ, ինչ որ եղբայրներիցդ պահանջում ես,
առաջ դու կատարիր: Ինչ խօսիր, արդիւնք շատ ցոյց
տուր: Թող գործդ լինի քարոզող:

«Առաջնորդը ծնող է ու բժիշկ. հիւանդը կարօտ է
սիրոյ և առողջութեան: Որդեակ, նրան, որ պատահաբար
է սխալում և ոչ սովորաբար, մի պատժիր, այլ հոգևոր
ցաւակցութեամբ բժշկիր: Մանկագոյններին հնազանդու-
թեան և աշխատասիրութեան վարժեցրու, ծերերին սոր-
վեցրու սաղմոսերգութեան, ձեռքի վաստակի և մանուկ-
ների համար բարի օրինակ լինելու:

«Հոգևոր առաջնորդը աստուածային հօւր է — լուսա-
ւորող, մաքրող և ջերմացնող: Նա պէտք է ապականարար
ախտը այրի, դիճութիւնը ցամաքեցնի և կրօնաւորական

1) Վարք Սրբոց հատ. է. եր. 26—32:

կարգով քննի, և ոսկու պէս դառնով անաղարտ սրբութեամբ եղբայրներին Աստուծոյ ընծայի, որ ինքն էլ տասն քաղաքների վերայ թագաւորի:

«Կրօնաւորները միս և գինի չը պէտք է գործածեն. նրանք միայն պէտք է գործ անեն, որոնց անհրաժեշտ է: Պէտք է ժուժկալ լինեն՝ որքան հարկաւոր է, յուսով աղօթեն, հաւատով աշխատեն և դո՛հ սրտով ճաշակեն:

«Որդեակ, բերանիցդ նզովք դուրս չգայ: Խրատը բարկութեամբ չը խօսես՝ որ սխալուած եղբայրը խրատի սասակութիւնից չընկղմուի: Աղօթելու տեղը հասնելիս՝ երեք կամ աւելի անգամ ծունր դիր, դեանամած Աստուծոյ օգնութիւնը խնդրիր, և ապա սկսիր պատշաճի սաղմոսը: Մի պղտորիր սրտիդ խորհուրդը: Շատախօս մի լինի, ձեռքդ մի շարժիր: Դէպի արևմուտք մի դառնար, աչքդ պարարելու համար շուրջդ մի նայիր:

«Որդեակ, եղբայրներիդ հետ իշխանութեամբ մի վարուիր, և ինչ որ դու չես կարող տեսլ՝ մի պահանջիր եղբայրներիցդ: Տեղ մէկ մէկ շուղարկես, այլ երկու երկու, եթէ մէկը զլորի, ով կըլինի կանգնեցնող: Եթէ եղբայրներից մէկը ախտանայ հոգով, թէև շատ բժշկութեան պէտք լինի, միայն սրբութիւնը արդեւիր (միայն հաղորդուելը արգելիր), միւս կարգերը եղբայրների հետ թող պաշտի: Երկիւղածը սիրուց աւելի կը պատկառի քան պատուհասից: Զգեստը լինի, ինչպէս որ պատահի, և այնչափ, որ վտանգի առաջը առնի: Պատարագի և միւս ժամերգութեանց ժամանակ մարմնաւոր կամ ձեռքի աշխատանքը դադարեցրու:

«Որդեակ, երբ եղբայրներիդ մէկը ստահակում է, մի թողնիր որ կորչի, նրա չար վարքին և ատելի գործերին համբերիր, ինչպէս որ համբերում է քո պարզ հոգին՝ մարմնիդ, ախտակից լինում: Բաւական չէ միայն համբերելը, օգնիր, որ զգաստանայ: Առանձին յանդիմանիր, ձերերի առաջին՝ աղաչիր, եղբայրների մէջ՝ խրատիր, գուցէ դառնայ իւր ստահակութիւնից: Երկիւղածին մե-

ժարիր. ստահակին՝ խրատիր. պահանջիր՝ որ առաւում
երեկոյ խոստովանեն:

«Արգելիր ծաղրը, կատակը և ցորաբանութիւնը: Մա-
նուկներ մի ժողովիր, թէ չէ՝ շուտով կը յաղթուես»:

Ս. Թաթուլի, Վարոսի և Թումասի յիշատակը տօ-
նում է եկեղեցին հոկտեմբեր ամսում ս. Գրիգորիսի Աղ-
ուանից կաթուղիկոսի նշխարաց գիւտի տօնին՝ եօթն խո-
տաճարակաց հետ:

է.

Թանահասի վանք եւ Սիւնեաց աշխարհի կրօնաւո-
րութիւնը. Սեւանի անապատ. Տաթևի մօտ անապատը.
Մաքինոցաց եւ Թեղինեաց անապատներ: Վանակա-
նութեան եւ կրօնաւորութեան անկումն: Կրօնաւորների
մասին կանոններ. Ամփոփումն:

Թ. դարից սկսած կրօնաւորութիւնը սաստիկ զար-
գանում է և մեծ ծաւալ է ստանում Սիւնեաց աշխար-
հում: Գլխաւոր անապատներն էին Սեւան, Մաքինոցաց
անապատը և Թանահատի վանքը:

Ստեփաննոս Օրբելեանը ասում է¹⁾, որ ինքն Թա-
նահատի արձանագրութիւնների մէջ տեսել է, որ Թանա-
հատի եկեղեցին շինուել է Սիւնեաց իշխաններից հայոց
թուականից 400 տարի առաջ, Ս. Ստեփաննոս Նախավկայի
անունով: Այս հաշուով Թանահատի վանքը շինուել է 151
թուին Փրկչի: Այդպիսի բան չէ կարող լինել: Այդ ժա-
մանակ վանքերի մասին դաղափար անգամ չը կար:

Վանքերի սկզբնաւորութիւնը Դ. դարից առաջ չէ.
սուրբերի անունով եկեղեցի Դ. դարից առաջ չէր կա-
րող շինուել: Թուականի վերաբերութեամբ շփոթութիւնը
ակններև է. կամ այն է, որ Օրբելեանը իրան յատուկ

1) Ստեփ. Օրբելեան. նատ. Ա. Փարիզ. 1859 թ. եր. 203—4
ԳԼ. ԼԳ:

անապապարժութեամբ կամեցել է Սիւնեաց երկրի կրօնաւորութիւնը հասցնել մինչ Բ. դարը, կամ այն՝ որ Հայոց 400 = Ն. համարել է այդ թուականից առաջ նշանակող թուական: Հայոց Ն. թուականը զուգընթաց է ժ. դարին, երբ Բագրատունիք՝ Շիրակում և Սիւնեաց իշխանները իրանց երկրում ոգի ի բռին վանքեր ու եկեղեցիներ էին շինում: Անշուշտ, այդ ժամանակ էլ շինուել է Թանահատի վանքը, որ այժմ կոչուում է Ղարավանք (սև վանք), համանուն թուրք գիւղում, սրբատաշ սև կարծրաքարից շինուած մի մատուռ, այժմ՝ կիսաւեր:

Օրբելեանի նկարագրութեամբ Թանահատի վանքը եղել է լեռան ստորոտում, մի բարձրավանդակի վերայ, անտառի մէջ: Այժմ անտառ չը կայ: Արգեազի ս. Խաչ հռչակաւոր ուխտատեղից 2 վերստաշափ հեռաւորութեամբ դէպ արևմուտք լեռնալանջի վերայ, շրջապատուած թուրք մի քանի խրճիթներով քարքարոտ ամառաների և աւերակների մէջ բարձրանում է Թանահատի վանքը լքեալ և աւեր:

Օրբելեանը այս վանքի կրօնաւորների կեանքը նկարագրելիս՝ ասում է¹⁾, «Եւ էին սահմանաւորք, մշտապաշտօնք հեռացեալք յամենայն փափուկ կերակրոց, միայն աշտուճ հացիւ և լոկ ջրով վճարէին զպէտս իւրեանց և զայն՝ յաւուրն մի անգամ ընդ երեկս. լռիկք, հեղաշարժք, որ իբրև զկանթեղունս անշէջս կախեալք լինէին յաղօթս զցայգ և զցերեկ . . . պաշտօնք իւրեանց ոչ երբէք խափանէին զցայգ և զցերեկ: Եւ բաց ի սպասաւորացն ընդ դրունս վանիցն ոչ ոք ելանէր արտաքս. և թէպէտ բազում անգամ հարկեցան յիշխանացն և յեպիսկոպոսաց Սիւնեաց՝ ոչ առին յանձն ի կիւրակէքն ի թանկամ ի պանիր կամ յիւղ խթիլ. այլ բանջարօք և ընդով շատանային, վասն որոյ Թանահատք կոչեցան: Եւ ի գլխաւոր տօնսն ի ձիթոյ ճաշակէին և սակաւ բաժակօք. և զայս ծանոյց մեզ պատմութիւն երանելոյն Մաշտոցի, որ ի Սևան»:

1) Սահի. Օրբ. գլ. ԼԴ.

Երանելի Մաշտոցը ապրում էր Թ. դարում, ուրեմն այս նկարագիրը վերաբերում է այդ ժամանակի և դրանից առաջ կրօնաւորական կեանքին, որին հետևող եղան Թանահատի կրօնաւորները:

Սինեայ բազմաթիւ անապատներից շէն է մնացել միայն Սևանի անապատը: Աւանդութեամբ¹⁾ այս կղզում կրօնաւորութիւնը սկսուել է ս. Գրիգոր Լուսաւորչից, որը կառուցել է, այժմ բոլորովին աւերակ, ս. Յարութեան տաճարը: Սակայն այս աւանդութիւն է: Պատմիչների համեմատ Սևանում կրօնաւորութեան սկիզբը դրել է Թ. դարում Մաշտոցը, որ և համարւում է առաջին վանահայր: Ըստ իս, եթէ կրօնաւորութիւնը ս. լուսաւորչից չէ սկսուել Սևանում, բայց Մաշտոցից, այսինքն Թ. դարից, առաջ կար: Պատմութիւնը անյիշատակ թողնելով ինչ որ առաջ էր, անշուշտ նշանակելի բան չը գտնելով, առաջին անգամ յիշում է Մաշտոցին, որ հռչակ էր ստացել իւր մաքուր կրօնաւորութեամբ, ս. Գրոց հմտութեամբ, և ծիսարանի կարգաւորութեամբ, որ իւր անունով Մաշտոց է կոչւում:

Հանգուցեալ Յովհաննէս եպիսկոպոս Շահխաթունեանցը²⁾ Սևանի անաստատականների կենցաղը համարում է հետևողութիւն ս. Բարսեղի կանոնին, և, քաղելով—«Տեսութիւն գրոցն Փիլոնի, որ տեսական անուանի, այսինքն միակեցաց» — գրուածքից՝ ասում է, որ երբ հրէաները Երուսաղէմի առաջին եպիսկոպոս ս. Յակովբ առաքեալին սպանեցին և հալածեցին հաւատացեալներին, որանք փախան Եգիպտացոց կողմերը և բնակուեցին Սինալեռան և Թեբայիդի անապատներում, «և անդ կային այնպիսի վարուք, զոր պատմէ սքանչելին Փիլոն, զորս և հրեշտակաց համեմատ ցուցանէ ի մաքրութեան՝ յասելն. տուն էր նոցա երկիրս և ձեղունք՝ երկինքն, և ջահ և ճրագ՝ արեգակն, լուսին և աստեղք, և կակուղ անկո-

1) Ստորագրութիւն հատ. երկ. յօդ. 522. եր. 217.

2) Ստորագր. հատ. երկ. յօդ. 522. ծանօթութիւն:

ղինք՝ երկիրս, քնոյ ժամանակ և ոչ երբէք, այլ անդադար
կային զտիւ և զգիշեր ի հսկումն փառարանութեան Աստուծոյ: Այս կրօնաւորական կեանքին հետևող պէտք է
լինէին Աւանի կրօնաւորները, որոնք ս. Բարսեղի կանոնին
համեմատ «Միակրօնք ի տան Աստուծոյ եղեալ յամենայն
դէպս ընկերութեան, և յօրէ անտի (ի ժամանակէ Մաշ-
տոցի) և այսր տեւաց այն հաւասարութիւն ուխտի կրօ-
նաւորական կենաց յայս կղզի և յայլ ինչ ինչ մենաս-
տանս հայաստան աշխարհի»: Առաքել վարդապետ Սիւ-
նեցի իւր «Մահմանաց լուծման» մէջ ասում է. «կշռապէս
արդարութիւն ի վանորայս լինի ի միաբանաստանն, որք
ըստ սրբոյն Բարսեղի կանոնացն միաբան լինին ամենայն
ինչ. այսինքն, կերակուր և հանդերձ միապէս տան ամե-
նեցուն, կշռողապէս, միաչափ մեծի և փոքու՝ հանդերձ
և կերակուր և ամենայն ինչ»:

Կրօնաւորներ ու անապատականներ եղել են Տաթևի
վանքին մօտ Անապատ կոչուած տեղում, որը շատ կար-
ծատե եղաւ: Թեղինեաց ու Մաքենացոց անապատները
Ժ.Ա. — Ժ.Գ. դարերում մեծ հռչակ ունէին. Կիլիկեցիք
կամենալով կրօնաւորութիւնն ու աստուածալաշտութեան
կարգը իրանց գաղթավայրում հաստատել, սրանց էին
դիմում:

Ժէ. դարի սկզբում վերջին թափով սկսում է կրօ-
նական եռանդ Մովսէս Խոտանանցու և Փիլիպպոս Աղ-
բակեցու ջանքերով, երբ սրանք դեռ երիտասարդ էին:
Այնուհետև սկսում է հայ կրօնաւորութեան ու վանա-
կանութեան անկումն իբրև բնական հետևանք Շահ-Աբաս
Մեծի արշաւանքի և մեծ դաղթականութեան, երբ երկիրն
ու վանքերը աւերակ մնացին, խանգարուեցին կարգերն
ու կանոնները: Բազմաթիւ վանքերից ու անապատներից
շէն են մնացել միայն մի քանի հատ, որոնք սակայն
իրանց սկզբնական նպատակից բոլորովին հեռացած, այլ
ևս հրեշտակական վարքով կրօնաստաններ չեն. — փոխա-
նակ ամեն ինչ հասարակաց լինելու՝ ջոկ ջոկ է, — թէ կե-
րակուրը թէ հանդերձը.

Կրօնաստաններ մնացել են ուսաց Հայաստանում՝ Սեանայ անապատը Սեանայ լճի մի կղզու վերայ, Տաճկաց Հայաստանում՝ Աղթամար, Կտուց, և Լիմ անապատները Վանայ ծովի կղզիների վերայ։ Վերջիններս իրանց կանոնները ընդօրինակել էին Սեանից և սեանեցոց պէս էին կենցաղավարւում։

Նոյն իսկ կղզիների վերայ այս անապատներում վանականները այլ ևս կրօնաւորներ չեն. թէ կենցաղավարութիւնը և թէ աստուածապաշտութեան կարգերը նմանացրել են աշխարհիկ եկեղեցականներին ու եկեղեցիներին։

Մայրավանքերում, որպիսի է Էջմիածինը, Երուսաղէմի ս. Յակովբեանց վանքը, աւելի պաշտօնավարող անձինք են պատրաստւում ու ապրում քան վանականներ. ուսումնական, տնտեսական և վարչական զբաղանքները քիչ ժամանակ են թողնում կրօնաւորական պարտաւորութիւնների կատարման համար։ Հասարակ վանքերը այնքան ազգատացել և անչքացել են, որ հազիւ կարողանում են բաւարարել մի վարդապետի, միաբանութիւն չըկայ, ուր չըկայ միաբանութիւն՝ այնտեղ չի կարող լինել վանականութիւն և կրօնաւորական կեանք։



Ա. ԺՈՂՈՎՆԵՐԻ ԿԱՆՈՆՆԵՐ.

- 1) Անապատականները իրաւունք չունեն եկեղեցու ս. խորհուրդները ժողովրդին մատակարարել. (Ա. ժող. Վաղարշապատում գումարուած 325 թ. յօդ. Ի.)։
- 2) Ճգնութեան համար իւր կինը թողնող մարդը նզոված է, (նոյն յօդ. ԻԴ.)։
- 3) Եղբայրանոցները, Մենաստանները և առաձնակեացների խրճիթները անապատներում պէտք է լինեն. (Աշտիշատի ժողով յօդ. Զ.)։
- 4) Կրօնաւորներն ու անապատականները աշխարհա-

կանների գործերին չը պէտք է խառնուեն, այլ միշտ առանձնացած կեանք պէտք է վարեն. (Վաղարշապատի Գ. ժողով. յօդ. ԻԳ.):


5) Հաց եփելու, կով կթելու կամ ուր է գործի պատրուակով վանքը կին չը մտնի (Դվ. Բ. ժող. յօդ. ԼԳ.):

6) Անապատականները արև մտնելուց առաջ իրանց անապատը դառնան. (Դվ. Բ. ժող. յօդ. ԼԴ.):

7) Վանականները աշխարհականների տներում չիջևանեն, այլ մերձակայ վանքում. եթէ վանք չը գտնուի, աւագերէցի տանը. (Դվ. Բ. ժող. յօդ. ԼԵ.):

8) Կրօնաւորները տեղից տեղ չը պէտք է փոփոխուեն. (Պարտաւի Բ. ժողով յօդ. 2Ե.):

9) Կրօնաւորները միս պէտք է չուտեն և ստացուածք պէտք է չունենան. (Ստոյ Ա. ժողով յօդ. Ը.):



Բ. Ս. ՀԱՅՐԵՐԻ ԿԱՆՈՆՆԵՐ.

(Կանոնագիրք. Գէորգեան ցուցակ № 447.)

— Կրօնաւորն՝ կանանց խոստովանութիւն մի իշխեսցէ առնել. բայց եթէ մերձ ի մահ հիւանդաց: Շնհ. ՃՍ. (Շնորհալի).

— Կրօնաւորն կացցէ և մնացցէ յանապատի՝ ուր կացեալն է, թէ և բորոտեսցի և ուրկանայցէ: Հայ. ԺԵ. (Հայոց ժողով ի Շահապիւան).

— Կրօնաւորութիւն թէ յանձն առնուցու ոք՝ ի վանս կացցէ ընդ եղբարս, և թէ որպէս պարտի կեալ և զգուշանալ յամենայն մոլորութեանց: Լուսաւորչ. ԻԱ. Գ. Բրս. (Գ. Բարսեղ Կեսարացի).

— Վանականք կամ քահանայք մի իշխեսցեն բաժանել զչնորհս եկեղեցւոյ ընդ ծախուց, այսինքն, մասրաֆից

խըրեանց, այլ որ ինչ կարգեալ է ի սրբազան հարց՝ այնու-
շատասցին, որոյ շատ է հասն զշատն կերիցէ, և որոյ սա-
կաւ՝ զսակաւն. բայց զլոյս ճրագի և զպաշտօն եկեղեցւոյն
մի խափանեացեն և զմանկունս ուխտին ուսուցանել մի
հեղգասցին: Դ. Ե. (Իմիսի):

— Վանականք թէ գտցին ի մտութեան ինչ, արտաք-
սեացին: Վ. Ը. (Վաղարշապատ, Ը.):

— Վանականք մի իշխեսցեն զինուորականս զգենուլ,
կամ վաճառականս լինել. և մի զհոգևորականս պաշտօնն
թողեալ՝ մարմնաւոր գործոյ պարապել, և մի ձիաբոյժս,
այլ և՛ ի կերակրոց ևս պատրաստ լիցին: Առաք. Զ. և ԼԳ.
Ներսէս Աշտր. ԼԶ:

— Վանականք մի խառնեացին յիրս աշխարհականաց,
այլ վարեացեն կեանս հրեշտակականս, կուսութեամբ պար-
կեշտացեալ մարտնչելով միշտ ընդ ախտս: Սահակայ Պար-
թևի Գ. և ԼԵ:

— Վանականք մի օթեացին ի տունս աշխարհականաց,
այլ ի վանս կամ ի տունս աւագ երիցոյն. Ներսէս Աշտա-
րակեցի:

— Վանահարք ի վանաց ի վանս մի տեղափոխեցին.
այլ կացցեն՝ ուր կրօնաւորեցանն. բայց թէ կոչեացեն
յառաջնորդութիւն վիճակացն: Սիօնի հայոց կաթողիկոսի:

— Վանահարս կարգել կամ ընկենուլ մի իշխեսցեն
աշխարհական իշխանք ըստ կամաց իւրեանց, և մի բնակիլ
ի վանս յանդգնեացեն, եթէ ոչ՝ նզովեալ եղիցին: Իվ. Ժ.

— (Ի) վանս բնաւ երբէք մի մացէ կին կամ հաց
եփելոյ, կամ կով կթելոյ և կամ վասն այլ ինչ պատճա-
ռաց և կամ գործոց: Ներսէս Աշտարակեցի. ԼԳ:

(Զ) վանս մի իշխեսցեն պղծել երգօք գուսանաց, և
մի օթեացին հեծեալք, որք յանդգնին՝ արհամարհեալ
լիցին ի սրբոց վկայից և տարագրեալ յօրհնութենէն: Իվ.
ԺԲ. ՄԽ. ՄԺԱ:

(Է) վանս ուրեք՝ եթէ վանականք բազումք են, և
ժողովուրդ սակաւ, և յայլ վանս՝ վանականք սակաւ և
ժողովուրդ բազում, առցեն ի բազում ժողովրդենէ և

տացերն վանուց՝ որոյ վանականք են բաղում: Վաղարշապատ, Թ:

—Վանքդ անուն հանգստարանք են սրբոց և օթեւանք եպիսկոպոսաց, քահանայից, արեղայից, սարկաւազաց և աղքատաց: Իվ. ԺԲ. (Ներսէսի շինողի):

—Վանք հաստատեցան անդ վասն մանկանց եկեղեցւոյ, և ոյք հրաժարեցան յաշխարհէ՝ անդ մտեալ մաքրութեամբ կացցեն և վասն աշխարհի աղօթեացեն և շն: Բ. Սահակայ Պարթևի. Գ: Մխ. Գ:

—Վանք շինեցան ի գեօղս, զի անդ հանդիցեն առաջնորդք, հիւրք և աղքատք: Սիօնի հայոց կաթողիկոսի Ը:

Ա Մ Փ Ո Փ Ո Ի Մ Ն

Կրօնաւորութիւնն ու անապատականութիւնը քրիստոնէական եկեղեցու մէջ սկսուել և շարունակուել է հենց առաջին դարից, որպէս հետեւանք անսահման շերմեռանդութեան, և հալածանքի, որ հրէայ և հեթանոս աշխարհը վարում էր քրիստոնէութեան դէմ: — Կրօնաւորութեան նախագաղափար համարում են հին ուխտից՝ Եղիա մարգարէն, նոր ուխտից՝ Յովհաննէս Մկրտիչը:

Կրօնաւորութիւնը որոշ կարգի և կանոնի տակ դրուեց Ի. դարից. մինչև այդ նրանք ապրում էին խորին առանձնութեան մէջ հեռաւոր անապատներում, անձաւներում ու քարայրներում: Կրօնաւորների խմբական կենակցութեան հիմնադիրներն են Անտոն Անապատականը և յատկապէս՝ Իլլարիոնը:

Կրօնաւորները ոչ մի եկեղեցական կարգ ու աստիճան չունէին. նրանք միայն աղօթողներ էին:

Հոգևորականութիւնը բոլորովին առանձին դասակարգ էր. ոչ ինչ առնչութիւն չունենալով կրօնաւորների հետ: Մինչև հինգերորդ դարը հոգևորականները առանց բացառութեան ամուսնացած էին, և ամուսնացած հոգև-

ւորականութիւնը կրօնաւորներից ու վանականներից ջոկուելու համար կոչուում էր աշխարհիկ հոգևորականութիւնն:

Աշխարհիկ հոգևորականութեան մասն էին կազմում եպիսկոպոսներն ու երէցները կամ պրեսֆիտերները, որ վարում էին եկեղեցու վարչական գործերը: Եպիսկոպոսներն ու երէցները (այժմեան վարդապետ) ամուրի դառնալ սկսեցին Դ. դարի երկրորդ կէսից և, ամուրի դառնալով իւրացրին կրօնաւորների սքեմը նրբացրած:

Առաքեալը ասում է, որ եպիսկոպոսը, երէցը, սարկաւազը մի մի կին պէտք է ունենան: Այս պատուէրը տալիս՝ առաքեալի նպատակը եղել է պատուիրել, որ դրանք բազմակին չը լինեն: Բայց յետոյ, երբ սկսել է վարիչ հոգևորականութեան ամուրիութիւնը, առաքեալի այդ պատուէրի միտքը յեղափոխուել է այնպէս, որ այրիացածը եթէ երկրորդ կին է առել, չի կարող հոգևորական լինել, կամ, հոգևորականը, երբ այրիանում է, չի կարող երկրորդ անգամ ամուսնանալ, եթէ վերահաստատուի առաքեալի պատուէրի իսկական միտքը թէ եպիսկոպոսը, երէցը և սարկաւազը բազմակին պէտք է չը լինին, ինչպէս էին առաքեալի օրով հեթանոսներն ու հրէաներն անգամ, այնուհետև այրի հոգևորականների նորից ամուսնանալու խնդիրը ինքն ըստ ինքեան կը լուծուի դրական կերպով:

Եկեղեցին չէր տուժի, եթէ վարիչ հոգևորականութիւնը—եպիսկոպոսներ, վարդապետներ—իբրև մասն աշխարհիկ հոգևորականութեան, ամուսնացած լինէին ինչպէս այդ կատարւում է արդէն անգղիական եպիսկոպոսական եկեղեցում:

Վանականներն ու կրօնաւորները պէտք է չունենան ոչ մի հոգևոր աստիճան, այլ որպէս պարզ աղօթաւորներ վանքերում և անապատներում ճգնեն. նրանց համար սրպէս խոստովանահայր և սրբազնագործ պաշտօնեայ կարելի է նշանակել ծերունի քահանաներ, որոնք յօժարութիւն կունենան կամովին առանձնանալ աշխարհից և վանական կամ կրօնաւորական անդորրութիւն:


վայելել: Այսպէս էր հնումն:

Կրօնաւորները պէտք է աղօթքով իրանց հոգու անունդը հայթայթեն և մարմնաւոր աշխատութեամբ՝ մարմնոյ, ուրեմն նրանք, աղօթքի ժամերից դուրս, պէտք է վաստակեն իրանց վանական ագարակում, գործեն իրանց արհեստը՝ եթէ գիտեն, ինչպէս անում էին Եգիպտոսի կրօնաւորներն ու անապատականները, ինչպէս անում էր Բարսեղ կեսարացին՝ կապադովկիայի կրօնաւորութեան հիմնադիրը:

Կրօնաւորներին պէտք է արգելուի շատաշրջիկութիւնը, թափառումները և յաճախակի տեղափոխութիւնը:

Եթէ կրօնաւոր է, նա պէտք է հաւատարիմ մնայ իւր ուխտին. չը պէտք է ձգտի հոգւոր աստիճանների, փափկակեցութեան, սնափառութեան, պճրանքի և պաշտօնների. ով այդ բաներին հակումն ցոյց կը տայ նա կրօնաւոր չի կարող լինել և պէտք է հեռացուի կրօնաւորութիւնից:

Բնական կրօնաստաններ այժմ կարող են լինել մեկուսացած վանքերը, որպիսի են ռուսահայրում Սևանն ու Գեղարդայ վանքը: Մնացած վանքերը, որոնք գիւղերի մօտ են, պէտք է գիւղական եկեղեցի դառնան:



Յ Ա Ի Ե Լ Ո Ի Ա Ծ

Ժամանակի հոսանքին նայելով, երևի, ոչ հեռաւոր ապագայում վանականութիւնն ու կրօնաւարութիւնը իրանց կարգ ու կանոններով պատմական անցքերի շարքը կանցնեն և կը դադարեն գոյութիւն ունենալուց: Կամենալով ծանօթացնել ընթերցողներին Ռուսաց Հայաստանում գոյութիւն ունեցող կրօնաւորական միակ հաստատութեան կենցաղի և կարգ ու կանոնի հետ, այլ և թողնել նոյնը ապագայում ուսումնասիրութեան նիւթ գիմեցի, և շնորհակալութեամբ ստացայ Սեանի վանահայր Տ. Սարգիս սրբազան եպիսկոպոսից Սեանեցոյ կենցաղի և աստուածպաշտութեան նկարագիրը:

Ա.

«ՍԵՒԱՆԱՅ ԿՐԾՆԱԻՈՐԱԿԱՆ ԿԵԱՆՔԸ»

Յատկապէս Սեանայ միաբանութեան համար կազմած որ և է գրաւոր կանոն գոյութիւն չունի. բայց Մանուէլ վարդապետ Գիւմուշխանցու գրած Սեանայ պատմութեան մէջ եօթ յօդուածից բաղկացած մի կանոն կայ, որը, ինչպէս պատմագիրն է ասում, կազմուած է եղել ոչ միայն Սեանայ, այլ ընդհանրապէս բոլոր վանքերի կրօնաւորների համար որը յետոյ մտած է և Սեան: Ահա այդ հատուածը, որ հանում ենք յիշեալ գրքից, երես 48—52:

«Քանզի ներկայ հարքն (Սեանայ) կամէին ցուցանել մեզ թէ ի Մաշտոց վարդապետէ սկսեալ՝ Բարսեղեան կանոնիւք վարելցեալք են միաբանք Սեանու մինչև ցայժմ, բայց յոյժ բարեգոյն է ասել, յիրաւի յառաջն Մաշտոցիւ այն Բարսեղեան կանոնք մտեալ են ի Սէվան, սակայն յանցանել ժամանակաց և ի փոփոխել տէրութեանց և ամայութեանց վանօրէից, ամենայն բարեկարգութիւնք վերիվայր տապալեալք և անյայտ մնացեալ էին, մինչև ի (ժամանակս) Սարգսի եպիսկոպոսի և հետևողացն նորա, որ

ակիղքն արար ի Սիւնեաց գաւառի Մաքենիս կոչեցեալ վանուց, ուր և Մաշտոց վարդապետ զառաջինն անդ էր զարգացեալ և սնեալ:

Այս Սարգիս եպիսկոպոս ակիղքն էր առաջնորդ Սաղմոսավանից, ի նոյն գաւառէ Սրագածոտան, ի գեղջէն, որ ասիւր Յարենի, մերձ ի Կարբի, որ մականուամբ Պարոն—Տէր կոչուր սոյն Սարգիս եպիսկոպոս: Հրաշալի պատահմամբ իւրք և ինքն հրաժարեալ յառաջնորդութենէ իւրմէ, գնաց ի սուրբ Երուսաղէմ, պատահեալ ի ճանապարհի Տրապիզոնի Կիրակոս անուն քահանայի միոյ առն առաքինասիրի, ընկերացեալ միմեանց խորհին՝ ի վերադարձի իւրեանց ի պատշաճ տեղւոյ մենարանս հաստատեալ աղօթեսցեն ընկերակցաբար, ըստ գրութեան Սուաքել պատմչի, ԻՍ.

«Որք եկեալ ի սիւնեաց գաւառ հիմնարկեցին զաստուածահաճոյ բողձանս իւրեանց, եկեալ բազմութեանց հոգևորականաց և աշխարհականաց յարին ի սոսա ջերմեռանդ սիրով, նմին իրի միաբան խորհրդով Սարգիս եպիսկոպոս և Կիրակոս քահանայ եօթն գլուխ կանոնական բարեկարգութիւնս սահմանեցին կրօնասիրութեան իւրեանց, որք են այսոքիկ:

«Առաջին քան զամենայն՝ յամենայնի հնազանդ լինել Սուաջնորդին:

«Երկրորդ յամենայն աւուր յայգոյն և յերեկոյին զխորհուրդս մտաց և զյանցուածս աւուրն խոստովանել:

«Երրորդ՝ ոչ ունիլ ումեք առանձին ստացուած ինչ, և ոչ պահել ինչ ի սենեկի, և ոչ ուտել բնաւ անդէն, յանձն արարեալ զամենայն խնամս նախ յԱստուած և ապա յԱռաջնորդն:

«Չորրորդ՝ զամն ողջոյն պահօք անցուցանել. բաց յաւուրց կիւրակէից և շաբաթու և տէրունական տօնից. իսկ ի մտոյ և ի գինւոյ իոպառ հրաժարել:

«Հինգերորդ՝ յաւուրն մի անգամ ճաշակել և հաւասար բաժանել զկերակուրն մեծի և փոքու, և ընթեռնուլ զգիրս ի սեղանի:

Վեցերորդ՝ յամենայն շաբաթս և ի տէրունական տօնս զգիշերն հսկմամբ անցուցանել, և յառաւօտուն անխափան պատարագ մատուցանել:

Եօթներորդ՝ ի հարկանել կոչնակի, ամենեցուն միաբան գնալ յեկեղեցին և ի սեղան լուծեամբ և խոնարհութեամբ:

«Եւ ի վեր քան զամենայն, իբր գլուխ ամենայն կանոնաց եղին զայս, այսինքն է ամենեցուն ջանալ սուրբ պահել զմիտս իւրեանց և ճգնել ի մեռուցումն ախտից, ի խօկումն աստուածային իրաց և յընթերցումն գրոց»:

«Եղին և կարգ և ձև ի կրօնաւորական սքէմս, զի խանգարեալ էր այն և յօրինեցին զեկեղեցական զգեստս ըստ իւրաքանչիւր աստիճանի, և որոշեցին զժամանակ պաշտամանց իւրաքանչիւր ժամակարգութեանց, սահմանեցին և զայլ բազում բարեկարգութիւնս, որովք կառավարին ցայսօր ամենայն կրօնաւորաց վանօրայք Հայաստան աշխարհի, մինչ զի ի Կուտուց և ի Լիմ հռչակեալ անապատին ևս՝ յընկերաց և ի դաստիարակելոցն ի սոցունց ուսան զկրօնաւորական վարս»:

«Քանզի Ներսէս Մոկացի, որ մականուանեալ Պեղլու կոչիւր, գնաց ի գաւառն Վասպուրականի (1622, Ռ.ՀԱ), և մտեալ ի կղզին Լիմ կոչեցեալ, նորոգեաց զվանան, և ժողովեաց անդ զբազմութիւն առաքինի անձանց, և առաջնորդէր նոցա ըստ նախակարգեալ կանոնաց, և ի բազմանալ կրօնաւորաց, անցին և ի Կուտուց, ուր և ժողովեցան կրօնաւորք բազումք»:

«Սոցին նման և Կարապետ եպիսկոպոս յետ ամաց ինչ եկեալ ի Սէվան կղզի, բարեկարգեաց ըստ վերոգրեալ կանոնաց»:

*
* *

Ժուժկալութեան այս պատկառելի կանոնը թէ որքան ժամանակ է գործադրուել Սեանում, յայտնի չէ. միայն հաւանական է կարծել, որ ժամանակի ընթացքում հետզհետէ փոփոխութեան է ենթարկվել:

Սեանում ճաշու ժամն արձակվելիս միաբանները սեղան են գնում, ուր ճաշի ժամանակ նրանցից մէկը կարդում է Հարանց վարքից, (վերջերս Սարգիս շնորհալու յորդորակներից):

Ուտիս օրերին պաշտօնապէս նաւակատիք է: Յատկապէս միաբանաց համար միս մորթւում է տարուայ մէջ երկու անգամ. ջրօրհնեաց տօնին և բուն բարեկենդանին. թէև միաբանները մսեղէն ուտում են, այն ժամանակ, երբ ուխտաւորները նրանց մատաղի են հրաւիրում:

Եթէ նախկին հրեշտակակրօն անապատականներից մի բան մնացել է անփոփոխ, այդ կրօնաւորական սքեմն է (քուրճ. կոշտ շալից հագուստ*):

Բ.

ՍԵՒԱՆԱՅ ԺԱՄԵՐԳՈՒԹԵԱՆ ԿԱՐԳԸ (ըստ հնումն).

Տարուայ մէջ ամեն օր չորս անգամ ժամերգութիւն է կատարվում. առաւօտեան, ճաշու, երեկոյեան և հանգըստեան:

Առաւօտեան ժամն սկսվում է այնպէս, որ վերջանում է արևածագին մօտաւորապէս, շատ քիչ բացառութեամբ, և տևում է 2 ժամ հասարակ օրերին, 3 ժամ շաբաթ և կիւրակի օրերին, 7 ժամ հսկումներին և 8 ժամ դատկի հսկումին:

Ճաշու ժամն սկսվում է ամառը 8—9 ժամին իսկ ձմեռը 9—10 ժամին մօտաւորապէս և տևում է 1½ ժամ հասարակ օրերին, 2 ժամ պատարագ օրերին, և մէկ ժամ առաջաւորաց պատին:

Երեկոյեան ժամն սկսվում է 4—5 ժամին ամառը, և 2—3 ժամին ձմեռը, և տևում է մի ժամ հասարակ օրերին, 1½ ժամ և աւելի՝ հանդիսաւոր տօներին:

*) Մենք տեսել ենք Սեանայ միաբանների մէջ նուրբ կերպատից և Վանայ գունաւոր ու շողշողուն շալից վերարկու հագնող մետաքսեայ շղարչից վեղար կրօններ ևս:

Հանգստեան ժամն սկսուած է արևը մայր մտնելուն
և տեսուած է ուղիղ կէս ժամ:

*
* *

Առաւօտեան ժամերգութիւնը բաղկացած է երեք
մասից, գիշերային ժամ, առաւօտեան և արևադալի:

Ժանսօթութիւն: Տէրունական տօներին Արևադալի ժամ
չէ ասուած:

Ճաշուն երկու մասիցն է. երեք ողորմեան և բուն
ճաշուն (ժամամուտ ճաշու շարական, Սուրբ Աստուած,
գիրք, Աւետարան, հաւատամք և ըն.):

Ժանսօթութիւն: Առաջաւորաց պատին մի միայն երեք
ողորմեա, իսկ մեծ պատի հասարակ օրերին երեք ողոր-
մեա և նորան կից երեկոյեան ժամ:

Երեկոյեան ժամը երկու մասից է, բուն երեկոյեան
և խաղաղական ժամ:

Ժանսօթութիւն: Տէրունական տօներին և շաբաթ երե-
կոյեան խաղաղական չէ ասուած:

Հանգստեան ժամը մէկ մասն է.— Եկեացէն:

*
* *

Գիշերային ժամին, ամենից տուաջ, երկու վարդապետ
(աւագ երէցը աւագ գասից և ժամօրհնողը աշակերտի
գասից) գալիս են ատեան և մի կանոն Սաղմոս ասում
գրական վերայ փոխ առ փոխ: Սկսում է աւագ երէցը—
Ալէլուիա, ալէլուիա: Հետեւում է ժամօրհնողը— Երա-
նեալ է այր որ:

Ժանսօթութիւն: Ժամ օրհնելը և աւագ երիցութիւնը
հերթով է: Աւագ երէցը յաջորդ օրուայ ժամ օրհնողն է:

Սաղմոսի կանոնը որոշված է աւուր ձայնի համեմատ
հետեւեալ կարգով:

Ա.Ձ. Մի նախանձիր

Գ.Ձ. Խոստովան

Ա.Կ. Ողորմեա

Գ.Կ. Ի նեղութեան

ԲԶ. Իբրև

ԴԶ. Երանեալ

ԲԿ. Տէր ապաւէն

ԴԿ. Երկինք պատմեն:

Սաղմոսից յետոյ ամեն օր ասվում է Հրատարիմք, Խոստովանիմք, Մեղայ, Ողորմեսցի. Օրհնեալ Տէր մեր: Հայր մեր: Տէր եթէ զշրթունս: Տէր զի բազում-ը ասում է սարկաւազը թիւ: Միմիայն հսկումներին են ձայնով ասում Ատեան կանգնած:

Յիշեսցուք, զարթիք, զարթիր ընդէր, զարթուցեալքս. Անբաժանելի, երգվում է ամեն շաբաթ ու կիւրակի, նաև պատարագ օրերին:

Ծանօթութիւն: Երեք օր, այն է Հռիփսիմեանց, Գայի-անեանց և Յովհաննու Մկրտչի և Աթանազինէ եպիսկոպոսի տօներին, թէև պատարագ չէ լինում. սակայն Յիշեսցուք և Աշխարհ ամենայն է երգվում և գիշերապաշտօն է կատարվում: Այդպէս և ամեն շաբաթ օրերը:

Զարթուցեալքս քարոզը ասվում է թիւ. իսկ շաբաթ ու կիւրակի, նաև պատարագ օրերին՝ ձայնով: Զարթուցեալքից յետոյ պաս օրերին հարիւր Տէր ողորմեա, թիւ. Սրբոց տօներին (բացի շաբաթ օրից) յիսուն Տէր ող. Տէրունական տօներին երեք Տէր ողորմեա. Ամեն շաբաթ օր և պատարագ օրերին, եթէ սրբոց տօն է, Աշխարհ ամենայն:

Ամեն կիւրակի և պատարագ օրերին, եթէ պաս է, կամ տէրունական տօն, — Առաւօտ լուսոյ:

Զքէն գոհանաւք աղօթքից յետոյ աւագ երէցն ու ժամօրհնողը նորից երկու կանոն սաղմոս են ասում ատեանում. իսկ մնացեալ միաբանները դասերում երկերկու եղած նոյն երկու կանոնն են ասում, բոլորը ցած այնպէս որ միմեանց չեն խանգարում:

Սաղմոսի երկու կանոնը որոշուած է աւուր ձայնի համեմատ հետևեալ կարգով:

- | | |
|---------------------|----------------|
| Ա.Զ. Երանեալ. | Երկինք պատմեն. |
| Ա.Կ. Երկինք պատմեն. | Մի նախանձիր. |
| Բ.Զ. Մի նախանձիր. | Ողորմեա. |
| Բ.Կ. Ողորմեա. | Իբրև. |

Գ.Զ. Իբրև.	Տէր ապաւէն.
Գ.Կ. Տէր ապաւէն.	Խոստովան.
Դ.Զ. Խոստովան.	Ի նեղութեան.
Դ.Կ. Ի նեղութեան.	Երանեալ:

Վերջին կանոնի վասն քարոզն ու աղօթքը առ այժմ թողնում են:

Պաս օրերին սաղմոսից յետոյ անմիջապէս սկսում են ապաշխարութեան օրհնութիւնը: (Եթէ հասարակ պատուրբաթ օր է, օրհնութեան կից ասում են նաև ապաշխարութեան մանկունքը): Օրհնութիւնից յետոյ սաղմոսի առաջին մաղթանքը, «Վասն» քարոզն ու աղօթքը «Թագաւոր յաւիտեան» սաղմոսի վերջին մաղթանքը. Հայր մեր:

Իսկ տէրունական և սրբոց տօներին, սաղմոսի վերջին կանոնից յետոյ դասէ դաս երգում են նոյն կանոնի (աւուր ձայնի) կանոնագլուխը, սկսում են աւագ երիցու դասից: Ապա Հայրմեր, Զսաղմոսերգութիւնս, դաղօթս: Եւ ևս խաղ. Օրհնութիւն և փառք: Ապա սկսում են աշակերտի դասից Օրհնութեան շարականը: Եթէ սրբոց տօն է. մաղթանք. Բարեխօսութեամբ սրբուհւոյ Աստուածածնին. իսկ եթէ տէրունական տօն է, մաղթանք. Փառք հրաշափառ Տէրութեան Քո:

Ապա ասում են վերջին կանոնի թողած վասն քարոզն ու աղօթքը: Վասն քարոզն ասվում է թիւ. իսկ կիւրակի ձայնով: Զայնով է ասվում նաև այն օրերին, երբ Օրհնութիւնը ատեան է ասվում:

«Ալէլուիա». տէրունական տօներին, իսկ «Թագաւոր յաւիտեան» Սրբոց տօներին: Ապա սաղմոսի վերջին մաղթանք. Հայր մեր:

*
* * *

Բայց ամեն շաբաթ ու կիւրակի, նաև պատարագ օրերին գիշերապաշտօն է կատարվում հետևեալ կարգով: Կանոնագլխից յետոյ, երբ Հայր մերն և Զսաղմոսերգութիւնսն ասվում է. սկսում են Հանգստեան շարական Աւագ դասից, աւուր ձայնից:

Ժանութիւն: Զայնքաղ շարականոցի մէջ Հանգստեան Օրհնութեան շարականները իւրաքանչիւր ձայնից 12 հատ են: Օրինակի համար դնենք այստեղ Ա.Զ շարականը ամբողջապէս:

Հանգստեան	Քեզ վայելէ Աստուած.
Հանգստեան	Զայնարկեալ կենարարին.
Հանգստեան	Զհոգիս ծառայից քոց.
Մեծ պասի կիւրակի	Ողորմեա ինձ Աստուած.
Ապաշխարութեան	Հայր բազումողորմ.
Ապաշխարութեան	Աստուած բազումողորմ.
Մարտիրոսաց	Ժողովեալքս ի յիշատակ.
Ղազարու	Այսօր գոլով ի Բեթանիա:
Յարութեան	Անճառելի Հօր էակից.
Հոգեգալստեան	Որ յամենայնի ես.
Աստուածածնի	Որ զաւետիս Հոգւոյն.
Խաչի	Հրաշակերտ և զօրեղ:

Այս շարականներից Սրբոց տօների և պաս օրերի գիշերապաշտօնին երգվում են Հանգստեան, ապաշխարութեան, մարտիրոսաց Աստուածածնի և Խաչի շարականները, 8 հատ:

Իսկ տէրունական տօնի գիշերապաշտօնին երգվում են Հանգստեան, մեծ պասի կիւրակէի Ղազարու, Յարութեան, Աստուածածնի և Խաչի շարականները, 8 հատ:

Իսկ Հոգեգալստեան մէկ շարականը մնում է: Այդ շարականը երգվում է միայն հասարակ կիւրակէներին և Հոգեգալստեան տօնի օրերին, որովհետև այդ օրերի Օրհնութեան շարականներին գալսեան չ'կայ:

Այս կանոնով է դասաւորուած և այս կանոնով է երգվում և միւս ձայներինը:

Մեծ պասի շաբաթ օրերին Հանգստեան-ի փոխանակ երգվում է «Ապաշխարութեան» աւուր ձայնի համեմատ:

Իսկ մեծ պասի կիւրակէներին և Խաչի կիւրակէներին, — Այսօր անճառն ամբողջ վեց փոխը:

Հանգստեան կամ Խաչի սաղմոսից յետոյ կարդաց-

վում է Աւետարան աւուր ձայնի և տօնի համեմատ հե-
տևեալ աղիւսակով:

1. Յարութեան կիւրակէներին կարգացվում է տա-
ճարի աւետարան:

2. Մեծ պասի և Խաչի կիւրակէներին — Խաչելութեան:

3. Տէրունական լուր օրերին, սրբոց տօներին և պաս
օրերին — Հանգստեան:

4. Մեծ պասի շաբաթ օրերին ապաշխարութեան շա-
բաղանից յետոյ կարգացվում է ապաշխարութեան Աւե-
տարան՝ նոյնպէս աւուր ձայնից:

Մատ. Այլ առակ էարկ. ԺԳ. 24.

Մարկ. Եւ ասէ ցնոսա. Դ. 21.

Լուկ. Հուր եկի արկանել. ԺԲ. 49.

Յոհ. Եթէ ես վկայեմ. Ե. 31.

Տաճարի և Հանգստեան Աւետարանից յետոյ՝ Աստ-
ուած անեղ ձայնից. ապա Հոգւոց.

Խաչելութեան Աւետարանից յետոյ՝ Նորոգողն ամբողջ
(4 փոխը միասին). ապա Հոգւոց.

Ապաշխարութեան Աւետարանից յետոյ միայն Հոգւոց:
Հոգւոցի Հայր մերից յետոյ մաղթանք — Տէր Յիսուս Քրիս-
տոս Քո անճառելի (տէրութեանդ) շնորհիւ և անարատ
ճնողիդ բարեխօսութեամբն լուսաւորեալ պայծառացն
զհոգիս համօրէն հաւատացելոց յուսով ի քեզ ննջեցելոց
և մանաւանդ այնոցիկ որք ընդ հովանեաւ սրբոյ տաճա-
րիս են հանգուցեալ: Եւ ևս խաղաղ. Օրհնութիւն և
Փառք Հօր: Ապա սկսվում է աշակերտի դասից Օրհնու-
թեան շաբաղանը և այլն:

Ծանօթութիւն: Վերայգրեալ մաղթանքը ամբողջապէս
բերի այստեղ նորա համար, որ մեր ժամագրքերից ոչ
մէկում չկայ գրած:

*
*
*

Հսկում կատարւում է տօնացուցի համեմատ տարե-
կան տասն անգամ, — Ծննդեան, Տեառնընդառաջին, Ծաղ-
կազարդին, Աւագ ուրբաթին, Զատիկին, Նոր կիւրակէին,

Հոգեգալստեան, Վարդավառին, Վերափոխման և Խաչ-
վերացին:

Հսկումը հասարակ գիշերային ժամերգութիւնից
տարբերում է նախ՝ նորանով, որ «Եկեոցէ»-ի հետ կից է
ասվում, (Եկեոցէից յետոյ Հրաժարիմք և այլն): Եւ երկ-
րորդը նորանով, որ կանոնագլխից առաջ փոխանակ ամե-
նօրեայ երկու կանոն սաղմոսի ասվում է ամբողջ ութ
կանոնը: Սովորականի պէս աւագ երէցն և ժամօրհնողը
ատեան դալով գրակալի վերայ և Զքէն գոհանամք աղօթ-
քից յետոյ սկսում են Սաղմոսը Երանեալ կանոնից. իսկ
միաբաններն եկեղեցու զանազան տեղերում երկ-երկու
կանգնած ասում են միևնոյն կանոնը: Յած ձայնով են
ասում բոլորը, մի անոյշ շշուկ տարածելով ամբողջ եկե-
ղեցու մէջ:

Առաջին (Երանեալ) կանոնն աւարտելուց յետոյ դա-
սէգաս երգում են աւագ օրհնութիւն ԴԿ. ապա նոյն
ձայնից ապաշխարութեան օրհնութիւն և մանկունք վերջին
երկու տներին՝ վառք, այժմ և միշտ:

Շարականից յետոյ նոյն կարգով սկսում են սաղմոսի
երկրորդ կանոնը (երկինք պատմեն) ապա ԱԶ. աւագ
օրհնութիւն, ապաշխարութեան օրհնութիւն և մանկունք:

Եւ այգպէս իւրաքանչիւր կանոնի վերջում երգում
են նոյն կանոնի ձայնից աւագ օրհնութիւն, ապաշխա-
րութեան օրհնութիւն և մանկունք: Աւագ ուրբաթին մի-
այն ապաշ. օրհ. և մանկունք. իսկ Զատիին և նոր կիւ-
րակէին միայն աւագ օրհնութիւն:

Վերջին կանոնից (ի նեղութեան) յետոյ և ԴԶ. շա-
րականներից յետոյ սկսում են աւուր ձայնի կանոնագլուխը
են: Մնացեալ ասմունքը սովորական կարգով է մինչև
առաւօտեան ժամերգութեան վերջը:

*
* *

Գիշերային ժամերգութեան կից ասվում է Առաւօ-
տեան ժամը: Լցաք առաւօտու: Հարցի և բոլոր շարա-
կանների փոխերը ասվում են մինչև վերջը, ապա սկսվում

է շարականը, Հարցի փոխին դասէդաս Օրհնեալ է Աստուած են երգում:

Հարցի շարականի առաջին կէսը (մինչև գործատուն) իւրաքանչիւր տուն ասվում է երեք անգամ, իսկ գործատնից մինչև վերջին տունը — երկու անգամ: Երկու անգամ են երգվում նաև բոլոր շարականների տները, միայն կիւրակամտի Սուրբ ես տէրը չէ կրկնվում:

Հասարակ պաս ուրբաթ օրը հարցը հանգստեան է ասվում, իսկ մանկունքը խաչի:

Փառք ի բարձունս ատեան է ասվում բոլոր կիւրակէներին (բացի մեծ պասից) և Զրօրհնեաց ու թլպատութեան տօնին, և աւագ ուրբաթին:

Ծանօթութիւն: Ամեն անգամ ատեան ելած ժամանակ, թափորի նախատօնակի և այլն, մաղթանքները հանդիսագիրն է ասում և ոչ ժամօրհնողը:

Տէր ամենակալը միմիայն մեծ պասին է ասվում:

*
* *

Առաւօտեան ժամերգութեան կից ասվում է Արևադաշն ամեն օր (բացի տէրունական օրերից): Բոլոր պաս օրերին՝ երգերն էլ հետը. իսկ սրբոց տօներին առանց երգերի:

Արևադաշից յետոյ ծնկաչոք Տէր ողորմեա, որ սկսվում է երեք տուն շարականով: Պաս օրերին Գ. Սուրբ Աստուած Հայր անսկիզբն: Իսկ սրբոց տօներին Գ. Սուրբ ես Տէր և ի սուրբս հանգուցեալ: Ապա տէր ողորմեա. ապա
1. Արի Աստուած, հարցն մերոց. 2. Միջնորդութեամբ.
3. Զի գետացաք. 4. Արդ անկանիմք: Զօրեքչաբթի պաս օրերին 3 և 4 տների փոխանակ — Աստուածածին անհարսնացեալ և Բանին կենաց: Իսկ պաս ուրբաթ օրերին գովեալ ես դու փայտ փրկութեան և Իողան ի քէն գունդք խաւարին: Տէր ողորմեայից յետոյ եւ վասն սրբուհւոյ: Սուրբ զաստուածածինն: Ընկալ Տէր, Հայր մեր: Օրհնեալք եղերուք:

Ծանօթութիւն: Ինչ օր պատարագ է լինելու, արևա-

գալից յետոյ ծնկաչոք Տէր ողորմեա չկայ: Ժամն արձակ-
վում է, իսկ պատարագիչն և մի սարկաւազ քաղում են
երեք ողորմեայի կարգը և վերջը հանգստեան ասում:

* * *

Ճաշու ժամից առաջ ասվում է մի կանոն սաղմոս
աւուր ձայնի համեմատ հետեւեալ կարգով:

ԱԶ. Տէր ապաւէն ԳԶ. Երկինք պատմեն

ԱԿ. Խոստովան ԳԿ. Մի նախանձիր

ԲԶ. Ի նեղութեան ԴԶ. Ողորմեա

ԲԿ. Երանեալ ԴԿ. Իբրև:

Ժանօթութիւն: Ա. Երկինք պատմեն և Տէր ապաւէն
միւսնոյն քարոզն ու աղօթքն ունեն (վասն ի գիշերի), ու-
րեմն այդ երկու կանոնից որ մէկը աւուր ձայնի կանոն
լինի, միւսն էլ ճաշու կանոնն է: Այդպէս էլ միւս կա-
նոնները:

Ժանօթութիւն: Բ. Ինչ որ որ պատարագ է լինելու
այլ ևս այդ սաղմոսը չէ ասվում, որովհետեւ պատարա-
գիչն արդէն ութ կանոնն էլ ասել է:

Ճաշու երեք ողորմեան մեծ քարոզներով ու աղօթք-
ներով ասվում է բոլոր պաս օրերին և վերջը հանգստեան
չէ ասվում: Իսկ առանց մեծ քարոզների ու աղօթքների
ասվում է բոլոր սրբոց և տէրունական տօներին (բացի
աւագ ուրբաթ օրից): Վերջում ասվում է և հանգստեան:

Ժանօթութիւն: Պատարագ օրերին առաջին ողորմեայից
յետոյ Առաջնորդեալ աղօթքը ասում է պատարագիչը ինքը
և մտնում է խորան զգեստաւորելու: Այդ է պատճառը,
որ առաւօտեան ժամի վերջում առանձին սարկաւազի
հետ Յ ողորմեան ասում է, որովհետեւ այժմ ներկայ լի-
նել ողորմեաներին անկարող է:

Երեք ողորմեայից կից ասվում է բուն ճաշուն: Այն
է, ժամամուտ. ճաշու շարական, Սուրբ Աստուած, Գիրք.
Աւետարան, Հաւատամք ևն. և կամ պատարագը: Յինանց
օրերին ճաշու գրքից առաջ ասվում է սաղմոս օրական
երեք փոխ տօնացուցի համեմատ:

* * *

Երեկոյեան ժամից առաջ, եթէ պատ օր է, ասվում է մի կանոն սաղմոս, սովորաբար «Ի նեղութեան» կանոնը. իսկ եթէ գիշերային կամ ճաշու ժամին այդ կանոնը ասվել է, այն ժամանակ մի ուրիշ կանոն է ասվում, որը նոյն օրը չէ ասվել:

Իսկ ամեն օր կարդացվում է Յայսմաւուր ամսաթւի համեմատ: Ապա շարական, Մարտիրոսաց ողորմեան աւուր ձայնից և նորա մեծացուցէն և խաչի մանկունք նոյն ձայնից: Մաղթանք, Աղաչեմ ողորմեաց, Տէր բարերար: Քարոզ Սուրբ ճգնաւորօքն, աղօթք, Պսակիչ սրբոց կամ Որ ընտրեցեր, նայելով թէ ո՞ր սուրբի ճառն է կարդացվել: (Իսկ այն օրերին, երբ տէրունական, տնօրէնութեան ճառ է, յայսմաւուրից յետոյ Հայր մեր, Անկանիմք կամ Առաջի պատուական): Ես առ Աստուած կարդացի:

Պսակիչ սրբոց կամ Որ ընտրեցեր աղօթքից յետոյ ասվում է Հայր մեր և հետևեալ մաղթանքը:

Յիշատակն արդարոց օրհնութեամբ եղիցի, մաքուր մաղթանօք և բարեխօսութեամբ սրբոցն, որոց այժմ զճառս և զպատմութիւնս երանելի վարուք և բարի մահուան նոցին ընթերցաք, Տէր Յիսուս, ընդ մեզ հաշտեցիս, և սրբոյ եկեղեցոյս (կամ անապատիս) յիշատակ ընծայողացն սիրով գթասցիս: Ես առ Աստուած կարդացի:

Մեծ պասին, երբ երեկոյեան ժամը կից է ասվում ճաշու ժամի հետ, ճաշու գրքի վերջում, «Ուղիղ եղիցին-ից» առաջ սաղմոս է ասվում մէկ փոխ տօնացուցի համեմատ:

*
* *

Երեկոյեան ժամին կից ասվում է ամեն օր խաղաղական ժամը: Բայց նայեա՛ց սիրով, երանեալ են ամբիժք, Ի քէն հայցեմք և ստեղի շարական միայն մեծ պասի օրերին են ասվում, առաջին շորեքշաբթի օրից սկսած:

Խաղաղական ժամի վերջում ծնկաչոք Տէր ողորմեա են երգում առաւօտեան ժամի կարգով:

Ծանօթութիւն: Տէրունական տօներին և շաբաթ երեկոներին խաղաղական ժամ և Տէր ողորմեա չկայ:

Ժանօթուծիւն, եթէ հետեւեալ օրը պատարագ է պատարագիչը սարկաւազի հետ գրակալի վերայ 5 կանոն սաղմոս է ասում: Երեկոյեան ժամից յետոյ:

*
* *


Հանգստեան ժամը եկեացէն է, եկեացէին Աւետարան կարդացում է օրական մի փոխ աւետարանից յաջորդաբար՝ մինչև գիրքը վերջանում է. վերջանալուց յետոյ նորից է սկսում Աւետարանի սկզբի փոխից:

Ժանօթուծիւն: Առաջաւորաց և մեծ պասի օրերին (Բացի շաբաթ և կիրակի) Աւետարան չէ կարդացում եկեացէին:

Նարեկի գլուխներից «Ընկալ քաղցրութեամբ» և «Աստուած յաւիտենական» է ասում թիւ. Հաւատով խոստովանիմը երկու հոգևով են ասում փոխ առ փոխ:

Ժամագրքում գրածից աւելի բան չէ ասում եկեացէին: Բայց եթէ կից է ասում հսկումների հետ այն ժամանակ Աւետարանի սաղմոսից (Ի կարգալ) առաջ երգում է երկու շարական ապաշխարութեան ԲԿ. Որ օրհնիս ի հրեշտակաց և Օրհնեմք զքեզ Տէր:

Եկեացէի ժամն արձակելիս Աւետարան չեն համբուրում: Չեն համբուրում նոյնպէս Առաջաւորաց և մեծ պասի օրերին բոլոր ժամերի վերջում:



ՄԱՍՆ Ա.

Գ Լ Խ Ա Կ Ա Ր Գ Ո Ի Թ Ի Ի Ն Ն Ե Ր

—Ա. Անապատական կեանքի սկզբնաւորութիւնը: Ռաքա-
քիմեանք: Եղիա մարգարէ: Յովհաննէս Մկրտիչ: Հետեանք.
1—10 Երես:

—Բ. Անապատականութեան սկիզբն քրիստոնեայ եկեղե-
ցում: Պաւղոս միայնակեաց և Անտոն անապատական. 10—19 Եր:

—Գ. Պախոմ՝ հիմնադիր վանքերի և վանական կեանքի:
Անապատականների հակումները: Կրօնաւորները որպէս զէնք
իրանց մեծաւորների ձեռքին: Կրօնաւորների մոլորութիւնները.
20—26 Երես:


—Դ. Կրօնաւորական և վանական կեանքի տարածուելը
Եգիպտոսի սահմանից դուրս՝ Պաղեստինում, Ասորիքում (Սի-
րիա), Հայաստանում և Պոնտական դաւառներում: Կրօնաւո-
րութեան այլափոխումն: Խոտաճարակներ (Воскн): Սիւնակեաց-
ներ: Գրի մէջ աքնողներ. 27—34 Երես:

—Ե. Ամփոխումն—Անապատականներ, Սկիտէ, Վանք և
Վանականներ: Այլափոխուած անապատականներ—խոտաճա-
րակներ, Սիւնակեացներ, Գրնեցիներ: Վանքերը որպէս անհրա-
ժեշտ հաստատութիւն: Աշխարհիկ հոգևորականութիւն: Հոգե-
ւորականների զգեստը—փիլոն և վեղար. 35—43 Երես:

—Զ. Մեծ Բարսեղի և Գրիգոր Աստուածաբանի կրթու-
թիւնը: Բարսեղը ուսումնասիրում է արևելքի կրօնաւորական
և անապատական կեանքը: Կա Պոնտոսում հիմնում է վանքեր
և Գրիգոր Աստուածաբանի հետ կրօնաւորական կեանք վարում:
Նրանց և վանականների զբաղմունքները: Անախորիտներ և կի-
նովիտներ: Վանական դաւաճու հրապոյրը ընդհանրապէս:
Բարսեղը Կեսարիայի արքեպիսկոպոս: Գրիգորի գծտութիւնը
Բարսեղից: Գրիգորը Կ. Պօլսում: Երկու մեծ բարեկամների ազ-
դեցութիւնը արևելեան եկեղեցում: Բարսեղի և Գրիգորի մահը.
44—54 Երես:

—Է. Հոգևորականների ամուրի լինելու խնդիրը: Եպիսկոպոսների ամուրիութիւնը արևելքում: Հոգևոր կեանքի կազմակերպութիւնը Գ. դարի վերջերում: Կանոններ կրօնաւորների մասին: Տրուլեան ժողով. 54—60 էրես:

—Ը. Աշխարհիկ հոգևորականների ամուսնութիւնը արևմուտքում: Կանոնիկներ և նրանց նոր նշանակութիւնը: Սիմոնականութիւն: Գրիգոր Է. պապի ջանքը Սիմոնականութիւնն ու հոգևորականների ամուսնութիւնը վերացնելու: Ամուրիութիւն—Յելիքադ: Տրիդենդեան ժողով: Հայ կաթողիկէ կեղեցի: Հռովմէական եկեղեցուց հերձուածները. 61—69 էրես:



ՄԱՍՆ Բ.

—Ա. Անապատականները ու վանականութիւնը Հայաստանում: Ոսկեանք և Սուքիասեանք: Եկեղեցական աւանդութիւնը նրանց մասին: Նրանց բնակութեան վայրերը—Ծաղկէոյ և Սուկաւ-Սուկաւէա լեռները: Ոսկեանց և Սուքիասեանց ժամանակի մասին տարակոյսներ: Ոսկեանց և Սուքիասեանց հաւանական ժամանակը: Ոսկեանց և Սուքիասեանց վիպաբանութիւն աւանդողները: Երբ էին ապրում Ոսկեանց և Սուքիասեանց ժամանակ յիշուած թագաւորները. 70—80 էրես:

—Բ. Վրաց վարք սրբոցները Սուքիասեանց մասին և պ. Ն. Մառի կարծիքը: Ոսկեանց և Սուքիասեանց վիպաբանութեան կազմուելու ժամանակը: Յովհաննէս կաթողիկոսը հետևող արդէն կազմուած վիպաբանութեան, Ոսկեանց և Սուքիասեանց մասին ենթադրութիւններ: Նախալուսաւորչեան նահատակներ—Արարատեան բիւր վիպք և Խոսրով Ա. ի ժամանակ նահատակուած քրիստոնեայք. Ս. Ոսկեանց և Սուքիասեանց առնչութիւնը սրանց հետ. 80—91 էրես:

—Գ. Կրկին Շապուհներ և Խոսրովներ: Ժամանակի և գործող անձերի շփոթութիւն: Գուլգ Ոսկեանք և Սուքիասեանք կոչուել են ս. Լուսաւորչի բերած յոյն և ասորի կրօնաւորներն ու նրանց հետևողները: Հալածանք քրիստոնէութեան դէմ Շապուհ Բ. ի օրով: Ոսկեանց և Սուքիասեանց մասին ժողովրդա-

կան այժմեան աւանդութեանը: Սուկաւէտի մասին կասկածները: Ս. Ոսկեանց և Սուքիասեանց մասին մեր կարծիքը. 92—100 էրես:

—Դ. Ս. Լուսաւորչի բերած Սերաստացի և ասորի կրօնաւորները: Ս. Դանիէլ ծերունի: Հայ կրօնաւորների անյիշատակ մնալը տօնուող սրբերի շարքում: Հայ կրօնաւորների համար կանոններ: Դ. դարում Հայաստանի կրօնաստանները: Ս. Լուսաւորչի և Տրդատ թագաւորի ճգնութեան վայրերը: Նւստասթէոս և իւր հետեւողները: Հայաստանի կրօնաւորների վարքը. 101—109 էրես:

—Ե. Հայ կրօնաւորութեան զեղծ կեանքը: Մեծն Ներսէս և Աշտիշատի ժողով: Կրօնաւորական հաստատութիւնների տեսակները: Աշտիշատի կանոնների աղբիւրը: Ներսէսի բարեկարգութեան հետեւանքները: Մագուման հայ կրօնաւորութեան ըստ Յ. Թօփչեանի: Աստուածապաշտութեան ժամերը. 109—115 էր:

—Զ. Մինչև Ե. դարի ք. կէսը եպիսկոպոսները ամուսնացած էին: Յեղափոխութիւն աշխարհիկ հոգևորականութեան կեանքում: Ամուրի եպիսկոպոսների վանքերում հաստատուելու պատճառները:—Վաղարշապատի կաթողիկէն և Սուրենայ անապատը: Հայ կրօնաւորութիւնը ըստ Ղազարի: Կրօնաւորութեան անկումն բարոյապէս: Լաւ կրօնաւորութիւն ի դէմս Թաթլոյ և նրա խրատը. 116—130:

—Է. Թանաճատի վանք և Սիւնեաց աշխարհի կրօնաւորութիւնը: Սեանի անապատ: Տաթլի մօտի անապատը: Մաքինոցաց և Թեղինեաց անապատները: Վանականութեան և կրօնաւորութեան անկումն: Կրօնաւորների մասին կանոններ: Ամփոփումն. 130—139:

Յ Ա Ի Ե Լ Ո Ի Ս Ծ

—Ա. Սեանայ կրօնաւորական կեանքը. 140—143 էրես:

—Բ. Սեանայ ժամերգութեան կարգը. 143—153:



U.S. O new
LH



886

0027639

886

